


G. C. Courtois & Morel,
B. A.

Engraved title
+ 4 plates


250 -





A PARIS
De l'Imprimerie, de MICHEL BLAGEART, au coing de la
rue Dauphine, au bout du pont neuf 1645.

P. Bertranden





AV LECTEUR.

E Ntre un grand nombre de tesmoignages pour la recommandation de ce Livre, nous en rapporterons seulement deux ou trois plus remarquables.

Loüis Gonzales de la Compagnie de I E S V S, aux Actes de saint Ignace, fondateur de cette Compagnie, lesquels se gardent escrits en la maison de la mesme Compagnie à Rome, dit que ce saint Pere auoit coustume de lire tous les jours au matin un Chapitre du livre de Jean Gerson par l'Ordre des Cha

AV LECTEUR.

pitres selon qu'ils sont disposez, & apres le disner & à autres heures, il auoit coustume d'en lire vn autre Chapitre, tel qu'il luy arriuoit fortuitement, & à l'ouuerture du liure il y trouuoit tousiours quelque matiere accōmodée à l'estat de son ame, selon ce que ce Bien heureux Pere auoit lors imprimé en l'esprit. Et ce liure luy estoit si familier, qu'en ses mœurs, paroles, mouuemens; En fin en toutes ses actions, il representoit tres parfaitement les enseignemens d'iceluy: En sorte que ceux qui conuersoient ordinairement avec ce Bienheureux Pere, recognoissoient en sa vie l'expression d'une viue Image du Liure de l'Imitation de Jesus-Christ, duquel il reCOMMANDOIT la lecture à tous ceux avec lesquels il traittoit.

AV LECTEUR.

Le Pere Henry Sommalius de la
mesme Compagnie, en l'Epistre à
Leonard Betēnius Abbé de Saint
Trudon, dit la dignité de ce Liure,
par laquelle il a esté approuué de
tous en toutes Prouinces; appert au
moins par là, qu'apres la sainte Es-
criture, il n'y en a point qui ait esté
imprimé si souuent: nul tant desiré
Et tant leu de tous, grands, moyens
Et petits, nul qui ait esté traduit en
tant de sortes de langues, Et approu-
ué par le jugemēt de tous. Je rapor-
teray icy ce qui pourroit sembler in-
croyable, s'il n'estoit appuyé sur des
tesmoignages de grāds poids. Vn des
Peres de nostre Cōpagnie estant il y a
enuiron dix-huict ans allé en Arger
porter le prix de la Redemption de
quelques Captifs: le Roy d' Arger qui
auoit autre fois esté Chrestien, le

AV LECTEUR.

mena en sa Bibliothecque, meublée d'un grand nombre de liures; il luy bailla là plusieurs liures à lire, & entr' autres, le Liure de l' Imitation de Jesus-Christ, traduit en langue Turquesque, & luy dit qu' il prisoit plus ce seul Liure là, que tous les autres Liures des Mahometans.

Le tres-illustre Cardinal Bellarmín au Liure qu' il a fait des Escriuains Ecclesiastiques, parlant de ce Liure au nom de Jean Gerson, dit.

De qui que soit ce Liure, c'est une œuvre tres-utile, & à bon droit receu en l'Eglise par un grand consentement de tous; souvent leu & traduit en toutes les langues. Quant est de moy, j'ay des ma jeunesse, & jusques à ma vieillesse fucilleté & refucilleté fort souvent

AV LECTEUR.

*Ce Liure : Il m'a tousiours paru
nouveau, & encores à present mon
cœur le gouste merueilleusement.*

Ce Liure part sans Epigraphe,
Sans procez de son vray Auteur,
Car à I E S V S seul tout l'honneur,
En est deu son vray Authographe.





LIVRE PREMIER
DE L'IMITATION
DE NOSTRE SEIGNEVR
IESVS-CHRIST : & *du mespris de*
toutes les vanitez du monde.

CHAPITRE PREMIER.

CELUY qui me suit, ne che-
mine pas en tenebres, dit
nostre Seigneur. Ces pa-
roles sont de Iesus-Christ,
qui par icelles nous admoneste d'i-
miter sa vie & ses mœurs, si nous
desirons d'estre vraiment illumi-
nez & deliurez de tout aueugle-

A

2 *De l'Imitation de Iesus-Christ,*

ment d'esprit. Toute nostre estude soit donc de mediter en la vie de Iesus-Christ.

2. La doctrine de Iesus-Christ excelle par dessus la doctrine de tous les Saincts : & si quelqu'un auoit son Esprit, il y trouueroit la manne cachée. Mais il aduient à plusieurs, qu'encore qu'il entendent souuent reciter l'Euangile, ils sentent peu de desirs, pource qu'ils n'ont pas l'esprit de Iesus-Christ. Et quiconque veut pleinement & sauourement entendre les paroles de Iesus-Christ, il faut qu'il traueille de conformer toute sa vie à la sienne.

3. Que vous sert de disputer hautement de la Trinité, si vous estes sans humilité, dont vous déplaidez à la Trinité? Ce ne sont pas vraiment les paroles hautes & esleuées

qui rendent l'hōme sainct & juste.
Mais c'est la vie heureuse qui rend
l'homme agreable à Dieu. J'ayme
mieux sentir la componction, que
d'en sçauoir la definition. Si vous
sçauiez toute la Bible, & toutes les
Sentēces des Philosophes, que vous
profiteroit tout cela sans la charité
& sans la grace ? Vanité des vani-
tez, & tout est vanité, horsmis ay-
mer Dieu & seruir à luy seul. La
souveraine sapience est de tendre
au Royaume celeste par le mespris
du monde.

4. C'est doncques vanité de cher-
cher les richesses perissables, &
d'esperer en icelles. C'est vanité de
courir apres les honneurs & s'esle-
uer en vn haut estat. C'est vanité
de suiure les desirs de la chair, &
desirer ce dōt par après on est grief-

4 *De l'Imitation de Iesus-Christ.*

uement puny. C'est vanité d'esperer, ou desirer longue vie, & d'auoir peu de soin de la bonne vie. C'est vanité de penser seulement à la vie presente, & ne preuoir point les choses qui doiuent aduenir. C'est vanité d'aymer ce qui passe si viftement, & n'auoir point de haste d'aller où la joye est eternelle.

5. Souuenez-vous souuent de ce Prouerbe, Que l'œil ne se saoule point de voir, ny l'oreille d'ouyr. Essayez donc de destourner vostre cœur de l'amour des choses visibles, & de vous adonner aux inuisibles. Car ceux qui suiuent leur sensualité, souillent leur conscience, & perdent la grace de Dieu.

*D'AVOIR VN HVMBLE
sentiment de soy-mesme.*

CHAPITRE II.

TOVS les hommes desirent naturellement de sçauoir, mais qu'importe la science sans la crainte de Dieu? vn humble païsan qui sert Dieu, est certainement meilleur qu'un Philosophe superbe, qui se negligean^t soy-mesme, s'arreste à considerer le cours des Cieux. Celuy qui se connoist bien, est vil à ses propres yeux, & ne se delecte pas aux loüanges humaines. Si j'auois la science de toutes les choses qui sont au monde, & que je ne fusse point en charité, que me seruiroit-il deuant Dieu qui me doit juger par mes œuures?

A iij

2. Quittez ce desir excessif de sçauoir , car il y a là beaucoup de distractiō & de tromperie. Ceux qui sçauent , desirent volontiers d'estre veus & reputez sçauās. Il y a beaucoup de choses dont la science ne sert guere, ou point du tout à l'ame. Et celuy-là est fort mal aduisé qui s'occupe à d'autres choses qu'à celles qui seruent à son salut. La multitude des paroles ne rassasie pas l'ame, mais la bonne vie réjouit l'esprit, & la conscience pure apporte vne grande confiance en Dieu.

3. Plus vous estes sçauant , & plus vous sçauiez de bien , vous en serez condamné plus griefuemēt, si vous ne vivez plus sainctement. Ne vous esleuez point dōcques pour aucun art ou science que vous ayez , mais plustost ayez crainte à raison de la

connoissance qui vous a esté donnée. Mais il vous semble que vous sçavez beaucoup de choses & auez quelque intelligence ; sçachez que les choses que vous ignorez sont encores en plus grand nombre. Ne faiçtes plus le sçauant des choses hautes , mais confessez d'autāt plus vostre ignorāce. Pourquoi voulez-vous vous preferer à quelqu'un, veu qu'il s'en trouue plusieurs plus doctes & plus experts en la loy de Dieu que vous ? Si vous voulez sçauoir & apprendre quelque chose vtilemēt, plaidez-vous d'estre inconnu, & de n'estre compté pour rien.

4. C'est vne tres-haute & tres-veritable leçon, que d'auoir vne vraye cōnoissance & mespris de soy. N'estimer rien de soy , & penser tousiours bien & dignement des au-

8 *De l'Imitation de Iesus-Christ.*

tres, c'est vne science & perfection bien grande.

5. Quand bien vous verriez quelqu'un pecher manifestement & commettre quelques griefues fautes, vous ne deuez pas toutesfois vous estimer meilleur que luy : car vous ne sçauiez pas combien de temps vous pourrez demeurer en bon estat. Nous sommes tous fragiles, mais vous ne deuez estimer personne plus fragile que vous.

De la doctrine de verité.

C H A P I T R E III.

Bien-heureux celuy que la verité enseigne par soy-mesme, non par figures & voix passageres, & se monstre telle qu'elle est. Nostre opinion & nostre sens nous trōpent bien souuent, & ne voyent

guere clair. Que nous-fert-il de rechercher subtilement les choses occultes & obscures ? nous ne serons pas repris au jour du Jugement de les auoir ignorées. C'est vne grande folie de nous occuper de nostre plein gré aux choses curieuses & dommageables, negligiant, celles qui sont vtils & nécessaires. Nous auons des yeux, & ne voyōs goutte.

2. Qu'auons-nous à faire des genres, & des especes ? Celuy à qui le Verbe eternal parle, se deliure de beaucoup d'opinions. Toutes choses procedent du Verbe, & toutes choses nous en annoncent vne seule : & c'est le principe lequel parle à nous. Personne n'entend, ny juge droictement sans luy. Celuy à qui toutes choses sont vne, qui r'appelle toutes choses à vne, &

voit toutes choses en vne , peut bien estre stable en son cœur , & demeurer paisible en Dieu. O Dieu de verité, faites que ie sois vn avec vo' en perpetuelle charité. Il m'en-nye souuent de lire & d'oüir plusieurs choses , en vous est tout ce que ie veux & desire. Que tous les Docteurs, que toutes les creatures se taisent en vostre presence , vous seul parlez à moy.

3. D'autant plus que la personne est vníe & interieuremēt simplifiée, d'autant plus de choses & plus hautes entendra-elle sans peine, pource qu'elle reçoit d'enhaut la lumiere d'intelligence. L'esprit pur, simple & stable , n'est point dissipé par la multitude des œuures, pource qu'il opere toutes choses à l'honneur de Dieu , & s'efforce d'estre vuide en

soy-même de toute propre recherche. Qu'est-ce qui vous empêche & moleste davantage que l'affection immortifiée de vostre cœur? l'homme de bien & deuot dispose premierement en son interieur les œuures qu'il doit faire en l'exterieur, & ses œuures ne le font pas tōber dans les desirs d'une inclination vicieuse, mais luy au contraire les ploye & conduit selon le iugement de la droite raison. Qui est-ce qui a plus à combattre que celui qui essaye de se vaincre soy-mesme? Ce déuroit estre là nôtre affaire, de nous vaincre nous-mesme, nous rendre tous les jours plus forts que nous-mesmes, & deuenir meilleurs.

4. Toute la perfection en cette vie est conjoincte à quelque imperfection, & toute nostre speculation

n'est pas sans quelque obscurité. L'humble connoissance de soy-mesme est vne voye bien plus certaine pour aller à Dieu, qu'une profonde recherche de la sciēce. Il ne faut pas blasmer la sciēce ou quelque connoissance que ce soit des choses, laquelle considérée en soy, est bonne & ordonnée de Dieu, mais il faut toujourns preferer la bōne science & la vie vertueuse. Mais pource que plusieurs desirent davantage de sçauoir, que de bien viure; c'est pour cela que bien souuēt ils se trōpent, & qu'ils ne font point de profit, ou bien peu.

5. O si les hōmes apportoint autant de diligence à déraciner les vices & planter les vertus, comme ils font à remuer des questions curieuses, il n'y auroit pas tant de maux

& de scâdales parmy le peuple, ny
 tant de relâche dâs les Monasteres.
 Certainement quand le iour du Ju-
 gement sera venu, on ne nous de-
 mandera pas ce que nous auõs leu,
 mais ce que nous auons fait : ny si
 nous auons beaucoup appris, mais
 si nous auons vécu religieusement.
 Dites-moy, où sont tous ces mai-
 stres que vous auez cõnu lors qu'ils
 viuoient & florissoient parmy les
 estudes? A present il y en a d'autres
 qui jouïssent de leurs gages, & je
 ne sçay pas s'ils pensent en eux.
 Pendât leur vie ils sembloient estre
 quelque chose, & maintenant per-
 sonne ne parle d'eux.

6. O combien tost passe la gloire
 du monde! Pleust à Dieu que leur
 vie eût correspondu à leur science:
 ce seroit lors qu'ils auroient bien

14 *De l'imitation de Iesus-Christ.*

estudié & bien leu. Combien grãd nombre de personnes se perdent en ce monde par les sciences vaines, ayãs peu de soin du seruice de Dieu? Et pource qu'ils aymēt mieux estre grands, qu'humbles, ils se perdent en leurs pensées. Celuy-là est vrayement grand, qui est petit à ses yeux, & ne fait aucun estat de tous les combles d'honneurs. Celuy-là est vrayement prudent, qui tient comme fumier toutes les choses de la terre pour gagner Iesus-Christ. Et celuy-là est veritablement bien docte qui fait la volonté de Dieu & renonce à la sienne.

De la prudence aux actions.

CHAPITRE IIII.

IL ne faut pas croire à toute parole, ny à ce que juge la multi-

tude, mais il faut prudemment & à loisir peser ces choses selon Dieu. Helas! souuent nous croyons & disons d'autrui plus facilement le mal que le bien, tant nous sommes infirmes: mais les hommes parfaits ne croient pas facilement tous ceux qui rapportent quelque chose: car ils sçauent bien que l'infirmité de l'homme est encline au mal, legere à parler, & foible à s'en garder.

2. C'est vne grande sagesse de n'estre pas precipité en ce que l'on doit faire, & ne s'arrester pas opiniastrement en son propre sens. C'est aussi sagesse de ne croire pas toute sorte de paroles des hommes; & si l'on a entendu & creu quelque chose, ne le redire pas promptement aux autres. Prenez conseil avec vn hōme sage & consciencieux, & cherchez

plûtost d'estre instruit par ceux qui sont meilleurs que vous, que de suivre vos aduis & inuentions. La bõne vie fait l'homme sage selõ Dieu, & luy donne experience de beaucoup de choses. Tant plus que l'homme est humble en soy, & soumis à Dieu, d'autant plus est-il sage & tranquille en toutes choses.

De la lecture des Escritures.

CHAPITRE V.

IL faut chercher la verité dans l'Escriture Saincte, & non pas l'eloquence. Toute la saincte Escriture doit estre leuë avec le mesme esprit avec lequel elle a esté faite : nous deuons plustost chercher le profit & vtilité dans l'Escriture, que la subtilité du discours:
nous

nous deuons lire les liures deuots & simples, tout ainsi que nous faisons ceux qui sont hauts & profonds. Ne vous arrestez point à considerer l'autorité de celuy qui les a faits; sçauoir s'il auoit peu, ou beaucoup de doctrine, mais soyez attiré à les lire par l'amour de la pure verité. Ne vous enquerez point, qui est-ce qui a escrit ce que vous lisez, mais prenez garde à ce qu'il dit.

2. Les hommes passent, mais la verité de nostre Seigneur demeure eternellement. Dieu parle à nous en diuerses manieres sans acception de persōnes. Nostre curiosité nous empêche souuent en la lecture des Escritures sainctes, lors que nous voulons entendre & esplucher ce qu'il faudroit passer simplement.

Si vous voulez en tirer du profit & de la perfection, lisez humblemēt, simplement & fidellemēt, & n'ayez point dēsein d'estre estimé sçauant. Interrogez volontiers, escoutez en silence les paroles des Saincts, & que les paraboles des anciens ne vous soient pas déplaissantes, car elles ne sont pas dites sans cause.

Des affections desordonnées.

CHAPITRE VI.

Toutes & quantesfois que l'homme apperte desordonnément quelque chose, tout aussitost il a de l'inquietude en soy. Le superbe & l'auaricieux n'ont jamais de repos. Le pauvre & humble d'esprit conuersent en vne abondance de paix. L'homme qui n'est

point encores parfaictement mort en foy, est aisément tenté & surmonté en choses petites & viles. Celuy qui a l'esprit foible, qui est aucunement charnel & enclin aux choses sensibles, peut difficilement se separer tout à fait des desirs terrestres, & pour cela il a de la tristesse quand il s'en separe, & s'indigne facilement si quelqu'un luy resiste.

2. Mais s'il obtient ce qu'il desire, aussi-tost les remords de la conscience le presse, pource qu'il a fuiuy sa passion, laquelle ne luy apporte rien pour la paix & repos qu'il cherchoit. C'est donc en resistant aux passions que l'on trouue la vraye paix du cœur, & non pas en leur obeissant. La paix n'est pas au cœur de l'homme charnel, ny en celuy qui est adonné aux choses

20 De l'Imitation de Jesus-Christ.

exterieures , mais en celuy qui est spirituel avec ferueur.

*Comme l'on doit fuir la vaine
esperance & l'orgueil.*

CHAPITRE VII.

Celuy-là est vain qui met son esperance aux hommes ou aux creatures. N'ayez point de honte de seruir aux autres pour l'amour de Iesus-Christ , & de paroistre pauvre en ce monde. Ne vous appuyez point sur vous-mesme , mais mettez vostre esperance en Dieu. Faites ce qui est en vous , & Dieu assistera vostre bonne volonté. Ne vous fiez point en vostre sçauoir , ni en l'industrie d'aucun , mais plutôt en la grace de Dieu , qui aide aux humbles , & humilie ceux qui presument de foy.

2. Ne vous glorifiez pas aux richesses si vous en avez , ny en vos amis , pource qu'ils sont puissans ; mais en Dieu qui donne toutes choses & desire se dōner soy-mesme par dessus tout. Ne vous éleuez point pour la grandeur ou beauté du corps , qu'une petite maladie peut perdre & défigurer. Ne vous complaisez point en vostre habileté ou esprit , de peur que vous ne déplaisiez à Dieu , à qui est tout ce que vous avez de bon par nature.

3. Ne vous estimez pas meilleur que les autres, de peur que vous ne soyez trouué pire qu'eux devant Dieu , lequel sçait ce qui est en l'homme. Ne vous énorgueillissez pas à raison de vos œuvres , car les jugemens de Dieu sont differens de ceux des hommes , & souuent luy

22 *De l'Imitation de Iesus-Christ.*

déplaist ce que les hommes estimēt:
Si vous auez quelque chose de bon,
ayez meilleure opinion des autres,
afin de conseruer l'humilité. Il ne
vous nuit point de vous soumettre
aux hōmes, mais il vous nuit beau-
coup de vous preferer mesme à vn
seul. La paix continuelle est avec
l'humble, mais au cœur du super-
be l'enuie & l'indignation y sont
frequentes.

*Qu'il faut éviter la trop grande
familiarité.*

CHAPITRE VIII.

NE reuelez pas à toutes per-
sonnes ce qui est en vostre
cœur, mais traitez vos affaires a-
uec vn homme sage & craignant
Dieu. Trouuez-vous raremēt avec

les jeunes & ceux de dehors. Ne flattez point les riches, & ne vous trouuez pas volontiers en la presence des Grands. Accompagnez-vous des humbles & des simples, des personnes deuotieuses & de bōnes mœurs, & traitez des choses qui sont d'edification. Ne vous rendez familier avec aucune femme, en general, recommandez à Dieu toutes les femmes vertueuses. Souhaitez la familiarité de Dieu seul & de ses Anges, & éuitéz la connoissance des hommes.

2. Il faut auoir la charité enuers tous, mais il n'est pas expediēt d'estre familier à tous. Il arriue quelquefois qu'une personne inconnuë reluit par vne bonne renommée, laquelle toutesfois estant presente ne contente pas ceux qui la regar-

dent. Nous pensons quelquesfois plaire aux autres par nostre cōversation, & c'est par où nous commençons à leur desplaire, à cause des mauuaises mœurs qu'ils remarquent en nous.

De l'obeissance & subjection.

CHAPITRE IX.

C'Est vne chose tres-grande d'estre souz l'obeissance, viure souz vn Prelat & Superieur, & n'estre pas maistre de soy-mesme. Il est beaucoup plus assure d'estre en subjection qu'en prelatüre & superiorité. Plusieurs sont souz l'obedience plutôt par necessité que par charité, & ceux-là ont de la peine & murmurent facilement, & n'acquerront point la liberté de

l'esprit s'ils ne se soumettent de tout leur cœur pour l'amour de Dieu. Allez ailleurs ou demeurez là, vous ne trouverez jamais repos, sinon en l'humble subjection sous le gouvernement d'un Prelat & Supérieur. L'imagination & changement des lieux a trompé plusieurs personnes.

2. Il est vray qu'un chacun fait plus librement ce qui est selon son sens, & est plus enclin à ceux qui ont mesme sentiment que luy. Mais si Dieu est parmy nous, il est nécessaire que nous quittions quelquefois nostre sens pour le bien de la paix. Il n'y a personne si sçauant qui puisse sçauoir toutes choses pleinement. Ne vous confiez donc pas trop en vostre sens, mais écoutez volontiers le sens des autres. Si

vostre aduis est bon , & vous le quittez pour l'amour de Dieu & suiuez celui d'un autre , vous en profiterez dauantage.

3. Car j'ay souuentefois entendu qu'il est plus asseuré d'ouïr & recevoir conseil, que de le dōner. Il peut aussi arriuer que le sens de l'un & de l'autre soit bon ; mais ne vouloir pas acquiescer au sens d'autrui lors que la raison ou quelque occasion le requiert , c'est signe d'orgueil ou d'opiniaistreté.

Qu'il se faut garder de la superfluité des paroles.

CHAPITRE X.

E Vitez le bruit des hommes autant que vous pourrez , car s'entremesler des affaires seculieres

apporte beaucoup d'empeschemēt, encores que l'on le fasse avec intention simple, pource que nous sommes biē-toſt ſouillez & faits captifs de la vanité, je ſouhaiterois de m'eſtre teu pluſieurs fois, & n'auoir point eſté en compagnie. Mais d'oū vient que nous parlons & deuifons enſemble ſi volōtiers, veu que nous ne rentrons quaſi jamais au ſilence que nous ne reſſentions auoir bleſſé noſtre conſciēce en quelque choſe? Nous parlons ainſi volōtiers, pource que nous cherchons de la conſolation par ces mutuels entretiens de l'un avec l'autre, & deſirons de ſoulager noſtre cœur laſſé de diuerſes penſées: C'eſt pourquoy nous parlons & penſons plus volontiers des choſes que nous aimons ou deſirōs beaucoup, ou auſquelles nous

sentons de la contrariété.

2. Mais hélas ! c'est bien souuent inutilement & en vain que nous le faisons. Car ceste consolation extérieure n'apporte pas peu de prejudice à la consolation diuine & intérieure. Pour cela il faut veiller & prier de peur que nostre temps ne s'écoule en oisueté. S'il est permis & expedient de parler , parlez des choses qui sont d'edification. Le mauuais vsage & le peu de soin que nous auons de nostre aduancement, est en grande partie cause de la mauuaise garde de nostre lāgue, & toutesfois la communication deuote des choses spirituelles aide beaucoup au profit de l'ame , specialement lors que les personnes conformes d'affection & d'esprit s'associent les vns avec les autres en Dieu.

*D'acquérir la paix; & du zele de
son amendement.*

CHAPITRE XI.

NOUS pourrions auoir vne grande paix, si nous vouliõs ne nous point embrouïller des paroles & actions d'autrui, & desquelles nous n'auons que faire. Cõment peut demeurer long-temps en paix celuy qui s'entremesle des affaires d'autrui, qui cherche hors de soy des occasions, qui se recueille peu ou rarement. Bien-heureux sont les simples, car ils auront vne grande paix.

2. Pourquoi est-ce que quelques Saincts sont paruenus à estre si parfaits & si contemplatifs? Pource qu'ils se sont estudiez à mortifier

entierement tous les desirs de la terre, & pour cela ils ont eu le pouuoir de s'attacher à Dieu du fonds de leur cœur, & vacquer librement à foy. Nous sommes trop preoccupez de nos propres passiōs, & nous tourmentons trop des choses qui ne font que passer. Aussi aduient-il raremēt que nous vainquions parfaictement quelque vice que ce soit. Nous ne trauaillons point avec ardeur à profiter journellement, & pour cela nous demeurons froids & tiedes.

3. Si nous estions parfaictement morts à nous-mesmes, & n'estions point embarrassez en nostre interieur, nous pourrions auoir le goust des choses diuines, & experimēter quelque chose de la contemplation celeste. Tout l'empeschement que

nous y auons (& qui est tres-grād)
c'est que nous ne sommes pas des-
poüillez de passiōs & de conuoiti-
ses , & ne nous efforçons point de
cheminer par la voye parfaicte des
Saints. Lors aussi qu'ils nous arriue
quelque aduersité , nous sommes
trop tost abbatus , & nous allons
chercher les cōsolations humaines.

4. Si nous nous efforcions de per-
sister au cōbat comme il appartient
à des hommes de courage , certai-
nement nous verrions venir du Ciel
sur nous le secours de Dieu : Car il
est tout prest d'aider & secourir
ceux qui combattent & qui esperēt
en sa grace. Celuy qui nous procure
des occasions de combattre , afin
que nous vainquions. Si nous ne
mettons l'aduancement de la Reli-
gion qu'en ces obseruances exte-

rieures , nostre deuotion prendra bien-toft fin. Mais il faut mettre la coignée à la racine , afin qu'estant purgez & despoüillez de nos passions , nous possedions vn esprit tranquille.

5. Si seulement nous extirpons & déracinions tous les ans vn vice , nous deuiendrions bien-toft hommes parfaicts. Mais à present nous ressentons souuent le contraire , & trouuons que nous estiōs meilleurs & plus purs au commencement de nostre entrée en religion , qu'apres plusieurs années de la profession. Nostre ferueur & aduancement déuroit croistre tous les jours , & maintenāt il semble que c'est beaucoup quand quelqu'un peut retenir vne partie de sa premiere ferueur. Si nous nous faisons vn peu de violence

violence au commencement, nous pourrions par apres faire toutes choses avec facilité & joye.

6. Il est fascheux & penible de laisser ce que l'on a accoustumé, & est encore plus fascheux de faire contre sa propre volonté. Mais si vous ne surmontez les choses petites & legeres, quand est-ce que vous surmonterez les plus difficiles? Resistez dès le commencement à vostre inclination, & oubliez la mauuaise coustume, de peur que peu à peu elle ne vous engage à de plus grandes difficultez. O si vous connoissiez combien vous obtiendriez de paix pour vous, & donneriez de joye aux autres en vous conduisant bien, j'estime que vous seriez plus soigneux de vostre profit spirituel.

Du profit des aduersitez.

CHAPITRE XII.

IL nous est bon d'auoir par fois quelques fascheries & contrariez, parce qu'elles font souuēt rentrer l'homme en soy-mesme pour connoistre qu'il est en exil, & ne mettre son esperance en aucune chose du monde. Il nous est bon d'auoir quelquesfois des personnes qui nous contredisent, & que l'on pense du mal & de l'imperfection de nous, encores que nous fassions bien & ayons bōne intention. C'est choses-là nous aident souuent à acquerir l'humilité, & nous defendēt de la vaine gloire. Pource qu'alors que nous sommes mesprizez par les hommes, & que l'on n'a pas beaucoup de creance en nous,

nous auons plus de recours à Dieu pour cheminer en forte , que nous le puissions auoir pour tefmoin de nostre conscience.

2. Pour cela l'homme se déuroit affermir entierement en Dieu , afin qu'il n'eust point besoin de chercher tant de consolations humaines. Alors que l'homme qui a la volonté bonne , est en tribulation, qu'il est tenté ou tourmenté de mauuaises pensées , il reconnoist que Dieu luy est plus necessaire, connoissant que sans luy il ne peut aucune chose de bon. Lors aussi il s'attriste , il gemit & prie à cause des miseres qu'il souffre. Lors il luy ennuye de viure plus long-temps & desire la mort, afin qu'estant deliuré du corps il puisse estre avec Iesus-Christ , Car il connoist bien

36 *De l'Imitation de Iesus-Christ.*

lors, que la parfaite assurance & la pleine paix ne se peut pas trouuer au monde.

De la resistance aux tentations.

CHAPITRE XIII.

TAnt que nous viuons au monde nous ne pouuons estre sans tentation. C'est pourquoy il est dit en Iob : La vie de l'homme sur la terre c'est tentation. Pour ce chacun doit prendre soigneusement garde aux tentations qu'il a , veiller en prieres , de peur que le diable ne trouue l'occasion de le deceuoir : car il ne dort jamais , mais tournoye cherchant qui deuorer. Il n'y a personne si parfaite ny si sainte qui n'ait quelquesfois des tentations, & ne pouuons pas en estre entierement exempts.

2. Mais il arriue souuent que les tentations sont fort vtilles aux hommes, encores qu'elles soient ennuyeuses & fascheuses, pource que par icelles l'homme est humilié, purgé & enseigné. Tous les Saincts ont passé par plusieurs tribulations & tentations, & s'y sont aduācez. Et ceux qui n'ont peu bien porter les tentations ont esté reprouuez & sont tombez. Il n'y a point d'ordre si sainct ny de lieu si secret, où il n'y ait des tentations & des aduersitez.

3. Il n'y a point d'homme entierement exempts de tentations tant qu'il est en vie: car de ce que nous sommes nez avec la concupiscence, la source de tentations est en nous. Aussi-tost que nous sommes deliurez d'une tentation ou d'une tribulation, il en suruint vn autre, &

auons tousiours quelque chose à souffrir. Car nous auons perdu le bon-heur de nostre premier estat. Plusieurs taschēt de fuir les tentations, & y tombēt plus griefuemēt. Nous ne pouuons pas vaincre par la seule fuitte, mais par la patience & la vraye humilité nous deuenons plus forts que tous nos ennemis.

4. Celuy qui éuite seulement les occasions exterieures des tentations & n'en arrache pas la racine, ne s'aduancera pas beaucoup: au contraire, les tentations luy en viendront plustost & s'en trouuera plus mal. Vous surmonterez mieux les tentations (avec l'ayde de Dieu) peu à peu par patience & longanimité, que par l'effort & trauail de vos propres forces. Prenez souuent conseil lors que vous estes en ten-

tation, & ne traittez pas rudement ceux qui y font, mais donnez leur consolation comme vous voudriez que l'on vous fist.

5. Le commencement de toutes les mauuaises tentations, c'est l'inconstance de l'esprit & le peu de confiance en Dieu. Car tout ainsi qu'un nauire sans gouuernail est jeté çà & là par les flots, ainsi l'homme lasche qui laisse aisément ses bons propos est exposé à diuerses tentations. Le feu esprouue le fer, & la tētation l'homme juste. Nous ne sçauons bien souuēt ce que nous pouuons, & l'attention descouure ce que nous sommes. Il faut toutesfois veiller, principalement au commencement de la tentation, pource que lors l'ennemy vaincu, on ne luy permet pas seulement

d'entrer dans la porte de l'ame, mais tout aussi-tost qu'il frappe, on luy va au deuant hors le fueil d'icelle. C'est pourquoy il a esté dit, courez au remede dès le commencement, la medecine vient quelques-fois à tard : Car au commencement vne simple penséc se presente seulement à l'esprit, apres viēt vne forte imagination, puis suit la delectatiō, le mauuais mouuement, & puis le consentement. Ainsi peu à peu ce malin ennemy entre tout à fait en l'ame, lors que l'on ne luy resiste pas au commencement, & tant plus long-temps l'homme s'endormira à resister, tant plus deuiendra-il foible de jour en jour, & l'ennemy plus puissant enuers luy.

6. Aucuns endurent de plus facheuses tentations au commence-

ment de leur conuersion , aucuns à la fin , aucuns souffrent quasi tout le long de leur vie. Plusieurs y a qui ne sont pas beaucoup tentez , & tout cela est selon la sapiēce & l'équité de l'ordonnance diuine , laquelle balance l'estat & les merites des hommes , & préordonne toutes choses pour le salut de ses esleus.

7. Pource nous ne deuons pas perdre l'esperance lors que nous sommes tentez : mais au contraire, prier Dieu avec plus grande assurance, afin qu'il luy plaise nous aider en toutes nos tribulations , & comme dit S. Paul , Il nous fera tellement profiter par la tentation , que nous la pourrons bien porter. Humilions donc nos ames sous la main de Dieu en toutes tentations & tribulations , pource qu'il sauuera & ex-

haltera les humbles d'esprit.

8. Par les tentations & tribulations l'on esprouue combien l'homme a profité, il y a là plus de merite, & la vertu y paroist mieux. Ce n'est pas grande chose que l'homme soit deuot & feruent lors qu'il n'a rien de fascheux.

Mais si lors qu'il est en aduersité il se comporte patiemment, il y a esperance qu'il s'aduancera beaucoup. Aucuns sont preseruez contre les grandes tentations, & sont tous les jours surmontez par les petites, afin qu'ils soient humiliez, & qu'ils ne se confient pas en soy lors qu'ils ont de grandes tentations, veu qu'ils succombent en d'autres si petites.

Qu'il se faut garder du jugement temeraire.

CHAPITRE XIV.

R Etournez vos yeux sur vous-mesme , & gardez-vous de juger des actions d'autrui. A juger les autres , c'est trauailler en vain , on s'y trompe souuent, on y peche facilement ; à se juger soy-mesme & s'examiner , on y trauaille tous-jours à profit, selon que nous auons affection aux choses, ainsi souuent en jugeons-nous : car l'amour particulier fait que nous perdons aisément le vray jugement. Si nous auions touïours en nos desirs vne pure intention à Dieu , nous ne ferions pas si aisémēt troublez quand on resiste à nostre sens.

2. Mais il y a souuēt quelque chose ou cachée au dedans ou qui se rencontre au dehors , qui nous attire aussi. Plusieurs se cherchent secrettement en ce qu'ils font , & ne le cōnoissent pas. Il paroissent aussi estre bien en paix lors que les choses se font selon leur vouloir & sentiment : Mais si on fait autrement qu'ils ne desirent ; aussi-tost ils s'esmeuent & s'attristent. La diuersité du sens & des opinions est bien souuent cause de dissention entre les amis & citoyens , & entre les Religieux & personnes deuotes.

3. La coustume inueterée est malaisée à laisser , & persōne ne se laisse volontiers mener hors de ce que sa propre veuë luy monstre. Si vous vous appuyez dauantage sur vostre raison & vostre industrie , que sur

la vertu dépendance de Iesus-Christ, vous parviendrez rarement & tard à estre illuminé: Car Dieu veut que nous luy soyons parfaitement soumis, & que nous passions par dessus toute sorte de raison par vn amour enflammé.

Des œuvres faites par charité.

CHAPITRE XV.

IL ne faut faire aucun mal pour chose quelconque, ny pour l'amour d'aucun: mais quelquesfois il faut obmettre vne bonne œuvre pour l'utilité de ceux qui ont besoin, ou pour en faire vne meilleure: Car par ce moyen la bõne œuvre n'est pas destruite, mais changée en mieux. Sans la charité l'œuvre exterieure ne sert de rien, mais

ce qui se fait par charité, quoy que ce soit chose petite & vile, tout est rendu vtile. Pource que Dieu regarde bien dauantage la maniere, de laquelle l'homme fait ce qu'il fait, que combien il fait.

2. Celuy-là fait beaucoup qui aime beaucoup. Celuy-là fait beaucoup qui fait bien ce qu'il fait. Celuy-là fait beaucoup ou fait bien, qui sert plus à la communauté qu'à sa volonté. Souuent il semble que ce soit charité & c'est plûtoſt charnalité, pource que rarement les œuvres ſont exemptes d'inclination charnelle, de la propre volonté, d'eſperance, de tribulation & d'affection à noſtre commodité.

3. Celuy qui a vne vraye & parfaite charité ne ſe recherche en aucune choſe, & ne deſire ſinõ que la gloire

de Dieu se fasse en tout. Il ne porte enuie à personne : car il ne desire aucune joye particuliere , & ne se veut point réjouir en foy-mesme : mais il desire auoir contentement & felicité en Dieu par dessus tous les biens. Il n'attribuë aucun bien à personne, mais il le rapporte entierement à Dieu, duquel tous les biens procedēt originellement , & auquel tous les Saints se reposent avec jouissance cōme en leur fin. O qui auroit vne estincelle de la vraye charité : il connoistroit certainement que toutes les choses de la terre sont pleines de vanité.

*Qu'il faut supporter les defauts
d'autrui.*

CHAPITRE XVI.

L'Homme doit supporter patiemment les choses qu'il ne peut amender en soy, ou en autrui, jusques à ce que Dieu en ordonne autrement. Pensez que peut-estre cela est mieux ainsi pour vous esprouver & donner patience, sans laquelle ne faut pas faire grand cas de nos merites.

Vous devez toutesfois prier Dieu pour ces empeschemens que vous avez, afin qu'il luy plaise vous secourir, & que vous les puissiez porter doucement.

2. Si apres auoir admonesté vostre prochain vne fois ou deux, il n'y acquiesce,

acquiesce, ne contestez pas contre luy, mais remettez le tout à Dieu afin que sa volonté soit faite, & que tous ses seruiteurs soient honorez. Il sçait bien conuertir le mal en bien. Apprenez à supporter patiemment les défauts & infirmités d'autrui quelles qu'elles soient : Car vous mesme avez plusieurs choses qu'il faut que les autres supportent. Si vous ne pouuez vous rendre tel que vous voudriez, comment pourriez-vous former les autres à vostre bon plaisir ? Nous voudrions volontiers que tous les autres fussent parfaits, & toutesfois nous ne pouuons corriger nos propres défauts.

3. Nous desirons que les autres soient exactement corrigez, & nous-mesmes ne voulons pas estre corrigez. Il nous déplaist de ce que les autres

prennent vne grande licence , & toutesfois nous ne voulons pas que l'on nous refuse ce que nous demandons. Nous voulons restraindre les autres par les statuts , & nous ne voulons aucunement souffrir d'estre plus referrez. Cela nous fait voir combien c'est chose rare que l'on ayme son prochain comme soy-mesme. Si tout le monde estoit parfait , qu'aurions-nous à supporter d'autrui pour l'amour de Dieu ?

4. Mais maintenant Dieu en a ainsi ordonné, afin que nous apprenions à porter le fardeau les vns des autres. Car il n'y a personne sans defect, personne qui n'ait sa charge , personne ne suffit à soy-mesme , personne n'est assez sage pour soy, mais il faut que nous nous supportions l'un l'autre , que nous nous conso-

LIV. I. CHAP. XVII.

lions , aydions , instruisions & admonestions mutuellement. Or l'occasion des aduersitez fait beaucoup mieux paroistre combien il y a de vertu en chacun de nous : Car les occasions ne font pas l'homme fragile, mais elles font voir quel il est.

De la vie Monastique.

CHAPITRE XVII.

VOUS deuez apprédre à rompre vostre volōté en plusieurs choses, si vous voulez auoir paix & concorde avec les autres. Ce n'est pas peu de chose que demeurer és Monasteres ou en Congretion, & y conuerfer sans plainte ny contentiō, & perseuerer en fidelité jusques à la mort. Bien-heureux est celuy-là qui a bien vescu, & a finy heureusemēt.

52 *De l'Imitation de Iesus-Christ.*

Si vous voulez estre en vostre deuoir & profiter, faites estat que vous estes comme vn banny & pelerin sur la terre. Si vous voulez mener la vraye vie religieuse, il faut que vous deueniez fol pour l'amour de Iesus-Christ.

2. L'habit de la tonsure sert de peu, mais le changement des mœurs, & l'entiere mortification des passions, font le vray Religieux. Quiconque cherche autre chose que Dieu & le salut de son ame purement, il ne trouuera que tribulatiō & douleur, il ne pourra pas demeurer long-tēps tranquille & paisible, s'il ne s'efforce d'estre le plus petit, & sujet à tous.

3. Estes vous venu pour seruir ou pour gouverner? Sçachez que vous estes appellé pour souffrir & traual-ler, & non pas pour demeurer oiseux

& deuifer. C'est icy que les hōmes font éprouuez cōme l'or en la fournaife. Personne ne peut demeurer icy, s'il ne se veut humilier de tout son cœur pour l'amour de Dieu.

Des exemples des saincts Peres.

CHAPITRE XVIII.

COnsiderez les vif exemples des saincts Peres auxquels la vraye perfection & regularité a esté éclatante, & vous verrez que tout ce que nous faisons est biē peu & com-merrien. Helas! qu'est-ce que nostre vie si nous la cōparons à la leur? Les Saincts & amis de Iesus-Christ, ont feruy Dieu avec la faim & la soif, en froid & nudité, en trauail & lassitude, en veilles & oraisons, en ieusnes & saintes meditations, en persecu-

tions, & en plusieurs opprobres.

2. O combien grandes & griefues tribulatiōs ont enduré les Apostres, Martyrs, Confesseurs, Vierges & tous les autres qui ont voulu suiure les traces de Iesus-Christ ! Ils ont hay leurs ames en ce monde, fin de les posseder en la vie eternelle. O combien estroite, priuée de toutes choses, & accompagnée d'une grande renonciation, a esté la vie que les saincts Peres ont mené au desert ! Quelles & combien longues & griefues tentations ont-ils souffert ! combien souuent ont-ils esté tourmentez de l'ennemy ; combien frequentes & feruentes ont esté les Oraisons qu'ils ont offert à Dieu ! combien austeres ont esté leur abstinences ! Quel grand zele & combien de faueur ont-ils eu à leur ad-

uancement spirituel ! Combien forte guerre ont ils faicte pour dompter les vices ! Combien pure & droit intention ont-ils eu à Dieu ! Ils traualloient le jour, & vacquoient la nuit en longues Oraisons, encores que leur traual ne fust pas sans oraison mentale.

3. Ils employoient vtilement tout leur temps, toutes les heures leur sembloient courtes pour vacquer à Dieu, & la grande douceur de la contemplation leur faisoient oublier la nécessité de la refection corporelle. Ils renonçoient à toutes les richesses, dignitez, honneurs, amis & parens; ils ne vouloient rien auoir du monde, à grande peine prenoient-ils ce qui estoit necessaire à la vie, & s'ennuyoient mesme de seruir aux necessitez du corps. Ils estoient pau-

ures des choses de la terre, mais ils estoient bien riches en graces & en vertus. Au dehors ils estoient necessiteux, mais au dedās ils estoient repus de la grace & cōsolation diuine.

4. Ils estoient estrangers au mōde, mais à Dieu ils estoient prochains & familiers amis. Ils paroissoiēt à leurs propres yeux comme chose de neāt & rejettez du mōde, mais ils estoient precieux & esleus aux yeux de Dieu. Ils demeuroient en la vraye humilité, ils viuoient en vne simple obeissance, ils cheminoient en charité & patiēce, & pource, ils s'aduançoient tous les jours en esprit, & estoient forts en la grace de Dieu. Ils ont esté donnez pour exemple à tous les Religieux, & nous doiuent plûtoſt exciter pour nous bien aduancer, que le grand nombre des tiedes ne

nous doit feruir d'excuse pour nous relascher.

5. O combien grande a esté la ferueur de tous les Religieux, au commencement de leur sainte institution ! combien estoient deuotes leurs Oraisons ! quelle émulation à la vertu ! combien grande la rigueur de leur discipline ! & combien grande reuerence & obeïssance portoient-ils à la regle de leur maistre ! Les vestiges & les traces qu'ils nous ont laissez, tesmoignent encor qu'ils ont esté vraiment hommes saints & parfaits, qui combattans si courageusement, ont suppedité le monde. Et à present celuy-là est estimé grand qui ne transgresse point sa regle, ou qui peut porter avec patience quelque desplaisir qu'il reçoit.

6. O tepedité & negligence de nostre estat, que nous declinions si tost de la premiere ferueur ! la lassitude & la tepedité nous rendent la vie ennuyeuse. Pleust à Dieu que l'avancement aux vertus ne fust point endormy en toy, qui as veu souuēt plusieurs exemples des personnes deuotes.

Des exercices du bon Religieux.

CHAPITRE XIX.

LA vie du bon Religieux doit reluire en toutes les vertus, afin qu'en l'interieur il soit tel qu'il paroist aux hommes en l'exterieur. Et à bon droit doit-il auoir beaucoup plus au dedans, que ce qui se void au dehors : pource que Dieu est celuy qui nous regarde, lequel

nous deuons grandement reuerer quelque part que nous soyons , & cheminer en pureté deuāt luy cōme les Anges. Nous deuõs tous les jours renouveler nos bons propos , nous exciter à ferueur , comme si c'estoit aujourd'huy que nous nous sommes premierement conuertis, & dire, Aidez moy, Seigneur mon Dieu, en mon bon propos & en vostre saint seruice, & faites moy la grace que je puisse ce jourd'huy commencer parfaitement : car ce que j'ay fait jusques à present ce n'est rien.

2. Quelle est nostre resolution , tel est le cours de nostre aduancement, & celui qui desire s'aduancer a besoin d'estre fort diligent ! Que si celui qui propose courageusemēt de bien faire , manque & tombe souvent , que sera-ce de celui qui se

propose plus rarement & plus lâchement quelque bien qu'il veut faire ? Il y a toutesfois plusieurs moyens par lesquels il arriue que nous laissons nos bons propos , & pour peu que nous obmettions nos exercices , c'est merueille si nous n'en receuons bien du dommage. Les bons propos & desseins des justes sont plustost fondez sur la grace de Dieu , que sur leur propre sagesse , & quoy qu'ils entreprennent , c'est tousiours en la confiance de Dieu : car l'homme propose & Dieu dispose , & la voye de l'homme n'est pas en luy.

3. Si par occasion de pieté , ou pour le bien de nos freres , nous laissons quelquesfois l'exercice accoustumé , il se pourra reprendre facilement par apres , mais si , pource que l'es-

prit s'ennuye, ou par nonchalance nous nous laissons aisément aller à le quitter, nous sommes bien coupables & en sentirons le dommage. Efforçons nous le plus que nous pourrons, encores māquerons-nous souuent en plusieurs choses. Il faut toutesfois prēdre tousiours quelque chose de particulier à reformer, & principalement les choses qui nous empeschent le plus. Nous deuons examiner & ordonner nostre exterieur & nostre interieur: car l'un & l'autre sert à nostre amandement.

4. Si vous ne pouuez pas vous recolliger continuellement, faites le au moins quelquesfois, & à tout le moins le matin & le soir. Proposez au matince que vous auez à faire le jour, & au soir examinez comment vous vous estes comporté le jour en

vos paroles, en vos œuvres & en vos pensées. Pource que peut-estre aurez vous souuent offensé Dieu & vostre prochain en icelle. Preparez-vous comme vn homme fort contre les malices du diable, refrenez la gourmandise, vous en refrenez plus facilement toutes les inclinations de la chair. Ne foyez jamais oiseux en aucune façon, mais ou lisez, ou escriuez, ou priez, ou meditez, ou trauallez à quelque chose qui soit vtile au commun. Les exercices corporels se doiuent faire avec discretion, & ne doiuent pas estre pris esgalement par tous.

5. Les exercices qui ne sont pas communs ne se doiuent pas faire publiquement: car les choses particulieres se pratiquent avec moins de danger en secret. Il faut toutesfois pren-

Pre garde que vous ne foyez pas paresseux aux choses communes, & plus prompt aux singulieres. Mais ayant accompli entierement & fidellement ce que vous deuez & ce qui vous est enjoinct, si outre cela il vous reste du temps, trauallez pour vous selon que vostre deuotion le desirera. Tous ne peuuent pas auoir vn mesme exercice, mais vn est propre & vtile à celuy-cy, vn autre seruira dauantage à celuy-là: mesmes selon la diuersité des temps nous ayons diuers exercices, car d'autres nous plaisent plus aux Festes, & d'autres aux jours ouuriers. Nous auons besoin d'autres exercices quand nous sommes en tentation, & d'autres en temps de paix & de repos. Nous pensons volontiers à d'autres choses quand nous sommes tristes, & à

64 *De l'Imitation de Iesus-Christ.*

d'autres quand nous sōmes joyeux
& consolez en Dieu.

6. Enuiron les principales Festes il faut renouveler les bons exercices, & implorer avec plus de ferueur l'intercession des Saints. Nous deuons faire estat d'une Feste à l'autre, comme si nous deuions lors sortir de ce mōde, & paruenir à la feste eternelle, & pour cela nous preparer plus soigneusement au temps de deuotion, conuerser plus deuotement, & garder plus estroitement tout ce qui est de l'obseruance, comme ayans à receuoir de Dieu dans peu de temps la recompense de nostre labeur.

7. Et si cela est differé, croyons que nous ne sommes pas encors bien preparez, ny dignes d'une si grande gloire, & laquelle sera reuelée en nous au temps pré-ordonné, & ef-
fayons

fayons de nous mieux preparer pour ce depart. Bien-heureux le seruiteur (dit S. Luc Euangeliste) lequel son maistre trouuera veillant, lors qu'il viendra. Je vous dis en verité qu'il l'establira sur tous ces biens.

*De l'amour, de la solitude &
du silence.*

CHAPITRE XX.

Cherchez vn temps propre pour vacquer à vous, & pensez souuent aux benefices de Dieu. Laissez les choses curieuses. Lisez les liures qui seruent plustost à vous donner de la componction, qu'à vous occuper. Si vous vous abste- nez des deuis superflus, des prome- noirs inutiles, d'oüir des nouuelles, & les bruits qui courent, vous trou-

E

uerez temps suffisant & propre pour employer en bonnes meditations : Les plus grands Saincts éuitoient autant qu'ils pouuoient les compagnies des hommes , & aymoient mieux viure à Dieu en secret.

2. Quelqu'un a dit, Toutes & quantes fois que j'ay esté parmy les hommes, j'en suis reuenu moins homme. Nous experimentons cela souvent , quand nous deuifons longtemps. Il est plus facile de se taire tout à fait , que de ne point excéder en paroles , il est plus facile de demeurer caché en sa maison, que de se pouuoir garder suffisamment au dehors. Qui doncques a intention de paruenir à la vie interieure & spirituelle , il faut qu'avec Iesus-Christ il se retire de la troupe. Personne ne paroist en public sans danger, si-

non celuy qui se retire volontiers.
Personne ne parle sans danger , si-
non celuy qui se taist volontiers.
Personne n'est superieur sans dāger,
sinon celuy qui est volontiers sujet.
Personne ne commande sans dāger,
sinō celuy qui a appris de bien obeir.
3. Personne ne se réjouit sans dan-
ger, s'il n'a en soy le témoignage d'v-
ne bonne conscience. Toutesfois
l'assurance des Saincts a tousiours
esté pleine de la crainte de Dieu , &
n'ont pas esté moins soigneux &
humbles en soy, encores qu'ils fus-
sent esclatans en grandes vertus &
beaucoup de graces , mais l'asseu-
rance des meschans procede d'or-
gueil & de presumption , & se con-
uertit à la fin en tromperie d'eux-
mesmes. Ne vous promettez jamais
d'assurance en cette vie , encores

que vous sembliez estre bon Religieux, ou deuot Hermite.

4. Souuent ceux qui estoient meilleurs en l'opinion des hommes, sont tombez en plus grāds dangers pour auoir trop d'asseurance. Pour cela il est plus vtile à plusieurs de n'estre pas tout à fait exempts des tentations, mais plūtoſt d'en estre souuent combattus, de peur qu'ils ne deuiennent trop assurez qu'il ne se laissent enfler d'orgueil, & ne cherchent plus librement des consolations exterieures. O que celuy-là se conserueroit bien en bonne conscience, qui n'en chercheroit jamais les joyes passageres, & jamais ne s'occuperoit avec le monde! O que celuy-là possederait vne grāde paix & repos, qui retrācheroit toutes les vaines sollicitudes, pēseroit seulemēt

aux choses salutaires & diuines, & mettroit toute s^{on} esperāce en Dieu.

5. Personne n'est digne de la consolation celeste, s'il ne s'exerce soigneusement en la sainte componction. Si vous voulez s^{entir} la cōponction au cœur, retirez-vous en vostre celle, & rejetez les tumultes du monde ainsi qu'il est escrit. Sentez la componction dans vos chābrettes, vous trouuerez en vostre celle ce que souuent vous perdrez au dehors. La celle se rend douce quand on continuë de s'y tenir. Et si on ne la garde biē, elle deuient ennuyeuse. Si au commencement de vostre conuersion vous frequentez & gardez bien vostre celle, elle vous fera par apres vne chere amie & vne tres-agreable consolation.

6. L'ame deuote profite au silence

& au repos , & apprend les choses cachées dans les Escritures saintes, elle trouue-là les ruisseaux de larmes , avec lesquelles elle se laue toutes les nuits, & se nettoye, afin de deuenir d'autant plus familiere à son Createur qu'elle sera plus esloignée de tout le tumulte des hommes. Et quiconque se retirera de ses cōnoissances & de ses amis, Dieu approchera de luy avec ses saints Anges. Il vaut mieux estre caché & auoir soin de soy, qu'en se negligent faire des miracles. Il est louable à l'homme Religieux d'aller rarement dehors , fuir d'estre veu , & ne vouloir pas mesme voir les hommes.

7. Pourquoi est-ce que vous voulez voir ce qui ne vous est pas permis de voir ? Le monde passe, & sa

conuoitise. Les desirs de la sensualité attirent à se promener; & quand l'heure est passée, qu'est-ce que vous en rapportez, sinon pesanteur à la conscience & dissipation du cœur? Vne gaye sortie engendre souvent vn triste retour, & la veille du soir passée en joye rend triste la matinée du l'endemain. Ainsi toute la joye charnell: entre doucement, mais elle mord & tuë à la fin. Qu'est-ce que vous pouuez voir ailleurs, que vous ne voyez icy? Voylà le Ciel, la terre, & tous les Elements, toutes les choses en sont faites.

8. Que pouuez-vous voir en quelque part que ce soit qui puisse lōg-temps demeurer sous le Soleil? Vous pensez parauanture que vous vous pourrez rassasier, mais vous

n'y sçauriez atteindre. Si vous auiez toutes les choses du monde deuant vous, que seroit-ce sinon vne vaine vision? Leuez les yeux à Dieu en haut, & priez pour vos pechez & negligences. Laissez les choses vaines aux vains; mais entendez aux choses que Dieu vous a commandées. Fermez sur vous la porte de vostre chambre, & appelez à vous Iesus vostre bien-aimé, Demeurez avec Dieu en vostre celle, car vous ne trouuerez point vne si grande paix ailleurs. Si vous n'en estiez point fortý & n'eussiez point escouté des nouuelles, vous seriez mieux demeuré en bonne paix. Et si vous prenez plaisir d'entendre quelquefois des nouuelles, il faut que vous supportiez la tourmente que vostre cœur en receura.

De la componction du cœur.

CHAPITRE XXI.

SI vous voulez faire quelque profit , conseruez vous en la crainte de Dieu , & ne foyez pas trop libre , mais retenez tous vos sens sous la discipline , & ne vous laissez pas aller à vne joye inepte : addonnez-vous à la componction du cœur , & vous trouuerez la deuotion. La componction descouure plusieurs biens que la relasche & liberté a coustume de perdre biẽ tost. C'est grande merueille que l'homme puisse jamais se réjouir parfaictement en cette vie, quand il considere son exil & tant de dangers auxquels son ame est exposée.

2. La legereté du cœur & la non-

chalance sur nos propres defauts, fait que nous ne sentons pas ce qui fait mal à nostre ame, & souuent nous rions vainement lors que veritablement nous déurions pleurer. Il n'y a point de vraye liberté ny de bonne joye, sinon en la crainte de Dieu avec bonne conscience. Heureux qui peut rejeter toutes les distractions, & se recueillir à l'vnion d'une sainte componction. Heureux qui chasse de soy tout ce qui peut tâcher ou greuer sa conscience. Combatez virilement: la coustume se surmonte par coustume. Si vous pouuez laisser les hommes, ils vous laisseront bien faire vôtre fait à part.

3. Ne vous ingerez point en ce qui est d'autrui, & ne vous entre-meslez point des affaires des grands. Ayez toujours l'œil premierement sur

vous, & vous admonestez vous-mesmes, specialemēt par dessus tous ceux que vous aymez. Si vous n'avez pas la faueur des hommes ne vous en attristez pas, mais faschez-vous de ce que vous ne vous comportez pas assez bien, & ne conuersez pas avec la circonspection qu'il appartient à vn seruiteur de Dieu, & à vn deuot Religieux. Il est souvent plus vtile & plus asseuré à l'hōme de n'auoir pas beaucoup de cōsolations en cette vie, principalement de celles qui sont selon la chair. Toutesfois si nous n'auons pas les consolations diuines, ou si nous les sentons plus rarement, la faute en est à nous, pource que nous ne cherchons pas la componction du cœur, & ne rejettons pas les consolations vaines & exterieures.

4. Reconnoissez-vous indigne de la consolation diuine, & que vous meritez plustost beaucoup de tribulations. Quand l'homme est parfaitement touché de componction, alors tout le monde luy est ennuyeux & amer; l'homme de bien trouue toujours assez de matiere de douleur & de larmes. Car soit qu'il se considere, soit qu'il pense à son prochain, il sçait que personne ne vit icy sans tribulation. Et de tant plus près qu'il se considere, tant plus a il de douleur. La matiere d'une juste douleur & de la componction interne sont nos pechez & nos vices, desquels nous sommes si enuoloppez, que rarement pouuons nous contempler les choses celestes.

5. Si vous pensiez plus souuent à vostre mort qu'à la longueur de vo-

stre vie, il n'y a point de doute que vous seriez plus feruēt à vous amender. Si aussi vous pesiez biē en vostre cœur les peines à venir, de l'Enfer ou du Purgatoire, je croy que vous supporteriez volontiers le trauail & la douleur, & ne redouteriez aucune austerité; mais pource que ces choses n'entrent point jusqu'à nostre cœur, & que nous aimons encores nos aises, c'est ce qui fait que nous demeurons froids & paresseux.

6. C'est bien souuent la pauureté de l'esprit qui fait que le miserable corps se plaint aisément. Priez donc Dieu humblement afin qu'il vous donne l'esprit de componction, & dites auec le Prophete; Repaissez-moy Seigneur, du pain de larmes, & donnez-moy vn breuuage de larmes à bonne mesure.

*De la consideration de la misere
humaine.*

CHAPITRE XII.

Q Velque part que vous foyez,
& de quelque costé que vous
vous tourniez, vous seriez miserable
si vous ne vous conuertissez à Dieu.
Pourquoy vous troublez-vous de
ce que les choses ne vous succedent
pas selon que vous voulez & desi-
rez ? Qui est celuy à qui toutes cho-
ses arriuent à souhait ? Ce n'est ny
vous ny moy, ny aucun homme vi-
uant sur la terre. Il n'y a personne
au monde qui n'ait quelque tribu-
latiõ ou angoisse, fust-il Roy ou Pa-
pe. Qui est celuy qui est en meilleur
condition ? C'est celuy qui peut en-
durer quelque chose pour Dieu.

2. Plusieurs imbeciles & infirmes disent; Voyez que cét homme mène vne bonne vie, qu'il est riche, qu'il est grand, qu'il est puissant & esleué! mais jettez les yeux sur les biens celestes, & vous verrez que toutes ces choses temporelles ne sont rien, qu'elles sont fort incertaines & plus ennuyeuses: Car on ne les possède jamais sans sollicitude & crainte. La felicité de l'homme n'est pas à auoir les choses temporelles en abondance, la mediocrité luy suffit. C'est vrayement vne misere que viure sur la terre. Tant plus l'homme s'affectionnera à estre spirituelle, tāt plus amere luy sera la vie presente, pource qu'il sent mieux & voir plus claiement les defauts de la corruptiō humaine. Car tous ces besoins de manger, boire, veiller, dormir, se re-

poser, trauailler, & l'assujettissement aux autres necessitez de la nature, c'est vrayement vne grande misere & affliction à l'homme deuot, il voudroit volōtiers en estre deschargé, & libre de tous pechez.

3. Car l'homme interieur est grandement appesanty en ce monde par les necessitez corporelles. C'est pourquoy le Prophete prioit deuotement d'en estre deschargé, disant, Seigneur deliurez-moy de mes necessitez, mais malheur à ceux qui ne connoissent pas leur misere, & plus grand malheur à ceux qui aiment cette misere & la vie corruptible. Car il y en a aucuns qui embrassent cette vie avec tāt d'affection (bien qu'à peine ayent-ils les choses necessaires, mesmes en trauaillant ou mendiant) que s'ils pouuoient tous
jours

jours viure icy, ils ne se soucieroyent point du Royaume de Dieu.

4. O combien sont fols & de cœur infidelle ceux qui sont si profondement engagez en la terre, qu'ils ne goustent rien que les choses charnelles ! mais les miserables sentiront griefuement à la fin cōbien estoient viles & de neant les choses qu'ils ont aimé. Les Saincts de Dieu & tous les deuots amis de Iesus-Christ, ne se font point arrestez à ce qui estoit plaisant à la chair, ny aux choses qui estoient florissantes en leur temps, & toute leur esperāce & leur intention aspiroit aux biens eternels : tout leur desir estoit esleué en haut aux choses permanentes & inuisibles, de peur que l'amour des choses visibles ne les attirast icy bas. Mon frere ne perdez point la confiance de profi-

ter en la vie spirituelle , vous auez
encores temps & heure fuffifante.

3. Pourquoy voulez-vous remettre
vostre bon propos à demain? Leuez-
vous & commencez en cét instant,
& dites: C'est maintenant le temps
d'agir , c'est le temps de combattre,
c'est le temps propre pour s'amender.
Quand vous vous trouuez mal,
& estes en tribulation, c'est le temps
de meriter, il faut que vous passiez
par le feu & par l'eau auant que vous
parueniez au repos , si vous ne vous
faites force , vous ne surmonterez
pas le vice. Tant que nous porterõs
ce corps fragile nous ne pourrons
estre sans peché, ny viure sans ennuy
& douleur. Nous voudrions volon-
tiers estre en repos sans aucune mi-
sere ; mais pource que nous auons
perdu l'innocẽce par le peché, nous

auōs aussi perdu la vraye beatitude, & pour ce, il faut que nous ayons patience, & attendions la misericorde de Dieu jusques à ce que cette iniquité passe, & la mortalité soit absorbée par la vie.

6. O combien est grande la fragilité humaine, qui est toujours encline aux vices! Aujourd'huy vous cōfessez vos pechez, & le lendemain vous commettez derechef les choses que vous auiez confessées: maintenant vous proposez de vous garder de quelque chose, & il ne passe pas vne heure que vous n'y retombiez comme si vous n'auiez rien proposé. Nous pourrons donc à bon droit nous humilier, & n'auoir jamais grande opinion de nous, veu que nous sommes si fragiles & instables. Nous pouuōs mesmes prendre bien-

toft par nostre nonchalance, ce qu'à grand peine, avec beaucoup de travail, nous auons en fin acquis par l'aide de la grace.

7. Qu'est-ce qu'il fera fait de nous à la fin, qui nous attiedifions de si bonne heure ? Malheur à nous, si nous voulons ainsi chercher le repos; comme si nous estions desia en paix & en assésurâce, veu qu'il n'apparoist pas encore vne petite trace de vraye saincteté en nostre conseruation. Il seroit bien besoin que nous fussions derechef instruits, & que l'on nous enseignast les mœurs parfaites comme à de bons nouices, si d'auanture il y auoit esperance de quelque amandement pour nous, & que nous peussions faire plus de profit en la vie spirituelle.

De la Meditation de la Mort.

CHAPITRE XXIII.

C'Est vne chose qui vous arri-
uera bien-tost , voyez si vous
vous en pouuez exempter. L'hom-
me est aujourd'huy , & demain il ne
paroist plus , & quand il est hors de
deuant les yeux, il s'efface aussi-tost
de l'esprit. O que le cœur humain
est dur & hebeté , qui pense seule-
ment aux choses presentes , & ne
preuoit point plutôt celles qui sont
à venir ! Vous déuriez en toute actiõ
& en toute pensée vous comporter
comme si vous déuiez mourir au-
jourd'huy , ou toute à l'heure. Si
vous auiez vne bonne conscience,
vous ne craindriez pas beaucoup la
mort , il vaudroit mieux éuiter les

pechez que de fuir la mort. Si vous n'estes pas prest aujourd'huy, comment le ferez-vous demain? le jour de demain est incertain, & que sçavez-vous si vous arriueriez à demain.

2. Que nous sert-il de viure longtemps quand nous nous amendons si peu? La longue vie ne nous sert pas toujourns pour nous amender, mais elle augmente souuēt le nombre de nos fautes. Pleust à Dieu que nous nous fussions bien comportez en ce monde vn seul jour! plusieurs content les années depuis leur conuersion, mais souuent le fruiēt de leur amendement n'est pas grand. Si la mort est formidable, il est peut estre plus dangereux de viure longtemps. Bien-heureux est celuy qui a toujourns l'heure de sa mort deuant les yeux, & se dispose tous les jours

à mourir. Si vous auez veu autres-fois mourir quelqu'un, pensez que vous passerez vous-mesme par ce chemin-là.

3. Quand vous ferez au matin, pensez que peut-estre vous n'arriueriez pas au soir. Quand le soir sera venu, ne vous assurez point de voir le matin. Soyez donc toujours prest, & vivez de telle sorte que jamais la mort ne vous trouue despourueu. Plusieurs meurent soudainement, & au despourueu. Car le Fils de l'homme viendra à l'heure que l'on ne pense pas. Quand cette derniere heure sera venuë, vous commencerez à auoir bien autre opinion de toute vostre vie passée, & aurez grande douleur d'auoir esté si nonchalant & si lasche.

4. Combien heureux & prudent est

celuy-là qui s'efforce d'estre maintenant en cette vie , tel qu'il desire que l'on le trouue lors de sa mort ! Car ceux-là ont vne grande confiance de mourir heureusement qui ont vn parfait mespris du monde , vn desir feruent de s'aduancer aux vertus , vn amour de la discipline , travaillant à la penitence , ont la promptitude de l'obeissance , l'abnegation de soy , & supportent toutes sortes d'aduersitez pour l'amour de Iesus-Christ , Vous pouuez faire plusieurs biens quand vous estes sain, mais quand vous serez malade, je ne sçay ce que vous pourrez. Peu de gens s'amendent par la maladie. Ainsi aussi ceux qui voyagent beaucoup deuiennent rarement saincts.
5. Ne confidez point vos amis & vos prochains , & ne differez point

vostre salut à l'aduenir, car les hommes vous oublieront plutôt que vous ne pensez. Il vaut mieux preuoir maintenant en saison, & enuoyer deuant nous quelque bien, que d'esperer en l'aide d'autrui. Si vous n'avez soin pour vous-mesmes maintenant, qui est-ce qui aura soin pour vous à l'aduenir? le temps present est fort precieux. Mais hélas! vous ne pesez pas ce qui est plus vtile, & en quoy vous pouuez meriter & acquerir la vie eternelle. Le temps viendra que vous demanderez vn jour, & peut-estre vne heure pour vous amender, & je ne sçay si vous l'obtiendrez.

6. Courage mon tres-cher amy, & combien de dangers pourrez-vous euitier, & de quelle grande crainte vous pourrez-vous deliurer, si main-

tenāt vous viuez tousiours en crainte, & vous défiez de la mort? Essayez de viure maintenant de telle forte, qu'à l'heure de la mort vous puissiez plûtoſt vous réjouir que craindre. Apprenez maintenant à mourir au monde, afin que lors vous commēciez à viure avec Iesus-Christ. Apprenez maintenant à meſpriſer toutes choſes, afin qu'alors vous puissiez aller librement à Iesus-Christ. Chaſtiez maintenant voſtre corps par penitence, afin qu'alors vous puissiez auoir vne cōfiance aſſeurée.

7. Ah! pauvre fol, pourquoy penſez-vous que vous viurez long-tēps, veu que vous n'avez paſicy vn ſeul ſejour aſſuré? Que de perſonnes ont eſté trompées, & ſont mortes lors qu'elles l'attendoient moins! Combien de fois auez vous ouï ra-

conter que celuy-là a esté tué d'une espée, celuy-cy a esté noyé, vn autre tombant d'enhaut s'est rompu le col, vn autre est mort en m'ageant, & vn autre en jouiant; vn autre est mort par le feu, vn autre par le glaiue, vn autre par la peste, vn autre par la main des voleurs ! Ainsi la mort est la fin de tous, & la vie des hommes passe comme l'ombre.

8. Qui est-ce qui se souuiendra de vous apres vostre mort? ou qui est-ce qui priera pour vous? Faictes maintenant, faictes mon tres-cher amy, tout ce que vous pouuez faire, car vous ne sçavez pas quand vous mourrez, & ne sçavez pas aussi ce qui vous suiura apres la mort. Faictes-vous amas des richesses immortelles pendant que vous avez le temps: ne pensez à

autre chose qu'à vostre salut. Ayez soin seulement de ce qui est de Dieu, faictes-vous maintenant des amis venerant les Saints de Dieu, & imitant leurs actions, afin que lors que vous sortirez de cette vie, ils vous reçoivent aux tabernacles eternels.

9. Gardez-vous comme vn pelerin & hôte sur la terre, qui n'a point d'intérest aux affaires du monde. Gardez vostre cœur libre & esleué à Dieu : car vous n'avez pas icy vne cité permanente. Adressez-là tous les jours vos prieres avec gemissemens & larmes, afin que vostre ame puisse apres la mort passer heureusement à Dieu. Ainsi soit-il.

*Du Jugement & de la peine
des pechez.*

CHAPITRE XXIV.

EN toutes choses regardez la fin , & comment vous ferez deuant ce Iuge exact , à qui rien n'est caché, quel'on n'appaise point par presēs, qui ne reçoit point d'excuses , mais iuge selon la justice. O tres-miserable & insēsé pecheur, que respondrez-vous à Dieu , qui sçait tous vos pechez, vous qui parfois craignez la face d'vn homme courroucé. Pourquoi ne pouruoyez-vous point à vous pour le jour du Jugement, lors que personne ne pourra estre excusé ny defendu par autruy ? Mais chacun fera à soy-mesme vne suffisante char.

ge. Maintenant vostre labeur est fructueux, vos larmes acceptables, vos gemissements pour estre exaucez, vostre douleur satisfactoire & purgatiue.

2. L'homme patient a vn grand & profitable purgatoire, si receuant des injures il a plus de douleur de la malice d'autrui que de sa propre injure; s'il prie volontiers pour ceux qui luy contrarient, & leur pardonne en son cœur leurs fautes: s'il ne fait point difficulté de demander pardon aux autres: s'il est plus prompt à auoir compassion, qu'à se courroucer: s'il se fait souuent violence à soy-mesme, & s'efforce d'assubjettir entieremēt la chair en l'esprit. Il est meilleur de purger à present les pechez, & retrancher les vices, que de les reseruer pour estre pur-

gez à l'aduenir. Veritablement nous nous trompons nous-mesmes pour l'amour desordonné que nous portons à nostre chair.

3. Quelle autre chose aura ce feu à deuorer sinon vos pechez? Tant plus vous vous pardõnez à vous-mesme à present, & obeissez à vostre chair, tant plus en ferez-vous chastié rudement cy-apres, & reseruez davantage de matiere pour le feu. Selon les choses esquelles l'homme a peché il sera puny plus griefuement en icelle. Là les paresseux seront sollicitez avec des aiguillons ardens, les gourmans seront tourmentez d'une faim & d'une soif tres-grāde, les luxurieux & amateurs des voluptez seront arrosez de poix ardente, & de souldphre puant, & les enuieux hurleront de douleur

comme des chiens enragez.

4. Il n'y aura aucun peché qui n'ait son tourment particulier. Là les orgueilleux seront remplis de toute forte de confusion, les auaricieux seront reduits à vne tres-miserable pauvreté; là vne heure de peine fera plus ennuyeuse, qu'icy cent ans de tres-ameres penitences. En ce lieu-là les damnez n'ont aucun repos ny consolation, & toutesfois icy lestrauaux ont quelquesfois intermission, & peut-on jouir de la cōsolation de ses amis. Soyez maintenant soigneux, & ayez douleur de vos pechez, afin qu'au jour du Iugement vous soyez en assurance avec les bien-heureux: car alors les justes paroistront avec grande constance à l'encontre de ceux qui les ont tourmentez & deprimez.

Alors

Alors paroistra pour juger celuy qui à present se sousmet humblement aux jugemens des hommes, Alors le pauvre & humble aura grande confiance, & leur superbe tremble-
ra de tous costez.

5. Lors on verra que celuy-là a esté sage en ce monde qui a appris d'y estre fol & mesprisé pour Iesus-Christ. Alors aggréeront toutes les tribulations souffertes patiemment, & tout iniquité aura la bouche close. Alors tous les deuots se réjouiront, & tous les irreligieux seront en tristesse. Alors la chair qui s'est affligée se réjouira dauantage, que si elle auoit esté toujournourrie en delices. Lors le vil habit sera plus resplendissant, & les robes precieuses seront obscures. Lors vne pauvre petite maisonnette se-

ra plus estimée que les Palais dorrez. Lors la patience constante que nous aurons eüe nous seruira plus que toute la puissance du monde. Lors la simple obeïssance sera plus prisée que toute la finesse de ce siecle.

6. Alors la bonne & pure conscience donnera plus de joye que toute la doctrine de la Philosophie. Lors le mespris des richesses aura plus de poids que tous les thresors des hommes de la terre. Lors vne deuote oraison vous donnera plus de consolation que les tables delicates. Lors vous vous réjouirez d'auantage d'auoir gardé le silence, que d'auoir deuisé longuement. Lors les sainctes œuures vous vaudront bien plus que beaucoup de belles paroles. Lors la vie estroite

& la penitence austere , vous plairont dauantage que toutes les delectations de la terre. Apprenez maintenant à souffrir peu de choses , afin qu'apres vous puissiez estre deliurez de plus griesues. Esprouuez icy premierement ce que vous pourrez cy-apres. Si vous ne pouuez pas maintenant supporter si peu de chose , comment pourrez-vous endurer les tourmens eternels? Si maintenant vne petite passion vous fait si impatient, que fera lors le feu d'Enfer? Sçachez vraiment que vous ne pouuez pas auoir deux joyes; vous réjouir icy en ce monde , & regner cy-apres avec Iesus-Christ.

7. Si vous auiez jusques à present vescu touiours en honneur & en volupté, qu'est-ce que cela vous au-

roit profité s'il falloit mourir tout à cette heure? Tout est donc vanité, horsmis aimer Dieu, & servir à luy seul. Car celuy qui ayme Dieu de tout son cœur, ne craint ny la mort, ny le supplice, ny le Jugemēt, ny l'Enfer, pource que l'amour parfait donne vn assésuré accez à Dieu, mais celuy qui se plaist encores aux pechez, ce n'est pas merueille s'il craint la mort & le jugement. Il est bon toutesfois, que si l'amour ne vous retire point encores du mal, qu'au moins la crainte de l'Enfer vous en empesche. Mais celuy qui mesprise la crainte de Dieu ne peut pas demeurer long-temps en bon estat, & tombera bien-tost dans les filets du diable.

*D'amender avec ferueur toute
nostre vie.*

CHAPITRE XXV.

SOyez vigilant & diligent au service de Dieu, & pensez souvent à ce que vous estes venu faire icy, & pourquoy vous avez laissé le monde. N'a-ce pas esté pour vivre à Dieu & deuenir homme spirituel? Soyez donc feruent à vostre aduancement. Car vous receuez bien-tost la recompense de vos travaux, & n'y aura lorsny crainte ny douleur pour vous. Vous trauillerez maintenant vn petit, & trouuerez par apres vn grand repos & vne joye perpetuelle. Si vous demeurez fidele & feruent à bien faire, Dieu sans doute vous fera fide-

le & vous recompensera richement. Vous deuez auoir bonne esperance, que vous obtiendrez la palme de victoire, mais il n'en faut pas prendre assurance, de peur que vous ne deueniez nonchalant ou orgueilleux.

2. Quelque personne se trouuant souuent douteuse & flottante entre la crainte & l'esperance, & estant vne fois accablé d'ennuy, s'estant prosternée en Oraison en vne Eglise deuant vn Autel, agitoit en soy-mesme cette pensée! O si je sçauois que je fusse pour perseuerer, encores aussi-tost il ouït la response de Dieu, Si vous sçauiez cela, que voudriez-vous faire? Faites maintenant ce que vous voudriez faire alors, & vous seriez bien-assuré. Et à l'instant tout consolé & conforté, il se

commit à la volonté de Dieu , & mit fin à ses doutes & anxietés : cessa de chercher curieusement ce qui luy deuoit aduenir , & s'appliqua plûtoſt , à ſçauoir quelle eſtoit la volonté de Dieu agreable & parfaite pour donner commencement & perfection à toute bonne œuure.

3. Eſperés au Seigneur & faites le bien (dit le Prophete) habités en la terre , & vous vous repaiſtrés de ſes richesses. Vne choſe retire pluſieurs perſonnes de leur aduancement & de la ferueur de leur amendement, qui eſt la peur des difficultés ou le trauail qu'il y a à les combattre. Mais ceux-là ſ'aduancent plus que tous les autres en la vertu , qui ſ'efforcent virilement de vaincre les choſes qui leur ſont plus griefues

& contraires : car c'est-là où l'homme profite le plus , & merite vne plus abondante grace , où il se surmonte & mortifie d'avantage en l'esprit.

4. Mais tous n'ont pas tant de choses à vaincre & mourir les vns que les autres , & toutesfois celuy qui procede avec vne diligente émulation s'aduancera dauantage , encore qu'il ait plus de passions qu'un autre mieux composé, qui est moins feruent à acquerir la vertu. Deux choses spécialement nous aident pour nous amender beaucoup. A sçauoir, soustraire avec violence les choses auxquelles la nature a inclination vicieuse , & pour viure avec ferueur , l'acquisition du bien duquel chacun de nous a plus de besoin. Ayés aussi plus grand soin

d'éviter & surmonter les choses que vous blasmes le plus souvent aux autres.

5. Prenés par tout occasion de vous aduancer. Comme si vous voyés ou entendés de bons exemples, excités vous à les imiter, mais si vous voyés quelque chose de reprehensible, gardés vous de faire de mesme, ou si vous l'aués fait autresfois, ayés soin de vous en amender au plûtoſt. Comme voſtre œil conſidere les autres, ainſi eſtes-vous conſideré, & remarqué par les autres. Que c'eſt vne choſe agreable & douce, de voir ſes freres ſeruens & deuots, bien morigerés & disciplinés; Que c'eſt vne choſe triſte & ennuyeuſe de les voir deſordonnés en leur conuerſation, & ne pas pratiquer les choſes pour leſquelles ils

font appelez? Qu'il est nuisible de negliger le bon propos de sa vocation, & s'occuper aux choses qui ne nous sont pas enchargées.

6. Souuenez-vous du dessein que vous auez entrepris, & vous proposez l'Image du Crucifix. Vous aurez bien sujet de honte en voyant la vie de Iesus-Christ, ne vous estât point encores estudié de vous conformer à icelle, jaçoit qu'il y ait long-temps que vous estes en la voye de Dieu. Le Religieux qui s'exerce soigneusement & deuotement, en la tres-saincte Vie & Passion de nostre Seigneur, y trouuera abondamment toutes les choses qui luy sont vtilles & necessaires. Et ne faut pas qu'il cherche quelque chose de meilleur hors de Iesus. O si Iesus crucifié venoit à nostre cœur,

que nous serions bien-tost & suffisamment sçauants !

7. Le Religieux feruent porte & reçoit bien toutes les choses qui luy sont commandées. Le Religieux nonchalant & tiede a des tribulations , & endure des angoisses de toutes parts , pource qu'il manque de consolations interieures , & ne luy est pas permis de rechercher les exterieures. Le Religieux qui vit sans discipline est exposé à vne grande ruine. Celuy qui desire vne vie plus large & relaschée sera toujours en angoisse , pource que toujours vne chose ou autre luy déplaira.

8. Comment est-ce que font tant d'autres Religieux qui sont fort resferrez sous la discipline claustrale ? Ils sortent rarement , ils vivent fort

retirez , ils mangent tres-pauvrement , ils sont vestus grossièrement , trauaillent beaucoup , parlent peu , veillent long-temps , se leuent de grand matin , sont long-temps en Oraison , lisent souuent , & se conseruent en toute sorte de discipline. Voyez les Chartreux , ceux de Cisteaux , & les Moines & Religieuses de diuerfes Religions , comme ils se leuent toutes les nuits pour chanter les loüanges de Dieu. Et partant il seroit bien mal-seant que vous fussiez paresseux en vn si sainct œuvre , quand vne si grande multitude de Religieux commencent à chanter les loüanges de Dieu.

9. O si nous n'auions autre chose à faire qu'à louer le Seigneur nostre Dieu de tout nostre cœur & de la bouche ! O si vous n'avez jamais be-

soin de manger, de boire ou dormir, & pouviez toujours louer Dieu, & ne vacquer à autre chose qu'au soin de la vie spirituelle ! Vous seriez beaucoup plus heureux que maintenant, qu'en toutes sortes de necessitez vous seruez à la chair. Pleust à Dieu que toutes ces necessitez-là ne fussent point, & que nous n'en eussions point d'autre que les refections spirituelles de nostre ame, lesquelles (helas !) nous goustons assez rarement.

10. Lors que l'homme est paruenu à ce poinct, qu'il ne cherche sa consolation en pas vne creature, c'est lors qu'il commence de gouter parfaitement Dieu. C'est lors qu'il est content de tout ce qui arrive : il ne se réjouit point de l'abondance, il ne s'attriste point de la di-

sette , mais il se met entierement & avec confiance en Dieu , qui luy est tout en toutes choses , en qui rien ne perit ny meurt , mais toutes choses viuent en luy , & seruent tres-promptement à tout ce qu'il veut.

II. Souuenez-vous touîjours de la fin , & que le temps perdu ne reuiet jamais. Vous n'acqueriez jamais la vertu sans sollicitude & diligence. Si vous commencez à vous attie-dir , vous commencerez à vous comporter mal ; Mais si vous estes feruent , vous trouuerez vne grande paix , & sentirez le trauail plus aisé , à cause de la grace de Dieu , & de l'amour de la vertu. ¶ L'homme feruent & diligent est prest & disposé à toutes choses. Il y a plus de peine à resister aux vices & passions , qu'à s'employer aux trauaux cor-

porrels. Celuy qui n'évite pas les petits defauts, tombe peu à peu aux plus grands. Vous ferez toujours joyeux au soir, si vous employez le jour vtilement. Veillez sur vous-mesmes, excitez-vous, admoneſtez-vous, & quoy qu'il ſoit des autres, ne vous negligez point vous-mesme. Vous vous aduancerez autant que vous ferez de force à vous-mesme. Ainſi ſoit-il.

Fin du premier Livre.






LIVRE SECOND,
DE L'IMITATION
DE IESVS-CHRIST.

*DV COMPORTEMENT
de l'homme en son interieur.*

CHAPITRE PREMIER.

 E Royaume de Dieu
est dans vous (dit no-
stre Seigneur) conuer-
tissez-vous à Dieu de
tout vostre cœur , & delaissez ce
miserable monde , & vostre ame
trouuera le repos. Apprenez à mé-

H

priser les choses exterieures , & à vous adonner aux interieures , & vous verrez que le Royaume de Dieu viendra en vous. Car le Royaume de Dieu est paix & joye au saint Esprit, ce qui n'est point donné aux meschans. Iesus-Christ viendra à vous , vous faisant voir la consolation que vous aurez en luy , si vous luy preparez au dedās de vous vne digne demeure. Toute la gloire & la beauté de l'ame est au dedans; & c'est là que nostre Seigneur prend son plaisir. L'homme interieur reçoit souuent des visites de Dieu, des paroles douces , des consolations agreables , beaucoup de paix , & vne familiarité merueilleusement estrange.

2. Courage , ame fidele , preparez vostre cœur à cēt Espoux, afin qu'il

daigne venir & habiter en vous. Car il a dit, Si quelqu'un m'ayme, il gardera mes paroles, nous irons à luy & ferons nostre demeure chez luy. Faites donc place à Iesus-Christ, & ne donnez entrée à aucun autre. Si vous avez Iesus-Christ, vous estes riche, & cela vous suffit. Il vous fera bon pouruoyeur, & vn fidele procureur en toutes choses; de sorte que vous n'aurez pas besoin d'esperer aux hommes: car les hommes changent bien-tost, & defaillent bien-tost; mais Iesus-Christ demeure eternellement, & assiste fermement jusqu'à la fin.

3. Il ne faut pas mettre grande fiance en vn homme fragile & mortel, encores qu'il vous soit vtile, & que vous l'aymiez. Il ne faut pas aussi s'attrister beaucoup, si par fois il

vous tourne le dos, & vous est contraire. Ceux qui sont aujourd'huy pour vous, peuuent demain estre contre vous, & au contraire, ils changent souuent comme le vent. Mettez toute vostre fiance en Dieu, ne craignez queluy, n'aymez que luy; il respondra pour vous, & fera bien ce qui sera meilleur pour vous. Vous n'avez pas icy vne cité permanente, & quelque part que vous soyez, vous estes estranger & pelerin, & n'aurez jamais repos si vous n'estes intimement vny à Iesus-Christ.

4. Qu'est-ce que vous regardez tant icy bas, veu que ce n'est pas le lieu de vostre repos? Vostre habitation doit estre au Ciel, & deuez regarder toutes les choses de la terre comme en passant. Toutes choses pas-

sent & vous avec elles; Prenez garde que vous n'y soyez pas attaché, de peur que vous ne soyez pris & ne vous perdiez. Que vostre pensée soit arrestée au Tres-haut, & vos prieres adressez sans intermission à Iesus-Christ. Si vous ne pouuez cōtempler les choses hautes & celestes, arrestez-vous à la Passion de Iesus-Christ, & demeurez volontiers dans ses playes sacrées. Car si vous recourez deuotement à ses playes & precieux stigmates, vous vous sentirez grandement conforté en vos tribulations, ne vous soucierez pas beaucoup du mespris des hommes, & supportez facilement les paroles de detraction.

5. Iesus-Christ a aussi esté mesprisé des hommes au monde, & aux plus grandes necessitez au milieu des op-

probres a esté abandonné de ses familiers & amis. Iesus-Christ a voulu endurer & estre mesprisé, & vous osez-vous plaindre de quelque chose ! Iesus-Christ a eu des aduersaires & médisans, & vous voulez auoir tout le monde pour amis & bien-faicteurs ! Comment pensez-vous obtenir la couronne de patience si vous n'auiez point d'aduersitez ? Si vous ne voulez rien endurer de contraire, commēt pourrez-vous estre amy de Iesus-Christ ? Supportez-vous avec Iesus-Christ, & pour Iesus-Christ, si vous voulez regner avec luy.

6. Si vous estiez vne fois entré parfaitement dans l'interieur de Iesus-Christ, & que vous eussiez gousté quelque part de son ardent amour, vous n'auriez lors aucun soin de vo-

estre cōmodité ou incōmodité particulière, mais plûtost vous vous réjouiriez ayāt receu quelque opprobre, pource que l'amour de Iesus-Christ fait que l'homme se mesprise foy-mesme. Celuy qui ayme vrayement Iesus-Christ & la verité, qui est vrayement interieur & libre de toutes affections desordonnées, se peut librement conuertir à Dieu, & s'élever en esprit par dessus foy-mesme, & s'y reposer avec jouïssance.

7. Celuy qui gousté toutes les choses selon qu'elles sont, & non pas selon que l'on les dit ou estime, est vrayement sage, & plûtost enseigné de Dieu que des hommes. Celuy qui fçait cheminer en l'interieur, & faire peu de cas des choses exterieures, ne cherche point les lieux & n'attend point le temps pour s'em-

ployer aux exercices de deuotion. L'hōme interieur se recollige promptement, pource qu'il ne s'épanche jamais entierement aux choses exterieures. Le trauail exterieur ne luy nuit point, ny l'occupation qui est necessaire pour vn temps, mais il s'accōmode aux choses ainsi qu'elles arriuent. Celuy qui est bien disposé & ordonné en son interieur, ne se foucie point des merueilleuses & peruerfes actions des hōmes; l'homme est autant empesché & distrait, comme il attire à foy les choses.

8. Si vous estiez biē disposé & bien purgé, toutes choses vous tourneroient à bien & à profit. Ce qui fait que plusieurs choses vous déplaisent & vous troublent souuent, c'est que vous n'estes pas encores parfaitement mort à vous-mesme, ny des-

gagé de toutes les choses de la terre. Il n'y a rien qui tache & qui embrouille tant le cœur de l'homme que l'amour impur des creatures. Si vous rejettez les consolations extérieures vous pourrez contempler les choses celestes, & vous réjouir souvent en vostre intérieur.

*De l'humble soumission sous le
gouvernement d'un Prelat
ou Supérieur.*

CHAPITRE II.

NE vous souciez pas beaucoup qui est pour ou contre vous, mais travaillez & ayez soin que Dieu soit avec vous en tout ce que vous ferez. Ayez la conscience bonne, & Dieu vous deffendra bien. A qui Dieu veut ayder, la malice des hom-

mes ne peut nuire. Si vous sçaués endurer & vous taire, vous verrez sans doute l'ayde de Dieu. Il sçait le tēps & la maniere de vous deliurer, & pour ce, vous deuez vous resigner en luy. C'est à Dieu à nous ayder & deliurer de toute confusion. Il est souuent fort vtile pour auoir sujet d'une plus grande humilité, que les autres sçachent nos defauts & nous en reprennent.

2. Quand l'homme s'humilie pour ses fautes il appaise facilement les autres, & satisfait aisément à ceux qui se courroucent contre luy. Dieu protege & deliure l'humble, il console & aime l'humble, il s'abaisse à l'humble, il donne de grandes graces à l'humble, & apres son abbaiffemēt il l'esleue à la gloire. Il reuele ses secrets à l'humble, il l'inuite &

attire doucement à luy. Quand l'humble a receu quelque injure ou confusion il demeure en paix, pour ce qu'il est en Dieu, & non pas au monde. N'estimez point auoir aucunement profité si vous ne vous recognoissez inferieur à tous.

De l'homme de bien pacifique.

CHAPITRE III.

Mettez vous premierement en paix, & lors vous pourrez pacifier les autres. L'homme pacifique profite plus que celuy qui est bien docte. L'homme passionné conuertit le bien en mal, & croit facilement le mal: l'homme de bien pacifique conuertit le tout en bien. Celuy qui est bien en paix n'a soupçon de personne: Celuy qui est mal con-

tent & en émotion est agité de plusieurs soupçons, n'est point en repos, & ne permet point que les autres y soient. Il dit souuēt ce qu'il ne déuroit pas dire, & obmet ce qui luy feroit plus expediēt de faire. Il considere ce que les autres doiuent faire, & neglige ce que luy-mesme est tenu de faire. Ayez donc premiere-ment zele sur vous-mesmes, & lors vous pourrez iustement auoir zele enuers vostre prochain.

2. Vous sçauiez bien excuser & colorer ce que vous faites, & ne voulez pas receuoir les excuses des autres. Il seroit plus iuste de vous accuser vous-mesme, & excuser vostre frere. Si vous voulez que l'on vous supporte, supportez les autres. Voyez combien vous estes encores loing de la vraye charité & humili-

ré, laquelle ne sçait que c'est de s'indigner, ou courroucer cōtre aucun, si ce n'est cōtre soy-mesme. Ce n'est pas chose difficile de conuerſer avec les gens de bien & de bonnaires: car cela plaist naturellement à tous, & chacun prend plaisir de viure en paix, & ayme dauantage ceux qui s'accordent avec luy. Mais de pouoir viure paisiblement avec des humeurs dures & fascheuses, avec des hommes mauuais & déreglez, & avec ceux qui nous contrarient, c'est vne grande grace, vne chose fort loüable & vn acte genereux.

3. Mais il y en a qui s'entretiennent eux-mêmes en paix, & ont aussi paix avec les autres. Il y en a qui n'ont ny la paix en soy, ny laissent les autres en paix. Ils sont ennuyeux aux autres, mais ils sont touïours plus ennuyeux

126 *De l'Imitation de Iesus-Christ.*

à soy-mesme. Et y en a qui se conferuent eux-mesmes en paix, & essayēt d'y reduire les autres. Toutesfois il vaut mieux en cette miserable vie mettre toute nostre paix à supporter humblement les choses contraires qu'à n'en point sentir de contraires. Celuy qui sçait mieux endurer jouit d'une plus grande paix, il est victorieux de soy, seigneur du monde, amy de Iesus-Christ, & heritier du Ciel.

De l'esprit pur, & de l'intention simple.

CHAPITRE IV.

L'Homme a deux aisles avec lesquelles il s'esleue au dessus des choses de la terre, qui sōt la simplicité & la pureté. La simplicité doit estre en l'intention, la pureté en l'af-

fection. La simplicité tend à Dieu, la pureté le conçoit & le gouste. Nulle bonne action ne vous empêchera, si vous estes interieurement libre de toute affection desordōnée. Si vous n'avez autre intention, & ne cherchez autre chose que le bon plaisir de Dieu, & l'vtilité du prochain, vous jouïrez de la liberté interieure. Si vostre cœur estoit droit vous auriez en toutes les creatures vn miroir de la vie, & vn liure de sainte doctrine. Il n'y a creature si petite & abjecte, qui ne represente la bonté de Dieu.

2. Si vous estiez interieurement bon & pur, vous verriez & comprendriez toutes choses sans empeschement. Le cœur pur penetre le ciel & l'enfer. Tel que l'homme est au dedans de soy, ainsi juge-il ce qui est

au dehors. S'il y a de la joye au monde, c'est certainement au cœur de l'homme pur qu'elle se trouue, & s'il y a en quelque endroit de la tribulation & de l'angoisse, il n'y a personne qui le sçache mieux que la mauuaise conscience. Comme le fer jeté dedās le feu perd sa rouille & deuiant tout ardent, ainsi l'homme qui se conuertit entierement à Dieu est deliuré de son engourdissement, & changé en vn homme nouveau.

3. Lors que l'homme commence à s'attiedir, il n'y a petit trauail qu'il ne craigne, & reçoit volontiers les consolations exterieurs. Mais quād il commence à se vaincre parfaitement, & cheminer virilement en la voye de Dieu, il fait alors moins de cas des choses qui luy estoient moins fascheuses.

De

De la consideration de soy-mesme.

CHAPITRE V.

NOus ne deuons pas nous fier beaucoup en nous-mesmes: Car souuent la grace & le sens nous manquent. Nostre lumiere est bien petite, & la perdons aisémēt par nostre nonchalance. Souuēt aussi nous n'apperceurons pas que nous sommes si aueugles interieuremēt. Souuent nous faisons mal, & faisons encores plus mal en nous excusant. C'est par fois la passion qui nous esmeut, & nous pēsons que c'est zele: nous blasmons de petites choses en autrui, & passōs par dessus d'autres plus grandes que nous faisons. Nous sentons & pesons bien-tost ce que nous supportons des autres, & n'ap-

perceuons pas ce que les autres supportent de nous. Celuy qui considereroit bien & droitemēt ses actions, il ne trouueroit pas dequoy faire mauuais iugement des autres.

2. L'homme interieur prefere le soin de foy-mesme au soin de toute autre chose : Et celuy qui veille diligemment sur foy s'abstient aysement de parler des autres. Vous ne ferez jamais interieur ny deuot, si vous n'apprenez à vous taire des autres, & regarder specialement sur vous-mesme. Si vous estes entiere-ment attentif à vous & à Dieu, ce qui vient de dehors ne vous esmouuera gueres. Où estes vous quand vous n'estes pas present à vous-mesme? & quād vous auez tout parcouru, si vous vous estes oublié qu'au-uez vous profité? Si vous voulez auoir

paix & vraye vnion en vostre cœur, vous deuez postposer tout, & n'auoir que vous deuant les yeux.

3. Vous vous aduancerez beaucoup si vous vous conseruez libre du soin de toutes les choses temporelles. Vous dechээрez grandemēt si vous faites cas d'aucune chose temporelle. N'estimez rien d'esleuэ, rien de grand, rien d'agreable, rien de digne, si ce n'est purement Dieu, ou chose qui soit de Dieu. Estimez vaines toutes les consolations qui vous viendront de quelque creature que ce soit. L'ame qui aime Dieu mesprise toutes les choses qui sont au dessous de Dieu. Dieu eternal, immense, remplissant tout, est la seule consolation de l'ame, & la vraye joye du cœur.

De la joye de la bonne conscience.

CHAPITRE VI.

LA joye d'un homme de bien est le témoignage de la bonne conscience. Ayez une bonne conscience, & vous serez toujours en joye. La bonne conscience peut supporter beaucoup de choses, & est merueilleusement joyeuse parmi les aduersitez. La mauuaise conscience est toujours timide & inquiete. Vous reposerez doucement si vostre cœur ne vous reprend de rien. Ne vous réjouïssiez jamais si ce n'est quand vous auez bien fait. Les méchans n'ont jamais de joye veritable, & ne sentēt point la paix interieure. Car il n'y a point de paix pour les meschans, dit nostre Sei-

gneur. Et s'ils disent, nous sommes en paix, les maux ne viendrōt point sur nous, & qui osera nous nuire? ne les croyez pas: Car l'ire de Dieu s'eleuera tout soudain, & tout ce qu'ils ont fait sera reduit à neant, & leurs cogitations periront.

2. Se réjouir en la tribulation, ce n'est pas chose penible à celuy qui aime, car se réjouir ainsi, c'est se réjouir en la Croix de nostre Seigneur: C'est vne courte joye que celle que les hōmes donnēt & reçoivent, la joye du monde est toujours accompagnée de tristesse. La joye des gens de bien est en leur conscience, & non pas en la bouche des hommes. La joye des justes est de Dieu & en Dieu, & leur réjouissance est de la verité. Celuy qui desire la vraye & eternelle gloire, ne se sou-

cie pas de la temporelle, & celuy qui cherche la gloire temporelle, ou qui ne la mesprise pas en son cœur, c'est vn signe certain qu'il aime moins la celeste. Celuy-là jouit d'une grande tranquillité en son cœur qui ne se foucie pas des loüanges, ny des blasmes.

3. Celuy-là est aisément content & en paix, qui a la conscience nette. Vous n'estes pas plus sainct, pource qu'on vous louë, ny plus vil pour ce qu'on vous blâme. Vous estes ce que vous estes, & ne pouuez estre plus que ce que vous estes deuant Dieu. Si vous prenez garde à ce que vous estes en vous-mesme interieurement, vous ne vous foucierez pas de ce que les hommes diront de vous au dehors. Les hommes ne voyent que la face, mais Dieu voit nostre cœur.

Les hōmes considerent nos actions,
mais Dieu examine nos intentions.
Faire toũjours bien , & auoir vne
petite estime de foy , c'est signe d'v-
ne ame humble. Ne vouloir estre
consolé d'aucune creature , c'est in-
dice d'vne grande pureté , & d'vne
confiance interieure.

4. Celuy qui ne cherche aucun
tesmoignage exterieur pour foy, fait
voir qu'il se commet entierement à
Dieu. Car (comme dit saint Paul)
celuy qui se louë foy-mesme , ce
n'est pas celuy qui est approuué ,
mais celuy que Dieu louë. Chemi-
ner avec Dieu au dedans de foy-
mesme , & n'estre lié d'aucune affe-
ction au dehors , c'est l'estat d'un
homme interieur.

*Qu'il faut aymer nostre Seigneur
Iesus-Christ par dessus
toutes choses.*

CHAPITRE VII.

Bien-heureux celuy qui sçait
que c'est d'aimer Iesus, & se
mépriser soy-mesme pour l'amour
de Iesus. Il faut quitter vn amy pour
l'autre. Car Iesus veut estre aimé
tout seul par dessus toutes choses.
L'amour de la creature est trompeur
& instable. L'amour de Iesus est fi-
delle & perseuerant. Celuy qui s'at-
tache à la creature perira avec elle,
qui est perissable. Celuy qui embras-
se Iesus sera affermy eternellement.
Aimez-le, & le tenez pour vostre
amy. Quand tous les autres vous
quitteront il ne vous laissera pas, &

ne souffrira pas que vous vous perdiez à la fin. Aussi bien faut-il, vueillez ou non, que vous soyiez quelque jour separé de tous les autres.

2. Tenez vous aupres de Iesus, & vivant & mourant, & vous cōmettez à sa fidelité. C'est luy seul qui vous peut aider quād tous les autres vous manqueront. Vostre bien-aimé est de telle nature qu'il n'en veut point souffrir d'autre, mais il veut auoir tout seul vostre cœur, & y feoir cōme vn Roy dans son propre trône. Si vous vous sçauiez bien deffaire de toutes les creatures, Iesus demeureroit volontiers avec vous. Tout ce que vous mettez en la confiance des hommes hors de Iesus, vous le trouuez presque tout perdu. Ne vous confiez point, & ne vous appuyez point sur vn roseau plein de vent,

pource que toute la chair n'est que foin, & toute sa gloire tombera comme la fleur du foin.

3. Vous serez bien-tost trompé si vous ne regardez qu'à l'apparence extérieure des hommes. Car si vous cherchez vostre consolation & profit aux autres, vous sentirez souuent du dommage. Si vous cherchez Iesus en toutes choses, vous trouuerés certainement Iesus, mais si vous vous cherchez, vous vous trouuerés aussi, mais à vostre ruine. Car si l'homme ne cherche Iesus, il se fait plus de tort à soy-mesme que tout le monde, & tous ses ennemis ne luy en sçauroient faire.

De la familiere amitié avec Jesus.

CHAPITRE VIII.

Q Vand Iesus est present tout est bon, & riē ne semble difficile ; mais quand Iesus n'est pas present tout est dur. Quād Iesus ne nous parle point au dedans, nous auons peu de consolation. Mais si Iesus nous dit seulement vne parole, on ressent vne grande consolation. Marie Magdelaine ne se leue-elle pas aussi-tost du lieu où elle estoit pleurante, lorsque Marthe luy dit, voicy le Maistre qui vous appelle? Heure bien-heureuse quand Iesus nous appelle des larmes à la joye de l'esprit ! Que vous estes aride & dur sur Iesus ! Que vous estes ignorant & vain si vous desirez quelque chose.

hors de Iesus ! n'est-ce pas vn plus grand dommage que si vous perdiez tout le monde ?

2. Qu'est-ce que tout le mōde vous peut apporter sans Iesus ? Estre sans Iesus, c'est vn grand enfer, estre avec Iesus, c'est vn doux Paradis. Si Iesus est avec vous, nul ennemy ne vous pourra nuire. Qui a trouué Iesus a trouué vn bon thresor ; Mais bien plus, c'est vn bien par dessus tous les biens, & qui perd Iesus, fait vne trop grand perte, & plus que s'il perdoit tout le monde. Celuy-là est tres-pauvre qui vit sans Iesus, & tres-riche qui est bien avec Iesus.

3. C'est vne grande science de sçauoir conuerſer avec Iesus, & sçauoir tenir Iesus, c'est vne grande prudence. Soyez humble & pacifique, & Iesus fera avec vous. Soyez deuot

& tranquille, & Iesus demeurera avec vous. Vous pouuez chasser Iesus & perdre sa grace si vous voulez vous détourner aux choses exterieures. Et si vous le chassez & le perdez, à qui aurez-vous recours, & qui chercherez vous pour amy? Vous ne pouuez pas bien viure sans vn amy, & si Iesus n'est vostre amy par dessus tous, vous serez grandement triste & desolé. Vous faites donc follement, si vous vous confiez & réjoüissez en vn autre qu'en luy. Il faut plûtoſt choisir d'auoir tout le monde contraire que Iesus offencé. Iesus donc soit seul vostre special amy entre tous ceux que vous aymez.

4. Tous les autres doiuent estre aimez pour l'amour de Iesus, & Iesus pour l'amour de luy-mesme. Iesus-Christ seul doit estre singulieremēt

aymé : Car c'est luy seul que l'on trouue bon & fidelle par dessus tous les amis. Toustant amis qu'ennemis vous doiuent estre chers pour l'amour de luy, & en luy, & le deuez prier pour tous, afin que tous le cognoissent & l'aiment. Ne desirez jamais d'estre loüé ou aimé singulierement : car cela n'appartient qu'à Dieu, qui n'a point de semblable à soy. Ne desirez point qu'aucun soit occupé de vous en son cœur, & ne vous occupez vous-mesme de l'affection d'aucun; mais que Iesus soit en vous & en tout homme de bien.

5. Soyez pur & libre en vostre interieur, sans vous empescher d'aucune creature. Il faut que vous soyez desnüé, & portiez vn cœur pur à Dieu, si vous voulez estre libre, & voir combien le Seigneur est doux.

Et vrayement vous ne paruiendrez point à cela, si vous n'estes parvenu & attiré interieurement de sa grace, afin que vous estant vuide & defait de toutes choses, vous soyez vn seul avec luy seul. Car quand la grace de Dieu vient à vn homme, il deuient fort pour toutes choses: Et quand elle s'en recule il demeure pauvre & infirme, & n'est quasi plus que pour endurer des afflictions, parmy lesquelles vous ne deuez pas estre abbatu ni desespéré, mais vous tenir patiemment à la volonté de Dieu, & endurer à la loüange de Iesus-Christ tout ce qui vous suruiendra. Car l'Esté suit l'Hiuer, le jour retourne apres la nuit, & apres la tempeste vient vne grande serenité.

De la priuation de toute consolation.

CHAPITRE IX.

IL n'est pas bien mal-aisé de mépriser la consolation humaine, quand nous auons la diuine. C'est vne grande chose, & tres-grande, de pouuoir estre priué de toute consolation, tant humaine que diuine, & de vouloir porter volontiers pour l'amour de Dieu l'exil du cœur, ne se chercher en aucune chose, & ne regarder à son propre merite. Est-ce grande chose d'estre joyeux & deuot, quand la grace vous suruiuent? C'est vne heure desirable pour tous. Celuy-là chemine bien doucement que la grace de Dieu porte: Et qui a il de merueilleux, si celuy-là ne sent

sent point la charge, qui est porté par le Tout-puissant, & guidé par le souverain conducteur ?

2. Nous sommes bien-aïses d'avoir quelque consolation, & l'homme se dépouille de soy-même difficilement. Le bien-heureux Martyr S. Laurent surmonta le monde, & l'amour qu'il portoit à son Prelat, pource qu'il mesprisa tout ce qui sembloit delectable au monde, & porta doucement d'estre priué de S. Sixte, le grand Prestre de Dieu, lequel il ay-
moit uniquement pour l'amour de Iesus-Christ. Il surmonta l'amour d'un homme, par l'amour de son Createur, & aima mieux le bon plaisir de Dieu, que la cōsideration humaine. Ainsi faut-il que vous appreniez à quitter pour l'amour de Dieu, quelque chose qui vous sera nécessaire, &

vos chers amis. Et qu'il ne vous ennuyé pas quand vostre amy vous delaissera , sçachant qu'aussi bien faut-il qu'en fin nous soyons tous separez les vns des autres.

3. L'homme a beaucoup & longtemps à combattre avant qu'il se puisse entierement surmonter , & porter pleinement toute son affection en Dieu. Quand l'homme s'appuye sur soy-mesme il se laisse facilement aller aux consolations humaines. Mais le vray amateur de Iesus-Christ , & soigneux imitateur de ses vertus, ne s'appuye point sur les consolations , & ne cherche point telles douleurs sensibles, mais plutôt les exercices penibles , & à supporter de grands travaux pour l'amour de Iesus-Christ.

4. Quand donc Dieu vous donne

des consolations spirituelles , rece-
uez les avec action de graces , &
sçachez que c'est vn don de Dieu ,
& non pas chose que vous ayez me-
ritée. Ne vous en éleuez point , ne
vous réjouïssez point trop ; n'en-
trez point en vaine presumption ,
mais soyez plutôt à cause de cette
grace plus humble , plus auisé , &
plus craintif en toute vos actions ,
pource que cette bonne heure pas-
sera , & la tentation viendra apres.
Lors que la consolation vous sera
ostée , ne perdez pas incontinent
l'esperance , mais attendez la visi-
tation celeste en humilité & patien-
ce : car Dieu peut vous donner da-
uantage de grace & de consolation.
Cela n'est ni nouueau , ni estrange
à ceux qui ont experiēce des voyes
de Dieu : pource que cette maniere

de vicissitude souuent esté pratiquée enuers les grands Saincts & Prophetes anciens.

5. De là procedoit que l'un d'entre eux (sentant la grace presente) disoit, I'ay dit en mon abondance, Je ne seray jamais émeu. Mais pour monstrier ce qu'il experimentoit lors que la grace s'estoit retirée, il adjoute, Vous auez détourné vostre face de moy, & j'ay esté troublé. Parmi cela toutesfois il ne perd pas l'esperance, mais au contraire il prie Dieu plus instamment, & dit, l'esslanceray mes cris vers vous, mon Seigneur, & prieray mon Dieu. En fin il remporte le fruit de son oraison, & tesmoigne qu'il a esté exaucé, disant. Le Seigneur m'a ouï, & a eu pitié de moy. Mon Dieu m'a secouru & aidé: mais comment? Vous auez (dit-il)

changé mes pleurs en joye, & m'a-
uez enuironné de rejouissance. Que
si les choses sont passées en cette fa-
çon avec les grands Saints, nous ne
deuons pas nous autres pauvres &
infirmes perdre l'esperance, si par
fois nous sommes en ferueur, & par
fois en froideur : car le S. Esprit
vient & s'en va, selon le bon plaisir
de sa volonté. C'est pourquoy le
bien-heureux Iob disoit, Vous le
visitez de bon matin, & l'esprou-
uez soudainement.

6. Sur quoy dōc puis-je fonder mon
esperance, où en quoy me dois-je
confier, si ce n'est en la grande mise-
ricorde de Dieu, & en la seule espe-
rance de la grace celeste? Car soit que
nous foyons avec des gens de biē, a-
vec des freres deuotieux, & des amis
fideles, soit que nous ayōs des liures

saincts , ou des beaux traittez , soit que nous ayons des Musiques douces & des Hymnes , tout cela ne nous sert de gueres , & n'y prenons gueres de goust , lors que nous sommes abandonnez de la grace , & delaissez en nostre pauvreté. Il n'y a point lors de meilleur remede que la patience & la resignation en la volonté de Dieu.

7. Je n'ay jamais trouué personne si religieux qui n'ait eu quelquesfois soustraction de la grace , ou n'ait senti diminution de ferueur. Iamais aucun Sainct n'a esté si hautement ravi & illuminé , qui deuant ou apres n'ait souffert quelque tentation. Car celuy-là n'est pas digne de la haute contemplation de Dieu, qui n'a point souffert pour Dieu l'exercice de quelque tribulation.

Car la tentation a coustume d'estre vn signe & auant-coureur de la consolation qui vient apres , pour ce que la consolation celeste est promise à ceux qui sont esprouuez par les tentations. Celuy qui surmontera (dit l'Escripture) ie luy donneray à manger de l'arbre de vie.

8. La consolation diuine est aussi donnée à l'homme , afin qu'il soit plus fort à supporter les aduersitez. La tentation vient aussi de peur que l'homme ne s'eleue à raison du bien qu'il a , le diable ne dort pas , & la chair n'est pas encore morte , & pour ce ne cessez point de vous preparer au combat : Car vous avez à droict & à gauche , des ennemis qui ne reposent jamais.

*De la recognoissance des graces
de Dieu.*

CHAPITRE X.

Pourquoy cherchez vous le repos, veu que vous estes nay pour le trauail? Adonnez vous plutôt à la patience qu'à la consolation, & à porter la croix plutôt qu'à la joye. Car quel seculier n'embrasseroit volontiers la consolation & la joye spirituelle, s'il la pouuoit toujours obtenir? Les consolations spirituelles surpassent toutes les delices du monde, & toutes les voluptez de la chair: Car toutes les delices du monde sont fales ou vaines, mais les seules delices spirituelles sont joyeuses & honnestes, engendrées des vertus & infuses de Dieu

es âmes pures. Mais il n'y a personne qui puisse toujours jouir de ces consolations diuines comme il voudroit, pour ce que le temps de la tentation reuient bien-toft.

2. La fausse liberté d'esprit, & la grande confiance en soy contraire beaucoup aux richesses d'enhaut. Dieu fait bien donnant la grace de la consolation, mais l'homme fait mal ne reportant pas tout à Dieu avec action de grace: Et pour cela les dons de grace ne peuuent pas couler en nous, pource que nous sommes ingrats à leur auteur, & ne renuoyons pas le tout en la source originelle. Car toujours est deuë vne nouvelle grace à celui qui remercie comme il appartient. Et ce qui est coustumierement donné à l'humble sera osté au superbe.

3. Je ne veux point de la consolation laquelle m'oste la composition, & n'affecte point la contemplation qui meine à l'orgueil. Car tout ce qui est haut n'est pas saint pour cela : tous desirs ne sont pas purs : tout ce qui est doux n'est pas toujours bon, ni tout ce que nous aimons, toujours agreable à Dieu. J'accepte volontiers la grace par le moyen de laquelle je deuiens plus humble, plus craintif, & plus prest à me delaisser. Celuy qui est enseigné par le don de la grace, & instruit par la peine qu'il y a en la soustraction, n'osera pas s'attribuer aucune chose de bon, mais plutôt se recognoistra pauvre & nud. Rendez à Dieu ce qui est de Dieu, & vous attribués ce qui est vostre, c'est à dire, remerciez Dieu de sa grace, & recognois-

fez que ce qui vous est deu c'est le peché, & la peine que merite le peché.

4. Mettez-vous toujours au plus bas, & le plus haut vous sera donné: car le plus haut ne subsiste point s'il n'est fondé sur le plus bas. Les plus grands Saints deuant Dieu, sont les plus petits en eux-mesmes, & tant plus sont-ils pleins de gloire, tant plus sont-ils humbles en soy. Ceux qui sont remplis de la verité, & de la gloire celeste, ne sont point desireux de la vaine gloire. Ceux qui sont fondez & confirmez en Dieu, ne peuuent en aucune façon s'en orgueillir, & ceux qui attribuent entierement à Dieu tout le bien qu'ils ont receu, ne cherchent point la gloire des hommes, mais celle qui est de Dieu seul, & desirent sur

toutes choses louer Dieu en foy, & en tous les Saints, & ne tendent qu'à cela.

5. Soyez donc recognoissant pour les plus petits dons, & vous serez digne d'en recevoir de plus grands. Que les plus petites choses soient estimées de vous comme grâdes, & les plus contemptibles comme un don special. Si l'on regarde à la dignité de celuy qui donne, nul don ne paroistra petit ou trop vil. Car cela n'est point petit qui est donné par le grand Dieu souverain, encore qu'il nous donne des peines & des afflictions, cela nous doit estre agreable: Car il fait toujours pour nostre salut en tout ce qu'il permet nous arriuer. Celuy qui desire conseruer la grace de Dieu, qu'il soit recognoissant pour celle qui luy a esté donnée.

& patient quand elle luy est ostée; qu'il prie afin qu'elle reuienne, qu'il soit sur ses gardes & humble pour ne la plus perdre.

Du petit nombre des amateurs de la Croix de Iesus.

CHAPITRE XI.

Iesus a maintenāt plusieurs amateurs de son Royaume celeste, mais peu qui portent sa Croix. Il y a plusieurs qui desirent la consolation, mais peu la tribulation. Il trouue plusieurs compagnons de la table, mais peu de l'abstinence. Tous se veulent réjouir avec Iesus-Christ, mais il y en a peu qui veulent souffrir quelque chose pour l'amour de luy. Plusieurs suivent Iesus jusques à la fraction du pain, mais

peu jusques à boire le Calice de la Passion. Plusieurs venerent ses miracles, mais peu suiuent l'ignominie de sa Croix. Plusieurs aiment Iesus tant qu'il ne leur arriue point d'aduersité. Plusieurs le loüent & benissent tant qu'ils reçoient de luy quelques consolations. Mais si Iesus se cache & les laisse pour vn peu de temps, ou ils se plaignent, ou ils sont trop abbatus.

2. Mais ceux qui ayment Iesus pour l'amour de Iesus, & non pour aucune particuliere consolation, le benissent en la tribulation, & en l'angoisse de leur cœur, tout ainsi qu'en la plus grande consolation. Et quand il ne voudroit jamais leur donner de consolation, ils le loüeroient neantmoins tousiours, & voudroient toujours luy rendre graces.

3. O combien peut le pur amour de Iesus qui n'est meslé d'aucune commodité ou amour particulier! Ne faut-il pas appeller mercenaires tous ceux qui cherchent des consolations? Ne faut-il pas reconnoistre pour amateurs de soy-mesme plütoſt que de Iesus-Christ, ceux qui cherchent toujours leur commodité & profit? Où est-ce que l'on trouuera vne personne qui vueille ſeruir à Dieu gratuitement?

4. On trouue rarement vn homme ſi ſpirituel qui ſoit dépoüillé de toutes choſes; qui eſt-ce qui trouuera vn vray pauvre d'eſprit, & dénué de toute creature? Il le faut chercher bien loin, ſon prix eſt aux dernieres fins de la terre. Quand l'homme donneroit toute ſa ſub-

stance , encores ne seroit-ce rien.
Quand l'homme auroit fait vne
grande penitence , encores est-ce
peu. Quand il auroit compris toutes
ses sciences , encores en est-il
éloigné. Quand il auroit vne grande
vertu , & vne deuotion fort ardante,
encores luy manque-il beaucoup.
C'est à sçauoir , vne chose qui luy
est grandement necessaire. Et quoy ?
Qu'ayant laissé toutes choses il se
laisse luy-mesme , qu'il forte tout à
fait de soy-mesme , & ne retienne rien
de l'amour propre. Et quand il aura
fait tout ce qu'il cognoistra deuoir
faire , qu'il croye n'auoir rien fait.

5. Qu'il ne fasse pas grand cas de
ce que l'on pourroit estimer beaucoup ,
mais qu'il se dise en verité seruiteur inutile ,
ainsi que la verité dit,

dit, Quand vous aurez fait tout ce qui vous est commandé, dites que vous estes seruiteur inutile. Lors il pourra estre vrayement pauvre & nud d'esprit, & dire avec le Prophe-
te, car je suis seulet & pauvre. Il n'y a toutesfois personne plus riche, plus libre, ny plus puissant que ce-
luy qui sçait quitter soy-mesme, & toutes choses, & se mettre au plus bas lieu.

*Du chemin Royale de la sainte
Croix.*

CHAPITRE XII.

Cette parole semble dure à plu-
sieurs: Renoncez à vous mes-
mes, prenez vostre croix, & suiuez
Iesus. Mais il sera bien plus dure
d'entendre cette derniere parole:

L

Retirez-vous de moy , maudits ,
au feu eternal. Ceux qui à present
oyent , & suiuent volontiers la pa-
role de la Croix , ne craindront
point lors d'oüir l'arrest de la dam-
natiõ eternelle. Ce signe de la Croix
fera au Ciel, lors que nostre Seigneur
viendra pour juger. Et à lors tous
les seruiteurs de la Croix , qui en
leur vie se sont conformez au Cru-
cifié, se presenteront avec vne gran-
de confiance deuant Iesus-Christ
leur Iuge.

2. Pourquoi donc craignez-vous
de porter la croix par laquelle l'on
paruiēt au Royaume ? Le salut est en
la croix. La vie est en la croix. En la
croix est la protection contre les en-
nemis. En la croix est l'infusion de la
douceur celeste. La force de l'ame
est en la croix. La joye de l'esprit est

en la croix. L'abbregé des vertus est en la croix, & en la croix est la perfection de saincteté. Il n'y a point de salut pour l'ame, ny d'esperance de la vie eternelle, sinon en la croix. Prenez donc vostre croix, & suiuez Iesus, & vous irés à la vie eternelle. Il est allé deuant portant sa croix, & est mort pour vous en la croix, afin que vous portiez aussi vostre croix, & delirez mourir en croix. Car si vous mourez avec luy, vous viurez aussi avec luy. Et si vous luy estes associé en la peine, vous luy serés aussi associé en la gloire.

3. Voila comme tout est en la croix, & tout consiste à mourir, & n'y a point d'autre chemin à la vie, & à la vraye paix interieure que le chemin de la saincte croix & de la mortification eternelle. Allez où vous

voudrez, cherchez tout ce que vous voudrez, vous ne trouuerez point en haut vn chemin plus esleué, ny en bas vn plus asseuré, que le chemin de la sainte Croix. Disposez, & ordonnez toutes choses selon qu'il vous plaira, ou que vous le jugerés meilleur, vous trouuerés qu'il faut toujours souffrir quelque chose, ou volontiers, ou malgré vous : Et ainsi vous trouuerés toujours la Croix. Car ou vous sentirés douleur au corps, ou vous aurés en l'ame quelque tribulation spirituelle.

4. Vous serés par fois delaisné de Dieu, par fois vostre prochain vous dōnera de l'exercice, & qui plus est, vous ferez souuent enuieux à vous-mesme, dōt toutesfois vous ne pourrez estre deliuré ny allegé par aucun remede ou soulagement, & faut que

vous le supportiez tant qu'il plaira à Dieu. Car Dieu veut que vous appreniez à souffrir la tribulation sans consolatiõ, que vous vous fousmettiez entierement à luy, & deueniez plus humble par la tribulation. Il n'y a personne à qui la Passiõ de Iesus-Christ touche si fort au cœur, comme celuy à qui il est arriué de souffrir quelque chose de sēblable. La Croix dōcques est toujours preste, & vous attend par tout. Courez où vous voudrez, vous n'en pouuez eschapper, pour ce qu'en quelque part que vous alliez vous-vous portez toujours : & vous-vous trouuerez toujours. Retournez-vous vers le Ciel, ou vers la terre, au dedans ou au dehors, vous trouuerés par tout la Croix, & vous est nécessaire d'auoir patience par tout.

si vous voulez auoir la paix intérieure, & obtenir la couronne éternelle.

5. Si vous portez volontiers la Croix, elle vous portera, & vous conduira à la fin désirée, où les souffrances prendrōt fin: ce qui n'est pas icy. Si vous la portez à regret, c'est vn fardeau que vous mettez sur vous, & vous chargez vous-mesme dauantage. Et toutesfois il faut que vous la supportiez. Si vous rejettez vne Croix vous en trouuerez assurement vne autre, & peut estre plus pesante.

6. Pensez-vous eschapper ce dont aucun des hommes n'a peu s'exempter? Quel des Saints a esté au monde sans Croix & sans tribulation? Nostre Seigneur Iesus-Christ mesme, tant qu'il a vescu

n'a pas esté vne heure sans souffrir douleur. Il falloit que Iesus-Christ souffrist & ressuscitast des morts, & qu'ainsi il entraist en sa gloire. Et comment cherchez-vous vn autre chemin que ce chemin Royal, qui est le chemin de la sainte Croix?

7. Toute la vie de Iesus-Christ n'a esté que croix & martyre, & vous cherchez pour vous du repos & de la joye! vous vous trompez, vous vous trompez si vous cherchez autre chose que d'endurer des tribulations: Car toute cette vie mortelle est pleine de miseres, & environnée de Croix. Et d'autant plus que l'homme est auancé en la vie spirituelle, d'autant trouuera-il souuent de plus pesantes croix, pource que l'amour fait que la peine de son exil luy est plus grande.

8. Toutesfois l'homme estant ainfi affligé en diuerfes manieres, n'est pas sans le soulagement de quelque consolation. Car il sent bien qu'il profite beaucoup en supportant sa Croix, pour ce que lors qu'il s'y soumet de son bon gré toute la charge de la tribulation, se conuertit en confiance de la consolation diuine, & tant plus la chair est matée par les afflictions, l'esprit en est d'autant plus fortifié par la consolation intérieure, & bien souuent il est tellement fortifié par l'affection qu'il porte à la tribulation & aduersité, pour l'amour de la conformité de la Croix de Iesus-Christ, qu'il ne voudroit pas estre sans douleur & sans tribulation, pource qu'il croit qu'il sera d'autant plus agreable à Dieu qu'il pourra porter plus de

choses & plus pesantes pour l'amour de luy. Cen'est pas la vertu del'hōme , mais la grace de Iesus-Christ, qui peut & fait de si grandes choses en la chair fragile , qu'elle entreprenne , & ayme par ferueur d'esprit ce que par sa nature elle abhorre & fuit continuellement.

9. Cen'est pas du naturel de l'homme de porter la Croix , d'aymer la Croix , chastier son corps, & le soumettre à la servitude: fuir les honneurs , supporter volontiers les contumelies, se mespriser soy-mesme, & desirer d'estre mesprisé , endurez les aduersitez & les pertes , & ne desirer aucune prosperité en ce monde. Si vous vous regardez , vous ne pourrez de vous-mesme aucune de ces choses: mais si vous vous confiez en Dieu , la force vous sera donnée du

Ciel. Le monde & la chair seront assujettis à vostre puissance, & ne craindrez point le diable vostre enemy, si vous estes armé de la foy, & marqué de la Croix de Iesus-Christ.

10. Mettez-vous donc comme vn bon & fidel seruiteur de Iesus-Christ, à porter virilement la Croix de vostre Seigneur, qui par amour a esté crucifié pour vous. Preparez vous à supporter beaucoup d'aduersitez & incommoditez en ceste vie miserable: car de ceste façon il sera avec vous, quelque pare que vous foyez, & le trouuerez veritablemēt en ceste maniere, en quelque endroit que vous vous puissiez cacher. Il vous faut conduire ainsi, & n'y a point de remede que vous vous puissiez éuader de la tribulation des maux, & de la douleur, sinō en vous

souffrât vous-mesme. Beuvez avec affection le Calice du Seigneur, si vous desirez estre de ses amis, & auoir part avec luy. Pour les consolations remettez-les à Dieu, & qu'il fasse de ces choses-là, ainsi qu'il luy sera plus agreable. Mais quāt à vous, mettez vous à souffrir les tribulations, & les estimez tres-grādes consolations: car les souffrances de ceste vie ne sont pas dignes de meriter la gloire à venir, qui sera manifestée en nous, encores que vous peussiez les supporter toutes vous seul.

II. Quand vous ferez paruenue à ce poinct que la tribulation vous sera douce, & la gousterez pour l'amour de Iesus-Christ, estimez lors que vous estes bien: car vous avez trouué Paradis en terre Tant qu'il vous sera fascheux d'endurer, & que

vous chercherez de l'éviter, vous ferez toujours mal, & la crainte de la tribulation vous suiura par tout.

12. Si vous appliquez à ce que vous devez, à sçavoir, à souffrir & mourir, vous serés bien-tost mieux, & trouuerés la paix. Quand vous auriez esté raui iusques au troisieme ciel avec Sainct Paul, vous ne seriez pas assuré pour cela de n'auoir à supporter aucune contrariété. Je luy monstreray, dit Iesus-Christ, combien il faut qu'il endure pour mon nom. C'est donc ce qui vous demeure, que souffrir, si vous voulez aymer Iesus, & luy seruir à jamais.

13. Pleust à Dieu que vous fussiez digne d'endurer quelque chose pour le nom de Iesus ! quelle grande gloire vous demeureroit ? combien de

joye à tous les Saints ? & combien d'edification au prochain ? Chacun recommande la patience , encores que peu de personnes veulent endurer. Vous déuriez à bon droit endurer volontiers quelque peu de chose pour Iesus-Christ , veu que plusieurs endurent pour le monde des choses tres-fascheuses.

14. Tenez pour asseuré qu'il faut que vous meniez vne vie mourante. Et d'autant plus que chacun de nous meurt à foy , d'autant plus commence-il de viure à Dieu. Personne n'est apte à comprendre les choses celestes , s'il ne se soufmet à supporter les aduersitez pour Iesus-Christ. Rien n'est plus agreable à Dieu , rien n'est plus salutaire à l'homme en ce monde, que de souffrir volontiers pour Iesus-Christ.

Et si vous en auiez le choix , vous déuriez plūtoſt deſirer d'endurer des aduerſitez pour Ieſus-Chriſt, que de receuoir pluſieurs conſolations, pource que vous ſeriez par ce moyē plus ſemblable à Ieſus-Chriſt, & plus conforme à tous les Saincts. Car c'en'eſt pas à auoir beaucoup de douceurs & conſolations que conſiſte noſtre merite & auancement, mais plūtoſt à ſupporter de grandes faſcheries & tribulations.

15. Et ſ'il y euſt eu autre choſe meilleure & plus vtile pour le ſalut des hommes , que ſouffrir , Ieſus-Chriſt nous l'eũt ſans doute enſignée par ſes paroles, & par ſon exemple : car il exhortoit tout ouuertement les diſciples qui le ſuiuoient , & tous ceux qui le deſiroient ſuiure à porter la Croix, diſant : Si quelqu'un veut yē :

Enir apres moy, qu'il renonce à foy-
mesme, qu'il porte sa Croix, & me
suiue. Doncques, tout bien veu &
consideré, nostre derniere conclu-
sion sera, qu'il faut que nous parue-
nions au Royaume de Dieu par plu-
sieurs tribulations.

Fin du second Livre.





LIVRE III.

*Des paroles interieures de nostre
Seigneur Jesus-Christ
à l'ame fidelle.*

CHAPITRE PREMIER.

E'Escouteray ce que le Sei-
gneur mon Dieu me di-
ra au dedans de moy.
Bien-heureuse est l'ame
qui entend Dieu, parlant en elle, &
reçoit les consolations de sa bou-
che. Heureuses les oreilles qui re-
çoivent le doux bruit de l'inspira-
tion diuine, & n'entendent rien de

M

tous les bruits du monde. Heureux certainement les oreilles qui n'écoutent pas la voix qui frappe par dehors, mais la vérité qui parle & enseigne au dedans. Bien-heureux les yeux qui sont fermez aux choses exterieures, mais attentifs aux interieures. Bien-heureux sont ceux qui penetrent les choses interieures, & par leurs exercices ordinaires trauaillent à se preparer de plus en plus pour estre capables des secrets du Ciel. Bien-heureux ceux-là qui desirent, & essayent de vacquer à Dieu, & se deliurent de tous les empeschemens du monde.

2. Obserue cela, mon ame, & ferme la porte de tes sens, afin que tu puisses entendre au dedans de toy les paroles que le Seigneur ton Dieu te dira. Voicy ce que te dit ton

bien-aymé : Je suis ton salut, ta paix, & ta vie. Retire toy chez moy, tu trouueras la paix. Quitte toutes les choses passageres, & cherche les eternelles. Qu'est-ce de toutes les choses passageres, que tromperie ? De quoy te seruiront toutes les creatures, si tu es delaissée de ton Createur ? Renonce donc à toutes choses pour te rendre agreable & fidele à ton Createur, afin que tu puisses obtenir la vraye beatitude.

*Que la verité nous parle au dedans
de l'ame sans bruit de paroles.*

CHAPITRE II.

P Arlez, mon Seigneur, car vôte
seruiteur écoute. Je suis vostre
seruiteur, donnez moy entende-
ment, afin que je sçache vos tesmoi-

gnages. Faites que mon cœur écoute les paroles de vostre bouche. Que vos paroles coulent comme la rosée. Les enfans d'Israël disoient autrefois à Moÿse : Parlez-nous vous, & nous vous écouterons : mais que le Seigneur ne parle point à nous, de peur que nous ne mourions. Ce n'est pas ainsi, Seigneur, ce n'est pas ainsi que je prie : mais plutôt avec le Prophete Samuel, je vous supplie humblement & ardemment. Parlez, Seigneur, car vostre seruiteur écoute. Que ce ne soit pas Moÿse, ni aucun des Prophetes qui parle à moy, mais vous plutôt parlez à moy Seigneur mon Dieu, de qui procedent les inspirations & illustrations de tous les Prophetes : car vous tout seul pouuez sans eux m'enseigner parfaitement, mais

eux sans vous n'y auanceront rien.

2. Ils peuuent bien proferer les paroles, mais ils ne donnent pas l'esprit. Ils disent tres-bien, mais si vous ne parlez ils n'embrassent pas le cœur. Ils nous baillent la lettre, mais vous nous en découurez le sens. Ils nous proposent des mysteres, mais vous descouurez l'intelligence des choses designées. Ils nous donnent des commandemens, mais vous nous aidez à les accomplir. Ils nous monstrent le chemin, mais vous nous fortifiez pour le faire. Ils n'agissent qu'au dehors, mais vous instruisez & illuminez les cœurs. Ils arrosent par dehors, mais vous donnez la fecondité. Ils nous annoncent des paroles, mais vous nous en donnez l'intelligence.

3. Que ce ne soit donc pas Moyse

• qui parle à moy , mais vous , Seigneur mon Dieu , verité eternelle , de peur que je ne meure , & ne porte aucun fruit , si je suis seulement admonesté au dehors , & ne suis point embrasé au dedans , & que les paroles entenduës , & non pratiquées , cognuës , & non aymées , creuës , & non obseruées , ne me tournent à condamnation. Parlez donc , Seigneur , car vostre seruiteur escoute. Vous auez des paroles de vie eternelle. Parlez à moy , & que ce soit à la consolation de mon ame , à l'amendement de toute ma vie , & à vostre loüange , gloire & honneur à jamais.

Qu'il faut ouyr humblement les paroles de Dieu, & que plusieurs ne le pesent pas comme il faut.

CHAPITRE III.

M On fils , écoutez mes paroles; paroles tres-douces, surpassantes la science de tous les Philosophes , & de tous les sages du monde. Mes paroles sont esprit & vie , & ne les faut pas peser avec la balance du sens humain. Il ne les faut pas tirer à vaine complaisance, mais les ouïr en silence , & les recevoir avec humilité entiere, & grande affection. Et j'ay dit: Bien-heureux l'homme que vous instruirez, Seigneur, & à qui vous enseignerez vostre loy, afin que vous le consoliez és jours d'affliction , & qu'il ne

foit abandonné sur la terre. I'ay (dit nostre Seigneur) a enseigné les Prophetes dès le commencement, & jusques à present je n'ay point cessé de parler à vn chacun, mais plusieurs rendent sourds, & reuefches à ma voix.

2. Plusieurs écoutent plus volontiers le monde que Dieu, & suiuent plus promptement les appetits de leur chair, que le bon plaisir de Dieu. Le monde promet seulement des choses temporelles, & de peu de consequence, & il est seruy d'une grande affection. Je promets des choses fouueraines, & eternelles, & les cœurs des hommes sont engourdis à me seruir? Qui est celuy qui me serue en toutes choses avec autant de soin comme l'on sert au monde, & aux Seigneurs tēporels? Rougis-

sez, Sidon (ce dit la mer) & si vous en demandez la cause , écoutez-là. On court beaucoup de chemin pour vn peu d'interest , & pour la vie eternelle plusieurs à grande peine leuent-ils vne fois le pied de terre. C'est vn prix bien vil que l'on cherche. Par fois pour vne piece d'argent on plaide indignement; on ne craint point de se lasser jour & nuict pour vne chose de neant , & pour quelque petite promesse.

3. Mais hélas! pour vn bien incommutable , pour vn prix inestimable , on se rend paresseux , & on craint de se lasser tāt soit peu. Rougissez donc , seruiteur paresseux & delicat , que ceux-là se trouuēt plus diligens à se perdre, que vous à chercher la vie; Ceux-là se réjouissent dauantage pour la vanité, que vous

pour la verité; & toutesfois ils sont souuent frustrez de leur esperance: mais mes promesses ne trompent jamais personne, & ne laissent point aller les mains vuides celuy qui a confiance en moy. Ce que j'ay promis je le donneray, ce que j'ay dit, je l'accompliray, mais ce sera à celuy qui demeurera jusqu'à la fin fidele en mon amour. C'est moy qui recompense tous les gens de bien, & qui éprouue fortement tous les deuotieux.

4. Escribez mes paroles en vostre cœur, & les rememorez soigneusement, car elles vous seront fort necessaires au temps de la tribulation. Ce que vous n'entendez pas lors que vous le lisez, vous l'entendrez lors que vous ferez en affliction. J'ay coûtume de visiter mes élus en

deux manieres, à sçauoir, par tentation, & par consolation, & leur fais tous les jours deux leçons; l'vne en les reprenant de leurs vices, l'autre en les exhortant à l'accroissement des vertus. Celuy qui a receu mes paroles, & n'en tient compte, il a qui le jugera au dernier jour.

*Oraison pour impetrer la grace de
la deuotion.*

5. **S** Eigneur mon Dieu, vous estes tout mon bien, & qui suis-je, moy qui ose parler à vous? Je suis vostre pauvre petit seruiteur, vn chetif vermisseau, plus pauvre, & plus mesprisable que je ne puis, ny ose dire. Souuenez-vous toutesfois, Seigneur, que je ne suis rien, que je n'ay rien, & que je ne puis

rien. Vous estes seul bon, juste, & sainct; vous pouuez tout, vous satisfaites à tout, vous emplissez tout, horsmis le pecheur, que vous laissez vuide. Résouuenez-vous de vos misericordes, Seigneur, & remplissez mon cœur de vostre grace, puis que vous ne voulez pas que vos œuures soient vuides.

6. Comment ne puis-je supporter en cette miserable vie, si je ne suis fortifié de vostre grace, & de vostre misericorde? Ne destournez point vostre face de moy, Ne differez point de me visiter. Ne retirez point vostre consolation, de peur que mon ame ne deuienne enuers vous comme de la terre sans eau. Seigneur, enseignez-moy à faire vostre volonté, enseignez-moy à conuerser en vostre pre-

sence dignement, & humblement :
car vous estes ma sapience, qui me
cognoissez veritablement, & m'a-
uez cogneu avant que le monde
fust, & avant que je nasquisse au
monde.

*Qu'il faut conuerser en la presen-
ce de Dieu en verité &
humilité.*

CHAPITRE IV.

MOn fils, cheminez en ma
presence en verité, & me
cherchez toujours avec vn cœur
simple. Celuy qui chemine en verité
deuant moy sera guaranty des mau-
uaises incursions, & la verité le deli-
uera des seducteurs, & de la detra-
ction des meschans. Si c'est la verité
qui vous deliure, vous serez vraye-

ment libre , & ne vous soucierez point des vains propos des hommes. Seigneur ce que vous dites est veritable , faites je vous prie que cela se passe ainsi en moy. Que vostre verité m'enseigne , qu'elle me garde , qu'elle me conserue jusques à vne fin salutaire , qu'elle me deliure de toute mauuaise affection, & de tout amour desordonné : & je chemineray avec vous en vne grande liberté de cœur.

2. Je vous enseigneray (ce dit la verité) les choses justes, & agreables à mes yeux. Pēsez à vos pechez avec vn grand déplaisir & tristesse, & que vos bonnes œuures ne vous fassent jamais estimer que vous soyiez quelque chose. Vous estes veritablemēt pecheur, sujet, & enueloppé de beaucoup de passions. En ce qui est de

vous, vous tēdez toujourns au neant, vous tombez aisément, vous estes bien-tost vaincu, vous-estes aisément troublé, vous vous relaschez bien-tost, vous n'avez rien de quoy vous vous puissiez glorifier, mais biē plusieurs choses, à raison desquelles vous vous devez auillir. Car vous estes beaucoup plus infirme que vous ne sçauriez comprendre.

3. Ne faites donc pas grand cas d'aucune chose que vous fassiez. Que rien ne vous semble grand, rien de precieux & admirable, rien digne d'estre estimé, rien de haut, rien de loüable, ny desirable, sinon ce qui est eternal. Que sur toutes choses la verité eternelle vous plaise, & sur toutes choses vous déplaise toujourns vostre tres-grande abjection. Ne craignez rien tant, ne

blasmez, ni fuyez rien tant que vos vices & vos pechez, qui vous doiuent plus déplaire que toutes les pertes des choses du monde. Il y en a aucuns qui ne cheminent pas en sincerité deuant moy : mais plûtoſt poussez de quelque arrogance & curiosité, veulent ſçauoir mes ſecrets, & entendre les haut myſteres de Dieu, ne tenans conte, ni de foy, ni de leur ſalut. Ces gens-là tombent ſouuent en de tres-grandes tentations & pechez, à cauſe de leur orgueil & curiosité, pource que je luy ſuis contraire.

4. Craignez les jugemens de Dieu, tremblez au courroux du Tout-puiſſant, gardez-vous d'éplucher & examiner les œuvres du Tres-haut : mais plûtoſt examinez combiẽ vous auez commis de pechez, & quel grand

grand nombre de bien-faits vous auez obmis. Quelques-vns mettent toute leur deuotion aux liures, d'autres aux images, d'autres aux signes extérieurs, & aux figures. Quelques-vns m'ont en la bouche, mais il y en a peu en leur cœur. Il y en a d'autres qui ont l'entendement illuminé, les affections purgées, haletent continuellement aux choses eternelles, oyent avec peine de parler des choses de la terre, & s'ennuyent de seruir aux necessitez de la nature: ceux-là entendent ce que l'esprit de verité leur dit interieurement: Car il les enseigne à mépriser les choses terrestres, & aimer les celestes; ne faire cas du monde, & desirer le ciel jour & nuict.

*De l'effet merueilleux de l'amour
divin.*

CHAPITRE V.

IE vous benis, ô Pere celeste, Pe-
re de Iesus-Christ, mon Sei-
gneur, qui vous estes daigné sou-
uenir de ma pauvreté. O Pere des
misericordes, & Dieu de toute con-
solation, je vous rends graces de ce
que vous me recréez quelquesfois
de vostre consolation, encores que
je sois indigne de toute consola-
tion. Je vous benis, & glorifie à
jamais avec vostre Fils vnique, &
le S. Esprit, Consolateur aux fie-
cles des siecles. Ha! Seigneur mon
Dieu, mon sainct Amateur, quand
vous ferez venu en mon cœur, tout
mon interieur sautera de joye. Vous

estes ma gloire , & l'exultation de mon cœur ; vous estes mon esperance , & mon refuge au jour de ma tribulation.

2. Mais pource que mon amour est encor foible, & ma vertu imparfaite, il est necessaire que je sois fortifié , & consolé par vous ; Visitez-moy donc souuent , & m'instruisez en vostre sainte discipline. Delivrez-moy des passions mauuaises, guerissez mon cœur de toutes affections desordonnées, afin qu'estant guery , & bien purgé interieurement, je sois propre pour vous aimer , fort pour endurer , & ferme pour perseuerer.

3. C'est grande chose que l'amour ; c'est vraiment vn tres-grand bien, qui seul rend leger tout ce qui est pesant, & porte également tout ce qui

est inegal. Car il porte les fardeaux
sans en estre chargé, & rend doux
& fauoureux tout ce qui est amer.
L'amour de Iesus est noble, il nous
porte à operer de grandes choses,
& nous excite toujours à desirer
les choses plus parfaites. L'amour
veut estre en haut, & que rien d'i-
cy ne l'arreste; l'amour veut estre
libre, & esloigné de toutes les af-
fections mondaines, de peur que
son œil interieur n'en soit empes-
ché, que quelque commodité tem-
porelle ne l'embarresse, ou qu'il ne
succombe aux incommoditez. Il
n'y a ny au Ciel, ny en la terre rien
de plus doux que l'amour, rien de
plus fort, rien de plus haut, rien de
plus estendu, rien de plus remply,
ny de meilleur: car l'amour est né
de Dieu, & ne se peut reposer qu'en

Dieu , par dessus toutes les choses creées.

4. Celuy qui ayme, vole, court, est joyeux, libre, & rien ne le tient. Il donne tout pour tout, & a tout en toutes choses : car il se repose par dessus toutes choses en ce qu'il est vn, & souuerain, duquel decoule & procede tout bien. Il ne prend pas garde aux dons, mais passant par dessus tous les biens, il se conuertit à celuy qui les donne. Souuent l'amour ne tient point de mesure, mais sa ferueur passe par dessus toute mesure. L'amour ne se sent point chargé, il ne fait point de cas des travaux, il en embrasse plus qu'il ne peut, il ne se plaint point de l'impossibilité : car il croit pouuoir tout, & que tout luy est permis. C'est pourquoy il est bon à tout, il accomplit,

& fait affectionner beaucoup de choses, esquelles celuy qui n'a point d'amour, defaut & demeure.

5. L'amour veille, dormant il ne sommeille pas, fatigué, ne se lasse point, estant restraint, n'est point enfermé, épouuenté, ne s'en trouble point, mais comme vne flamme vive & des flammesches ardentes, il s'eslance en haut, & passe asseurement. Si quelqu'un ayme, il sçait bien ce que ceste voix luy crie. Ceste ardente affection de l'ame jette de grands cris aux oreilles de Dieu, quand elle dit : Mon Dieu, mon amour, vous estes tout mien, & moy tout vostre.

6. Augmentez en moy l'amour, afin qu'au fonds de mon cœur je puisse goustier combien il est doux d'aimer, & d'estre tout fondu, & na-

geant en amour. Que je sois faisi de l'amour, m'esleuant au dessus de moy-mesme par excez de ferueur, & d'estonnement. Que je chante le Cantique d'amour, que je suiue mō bien-aimé en haut, que mon ame tressaillant de joye par amour, se consume en vos loüanges. Que je vous ayme plus que moy, que je m'ayme pour l'amour de vous seulement, & en vous: Tous ceux qui vous aiment vraiment, ainsi que nous le commāde la loy de l'amour qui nous éclaire par vous.

7. L'amour est viste, sincere, deuot, joyeux, plaissant, fort, patient, fidele, prudent, perseuerant, courageux, & qui ne se cherche jamais: car si tost que quelqu'un se cherche soy-mesme, il dechet de l'amour. L'amour est circonspect, humble,

& droicturier, il n'est point delicat, ny leger, & ne s'occupe point en choses vaines; Il est sobre, chaste, ferme, tranquile, & bien retenu en tous ses sens. L'amour est soumis, & obeissant aux Prelats & Superieurs, & à soy-mesme vil, & à mespris; il est deuotieux, & recognoissant enuers Dieu, se fiant, & esperant toujours en luy, mesme lors qu'il n'a nul goust de Dieu: car on ne vit point en amour sans douleur.

8. Celuy qui n'est pas prest d'endurer toutes choses, & dépendre de la volõté de son bien-aymé, n'est pas digne que l'on die qu'il ayme. Il faut que celuy qui ayme embrasse volõtiers pour l'amour de son bien-aymé, toutes choses dures & ameres, & qu'il ne se destourne de luy pour aucune chose contraire qui luy arriue.

De l'esprenue du vray amour.

CHAPITRE VI.

M On fils, vous n'estes pas encor' fort, ni prudent en vostre amour. Pourquoi, Seigneur? Pource que s'il vous arriue vne petite contrarieté, vous desistez de ce que vous avez entrepris, & cherchez trop auidement la consolation. Celuy qui a vn amour fort, demeure ferme aux tentations, & n'adjouste pas foy aux persuasions rusées de l'ennemy. Tout ainsi que je luy plais en la prosperité, je ne luy desplais pas en l'aduersité.

2. Celuy qui est prudent en son amour ne regarde pas tant les dons de celuy qui l'ayme, que l'amour de celuy qui luy donne. Il regarde plu-

stoit l'affection, que le prix de la chose, & fait moins de cas de tous les dōs qu'il reçoit, que de son bien-aymé. Celuy qui aime noblemēt, ne se repose pas aux biēs que je luy fais, mais en moy, par dessus tous biens-faits. Et partant si quelquesfois vous n'avez pas de si bons sentimens de moy, & de mes Saincts que vous voudriez, n'estimez pas pour cela que tout soit perdu. Cette bonne & douce affection que vous avez parfois est vn effet de la grace presente, & vn certain auant-goust de la demeure du Ciel, sur lequel il ne se faut pas trop appuyer, pource qu'il va & vient : mais combattre contre les mauuais mouuements de l'esprit, & mépriser les suggestions du diable, c'est vne marque de vertu, & de grand merite.

3. Ne vous troublez point donc pour les estranges fantaisies qui vous arriueront, de quelque maniere qu'elles soient. Conseruez-vous en vn ferme propos, & en l'intention droite à Dieu, & n'estimez pas que ce soit illusion si quelques fois vous estes soudainemēt rauy & esleué en quelque haute cōtemplation, & retournez incontinent aux folles pensées qui ont coustume d'occuper vostre cœur. Car vous les souffrez plutôt malgré vous, que vous ne les causez, & tant qu'elles vous déplaisent, & que vous y résistez, c'est merite, & non pas peché.

4. Sçachez que l'ancien ennemy s'efforce d'empescher tout à fait les desirs que vous auez de bien viure, & vous faire quitter tous les exercices de deuotion; comme la venera-

tion des Saincts, la deuote memoire de ma Passion, la ressouuenance tres-profitable de vos pechez, la garde de vostre cœur, & le ferme propos de vous auancer en la vertu; Il vous jette plusieurs mauuaises pensées, afin de vous ennuyer, & effrayer, vous retirer de l'oraison, & de la lecture des choses sainctes. La Confession humble luy déplaist, & s'il pouuoit il vous feroit quitter la Communion. Ne le croyez pas, & ne vous souciez pas de luy, encores qu'il vous dresse plusieurs embusches pour vous tromper. Lors qu'il vous suggere des choses mauuaises & sales, reprochez-le luy, & luy dites : Va, esprit sale & immonde, rougis de honte, miserable que tu es; tu es bien sale, de remplir mes oreilles de telles choses,

Retire toy de moy , méchant seducteur , tu n'auras aucune part avec moy , mais Iesus fera avec moy comme vn vaillant guerrier , & tu demeureras confus. I'ayme mieux mourir , & souffrir toute sorte de peine , que de consentir à toy. Tais-toy , & ne cause plus , je ne t'escouteray plus , quelques fascheries que tu proposes de me donner. Le Seigneur est ma lumiere , & mon salut , que craindray-je ? Quand il y auroit des armées rangées à l'encontre de moy , mon cœur ne craindra point. Le Seigneur est mon secours , & mon Redempteur.

5. Bataillez comme vn bon gendarme , & si quelquefois vous tombez par fragilité , reprenez vos forces plus grandes qu'auparauant , vous confiant de receuoir vne plus gran-

de grace de moy. Et gardez-vous de la vaine complaisance, & de l'orgueil. Cela est cause que plusieurs personnes tombent en erreur, & les porte par fois à des aveuglemens presque incurables. Cette ruine qui arriue aux orgueilleux, presumans follement de foy, vous doit seruir d'aduis, & vous tenir en perpetuelle humilité.

Qu'il faut cacher la grace sous la garde de l'humilité.

CHAPITRE VII.

M On fils, il vous est plus utile, & plus asséuré de courir la grace de la deuotion, ne vous en éleuer point, n'en parler pas beaucoup, n'en faire pas beaucoup de cas, mais plutôt vous mes-

priser vous-mesme, & craindre comme d'une chose donnée à une personne indigne. Il ne se faut pas attacher si fort à cette disposition qui se peut bien-tost changer tout au contraire. Lors que vous ressentez la grace, pensez combien vous avez coustume d'estre miserable & pauvre, lors que vous ne l'avez pas. Le profit de la vie spirituelle n'est pas seulement à avoir la grace de la consolation, mais à porter la souffraction d'icelle humblement, patiemment, & avec resignation : en sorte que vous ne relaschiez point le soin de l'oraison, & ne laissiez en aucune façon les autres bonnes œuvres que vous avez coustume de faire : mais que vous fassiez volontiers ce qui est en vous en la meilleure maniere que vous le pourrez,

& entendez, & que la secheresse & anxieté d'esprit que vous sentez, ne soit pas cause que vous vous negligiez entierement.

2. Car il y en a plusieurs qui aussi tost que les choses ne succedent pas à leur gré deuiennent impatiens, ou paresseux, les voyes de l'homme ne sont pas toujourns en sa puissance. C'est à Dieu à donner des graces, & consoler quand il veut, autant qu'il veut, & à qui il veut, ainsi qu'il luy plaist, & non plus. Quelques-vns estans mal aduisez se sont ruinez eux-mesmes par le moyen de la grace, & de la deuotion : pource qu'ils ont voulu faire plus qu'ils ne pouuoient, ne regardans pas la petite portée de leur foiblesse, & suiuan plùtost les affections de leur cœur, que le jugement de la raison : & pource

pource qu'ils ont presumé d'entreprendre plus grandes choses que Dieu n'auoit agreable, ils ont perdu la grace. Ceux qui se sont nichés dans le Ciel ont esté rendus pauvres, & auilis, afin qu'estans humiliez & appauuris, ils apprennent à ne voler plus de leurs propres aïlles, mais à mettre leur esperance en ma protection. Ceux qui sont encore nouueaux, & peu experimentez en la voye de Dieu, s'ils ne se gouernent par le conseil de personnes discrettes peuuent aisément se tromper & gaster.

3. Et s'ils ayment mieux suiure leur sentiment, que de croire ceux qui y sont exercez, l'issuë en sera dangereuse, s'ils demeurent arrestez en leurs pensées. Ceux qui s'estiment sages n'ont pas souuent l'humilité

de se laisser gouverner par autrui. Il est meilleur de sçauoir moins avec humilité & peu d'intelligence, que d'auoir de grands thresors de science avec vaine complaisance. Il vous est meilleur d'auoir moins que beaucoup, pource que cela vous pourroit énorgueillir. Celuy-là ne se gouverne pas assez discrettement, qui se laisse emporter à la joye, oublie sa pauureté passée, & la chaste crainte de Dieu qui a peur de perdre la grace qui se presente: celuy-là aussi n'a pas assez de vertu qui perd trop tost l'esperance lors qu'il est en aduersité, ou à quelque fascherie, & pense, & croit de moy avec moins de confiance qu'il ne faut.

4. Celuy qui est trop asseuré quand il est en paix, se trouuera souuent trop abbattu, & craintif au temps du

combat. Si vous pouuiez demeurer
toujours humble, & petit en vous-
mesme, & bien conduire & mode-
rer vostre esprit, vous ne tomberiez
pas si tost aux hazards & aux pe-
chez. C'est vn bon conseil quand
vous estes en ferueur d'esprit de pen-
ser à ce qui arriuera lors que la lu-
miere se retirera. Et quand cela sera,
pensez encores que la lumiere peut
reuenir, laquelle j'ay soustraite pour
vn temps, pour vous preseruer, &
pour ma gloire.

5. Car cette sorte d'espreuue vous
est plus vtile que si vous auiez tou-
jours de la prosperité à souhait.
Car pour juger des merites, il ne
faut pas regarder si quelqu'un a plu-
sieurs visions ou consolations, s'il
est plus versé en l'Escripture, ou
esleué à vn plus haut degré; mais

212 *De l'Imitation de Iesus-Christ,*

s'il est fondé en vne vraye humilité, s'il est remply de la charité de Dieu, s'il cherche toujourns purement & entierement l'honneur de Dieu, s'il ne s'estime rien, & se mesprise veritablement, & s'il se réjouit plus d'estre mesprisé, & humilié par les autres, que d'en estre honoré.

De la vile & petite estime de soy-mesme en la presence de Dieu.

CHAPITRE VIII.

QVe je parle à mon Seigneur, moy qui ne suis que poudre & cendre. Si je m'estime plus que cela, vous estes contre moy, & mes iniquitez rendent vn tesmoignage veritable que je ne puis contredire : mais si je m'auilis & m'anean-

tis , si je me departs de toute estime de moy-mesme , & si je me reduits en poussiere (qui est - ce que je suis) lors vostre grace me fera propice & fauorable , vostre lumiere sera proche de mon cœur , & toute estime de moy-mesme (quelque petite qu'elle soit) sera submergée dans l'abisme de mon neant , & perira pour jamais. Là vous me montrerez à moy-mesme ce que je suis , ce que j'ay esté , & d'où je viens : car je ne suis rien , & ne le cognoissois pas : si je suis delaisné à n'auoir autre appuy que moy-mesme, c'est neant, & rien qu'infirmite. Mais soudain que vous me regardez, je deuens à l'heure mesme fort, & remply d'une nouvelle joye. Et c'est vne grande merueille de ce que si soudainement vous me releuez, &

m'embrassez si benignement, moy qui par mon propre poids suis toujours porté vers les choses basses.

2. C'est vostre amour qui le fait, me preuenant gratuitement, me secourant en si grand nombre de necessitez, me preseruant de grands dangers: & pour dire vray, me deliurant d'innumerables maux. Car en m'aimant d'un mauuais amour, ie me suis perdu: & ne cherchant que vous seul, & vous ayment purement, je me suis trouué, & vous aussi, & par amour je me suis plus profondément aneanty. Car, ô tres-doux Seigneur, vous faites enuers moy plus que je ne merite, & plus que je n'oserois esperer, ny demander. Beny soyez-vous, mon Dieu, de ce qu'encores que je sois indigne de tous biens, vostre cœur no-

ble, & vostre bonté infinie ne cesse
jamais de bien faire, mesmes aux in-
grats, & à ceux qui se sont destour-
nez bien loin de vous, faites nous
retourner à vous, afin que nous
vous soyons agreables, humbles,
& deuotieux. Pour ce que vous
estes nostre salut, nostre vertu, &
nostre force.

*Qu'il faut rapporter toutes choses
à Dieu, comme à la der-
niere fin.*

CHAPITRE IX.

M On fils, il faut que je sois
vostre souueraine & dernie-
re fin si vous desirez estre heureux.
Cette intention purifiera vostre af-
fection qui bien souuent est mal à
propos courbée vers soy-mesme &

vers les creatures. Car si vous vous cherchez en quelque chose, tout aussi tost vous defaillez & dessechez en vous-mesme. Rapportez donc à moy, principalement toutes choses, car c'est moy qui vous ay tout donné. Considérez toutes choses comme procedantes du souverain bien, & partant qu'il les faut toutes rapporter à moy comme à leur origine.

2. Le petit & le grand, le riche & le pauvre puissent de l'eau viue comme d'une viue source, & ceux qui me seruent librement & de leur bon gré, receuront grace pour grace. Mais celuy qui se veut réjouir hors de moy, ou se delecter en quelque bien particulier, ne fera point establi en la vraye joye, ny dilaté en son cœur, ains empesché & angois-

fé en plusieurs manieres. N'estimez pas donc auoir aucune part au bien , & n'attribuez la vertu à aucun homme , mais donnez tout à Dieu , sans lequel l'homme n'a rien. J'ay donné à l'homme tout ce qu'il a , je veux tout r'auoir , & qu'il m'en rende graces tres-exactement.

3. C'est la verité , par laquelle la vaine gloire est bannie. Et si la grace celeste , & la vraye charité entre en l'ame , il n'y aura aucune enuie, ny enferrement de cœur , & l'amour propre ne l'occupera point. Car la charité diuine surmonte toutes choses, dilate toutes les forces de l'ame. Si vous estes sage vous ne vous réjouirez qu'en moy , vous n'esperez qu'en moy. Car il n'y a personne de bon que Dieu seul qui doit estre loué

218 *De l'imitation de Iesus-Christ.*
par dessus toutes choses, & beny en
toutes choses aux siecles des siecles.
Ainsi soit-il.

*Qu'il est bien doux de servir à Dieu
en mesprisant le monde.*

CHAPITRE X.

IE parleray derechez, mon Sei-
gneur, & ne me tairay pas. Je
diray à mon Dieu, mon Seigneur &
mon Roy qui est au Ciel: O mon
Seigneur, que grande est l'abon-
dance de vostre douceur, laquelle
vous avez reserüée pour ceux qui
vous craignēt! Mais quel estes vous
vous mesme à ceux qui vous crai-
gnent ou qui vous aiment? quel à
ceux qui vous seruent de tout leur
cœur? C'est vraiment l'ineffable
douceur de vostre contemplation,

laquelle vous donnez à ceux qui vous aiment : en cela principalement m'avez-vous montré la douceur de vostre charité, que lors que je n'estois point, vous m'avez fait lors que j'estois égaré bien loin de vous, vous m'avez ramené, afin que je vous servisse, & m'avez commandé de vous aimer.

2. O fontaine d'amour perpetuel, que diray-je de vous? comment vous pourray-je oublier, vous qui avez bien daigné vous souuenir de moy, mesme lors que j'estois desia tout pourry & perdu? Vous avez fait misericorde à vostre seruiteur par dessus toute esperance, & m'avez présenté vostre grace & vostre amitié, sans que je l'eusse aucunement meritée. Que vous retribueray-je pour cette grace? Car il n'a pas esté donné

à tous de quitter toutes choses, renoncer au monde, & prendre la vie Monastique. Penſeray-je point faire quelque chose de grand de ce que je vous fers, vous à qui toute creature doit ſeruir? Je ne dois pas eſtimer faire grande chose de vous ſeruir: Mais bien trouue-je que c'eſt vne chose grande & merueilleuse, que vous ayez daigné receuoir pour ſeruiteur vn homme ſi pauvre & ſi indigne, & l'aſſocier à vos ſeruiteurs bien-aymez.

3. Tout ce que j'ay, & tout ce dequoy je vous fers, tout cela eſt voſtre: Mais c'eſt bien au rebours, car vous me ſeruez dauantage que je ne vous fers. Voila le Ciel & la terre que vous auez créez pour le ſeruice de l'homme. Ils obeïſſent, & font tous les jours tout ce que vous leur

avez commandé , & c'est encores peu : Car mesme les Anges vous les avez créés & ordonnez pour le service de l'homme. Mais voicy qui surpasse de beaucoup tout cela, c'est que vous-mesme avez daigné servir à l'homme , & avez promis de vous donner vous-mesme à luy.

4. Que vous donneray-je pour tous ces milliers de biens? A la mienne volonté que je vous peusse servir tous les jours de ma vie! A la mienne volonté qu'il fust en ma puissance de vous rendre service digne de vous , quand ce ne seroit que pour vn iour. Vrayement vous estes digne de tout service, de tout honneur, & de louange eternelle. Vrayement vous estes mon Seigneur , & moy vostre pauvre serviteur, obligé de vous servir de toutes mes forces,

& ne me doit jamais ennuyer à chāter vos louāges. C'est ce que je veux, c'est ce que je desire. Daignez, s'il vous plaist, suppléer tout ce qui me défaut.

5. C'est vn grand honneur, & vne grande gloire de vous seruir, & de mépriser toutes choses pour l'amour de vous, vous faites vne grande grace à ceux qui de leur bon gré s'assujettissent à vostre tres-sainct seruice, ceux qui pour vostre amour rejetteront toutes les delectations charnelles, trouueront la tres-douce consolation du S. Esprit. Et ceux-là obtiendront vne grande liberté d'esprit, qui pour l'amour de vostre nom embrasseront vne vie estroite, & mespriseront tous les soins du monde.

6. O agreable & joyeuse seruitude

de Dieu , par laquelle l'homme de-
 vient veritablement libre & sainct !
 O sacré estat de la seruitude Reli-
 gieuse qui rend l'homme agreable
 aux Anges, agreable à Dieu, terrible
 aux diables , & recommandable à
 tous les fideles ! O seruice digne d'e-
 stre embrassé & toujourns desiré , par
 lequel l'on acquiert le souuerain
 bien , & vne joye qui demeurera
 sans fin.

*Qu'il faut examiner , & moderer
 les desirs de la chair.*

CHAPITRE XI.

M On fils, il vous reste beau-
 coup de choses à apprendre
 que vous n'avez pas encores bien
 apprises. Quelles , Monseigneur ?
 Que vos desirs soient entierement

selon mon bon plaisir, & ne soyeꝝ point amateur de vous mesme, mais que vous aymiez avec desir & émulation ma volonté. Les desirs vous enflamment souuent, & vous incitent puissamment : mais considerez si c'est pour mon honneur, ou pour vostre commodité que vous estes plus esmeu. Si c'est moy qui en suis la cause, vous ferez contant en quelque sorte que ce soit que j'en ordonne, mais s'il y a encores quelque chose de caché de la recherche de vous-mesme, c'est cela qui vous empesche & vous pese.

2. Prenez donc garde de ne vous pas appuyer par trop sur les desirs que vous auez conceus auant que d'auoir pris conseil avec moy, de peur que vous ne vous en repentiez

par

par apres , & que ce qui vous plaisoit au commencement , & que vous avez affectiōné comme meilleur , ne vienne à vous desplaire: Car il ne faut pas suiure à l'heure mesme toutes les affections qui paroissent bonnes , & ne faut pas aussi rejeter sur le champ toutes celles où vous avez contrariété. Il est par fois expedient d'vser de retenue , mesmes aux bonnes affections & desirs, de peur que leur importunité ne vous apporte distraction en l'ame, que vous ne foyez cause de scandale aux autres, ne gardant pas bien la discipline & l'ordre de la maison, ou que vous ne vous troubliez aisément , & tombiez en quelque faute par là resistance que les autres vous y feront.

3. Mais il faut quelquesfois vser de

violence , & resister virilement à l'appetit sensitif , & ne point voir ce que la chair veut, ou ne veut pas, mais plutôt auoir soin qu'elle soit sujette à l'esprit mesme contre son gré. Il la faut chastier, & contraindre de se soumettre à la seruitude, jusques à ce qu'elle soit prompte à tout faire , qu'elle apprenne à se contenter de peu , se delecter aux choses simples , & ne murmurer d'aucune chose qui arriue contre son gré.

De l'instruction à la patience, & du combat à l'encontre des concupiscences.

CHAPITRE XII.

SEigneur mon Dieu , à ce que j'entends , la patience m'est

grandement necessaire, pour ce qu'il arriue beaucoup de choses contraires en cette vie : car en quelque sorte que cesoit, que je me conduise pour estre en paix, ma vie ne peut estre sans guerre, & douleur. Il est ainsi, mon fils, mais je ne veux pas que vous cherchiez vne paix qui soit exempte des tentations, & ne resente rien de contraire, mais que vous faciez estat d'auoir trouué la paix lors que vous aurez plusieurs tribulations, & serez esprouué par beaucoup de contrarietez.

2. Si vous dites que vous ne pouuez pas endurer beaucoup de choses, comment pourrez-vous supporter le feu de Purgatoire ? De deux maux il faut toujours choisir le moindre. Doncques afin que vous puissiez eschapper les supplices

eternels qui sont à venir, essayez de supporter doucement pour l'amour de Dieu les afflictions presentes. Pensez-vous point que les hommes de ce mode n'ont rien, ou pas beaucoup à souffrir? Vous n'en trouuerez pas vn quand mesmes vous chercherez ce que font tous les plus delicats. Mais ils ont, dites-vous, plusieurs delectations, & font ce qu'il leur plaist, & pour cela ils ne font pas grand cas de leurs tribulations. Mais soit ainsi qu'ils ayent tout ce qu'ils veulent, combien pensez vous que cela durera?

3. Tous ceux qui ont abondance au monde se perdront comme la fumée, & n'auront aucune souuenance de leurs joyes passées, auxquelles toutesfois ils ne peuuent pas prendre plaisir lors qu'ils s^ont encores en vie,

sans y auoir de l'amertume, de l'ennuy, & de la crainte: Car des mesmes choses auxquelles ils ont delectatiō, ils en reçoient souuent de la peine & de la douleur. Il leur arriue iustement, que d'autant qu'ils cherchent & suiuent desordonnément leurs plaisirs, ils ne les peuuent auoir sans amertume & confusion.

4. O combien courtes, fausses, desordonnées & falles, sont toutes les delectations du monde: mais les hommes qui en sont aueuglez & enyurez ne le cognoissent pas, & comme des bestes muettes ils encourent la mort de l'ame, pour vn petit plaisir de la vie corruptible. Doncques, mon fils, ne suiuez point vos conuoitises, & ne cherchez point de faire vostre volonté. Delectés vous au Seigneur, & il

vous donnera ce que vostre cœur desire.

5. Car si vous voulez vous réjouir véritablement, & recevoir de moy des consolations en plus grande abondance, vostre benediction sera au mespris de toutes les choses du monde, & au retranchement de toutes les delectations d'icy bas, & y recevez vne abondante consolation. Et d'autant plus que vous vous retirez de toutes les consolations des creatures d'autāt receurez-vous en moy des plus douces & plus puissantes consolations. Mais sçachez premierement que vous n'y parviendrez point sans quelque tristesse, & sans le travail du combat. La coustume enuieillie vous resistera, mais elle sera surmontée par vne meilleure coustume. La chair mur-

murera, mais elle sera refrenée par la ferueur de l'esprit. Le serpent ancien vous pressera & sollicitera, mais vous le chasserez par l'oraison, & par vn profitable trauail vous luy boucherez vne grande entrée.

De l'obessance du sujet humble à l'exemple de Jesus Christ.

CHAPITRE XIII.

M On fils, celuy qui essaye de se retirer de l'obeissance, se retire de la grace. Et qui veut auoir des choses particulieres, il perd les communes. Celuy qui ne se sousmet pas volontiers, & de son plein gré à son Superieur, c'est signe que sa chair ne luy est pas parfaitement obeissante, mais qu'elle regimbe & murmure. Apprenez donc à vous

soumettre promptement à vostre Supérieur si vous desirez dompter vostre chair: Car l'ennemy extérieur est plütoft surmonté si l'homme intérieur n'est point gasté. Vostre ame n'a point de pire, ny plus fascheux ennemy que vous-mesme, quand vous n'estes pas bien d'accord avec l'esprit: Car il faut que vous ayez vn vray mespris de vous-mesme si vous voulez estre maistre de la chair & du sang.

2. Pource que vous vous aimez encores trop desordonnément, cela est cause que vous tremblez de vous resigner à la volōté d'autrui. Mais est-ce si grande chose, si vous qui n'estes que poudre & neant, vous soumettes à vn hōme pour l'amour de Dieu? Veu que moy Tout-puissāt & Tres-haut, qui ay créé toutes choses de

rien, me suis humblement assujetty à l'homme pour l'amour de vous. Je me suis rendu le plus humble & le plus bas de tous, afin que vous vainquissiez vostre orgueil par mon humilité. Apprenez poussiere, à obeir. Apprenez terre & bouë à vous humilier & vous abbaïsser sous les pieds d'un chacun. Apprenez à rompre vos volontez & vous abandonner à vne entiere subjection.

3. Enflammez-vous contre vous-mesme, & ne souffrez point que l'orgueil viue en vous, mais montrez-vous tellement sujet & petit, que tous les autres puissent marcher sur vous, & vous fouler aux pieds comme la bouë des ruës. Dequoy vous pouuez-vous plaindre homme de neant? Qu'avez-vous sale pecheur, à contredire à ceux qui vous

234 *De l'imitation de Iesus-Christ.*

font quelque reproche , vous qui
tant de fois auez offensé Dieu , &
tant de fois auez mérité l'enfer ?
Mais mon œil vous a pardonné ,
pource que vostre ame est précieuse
deuāt moy : afin que vous cognois-
siez mon amour enuers vous, foyez
toujours recognoissant de mes bien-
faits , vous addonniez continuelle-
ment à vne vraye subjection & hu-
milité , & portiez patiemment d'e-
stre mesprisé.

*Qu'il faut considerer les secrets ju-
gemens de Dieu , afin de ne nous
pas esleuer pour les biens
que nous receuons.*

CHAPITRE XIV.

SEigneur , vous faites tonner
sur moy vos jugemens , vous

esbranlez tous mes os de crainte & de tremeur , & mon ame est grandement espouventée . Je demeure estonné , & considere que les Cieux ne sont pas purs en vostre presence . Si vous avez trouué de l'iniquité aux Anges , & ne leur avez pas pardonné , que fera-il fait de moy ? Les estoilles sont tombées du Ciel , & moy poussiere , pourquoy suis-je presomptueux ? Ceux de qui les œuvres sembloient estre loüables sont trespuchez en bas , & j'ay veu ceux qui auparauant mangeoient le pain des Anges , estre bien-aises de se repaistre de la viande des pourceaux .

2. Il n'y a donc point de Sainteté , Seigneur , si vous retirez vostre main ; il n'y a point de sagesse qui serue si vous desistez de gouverner .

Il n'y a point de force qui vaille si vous cessez de conseruer. Il n'y a point de chasteté assurée si vous ne la protegez ; & le soin particulier de se garder ne sert de rien s'il n'est assisté de vostre sainte vigilance. Car estans delaissez de vous , nous tombons au fonds & perissons. Mais si vous nous visitez , nous viuons , & sommes releuez : car nous sommes instables , mais vous nous affermissez ; nous sommes tiedes , mais vous nous embrasez.

3. O combien humble & vil sentiment je dois auoir de moy-mesme, & combien je dois faire peu de cas s'il semble que j'aye quelque chose de bon ! O combien profondément , mon Seigneur , je me dois soumettre sous l'abisme de vos iugemens , où je trouue que iene suis

autre chose que neant , & neant !
O poids immense , ô mer sans bornes , où ie ne trouue rien de moy qu'un neant pour tout. Où se peut donc cacher mon orgueil ? où est la confiance que j'auois prise en ma vertu ? Toute la vaine gloire est absorbée en la profondeur de vos iugemens sur moy.

4. Qu'est-ce de toute la chair en vostre presence ? Le vaisseau de terre se glorifiera-il contre celuy qui l'a formé ? Comment se peut enfler de vaines paroles, celuy dont le cœur est veritablement assujetty à Dieu ! Tout le monde ne sçauroit esleuer celuy que la verité s'est assujetty , & les paroles de loüanges ne sçauroient esmouuoir celuy qui a mis toute son esperance en Dieu. Ceux-là mesme qui parlent ne sont

rien , & defaudent eux-mesmes
comme le son de leurs paroles, mais
la verité de Dieu demeure eternel-
lement.

*Comme il se faut comporter & par-
ler en tout ce qui est desirable.*

CHAPITRE XV.

M On fils, en toutes choses di-
tes, Seigneur, si c'est vostre
bon plaisir que cela soit fait ainsi:
Seigneur, si c'est vostre honneur,
cela se fasse en vôtre nom, Seigneur,
si vous voyez que cela m'est expe-
dient, & cognoissez qu'il m'est vti-
le, octroyez-moy que j'en vse à vo-
stre honneur: Mais si vous cognois-
sez qu'il me doive estre nuisible, &
ne serue pas au salut de mon ame,
ostez-moy ce desir: car tous les de-

Sirs ne sont pas toujours du saint Esprit, encores qu'ils nous semblent bons & justes. Il est difficile de juger veritablemēt si c'est le bon ou mauvais esprit qui vous incite à desirer cecy ou cela, ou si vous y estes poussé de vostre propre esprit. Plusieurs se sont trouvez trompez à la fin, qui sembloient au commencement estre conduits d'un bon esprit.

2. Il faut donc toujours desirer & demander avec crainte de Dieu & humilité du cœur, tout ce qui se presente desirable à l'esprit, & sur tout me le commettre avec resignation de soy-mesme, & dire, Seigneur, vous sçavez en quelle façon il est meilleur pour moy, faites cecy ou cela, ainsi qu'il vous plaira. Donnez moy ce que vous vou-

dre, autant que vous voudrez, & quand vous voudrez. Faites enuers moy comme vous sçauiez, & comme il vous sera plus agreable, & plus à vostre honneur. Mettez moy où vous voudrez, & faites de moy librement en toutes choses. Je suis en vostre main, tournez moy, & retournez moy en tout sens. Me voicy vostre seruiteur preparé à tout: Car je ne desire point viure à moy, mais à vous, & à la mienne volonté que ce soit dignement & parfaitement.

*Oraison afin de pouuoir accomplir
le bon plaisir de Dieu.*

O Ctroyez moy vostre grace, ô tres-debonnaire Iesus, qu'elle soit avec moy, qu'elle traueille
avec

avec moy, & demeurez avec moy
jusques à la fin. Donnez-moy la
grace que ie desire & vueille tou-
jours ce qui vous est plaisant & a-
greable. Que vostre volonté soit la
mienne, & que ma volonté suiue
toujours la vostre, & s'accorde tres-
bien avec elle. Que ie n'aye qu'un
vouloir, & non vouloir avec vous,
& que ie ne puisse vouloir ou non
vouloir, sinon ce que vous voulez,
ou ne voulez pas.

4. Donnez-moy la grace que ie
meure à toutes les choses qui sont au
monde, & que pour l'amour de
vous j'ayme d'estre mesprisé, & in-
cogneu au monde. Faites que ie me
repose en vous par dessus tout ce
que l'on desire; & que mon cœur soit
pacifié en vous. Vous estes la vraye
paix du cœur, vous estes le seul re-

pos, hors de vous toutes choses sont dures & inquietes. En ceste paix, en cela mesme, c'est à dire en vous, bien vnique, souuerain & eternal, je dormiray, & me reposeray.

Qu'il faut chercher la vraye consolation en Dieu seul.

CHAPITRE XVI.

TOut ce que je puis penser ou desirer pour ma consolation, je ne l'attens point icy, mais en l'autre vie. Si j'auois tout seul toutes les consolations du monde, & que je peusse jouir de toutes les richesses qui y sont, il est certain que cela ne pourroit pas durer long-temps. Ainsi mon ame, tu ne peux pas estre entierement consolée, ny parfaitement réjouye, sinon en Dieu, qui est le

cōsolateur des pauvres, & la retraits des humbles. Attēds vn peu mon ame, attends la promesse de Dieu, & tu auras abondāce de tous biens au Ciel. Si tu desires trop desordonnément ces choses presentes, tu perdras les eternelles & celestes. Aye les choses temporelles pour l'vsage, & les eternelles en desir. Tu ne peux estre rassasié d'aucun bien temporel, pource que tu n'es pas créé pour en jouir.

2. Et si tu auois tous les biens créés, tu ne pourrois pas estre heureuse, mais ta beatitude & ta felicité consiste en Dieu, qui a créé toutes choses. Et cette felicité n'est pas telle que l'estiment & louient les fols amateurs du monde, mais celle qu'attendent les bons & fideles amis de Iesus-Christ, & que les

personnes spirituelles, & de cœur net, de qui la conuersion est au Ciel, goustent quelquesfois dès cette vie. Toute la consolation humaine est vaine & courte. La consolation heureuse & veritable est celle que la verité nous fait sentir interieurement. L'homme deuot porte par tout avec soy Iesus, son consolateur, & luy dit. Assistez-moy, mon Seigneur Iesus, en tout lieu, & en tout temps. Que ma consolation soit d'estre volontiers priué de toute consolation humaine, & si vostre consolation me manque, que vostre volonté & vostre juste espreuue me soit vne souueraine consolation: car vous ne ferez pas tousiours courroucé, & ne nous menacerez pas eternellement.

*Qu'il faut mettre tout nostre soin
en Dieu.*

CHAPITRE XVII.

M On fils , laissez-moy faire de vous ce que je veux , je sçay bien ce qui vous est expedient : vous pensez comme homme , & jugez en beaucoup de choses , selon le mouvement de l'affection humaine. Seigneur , ce que vous dites est veritable. Le soin que vous auez pour moy est plus grand que tout ce que j'en sçaurois auoir. Celuy-là est trop exposé au danger qui ne met pas tout son soucy en vous. Pourueu , Seigneur , que ma volonte demeure ferme & droite en vous , faites de moy tout ce qu'il vous plaira. Car tout ce que vous ferez

Q iij

de moy ne peut estre que bon.

2. Si vous voulez que je sois en tenebres , vous soyez beny , si vous voulez que je sois illuminé , vous soyez aussi beny, si vous me daignez consoler , vous soyez beny , si vous voulez que je sois en tribulation , vous soyez toujours beny , & pour l'un & pour l'autre. Mon fils , c'est ainsi qu'il vous faut comporter si vous voulez cheminer avec moy. Vous devez estre aussi prompt à souffrir , qu'à jouir. Vous devez estre aussi volontiers pauvre & indigent , que riche , & opulent.

3. Seigneur , je souffriray volontiers pour l'amour de vous tout ce qu'il vous plaira qui m'arriue. Je veux recevoir de vostre main indifferement le bien & le mal, le doux & l'amer , la joye & la tristesse , & vous

rendre graces de tout ce qui m'arriuera. Preseruez-moy , s'il vous plaist , de tout peché , & je ne craindray ny la mort ny l'enfer, pourueu que vous ne me bannissiez point de vous eternellement , & ne m'effaciez point du liure de vie, toutes les tribulations qui me sçauroient arriuer ne me nuiront point.

Qu'il faut porter patiemment les miseres temporelles à l'exemple de Iesus-Christ.

CHAPITRE XVIII.

MOn fils , Je suis descendu du Ciel pour vostre salut. J'ay porté vos miseres, non par necessité , mais par charité , afin que vous appreniez la patience , & n'ayés pas à desdain de supporter

Q^{uij}

les miseres temporelles. Car depuis l'heure de ma naissance jusques à ma mort en la Croix, je n'ay point esté sans souffrir des douleurs. J'ay eu vn grand defect des choses temporelles. J'ay ouïy souuent plusieurs plaintes de moy. J'ay souffert doucement les hontes & les opprobres. J'ay receu de l'ingratitude pour mes bien-faits, des blasphemes pour mes miracles, & des reprehensions pour ma doctrine.

2. Seigneur, pour ce que vous auez esté patient en vostre vie, accomplissant principalement en cela le commandement de vostre Pere, il est bien raisonnable, que moy tres-miserable pecheur, me comporte patiemment selon vostre volonté. Et que tant qu'il vous plaira je porte pour mon salut le fardeau de la

vie corruptible. Car encores que cette vie soit penible, elle est toutesfois par vostre grace renduë fort meritoire, & par vostre exemple, & par celuy des Saints, elle est plus claire & plus tolerable aux infirmes: elle est aussi plus remplie de consolation qu'elle n'estoit en la loy ancienne lors que la porte du Ciel estoit fermée, & que le chemin pour y paruenir sembloit plus obscur, lors que si peu de personnes se soucioient de chercher le Royaume des Cieux; & ceux mesmes qui deuoient estre sauuez & estoient justes, ne pouuoient pas entrer au Royaume du Ciel auant vostre Passion, & le tribut de vostre mort sacrée.

3. O combien je vous dois rendre de graces, de ce que vous auez

daigné m'enseigner, & à tous les fideles vne bõne & droite voye pour paruenir à vostre Royaume eternal: Car vostre vie est nostre chemin, & par la sainte patience nous allons à vous qui estes nostre couronne. Si vous ne nous auiez precedé & enseigné, que se fust soucié d'aller par ce chemin? Helas! combien de personnes demeueroient esloignées & reculées, s'ils ne jettoient l'œil sur vos admirables exemples! Nous auons oüy tant de merueilles de vous, & tant d'enseignemens, & ne laissons pas de demeurer tiedes! Que seroit-ce si nous n'auions point vne si grande lumiere pour vous suiure?

De la tolerance des injures , & comment on cognoist si quelqu'un est vrayment patient.

CH A P. XIX.

QV'est-ce que vous dites, mon fils ? Considerez ma Passion, & celle des Saints , & cessez de vous plaindre. Vous n'avez pas encores resisté jusques au sang. Ce que vous souffrez est peu en comparaison de ceux qui ont tant enduré , qui ont esté si rudement tentez , si griefuement affligez , esprouvez & exercez en tant de manieres. Il faut que vous vous representiez les choses plus fascheuses que les autres ont souffert , afin de porter plus facilement les moindres que vous endurez . Et si elles ne vous semblent

pas moindres, prenez garde que ce ne soit vostre impatience qui vous le fasse estimer ainsi: mais, petites ou grandes, essayez de porter tout patiemment.

2. D'autant que vous-vous disposez mieux à souffrir, d'autant faites vous plus sagement, vous meritez davantage, & le supportez plus facilement, quand avec courage & accoustumance vous vous y ferez soigneusement préparé. Ne dites pas, Je ne sçauois supporter cela de cet homme-là; je ne dois pas souffrir telles choses: car il m'apporte vn grand dommage, & me reproche ce à quoy je n'ay jamais pēsé: je l'endureray volontiers d'un autre, quand je verray qu'il le faudra endurer. C'est vne pensée imprudente qui ne considere pas la

vertu de patience , ny par qui elle doit estre courōnée, & regarde plü-tost les personnes , & les offences qui luy sont faites.

3. Celuy-là n'est pas veritablement patient , qui ne veut endurer sinon autant qu'il luy plaist , & de qui il luy plaist. Le vray patient ne regarde point celuy qui luy donne quelque exercice. Si c'est son Prelat , si c'est quelque esgal ou inferieur , si c'est vn homme saint & vertueux , ou vn meschant & indigne : mais il reçoit en bonne part comme de la main de Dieu , indifferemment tout ce qu'il luy arriue de fascheux en quelque part que ce soit , quoy que ce soit , & à quelque heure que ce soit , & le repute à grand profit , d'autant qu'il n'y a chose, tant petite soit-elle,

254 *De l'Imitation de Iesus-Christ.*

si elle est soufferte pour l'amour de Dieu, qui ne soit de merite.

4. Soyez donc preparé au combat, si vous voulez emporter la victoire. Vous ne pouuez pas sans combat obtenir la couronne de patience, si vous ne voulez pas endurer, vous ne voulés pas estre couronné. Mais si vous desirés estre couronné, combattés virilement, endurés patiemment. On ne paruiet pas au repos sans trauail, ny à la victoire sans combat. Seigneur, rendés-moy possible par grace ce qui me semble impossible par nature. Vous sçaués que ie ne puis pas endurer beaucoup, & que je suis aisément abbattu quand il s'esleue quelque petite aduersité. Faites que toute sorte de tribulation & d'aduersité me soit aymable, &

desirable pour l'amour de vostre nom. Car souffrir, & estre tourmenté pour vous, est fort profitable à mon ame.

*De la confession & recognoissance
de nostre infirmité, & des
miseres de cette vie.*

CHAPITRE XX.

IE confesseray contre moy mon injustice, & vous confesseray Seigneur, mon infirmité. Souuent c'est peu de chose ce qui m'abbat & m'attriste. Je propose que je feray bien fort, mais aussi tost qu'il suruient vne petite tentation, je me trouue en grande angoisse. Quelquesfois vne chose de neant me cause vne fascheuse tentation, & lors que je pense estre vn peu

asseuré, & ne sens rien, je me trouue souvent presque abbatu d'un petit souffle.

2. Voyez donc, Seigneur, ma bassesse & ma fragilité, qui vous est cogneuë de toutes part. Ayez pitié de moy, retirez-moy du borbier, de peur que je n'y enfonce, & que je ne demeure entierement abandonné. C'est ce qui me tourmente souvent, & me fait honte devant vous, me voyant si facile à tomber, & si infirme à resister aux passions. Et combien que ce ne soit pas tout à fait jusques à consentir, toutesfois la poursuite qu'elles me font m'est ennuyeuse & fascheuse, & me desplaist bien de viure ainsi tous les jours en contention. Cela me fait cognoistre mon infirmité, en ce que ces abominables fantaisies

lies entrent tousiours beaucoup plus aisément en ma pensée qu'elles n'en sortent.

3. O Dieu d'Israël tres-fort, zelateur des ames fideles, regardez, s'il vous plaist, le trauail, & la douleur de vostre seruiteur, & l'assistez en tout ce à quoy il s'appliquera. Fortifiez-moy d'une force celeste, de peur que ce vieil homme, & cette chair miserable, qui n'est point encores assujettie à l'esprit, & cõtre laquelle nous auons à combattre, tant que nous respirons en cette chetive vie, ne me puisse maistriser. Helas! quelle est cette vie qui n'est iamais exempte de tribulations & des miseres, & en laquelle toutes choses sont remplies de filets, & d'ennemis? Car aussi tost qu'une tribulation ou tentation s'en va, il en reuient vne au-

tre, & mesmes lors que le premier combat n'est point encores finy, il en suruient plusieurs autres à l'improuiste.

4. Comment peut-on aymer vne vie qui a tant d'amertumes, subiecte à tant de calamitez & de miseres? & comment la peut-on appeller vie, veu qu'elle engēdre tant de morts & de pestilences? & toutesfois on l'ayme, & plusieurs essayent de se plaire en icelle! On blasme souuent le monde de ce qu'il est trompeur & vain, & toutesfois on a peine à le quitter, pource que les conuoitises de la chair nous dominant. Autre chose nous attire à l'aymer, autre à le mespriser. Le desir de la chair, le desir des yeux, & l'orgueil de la vie nous attirent à l'amour du monde, mais les peines & miseres qui sui-

uent ces passions , engendrent la haine & l'ennuy du monde.

5. Mais hélas ! le faux plaisir emporte l'esprit adonné au monde , & luy semble que ce sont des delices de viure à l'appetit des sens , pource qu'il n'a veu , ny gousté les douceurs qui sont en Dieu , ny la delectation interieure de la vertu. Mais ceux qui méprisent parfaitement le monde , & s'estudient de viure à Dieu sous vne sainte obseruance, sçauent bien quelle est la douceur diuine, promise à ceux qui renoncent vraiment à tout , & voyent combien le monde erre lourdement, & se trompe en beaucoup de manieres.

*Qu'il se faut reposer en Dieu
par dessus tous biens
& graces.*

CHAP. XXI.

MOn ame , 'repose-toy toujours en Dieu par dessus toutes choses, & en toutes choses, parce qu'il est le repos eternal des Saints. Octroyez-moy tres-doux, & tres-aymable Iesus, que je me repose en vous par dessus toute creature, par dessus toute santé & beauté, toute gloire & honneur, toute puissance & dignité, toute science & subtilité, tous les arts & richesses, toute joye & exultation, toute reputation de loüange par dessus toute douceur & consolation, toute esperance & promesse, tous merites

& desirs , tous les dons & presens
que vous pouuez donner & verser,
toute réjouïssance & jubilation
que l'ame peut receuoir & sentir,
en fin par dessus les Anges & Ar-
changes , & toute la compagnie du
ciel , toutes choses visibles & inui-
sibles , & par dessus tout ce que
vous n'estes point , ô mon Dieu.

2. Car , ô Seigneur mon Dieu , vous
estes bon par dessus toutes choses,
vous estes seul tres-haut , seul tres-
puissant , seul tres-suffisant , & tres-
plein , seul tres-doux , & tres-conso-
latif , seul tres-beau , & tres-ayma-
ble , seul tres-noble , & tres-glorieux
par dessus toutes choses , en qui tous
les biens sont , ont esté , & seront
toujours ensemble parfaitem ent.
Et partant tout ce que vous me don-
nez , si ce n'est vous-mesme , ce que

vous me reuelez de vous-mesme, ce que vous me promettez, si ie ne vous vois & possede pleinement, c'est peu de chose, & ne me peut suffire. Car certainement mon cœur ne se peut reposer veritablement, ny se contenter entierement, s'il ne se repose en vous, & ne passe outre tous vos dons, & toute creature.

3. O Iesus-Christ, mon Espoux tres-aymé, tres-pur, amateur, Seigneur de toutes les creatures, qui me donnera des ailles de la vraye liberté pour voller, & m'arrester en vous? O quand me fera-il permis d'estre pleinement deliuré de toute autre pensée, & voir combien vous estes doux? O Seigneur mon Dieu, quand me recueilleray-je entierement en vous, en sorte que par la force de vostre amour ie ne me sente pas moy-

mesme , mais que ie vous res sente
seul par dessus tout sentiment &
maniere , en vne maniere non co-
gneuë de tous ? Maintenant ie ge-
mis souuent , & porte avec douleur
mon infidelité : Car il se rencontre
en ceste valée de miseres plusieurs
maux qui me troublent souuent, qui
me contristent & obscurcissent ,
m'empeschent souuent , & me di-
strayent, m'attirent , m'embrassent,
& sont cause que ie ne puis auoir vn
libre accez vers vous , ny jouir de
vos doux embrassements que les
bien-heureux esprits ont touiours à
commandement. Soyez esmeu de
mes souspirs, & de la grande defola-
tion qui est en la terre.

4. O Iesus, splendeur de la gloi-
re eternelle , consolation de l'ame
pelerine, ma bouche demeure muet,

te deuant vous, & mon silence parle à vous. Iusques à quand, mon Seigneur, tardez-vous de venir? Venez à vostre pauvre petit seruiteur, & le réjouïssiez; aduancez vostre main, & deliurez ce miserable de toute angoisse. Venez, venez, s'il vous plaist, car sans vous je n'auray ny jour ny heure de joye: car vous estes ma joye, & sans vous ma table est toute vuide. Je suis miserable, & aucunement prisonnier, & chargé de fers, jusques à ce que vous me réjouïssiez par la lumiere de vostre presence, me mettiez en liberté, & me fassiez voir vostre face amiable.

5. Que les autres cherchent autre chose au lieu de vous tant qu'il leur plaira, à moy rien ne me plaist, ny ne me plaira, sinon vous, mon

Dieu, mon esperance & salut eternal. I'en me tairay point, & ne cesseray point de prier jusques à ce que vostre grace retourne, & que vous me disiez, au dedans de mon ame: Me voicy, je suis present; Me voicy reuenu à toy, pource que tu m'as inuoqué: tes larmes, & le desir de ton ame, ton humiliation, & la contrition de ton cœur m'ont incliné, & ramené à toy. Et je diray, Seigneur, je vous ay inuoqué, & desire jouir de vous, & suis prest de rebuter toutes choses pour l'amour de vous: car vous m'avez excité le premier, afin que je vous cherche. Soyez beny, Seigneur, qui avez usé d'une telle bonté enuers vostre seruiteur, selon l'abondance de vostre misericorde.

6. Que peut, mon Seigneur, dire

dauantage vostre seruiteur en vostre presence, si ce n'est pour s'humilier profondément deuant vous, se souuenant touïours de sa propre abjection & iniquité? Il n'y a rien de semblable à vous en toutes les merueilles du Ciel & de la terre: vos œuvres sont tres bonnes, vos iugemens veritables, & toutes choses sont gouuernées par vostre prouidence. Louïange & gloire vous soit doncques renduës, ô Sapience du Pere: que ma bouche, que mon ame, & toutes les creatures ensemble vous loïent, & benissent à iamais.

*De la ressouvenance des innu-
merables bien-faits
de Dieu.*

CHAPITRE XXII.

SEigneur , ouurez mon cœur
à vostre Loy , & m'enseignez
à cheminer en la voye de vos com-
mandemens. Faiçtes moy connoi-
stre vostre volonté , & qu'auec
grande reuerence & diligente con-
sideration , je puisse rememorer
vos bien-faits , tant en general
qu'en particulier , afin que je puis-
se dignement vous en rendre gra-
ces. Mais je sçay & confesse que
je ne puis vous remercier comme
il appartient , pour le moindre de
vos biens-faits. Je suis au dessous de
tous les biens que vous m'avez faits:

& quand je jette les yeux sur vostre excellence, mon esprit se perd en la grandeur d'icelle.

2. Tout ce que nous auons en l'ame & au corps, tout ce que nous possedons exterieurement & interieurement, naturellement, ou supernaturellement : c'est tout de vos bien-faits, & louë la beneficence, pieté, & bonté qui est en vous, de qui nous auons receu tous les biens. Et si vn autre reçoit dauantage, & vn autre moins, tout toutesfois est vostre, & sans vous je ne puis pas mesme auoir la moindre chose. Celuy qui a receu plus de biens ne se peut pas glorifier que ce soit pour son merite, ny s'esleuer par dessus les autres, & deprimer ceux qui en ont moins. Car celuy-là est le plus grand, & le meil-

leur qui s'attribuë le moins, & qui est plus humble & plus deuot à rendre graces: & celuy qui s'estime le plus vil, & se juge le plus indigne de tous est mieux disposé à receuoir de plus grandes graces.

3. Mais celuy qui a receu moins de graces ne s'en doit pas attrister, ny indigner, ny porter enuie à ceux qui sont plus riches, mais leuer les yeux vers vous, & louer grandement vostre bonté, de ce que vous departez vos presents si abondamment, si gratuitement, si volontiers, & sans acception de personne. Toutes choses viennent de vous, & partant vous deuez estre loué en toutes. Vous sçauiez ce qu'il est expedient de donner à vn chacun, & n'est pas à nous à sçauoir pourquoy l'vn en a moins, & l'autre plus, mais à vous

qui cognoissez les merites d'un chacun.

4. C'est pourquoy, Seigneur mon Dieu, je repute à grand bien de n'avoir pas beaucoup de ces choses, qui exterieurement, & deuant les hommes, ont monstre de loüange, & d'honneur. Celuy qui considerera sa pauvreté & bassesse, non seulement il n'en receura aucun ennuy, tristesse, ou abbatement, mais plutôt consolation, & allegresse bien grande : d'autant que vous, mon Dieu, avez choisi pour vos familiers & domestiques, les pauvres, petits, & méprisez du monde. Tesmoins sont vos Apostres, que vous avez establis Princes sur toute la terre: mais ils ont conuersé au monde sans plainte, si humble, & sim-

ples, sans aucune malice, ny tromperie, qu'ils se réjouïssent mesmes de souffrir des injures pour vostre nom, & embrassoient avec grande affection ce que le monde abhorre.

5. Il n'y a rien donc qui doive tant réjouir celuy qui vous ayme, & qui a cognoissance de vos bien-faits; comme l'accomplissement de vostre volonté en luy, & le bon plaisir de vostre disposition eternelle, de laquelle il se doit tellement contenter, & consoler, qu'il desire aussi volontiers estre le plus petit, comme vn autre desireroit d'estre le plus grand, & soit aussi paisible & content au dernier lieu qu'au premier, & accepte aussi volontiers d'estre contemptible, abject, sans aucun nom, ny reputation, comme

272 *De l'Imitation de Iesus-Christ.*

les autres d'estre les plus honorez,
& les plus grands. Car vostre vo-
lonté, & l'amour de vostre hon-
neur doit surpasser toutes choses,
& le consoler, & luy plaire davan-
tage que tous les bien-faits qu'il a
receus, ou pourra recevoir.

*De quatre choses qui apportent une
grande paix.*

CHAPITRE XXIII.

MOn fils, je vous enseigneray
maintenant le chemin de la
paix, & de la vraye liberté. Faites,
Seigneur, ce que vous dites: car je
l'entenderay bien volontiers. Es-
sayez, mon fils, de faire la volon-
té d'autrui plustost que la vostre.
Choisissez toujours d'auoir plustôt
moins que plus. Cherchez toujours
d'auoir

d'avoir le dernier lieu, & d'estre au dessous de tous. Desirez toujours, & priez que la volonté de Dieu soit entierement faite en vous. Celuy qui pratiquera cela entrera en la region de paix, & de repos.

2. Seigneur, ce petit discours contient en soy beaucoup de perfection, il est petit en parole, mais il est plein de sens, & abondant en fruit: Car si je le pouvois garder fidelement, mon ame ne seroit pas si facilement troublée: Et toutes & quantes fois que je me trouue inquieté & ennuyé, je recognois que je n'ay pas pratiqué ceste doctrine: Mais vous qui pouuez tout, & qui aymez toujours l'aduanancement de l'ame, augmentez en moy la grace, afin que je puisse accomplir vos paroles, & faire mon salut.

*Oraison contre les mauvaises
pensées.*

Seigneur mon Dieu , ne vous esloignez point de moy , mon Dieu , entendez à mon ayde. Car il s'est esleué en moy diuerses pensées , & de grandes craintes qui affligent mon ame. Comment eschapperay-je sain & sauf ? Comment les renuerſeray-je. I'iray , dit le Seigneur , deuant toy , & humilieray les superbes de la terre. I'ouuriray la porte de la prison , & te decouuriray le ſecret des choſes cachées. Faites, Seigneur, ce que vous dites, & que toutes les méchantes pensées s'enfuyent de deuant voſtre face : mon eſperance & mon vnique conſolation eſt de recourir à vous en

toutes mes tribulations , auoir confiance en vous , vous inuoyer du profond de mon cœur , & attendre avec patience vostre consolation.

*Oraison pour l'illumination de
l'ame.*

4. **E** Sclairez-moy , ô bon Iesus , de la clarté d'une lumiere interieure , & retirez de mon cœur toutes sortes de tenebres. Restraignez ces mauuais esgaremens de mon ame , & brisez les tentations qui me forcent : combattez vaillamment pour moy , & surmontez ces mauuais bestes ; l'entens ces concupiscences allechantes , afin que la paix se fasse en vostre vertu , & que l'abondance de vos louanges resonne dedans le saint

Palais, c'est à dire, au dedans d'une conscience pure. Commandez aux vents & aux tempestes, dites à la mer qu'elle se calme, & au vent Aquilon qu'il ne souffle plus, & lors il y aura une grande tranquillité.

5. Enuoyez vostre lumiere, & vostre verité, afin qu'elle luise sur la terre: car je suis une terre vaine & vuide, jusques à ce que vous m'illuminez. Espandez vostre grace sur elle. Versez sur mon cœur la rosée celeste. Enuoyez les eaux de deuotion pour arroser la face de cette terre, afin qu'elle produise du fruit bon, & tres-bon. Releuez mon ame oppressée du fardeau de mes pechez, attachez mon desir aux choses celestes, afin qu'ayāt gousté la douceur de la felicité du ciel, il me déplaise de penser aux choses de la terre.

6. Enleuez moy de force, & me deliurez de toute la consolation des creatures, qui est de si peu de durée: car il n'y a aucune chose créée qui puisse entierement accoiser & consoler mon desir. Attachez-moy à vous d'un lien de dilection inseparable. Car vous seul suffisez à celuy qui vous ayme, & sans vous toutes choses sont friuoles & vaines.

Qu'il se faut garder de s'enquerir curieusement de la vie d'autrui.

CHAPITRE XXIV.

M On fils, ne foyez pas curieux, & n'ayez point de vaines sollicitudes. Que vous importe cecy, ou cela? Suiuez-moy: Car qu'avez affaire si celuy-cy est de telle ou telle sorte? Si celuy-là fait,

ou dit cecy, ou cela ? Vous n'auez pas à respondre pour les autres, mais vous rendrez compte pour vous. Pourquoy donc vous embarrassez-vous ? Je les connois tous ; Je voy tout ce qui se fait sous le Soleil, je sçay de quelle façon chacun se comporte, ce qu'il pense, ce qu'il desire, & à quelle fin vise son intention. Il faut donc vous remettre sur moy de toutes choses. Et quant à vous, conservez-vous en bonne paix, & laissez le broüillon broüiller tant qu'il voudra. Tout ce qu'il dira ou fera retombera sur luy, car il ne me sçau-roit tromper.

2. N'ayez point de soin de l'ombre d'une grande reputation, ny de la familiarité de plusieurs, & de l'amitié particuliere des hommes. Car ces choses engendrent des distractions,

& de grandes obscuritez en l'esprit. Je parlerois volontiers à vous, & vous découvroirois mes secrets, si vous preniez soigneusement garde quand je viens à vous, & m'ouviez la porte de vostre cœur. Soyez preuoyant, veillez en prieres, & vous humiliez en toutes choses.

En quoy consiste la vraye paix du cœur, & le vray profit.

CHAPITRE XXV.

MOn fils, j'ay dit : je vous laisse ma paix, je vous donne ma paix, je ne vous la donne pas en la façon que le monde la donne. Chacun desire la paix, mais chacun n'a pas soin de ce qui appartient à la vraye paix. Ma paix est avec les humbles, & de cœur debonnaire.

Avec beaucoup de patience vous aurez la paix. Si vous suiuez ma voix, vous pourrez jouir d'une grande paix. Que feray-je donc? Prenez garde sur vous en tout ce que vous ferez & direz, & dressez toute vostre intention à ce poinct que vous plaisiez à moy seul, & ne desiries ny cherchiez rien hors de moy. Mais il faut aussi que vous ne fassiez aucun jugement temeraire de paroles ou des actions d'autrui, & ne vous entremetties point de ce dont vous n'avez point de charge. Par ce moyen il pourra bien aduenir que vous ne serés gueres, ou peu souuent troublé.

2. Mais ne sentir jamais aucun trouble ne souffrir aucune peine au corps, ny à l'esprit, cela n'est pas de la vie presente, mais de l'estat du

repos eternal. N'estimés pas donc auoir trouué la vraye paix quand vous n'aués rien qui vous fasche, ny quelorstout va biẽ pour vous quãd vous n'aués aucun aduersaire ; ny que ce soit perfection quand tout se fait comme vous le desirés. Et ne pensés point estre vn grand personnage, ny que vous soyés specialemẽt aimé de Dieu quand vous estes en vne grande deuotion , & douceur d'esprit : car ce n'est pas en cela que l'on connoist celuy qui aime vrayement la vertu , ny en quoy consiste l'aduancement , & la perfection de l'homme.

3. En quoy donc , Seigneur ? En vous offrant de tout vôtre cœur à la volonté diuine, ne cherchant point vostre interest , ni aux petites choses, ni aux grandes , ni en temps, ni

en eternité; en sorte que d'un mesme visage, vous rendiez grace à Dieu en la prosperité & aduersité, pesant toutes choses d'une balance esgale. Si vous estes si fort, & si perseuerant en l'esperance, qu'estant priué de la consolation interieure, vous prepariez vostre cœur à supporter encores de plus grandes peines, sans vous iustifier, ny vous en estimer plus sainct, vous cheminez en la vraye & droicte voye de la paix, & deuez esperer indubitablement que vous verrez derechef ma face en grande joye. Que si vous pouuez paruenir au parfait mespris de vous-mesme, sçachez que vous iouïrez d'une abondante paix autant qu'il est possible en ceste demeure.

*De l'excellence de l'ame libre , &
que l'on y parvient plustost par
l'oraison que par la lecture.*

CHAPITRE XXVI.

SEigneur , c'est l'œuvre d'un homme parfait que son esprit ne se relasche jamais de tendre vers les choses celestes, & passer parmy beaucoup de soins quasi sans aucun soin, non pas à la façon d'un nonchalant & stupide, mais par une certaine prerogative d'une ame libre, qui n'adhere par affection de fardonnée à aucune creature.

2. Je vous supplie, ô mon Dieu, tres-pitoyable, preseruez-moy des soins de cette vie, & que je ne m'embarasse pas trop de ce grand nombre des necessitez du corps, de

peur que la volupté ne m'emporte, & de tous les empeschemens de l'ame, de peur qu'accablé d'ennuis je ne perde courage. Je ne dis pas de ces choses que le monde, ou la vanité mondaine poursuit de toute son affection, mais de ces miseres qui par la malediction commune à nostre mortalité, appesantissent peniblement & retardent l'ame de vostre seruiteur, en sorte qu'il ne peut pas toutes les fois qu'il voudroit entrer en liberté d'esprit.

3. O mon Dieu, douceur ineffable, faites que je trouue ameres toutes les consolations de la chair qui me retirent de l'amour des choses eternelles, & m'attirent miserablement à soy, par la veuë d'un bien delectable & present. Que je ne sois point vaincu, mon Dieu, que je ne

sois point vaincu par la chair & le sang. Que le monde, & sa courte joye ne me deçoiue pas. Que le diable de sa finesse ne me supplante pas. Donnez moy la force de resister, la patience de souffrir, & la constance de perseuerer. Donnez moy au lieu de toutes les consolations du monde la tres-foëfue onction de vostre esprit. Et au lieu de l'amour sensuel, versez en moy l'amour de vostre saint nom.

4. Je voy que la viande, le breuuage, les habillemens, & les autres utensiles qui seruent pour le soutien du corps, sont à grande charge à l'esprit feruent. Octroyez-moy que j'vse temperément de ces secours & remedes, & que je ne m'y engage point par vn trop grand desir. Il n'est pas loisible de les

rejetter tous , car il faut substantier la nature : mais la loy sainte defend de chercher les choses plus superflües , & plus delectables , pour ce que cela feroit que la chair se rendroit hardie & insolente contre l'esprit. Je vous supplie , mon Seigneur , que vostre main me conduise , & m'enseigne parmy toutes ces choses , afin que je n'y face point d'excez.

*Que l'amour propre nous recule
grandement du souverain bien.*

CHAPITRE XXVII.

M On fils , il faut que vous vous donniez tout pour le tout , & que rien de vous ne soit plus à vous. Sçachez que l'amour de vous mesme vous nuit davantage

que toutes les autres choses du monde ; selon l'amour & l'affection que vous portez aux choses chacune d'icelles est plus ou moins' attachée à vous. Si vostre amour est pur , simple , & bien ordonné , les choses ne vous captiueront aucunement. Ne conuoitez pas ce qui ne vous est pas loisible d'auoir. N'ayez point ce qui vous peut empescher , & priuer de la liberté interieure. C'est merueille que vous ne vous donnez & remettez à moy de tout le fonds de vostre cœur , avec toutes les choses que vous pouuez desirer ou auoir.

2. Pourquoi vous consommez-vous de vaine tristesse ? Pourquoi vous trauallez-vous de soins superflus ? Arrestez-vous à mon bon plaisir , & vous ne souffrirez aucun dom-

mage. Si vous cherchez cecy ou cela, & si voulez estre icy ou là pour vostre commodité, & pour auoir plus vostre propre plaisir, jamais vous ne ferez en repos, ny libre de soucy : Car en toutes choses il y a quelque defect, & trouuerez en tout lieu qui vous contrariera.

3. Ce qui vous sert donc, ce ne sont pas les choses exterieures que vous acquerez & amassez en abondance, mais plustost celles que vous mesprisez, & arrachez de vostre cœur jusques à la racine. Ce qu'il ne faut pas entendre seulement de l'argent & des richesses, mais aussi de la recherche de l'honneur, & du desir des vaines louanges qui passent toutes comme le monde. Le lieu ne vous contregarde gueres, si l'esprit de ferueur vous manque. Et ceste paix
acquise

acquise au dehors ne fera pas de longue durée, si l'estat du cœur n'est appuyé sur le vray fondemēt, c'est à dire, si vous ne demeurez en moy, vous pouuez bien changer de lieu, mais non pas en estre meilleur. Car quand l'occasion se presentera, & que vous l'aurez embrassée, vous trouuerez ce que vous pensiez éuiter, & encores plus.

Oraison pour purger le cœur.

4. **F**ortifiez-moy, mon Dieu, de la grace de vostre Sainct Esprit, faites que la vertu soit fortifiée en mon interieur, & mon cœur deliuré de toute inutile sollicitude, & d'anxieté. Que je ne sois attiré des diuers desirs de quelque chose que ce soit, vile, ou precieuse;

I

mais que je regarde toutes les choses comme passageres, & me souuienne que je passeray comme elles. Car il n'y a rien de permanent sous le Soleil où tout n'est que vanité, & affliction d'esprit. O que celuy-là est sage, qui considere les choses en ceste maniere !

5. Donnez-moy, Seigneur, la sapience celeste, afin que j'apprenne à vous chercher, & vous trouuer par dessus toutes choses, que je vous gouste & ayme sur toutes choses, & que je cognoisse, selon l'ordre de vostre sapience, toutes les choses, ainsi qu'elles sont. Octroyez-moy que je me destourne prudemment de celuy qui me flatte, & que je porte patiemment celuy qui m'est aduersaire. Car c'est vne grande sagesse de ne s'esmouuoir pas à tout vent

de paroles, & ne prester l'oreille aux Syrenes, qui nous flattent pour nous tromper. En ceste maniere l'on poursuit avec assurance le chemin commencé.

Contre les langues des mesdisans.

CHAP. XXVIII.

M On fils, ne vous offensez point si quelques-vns ont mauuaise opinion de vous, & s'ils disent des choses que vous auez des-plaisir d'oüir. Vous deuez penser encores pis de vous mesme, & croire que vous estes le plus infirme de tous. Si vous cheminez par l'intérieur, vous ne ferés pas grand cas des paroles qui s'enuolent. Ce n'est pas peu de prudence de se taire en ces mauuaises rencontres, se con-

uertier à moy en son interieur , & ne se pas troubler pour le iugement des hommes.

2. Ne mettez pas vostre paix à ce que disent les hommes. Car soit qu'ils interpretent bien ou mal vos actions , cela ne fait pas que vous soyiez autre que ce que vous estes. Où est la vraye paix , & la vraye gloire ? n'est-ce pas en moy ? Celuy qui ne desire point plaire aux hommes , & ne craint point de leur déplaire , iouïra d'une grande paix. Toute l'inquietude du cœur , & la distraction des sens , procede de l'amour desordonné , & de la vaine crainte.

*Comme il faut inuoyer & benir
Dieu au temps de la
tribulation.*

CHAPITRE XXIX.

VOstre nom , Seigneur , soit beny par tous les siecles , de ce que vous auez voulu que ceste tentation & tribulation m'arriuaft. Je ne la puis pas éuiter , & m'est necessaire de recourir à vous, afin que vous m'aydiez , & que vous fassiez qu'elle soit pour mon bien. Seigneur , je suis maintenant en tribulation , mon cœur est affligé , & suis fort trauaillé de la tribulation presente. Que diray-je donc à present , ô mon pere tres-aymé? je me trouue enfermé au milieu des angoisses.

T iij

Sauuez-moy tout à ceste heure, & venez à ceste heure, afin que vostre Sainct nom soit glorifié, quand j'auray esté fort humilié, & deliuré par vous. Vostre bon plaisir soit, Seigneur, de me deliurer : car moy pauvre, que puis-je faire, & où puis-je aller sans vous ? Donnez-moy patience encores ceste fois. Aydez moy, mon Dieu, & je ne craindray point quelque grande affliction qui me puisse arriuer.

2. Que diray-je maintenant parmi ce que je souffre ? Seigneur, vostre volonté soit faite, j'ay bien mérité de receuoir tribulation & desplaisir. Il faut que je le supporte jusques à ce que la tempeste se passe, & que je sois mieux. Et à la mienne volonté que ce soit avec patience. Vostre main toute-puissante peut

bien me deliurer de ceste tentation,
 & en adoucir la violence, afin que
 je ne succombe pas entierement,
 commecy-deuant vous m'auez fait
 pareille grace. Mon Dieu, ma mise-
 ricorde, tant plus m'est-il difficile
 d'apporter changement aux effets
 de vostre main diuine, tant plus vous
 est-il facile à vous.

*Qu'il faut demãder l'ayde de Dieu,
 Et auoir confiance de recou-
 urer sa grace.*

C H A P I T R E X X X.

M On fils, je suis le Seigneur
 qui donne force au jour de
 la tribulation. Venez à moy quand
 vous ne vous trouuerez pas bien.
 Ce qui empesche plus la consolatiõ
 celeste, c'est que vous attendez trop

tard de vacquer à l'oraison, pour ce qu'auant que vous me priez ardemment, vous cherchez plusieurs consolations & recreations és choses exterieures. Et de là vient que tout ce que vous faites vous profite de peu jusques à ce que vous connoissiez que je suis celuy qui deliure ceux qui esperēt en moy. Que hors de moi il n'y a point de conseil puissant ni vtile, ni aucun remede durable. Mais ayant repris haleine après la tempeste, releuez-vous, & reprenez force en la lumiere de mes misericordes. Car je suis prest, dit le Seigneur, afin de restablir toutes choses, non seulement entierement, mais abondamment, & à mesure comble.

2. Y a-il quelque chose qui me soit difficile? Pensez-vous point que je sois semblable à ceux qui disent, &

ne font pas ? Où est vostre foy ? Demeurez fermement & perseueramment. Soyez homme courageux & fort. La consolation vous arriuera en son temps. Attendez-moy , attendez , j'iray à vous , & vous gueriray. C'est vne tentation qui vous tourmente , & vne crainte vaine qui vous espouuante. Que vous importe le soin des choses aduenir qui peuuent arriuer ou n'arriuer pas , sinon à vous faire auoir tristesse sur tristesse ? Que chaque jour soit contant du mal qu'il a en iceluy. C'est vne chose vaine & inutile de se réjoüir ou s'attrister pour ce qui n'arriuera possible iamais.

3. Mais c'est de l'infirmité humaine d'estre trompé de ses imaginations, & marque d'un esprit qui est encores bien petit & foible de se

laisser si aisément attirer par les suggestions de l'ennemy. Car pour luy il ne se soucie pas si c'est par choses vrayes ou fausses, qu'il vous trompe ou deçoit, ny si c'est par amour des choses presentes ou par crainte de l'aduenir qu'il vous fait tomber. Que vostre cœur donc ne se trouble point & ne craigne point. Croyez en moy & ayez fiance en ma misericorde. Quand vous pensez estre plus éloigné de moy, c'est bien souuent que j'en suis le plus prés. Quand vous estimez que tout est presque perdu, c'est bien souuent lors que vous estes sur le poinct de meriter dauantage. Tout n'est pas perdu pour cela quand les choses arriuent au contraire de ce que vous desirez. Vous ne deuez pas iuger selon le sentiment present, ny receuoir &

vous attacher aux fascheries qui vous arriuēt de quelque costé qu'elles viennent, comme si toute esperance vous estoit ostée d'en estre deliuré.

4. Ne pensez pas estre du tout abandonné si je vous enuoye par fois des tribulations, ou retire la consolation que vous desirés : Car c'est par là que l'on arriue au Royaume des Cieux, & sans doute il vous est plus expedient & à tous mes seruiteurs, que vous soyés exercés par les aduersités que si vous auiés toutes choses à souhait. Je connois les secrettes pensées & sçay qu'il est fort expedient pour vostre salut que vous soyés par fois delaisfé sans aucun goust interieur, de peur que le bon succès & la consolation ne vous eleue & énorgueil-

lisse, & que vous n'ayez complaisance en vous-mesme comme si vous estiez ce que vous n'estes pas. Je puis oster ce que j'ay donné, & le rendre quand il me plaist.

5. Quand je vous le donne il est à moy. Et quand je le retire, je ne prens rien du vostre. Car tout ce qui est donné de bon, & tout present parfait vient de moy. Si je vous enuoye quelque fascherie ou quelque contrarieté ne vous en indignez pas, & ne perdez pas le courage pour cela. Je vous puis bien tost releuer, & changer toute vostre tristesse en joye. Mais c'est iustice que je fais, & vne action digne d'une grande loüange quand je me comporte ainsi enuers vous.

6. Si vous iugez droitement & considerez les choses par la verité,

Vous ne devez jamais estre tant abattu de tristesse pour les aduersitez qui vous arriuent , mais plü-
tost vous en réjoüir & rendre graces , mesmes receuoir vne joye particuliere de ce que vous affligeant de douleurs , c'est signe que je ne vous espargne pas. I'ay dit à mes disciples bien ayez : Ainsi que mon Pere m'a aymé je vous ayme , & ne les ay pas enuoyez pour receuoir des joyes temporelles , mais pour endurer de rudes assauts ; non aux honneurs , mais au mespris , non à l'oisiueté , mais au trauail , non au repos , mais pour porter beaucoup de fruct en patience. Mon fils , qu'il vous souuienne de ces paroles.

Qu'il faut mespriser toutes les creatures afin de pouuoir trouuer le Createur.

CHAPITRE XXXI.

M On Seigneur, j'ay bien encor besoin d'une plus grande grace s'il faut que j'arriue là où personne du monde, ny aucune creature ne pourra me donner empeschement : Car tant que je suis retenu par quelque chose que ce soit, je ne puis voler librement à vous. Celuy-là desiroit de voler librement qui disoit : Qui est ce qui me donnera des aisles comme vne colombe, & je voleray & me reposeray ? Qui a-il de plus en repos que l'œil simple ? qui a-il de plus libre que celuy qui ne desire rien en

terre? Il faut donc passer par dessus toute creature ; & quitter parfaitement soy-mesme; demeurer en l'excez & éleuement de l'esprit, & voir que vous, Createur de toutes choses, estes tout à fait dissemblable de vos creatures. Quiconque ne se deliurera l'esprit de toutes les creatures, ne pourra pas librement vacquer aux choses diuines. C'est pourquoy il se trouue peu de contemplatifs, d'autant qu'il y a peu de personnes qui se retirent des creatures & choses perissables.

2. Il est requis pour cela vne grande grace qui éleue l'ame & l'enleue par dessus soy-mesme, & si l'homme n'est éleué en esprit, libre de toutes les creatures, & tout vny à Dieu, tout ce qu'il sçait & tout ce qu'il a, ce n'est pas grand cas. Celuy-

là, demeurera long temps petit, bas & gisât sur la terre, qui estime quelque chose de grand, horsmis le seul, vnique, immense & eternal bien. Car tout ce qui n'est point Dieu, n'est rien, & ne le faut compter pour rien. Il y a sans doute grande difference entre la sagesse d'un homme deuot & illuminé de Dieu, & la science d'un homme de lettres & studieux. Cette doctrine qui découle d'en haut par l'influence Diuine est beaucoup plus noble que celle qui s'acquiert par le trauail de l'esprit humain.

3. Il se trouue plusieurs personnes qui desirent vacquer à la cōtemplation, mais ils ne s'estudient pas à pratiquer les choses qui sont requises pour y paruenir. Il y a vn grand empeschement, d'autant que l'on s'arreste

s'arreste aux images & choses sensibles & on a bien peu de parfaite mortification. Je ne sçay ce que c'est, ny de quel esprit nous sommes conduits, ou ce que nous pretendons nous autres, qu'il semble que l'on tienne pour spirituel de ce que nous prenons tant de peine, & auons vn si grand soin pour des choses viles & passageres, & ce qui est de nostre interieur à peine & rarement y pensons-nous pleinement & avec recollection de nos sens.

4. Helas ! si tost que nous auons esté vn peu recueillis, nous sortons hors de nous-mesmes, & ne pensons point à nos œuures avec vn examen bien exact. Nous ne prenons pas garde où nos affections sont attachées, & ne déplorons pas la grande impureté de tout ce qui est en

nous. Toute chair auoit corrompu sa voye, & pour ce s'ensuiuit ce grād deluge. Veu doncques que nostre affection interieure est fort corrompuë, il est necessaire que l'action qui en procede, & est la marque du defaut de la vigueur interieure soit aussi corrompuë. Le fruiet de la bonne vie procede du cœur pur.

5. On s'enquiert bien combien de choses chacun fait, mais on ne pense pas si soigneusement avec quelle vertu il agit. On desire bien sçauoir si quelqu'un est vaillant, riche, beau, habile, s'il a bonne plume, s'il chante bien, s'il est bon ouurier : mais peu de gens se foucient de dire combien il est pauvre d'esprit, patient, debonnaire, deuot, & interieur. La nature regarde les choses exterieures de l'homme, la grace s'arreste

aux interieures. Celle-là se trompe
souuent, celle-cy espere en Dieu
pour n'estre pas trompée.

*Qu'il faut renoncer à soy-mesme, &
rejetter toute conuoitise.*

CHAPITRE XXXII.

M On fils, vous ne pouuez pas
auoir vne parfaite liberté,
si vous ne renoncez entierement à
vous-mesme. Tous ceux qui posse-
dent quelque chose avec propriété,
sont enchainez & n'ont point de
liberté, non plus que ceux qui sont
amateurs de soy-mesmes, conuoit-
eux, curieux, instables, qui cher-
chent toujours ce qui est delicat, &
non ce qui est de nostre Seigneur
Iesus-Christ, s'imaginans & for-
geans ce qui ne peut demeurer.

Car tout ce qui ne procede point de Dieu perira. Retenez bien ce petit mot qui est tres-parfait. Laissez tout, & vous trouuerés tout. Quittez la conuoitise, & vous trouuerés le repos. Ruminez cela en vostre esprit, & quand vous l'aurez accompli, vous entendrés tout.

2. Seigneur, cela n'est pas œuvre d'un jour, ny jeu d'enfans, & en ce peu de mots toute la perfection des Religieux est comprise. Mon fils, vous ne deuez pas tourner visage ny perdre cœur, quand vous oyez parler de la voye que tiennent les parfaits. Cela vous doit plustost exciter à entēdre aux choses plus hautes, ou au moins à soupirer apres elles par continuels desirs. Je voudrois que vous fussiez tellement disposé en vous-mesme, & fussiez paruenue à ce

point de n'auoir plus d'amour enuers vous-mesme ! Mais que vous fussiez purement dependant de ma volonté & de celle du Pere que j'ay estably dessus vous. Vous me seriez lors tres-agreable, & passeriez toute vostre vie en joye & en paix. Vous auez encore beaucoup de choses à laisser, & si vous ne me les resignez entierement, vous n'obtiendrés pas ce que vous demandez. Je vous conseille d'acheter de moy de l'or embrasé pour enrichir, c'est à dire : la Sapience celeste qui foule aux pieds tout ce qui est icy bas. Méprisez la sapience de la terre, & toute la complaisance des hommes, & de vous-mesme.

3. Je ne vous ay dit qu'il faut que vous donniez ce qui est estimé precieux & grand entre les choses

310 *De l'imitation de Iesus-Christ.*

humaines pour acheter ce qui est plus vil. Car la vraye Sapience celeste semble estre vil, petite & presque mise en oubly, elle ne pense point hautement de soy, elle ne veut point estre magnifiée & éluee en la terre. Plusieurs la louent en leurs discours de qui la vie en est fort éloignée. Et neantmoins c'est vne perle tres-precieuse qui est cachée à plusieurs.

De l'instabilité de nostre cœur, & que nostre intention se doit terminer en Dieu.

CHAPITRE XXXIII.

M On fils, ne croyez pas à vostre affectiō. Celle que vous avez maintenant sera bien-tost chargée en vne autre : tant que vous

viurés vous estes sujet à changement veillez ou non , en sorte que vous vous trouuerés tantost joyeux & tantost triste , tantost en paix , tantost troublé , tantost deuotieux , tantost sans deuotion. Quelquefois soigneux & diligent , quelquefois peresseux , quelquefois graue & posé , quelquefois leger : Mais le sage & celuy qui est bien instruit aux choses spirituelles , est par dessus ces changemens , ne regardant pas ce qu'il ressent en soy-mesme, ou de quel costé vient le vent d'instabilité , mais que toute l'intention de son ame soit dressée vers la fin deuë & parfaite. Car en cette maniere il pourra demeurer toujours semblable & sans estre ébranlé , ayant parmy tant de diuers éuenemens l'œil simple de son intention

continuellement fiché en moy.

2. Mais tant plus pur sera l'œil de l'intention, tant plus constamment on marchera parmy les diuerses agitations, mais l'œil de la pure intention s'éblouit & obscurcit en plusieurs choses. Car il se porte bien-tost à regarder ce qui se presente de delectable, & rarement se trouue-il personne qui soit entierement net de la tache de la recherche de soy-mesme. Ainsi les Iuifs allerent autrefois en Bethanie vers Marie & Marthe, non pour l'amour de Iesus seulement : mais pour voir le Lazare. Il faut donc bien nettoyer l'œil de l'intention, afin qu'il soit simple & droit, & qu'il ne regarde outre-passant toute la diuersité des choses qui sont entre luy & moy.

*Qu'à celuy qui ayme, Dieu luy est
sauoureux par dessus toutes cho-
ses, & en toutes choses.*

CHAPITRE XXXIV.

O Mon Dieu, & toutes choses, qu'est-ce que je veux davantage, & que puis-je desirer de plus heureux? O douce & sauoureuse parole! mais à celuy qui ayme la parole eternelle, & non pas le monde & les choses qui sont en iceluy. Mon Dieu, & toutes choses, c'est assez dire à celuy qui entend, mais celuy qui ayme a grand plaisir de le repeter souuent. Quand vous estes present, toutes choses nous réjouissent. Quand vous estes absent, toutes choses nous ennuyent. Vous rendez le cœur tranquille, & dōnez

vne grande paix & vne agreable joye. Vous faites bien estimer de toutes choses, & que l'on vous loüe en toutes, & n'y a rien qui puisse long-temps plaire sans vous. Mais si quelque chose a à nous plaire, & à nous contenter, il faut que vostre grace soit presente, & qu'elle soit assaisonnée de vostre Sapience.

2. Qu'est-ce qui ne fera point de bon goust à celuy qui vous goustez? Et celuy qui ne vous goust pas, que pourra-il trouuer qui le réjouisse? Les sages du monde, & les hommes charnels se perdent en vostre Sapience, pource qu'en leur vie il y a beaucoup de vanité, & qu'en vostre Sapience on ne trouue qu'à mourir. Mais ceux qui vous suiuent par le mépris des choses du monde, & par la mortification de la chair,

font recognus pour estre vrayement sages , pource qu'ils passent de la vanité à la verité , & de la chair à l'esprit. Ce sont ceux-là à qui Dieu est sauoureux, & rapportent à la loüange de leur Createur tout ce qui se trouue és creatures. Mais il y a grande , & tres-grande dissimilitude entre le goust du Createur , & celuy de la creature , de l'éternité & du temps , de la lumiere increée , & de la lumiere illuminée.

3. O lumiere perpetuelle surpassant toutes les lumieres créées, dardez vn éclair penetrant d'en haut jusques au fonds de mon cœur. Purifiez , réjouïssiez , clarifiez & viuifiez mon ame avec toutes ses puissances, afin qu'elle vous adhere & s'attache à vous avec des excés de joye. O quand viendra cette heure bien

heureuse & desirable, que vous me rassasierez de vostre presence, & me ferés tout en toutes choses, jusques à ce que vous m'ayez donné cela, ma joye ne sera point accomplie. Helas ! le vieil homme vit encores en moy. Il n'est point tout crucifié, il n'est point parfaitement mort. Il conuoite encores fortement à l'encontre de l'esprit, il esmeut des guerres intestines, & ne permet point que le Royaume de l'ame soit en paix.

4. Mais vous qui commandez à la puissance de la mer, qui addoucissez le mouuement de ses flots, leuez-vous & m'aydez, dissipez les nations qui cherchent la guerre. Brisez-les par vostre vertu. Monstrez je vous prie vos merueilles, & que vostre dextre soit glorifiée. Car j'en ay

point d'esperance ny de refuge si-
non en vous , Seigneur mon Dieu.

*Qu'il n'y a point d'assurance con-
tre les tentations en cette vie.*

CHAPITRE XXXV.

M On fils , vous ne ferés jamais
en assurance en cette vie
tant que vous viurez , vous auez
toujours besoin des armes spirituel-
les. Vous estes au milieu des enne-
mis, vous estes attaqué à droict & à
gauche: Partant si vous ne vous cou-
urez de tous costez du bouclier de la
patience , vous ne ferez pas long-
temps sans estre blessé. Et si vous ne
mettez vostre cœur fermement en
moy avec vne pure volōté de souf-
frir toutes choses pour l'amour de
moy , vous ne pourrés pas supporter

l'ardeur de ce combat, ny emporter la palme que les bien-heureux ont gagnée. Il faut donc que vous passiez virilement par toutes les choses, & que d'un bras puissant vous combattiez contre tout ce qui se presente: Car la manne est réservée au vainqueur, & vne grande misere à celuy qui est paresseux & negligent.

2. Si vous cherchez du repos en ceste vie, comment pourrés-vous apres icelle paruenir au repos de la gloire eternelle? Ne vous addonnez point à chercher beaucoup de repos, mais à auoir vne grande patience. Cherchez la vraye paix, non pas en la terre, mais au Ciel, non aux hommes, ny aux autres creatures, mais en Dieu seul. Vous deuez endurer volontiers toutes choses

pour l'amour de Dieu. Tous les traux & douleurs , tentations , vexations , anxietez , necessitez , infirmitiez , injures , murmures , reprehensions , humiliations , confusions , corrections & mépris : toutes ces choses vous aydent à acquerir la vertu. Elles esprouent le nouveau champion de Iesus-Christ , composent la couronne celeste. Je luy rendray vn loyer eternal pour vn peu de travail , & vne gloire infinie pour vne confusion qui ne fait que passer.

3. Pensez-vous point que vous ayez tousiours des consolations spirituelles à fouhait ? Mes Saints ne les ont pas eues ; au contraire ils ont eu beaucoup de fascheries , diuerses tentations , & de grandes desolations. Mais ils ont supporté tout

320 *De l'Imitation de Jesus-Christ.*

avec patience , & ont eu plus de confiance en Dieu qu'en foy , ſçachans que les paſſions & ſouffrances de cette vie ne ſçauroient meriter la gloire eternelle. Voulez-vous auoir tout à coup ce que pluſieurs apres beaucoup de larmes & de trauaux, ont à grande peine obtenu ? Attendez-le Seigneur , trauaillez virilement , & ayez bon courage ; n'entrez point en deffiance , ne reculez point , mais expoſez conſtamment voſtre corps & voſtre ame pour la gloire de Dieu. Je vous en recompileray abondamment. Je ſeray avec vous en toutes vos tribulations.

Contre

Contre les vains iugemens des hommes.

CHAPITRE XXXVI.

M On fils , mettez fermement vostre cœur en Dieu , ne craignez point les jugemens humains lors qu'en vostre conscience vous vous sentez innocent & meü de pieté. C'est vn bien & vne felicité de souffrir en cette sorte , & cela n'est point ennuyeux au cœur humble qui a plus de confiance en Dieu qu'en soy-mesme. La pluspart du monde parle beaucoup , c'est pourquoy , il ne s'y faut gueres arrester , & n'est pas possible de satisfaire à tous. Encores que sainct Paul s'efforçast de contenter vn chacun selon Dieu , & qu'il se fist

322 *De l'Imitation de Iesus-Christ.*

tout à tous, il s'est neantmoins fort peu soucié d'estre blasmé & condamné par les hommes.

2. Il a beaucoup trauaillé pour le salut & edification des autres autant qu'il estoit en sa puissance, mais il n'a pas peu empescher qu'il ne fust blasmé & méprisé par eux. C'est pourquoy il remettoit tout à Dieu, qui connoist toutes choses, & se defendoit par patience & humilité contre les mauuaises langues, & contre ceux qui publient comme il leur vient à la bouche toutes les choses vaines & mensongeres qu'ils ont en la pensée. Et neantmoins il a respondu quelquefois, de peur que les foiblesse ne fussent scandalisées de taciturnité.

3. Quoy ? que vous craigniez les hommes mortels ! Ils sont aujour-

d'huy , & demain ne paroistront plus. Craignez Dieu , & vous ne vous espouuanterés point de ces terreurs des hommes. Que vous peut faire vn homme avec ses paroles ou injures ? Il se nuit plustost qu'à vous , & quiconque il soit , il ne pourras éuiter le jugement de Dieu. Ayez Dieu deuant les yeux , & ne contestez point contre les paroles aigres. Que s'il semble que vous succombiez pour lors , & enduriez vne confusion que vous n'avez pas meritée , ne vous en fachez pas & que vostre impatience ne diminuë point vostre couronne. Mais leuez vos yeux au ciel vers moy qui ay le pouuoir de vous deliurer de toute confusion & injure , & rendre à chacun selon ses

*De la pure & entiere resignation
de soy , necessaire pour obtenir
la liberte du cœur.*

CHAP. XXXVIII.

M On fils , quittez-vous vous-mesme & vous me trouuerez , foyez sans élection & sans propriété d'aucune chose , & vous aurés touïours du gain. Car tout aussi-tost que vous vous serés resigné , & que vous ne reprendrés point ce que vous auez donné , vous receurés vne plus ample grace.

i. Seigneur , combien de fois me resigneray-je , & en quoy est-ce que je me quitteray ? touïours & à toute heure , autant aux petites choses comme aux grandes , ie n'excepte rien , & veux vous trouuer dépoüillé

& dégagé en toutes choses. Autrement, comment pourrez-vous estre à moy & moy à vous? Si vous n'estes en l'interieur & en l'exterieur entieremēt depouillé de vostre propre volonté? Tant plustost vous ferés cela, tant mieux vous vous en trouuerés, & plus vous le ferés pleinement & sincerement, vous me ferés plus agreable & y profiterés davantage.

2. Il y en a aucuns qui à la verité se risignent, mais c'est avec quelque exception, car ils ne se confient pas entierement en Dieu: C'est pourquoy ils ont encores soin d'eux-mêmes. D'autres aussi s'offrent tout à fait au commencement, mais par apres si quelque tentation les affaut, ils retournent à eux-mêmes: C'est pourquoy ils ne s'ad-

uancement point en la vertu. Ceux-là ne paruiendront point à la liberté du cœur pur, ny à la grace de ma douce familiarité, sinon apres vne entiere resignation & vn continuel sacrifice de soy-mesme, sans lequel l'vnion iouïssante ne subsiste point & ne subsistera jamais.

3. Je vous ay dit souuentefois, & vous le dis derechef, Quittez vous, resignez-vous, & vous iouïrés d'une grande paix interieure. Donnez tout pour le tout, & ne recherchez rien, ne demandez rien demeurez en moy purement & sans hesiter, & vous m'aurez. Vous serez libre en vostre cœur, & les tenebres ne vous offusqueront point. Efforcez vous pour cela, priez pour cela, trauallez à desirer cela, afin que vous puissiez estre dépoüillé de toute

propriété , suiure nud Iesus tout nud , mourir à vous , & viure eternellement à moy. Ainsi toutes les vaines fantaisies , les mauuaises inquietudes , & les soins superflus se perdront , lors aussi s'éuanoüira la peur démesurée , & l'amour desordonné mourra.

De la bonne conduite és choses exterieures, & d'auoir recours à Dieu és dangers.

CHAPITRE XXXVIII.

M On fils , vous deuez tendre soigneusement à ce poinct, qu'en tout lieu & en toute actiõ ou occupation exterieure vous soyez libre en l'interieur , ayant puissance sur vous-mesme , que toutes choses foyent au dessous de vous , & que

vous ne foyez pas au deffous d'icelles, que vous foyez seigneur & conducteur de vos actions, non pas esclau ny seruiteur acheté, mais plûtoft comme vray & franc Hebreu passant en la condition & liberté des enfans de Dieu qui sont au deffus des choses presentes, & contemplent les eternelles, qui regardēt les choses passageres de l'œil gauche, & les celestes du droit, que les choses temporelles n'attirent pas pour s'y attacher, mais plûtoft ils les attirent pour s'en bien seruir selon ce à quoy elles sont ordonnées de Dieu, & instituées par le souverain Ouurier qui n'a rien laissé de desordonné en sa creature.

2. Si aussi en tout ce qui arriue vous ne vous arrestez pas à l'apparāce exterieure, & ne confiderez pas avec

l'œil du corps ce que vous voyez ou entendez, mais en quelque occasiō que ce soit vous entrez aussi-tost avec Moyse dans le Tabernacle pour demander conseil à Dieu, vous entendrés souuent la responce diuine, & en retournerés instruiēt de plusieurs choses presentes & à venir. Car Moyse a toujours eu recours au Tabernacle pour resoudre les doutes & questions qui se presentoient, & s'est toujours rangé au secours de l'Oraison pour remedier aux dangers & meschancetez des hommes. Ainsi deuez-vous vous retirer au cabinet de vostre cœur, implorant avec ferueur le secours & l'ayde de Dieu. C'est pourquoy (comme nous lisons) Iosué & les enfans d'Israël furent deceus par les Gabaonites, pour ce qu'ils n'eurent pas recours

330 De l'imitation de Iesus-Christ.
à consulter Dieu auant que de rien
faire, & croyant trop de leger aux
belles paroles, ils furent trompez
par vne fausse pieté.

*Que l'homme ne doit pas estre trop
aspre & actif aux affaires.*

CHAPITRE XXXIX.

MOn fils, remettez-vous à
moy de ce qui vous concer-
ne. I'en disposeray comme il faudra
en son temps. Attendez ce que
j'ordonneray, & vous en sentirés
du profit. Seigneur, je vous remets
bien volontiers toutes choses : car
ma pensée & mon soin n'y peut pas
beaucoup auancer. A la mienne
volonté que je ne m'empeschasse
aucunement des occasions qui me
peuvent arriuer, & que je m'offris-

se tres-promptement à vostre bon plaisir.

2. Mon fils, souuent l'homme poursuit avec vehemence ce qu'il desire, & quand il y est paruenu il commence à changer d'auis, pource que les affections ne durent pas longtemps en vne mesme chose, & nous font aller d'une chose à l'autre. Ce n'est pas donc peu se quitter, mesmes és petites choses.

3. Le vray profit de l'homme est l'abnegation de soy, & l'homme qui a renoncé à soy-mesme est grandement libre & asseuré. Mais l'ancien ennemy s'opposant à tout ce qui en est bon, ne cesse jamais de tenter. Et jour & nuict il dresse des grandes embusches pour faire tomber, s'il peut, dans les filets de ses tromperies celuy qui ne prend pas garde à

foy. Veillez & priez dit nostre Seigneur, afin que vous n'entriez en tentation.

*Que l'homme n'a rien de bon de soy-
mesme, & ne se peut glori-
fier de rien.*

CHAPITRE XL.

Seigneur, qu'est-ce que l'homme que vous en ayez memoire? ou le fils de l'homme pour estre visité de vous? qu'a merité l'homme pour recevoir vostre grace? Seigneur, dequoy me puis-je plaindre si vous me delaissez? Et dequoy vous puis-je blasmer justement si vous ne faites ce que je demande? voicy certainement ce que je puis dire, & penser avec verité: Seigneur, je ne suis rien, je n'ay aucun bien de moy, je man-

que en toutes choses , & tire toujours vers le neant. Et si je ne suis aydé de vous , & instruit en mon interieur , je deuiens tout tiede & relasché.

2. Mais vous , Seigneur , vous estes toujours de mesme , & demeurerez eternellement toujours bon , juste & sainct , faisant bien , justement & sainctement toutes choses , & les disposant par vostre sapience. Mais moy qui suis plus enclin à failir qu'à profiter , je ne suis pastoujours en vn mesme estat , car je change sept fois le jour : Toutesfois aussi tost qu'il vous plaist , & que vous estendez vostre main pour m'ayder , je me porte mieux. Car c'est vous seul qui me pouuez ayder sās le secours humain , & me confirmer en sorte que ma face ne se chāge

plus en diuerses manieres , mais que mon cœur se retourne à vous seul, & se repose.

3. C'est pourquoy si je pouuois bien rejeter toutes les consolations humaines, soit pour acquerir la deuotion, soit à cause de la necessité par laquelle je suis contraint de vous chercher, pource qu'il n'y a point d'homme qui me puisse consoler, je pourrois lors à bon droict esperer vostre grace , & me réjouir de la grace nouuelle que vous m'aurez donnée.

4. Graces vous soient renduës, Seigneur, de qui tout bien procede, de tout ce qui me succede bien. Mais moy , je ne suis que vanité & neant deuant vous . vn homme inconstant & infirme: Dequoy donc me puis-je glorifier , & pourquoy

est-ce que je desire estre estimé ?
N'est ce pas pour chose de neant ? &
cela est tres-vain. Vrayement la vaine gloire est vne mauuaise peste, & vne tres-grande vanité, pource qu'elle nous retire de la vraye gloire, & nous despoüille de la grace celeste : car quand l'homme se plaist à foy-mesme, s'il vous desplaist, & quand il desire les loüanges humaines, il est priué des vrayes vertus.

5. La vraye gloire, & la réjouissance sainte est de se réjouir en vous, & non pas en foy, s'éjouir en vostre Nom, & non pas en sa propre vertu, & ne se réjouir ny delecter en aucune autre creature, sinon pour l'amour de vous. Que vostre Nō soit loüé, & non pas le mien. Que vostre œuvre soit magnifiée, & non pas la mienne. Que vostre

sainct Nom soit beny , & qu'il ne me soit attribué aucune chose des louanges humaines. Vous estes ma gloire & la joye de mon cœur : en vous sera ma joye & mon exultation tous les jours , mais en moy, rien ; si ce n'est en mes infirmités.

6. Que les Iuifs cherchent la gloire qu'ils reçoient l'un de l'autre , je rechercheray celle qui est de Dieu seul. Toute la gloire humaine , tous les honneurs temporels , tous les hauts estats du monde , comparez à vostre gloire eternelle ne sont que vanité & folie. O ma verité , ma misericorde , mon Dieu , Trinité bien - heureuse , à vous seul soit louange , vertu , honneur & gloire aux siècles des siècles infinis.

*Du mespris de tous les honneurs
temporels.*

CHAPITRE XLI.

M On fils, ne vous faschez pas si vous voyez que les autres soient honorez & esleuez, & vous mesprisé & abbaissé. Leuez vostre cœur au Ciel vers moy, & vous ne vous attristerez pas d'estre mesprisé par les hommes en la terre. Seigneur, nous sommes en aueuglement, & en cet aueuglement nous sommes aisément seduits. Si je me considere bien, jamais aucune creature ne m'a fait injure, & partant je ne me sçaurois iustement plaindre de vous.

2. Mais pource que je vous ay offensé, & souuent, & griefuement,

Y

toutes les creatures ont raison de s'armer contre moy. La confusion & le mespris me sont deuës iustement, & à vous la loüange, honneur & gloire. Et si ie ne me dispose à cela, que ie vueille de bon cœur estre méprisé & delaisié de toutes les creatures, & estre tenu comme vn homme de neant, ie ne puis estre pacifié ny estably en mon interieur, ny illuminé spirituellement, ny entierement vny à vous.

Qu'il ne faut pas mettre, ny chercher sa paix és hommes.

CHAPITRE XLII.

M On fils, si vous mettez vostre paix & contentement avec quelque persõne, pour ce qu'elle est selon vostre sens, ou qu'elle

vit avec vous , vous aurez l'esprit instable & embarrassé , mais si vous avez recours à la verité toujours vivante & permanente, vous ne vous attristerez point si vostre amy se retire de vous , ou s'il meurt. L'amour que vous portez à vostre amy doit estre en moy, & devez aymer pour l'amour de moy ceux qui vous semblent bons, & qui vous sont fort chers en cette vie. L'amitié qui est sans moy ne vaut rien, & ne durera pas, & la dilection que ie n'ay pas conjointe n'est ny nette ny veritable. Vous devez estre tellement mort à ces affections des personnes que vous aimez , que vous soyez prest & desiriez (entant qu'en vous est) d'estre priué de toute la compagnie des hommes. L'homme approche d'au-

tant plus de Dieu , qu'il se recule plus loin de toutes les consolations de la terre , & s'esleue d'autant plus haut vers Dieu , qu'il descend plus profondément en soy-mesme , est plus vil à ses propres yeux.

2. Mais celuy qui s'attribuë quelque bien , il empesche que la grace de Dieu ne vienne en luy : car la grace du saint Esprit cherche toujours vn cœur humble. Si vous sçauiez vous aneantir parfaitement , & vous despoüiller de tout amour créé , je viendrois lors en vous avec beaucoup de graces. Quand vous regardez les creatures , vous perdez la veüe du Createur. Apprenez à vous vaincre en toutes choses pour l'amour du Createur , & vous pourrés alors paruenir à la cognoissance de Dieu. Quelque petite que

soit vne chose , si elle est aymée , ou regardée desordonnément , elle nous esloigne du souuerain bien , & souille l'ame.

*Contre les sciences vaines
& mondaines.*

CHAPITRE. X L I I I.

M On fils , ne vous esmouuez point des belles & subtiles paroles des hommes , car le Royau-
me de Dieu n'est pas aux paroles , mais en la vertu. Ayez attention à mes paroles qui enflamment les cœurs , illuminent les ames , & excitent la contrition , & donnent beaucoup de consolations. Ne lisez jamais vn seul mot avec cette intention de paroistre plus docte , ou plus sage , mais estudiez à la mortifica-

tion des vices : car cela vous profitera dauantage que l'intelligence de plusieurs questions difficiles.

2. Quand vous aurés leu, & entendu beaucoup de choses, il faut toujours reuenir à vn principe. C'est moy qui enseigne la science aux hommes, & qui donne aux petits & humbles vne intelligence plus claire que les hommes ne peuuent apprendre. Celuy à qui je parle sera bien tost sage, & profitera beaucoup en l'esprit. Malheur à ceux qui cherchent d'apprendre des hommes plusieurs choses curieuses, & ne se soucient pas de sçauoir le chemin de me seruir. Il viendra vn temps que Iesus-Christ, le Maistre des Maistres, & Seigneur des Anges, apparoitra, & entendra de chacun de nous le recit de la leçon, c'est à dire,

examinera nos consciences , & lors tous les endroits de Ierusalem seront fouillez, & recherchez avec la lumiere, & ce qui estoit caché dans les tenebres sera manifesté; & lors les subtilitez & raisons de nos paroles n'auront plus de lieu.

3. Je suis celuy qui esleue en vn moment l'ame humble à comprendre plus de raisons de la verité Eternelle , qu'un autre ne scauroit apprendre en dix ans d'estude dans les escholes. J'enseigne sans bruit de paroles, sans confusion d'opinions, sans fast d'honneur, & sans contention d'argumens. C'est moy qui enseigne à mépriser les choses terrestres, à se dégouter des choses presentes, chercher & gouter les eternelles, fuir les honneurs, supporter les scandales, mettre toute son

esperance en moy , ne desirer rien hors de moy , & m'aymer ardemment par dessus toutes choses.

4. Vne certaine personne en m'ayant intimement appris les choses diuines , & disoit des merueilles , il profita plus à quitter tout , qu'à estudier des choses difficiles. Mais je dis aux vns des choses communes , aux autres des choses speciales. Je me manifeste doucement à quelques - vns par signes & figures , & je reuele des mysteres à d'autres , avec vne grande lumiere. Le langage des liures est semblable pour tous , mais il n'enseigne pas vn chacun d'une mesme sorte : car c'est moy qui enseigne la verité en l'interieur ; je suis scrutateur des cœurs , je cognois les pensées , j'excite les œuures , depar-

tant à vn chacun selon que je l'en
juge digne.

*Qu'il ne faut point attirer à soy
les choses exterieures.*

CHAPITRE. XLIV.

M On fils , il faut que vous
soyez ignorant en beau-
coup de choses , que vous vous esti-
miez comme mort sur la terre , & à
qui tout le monde soit crucifié. Il
faut aussi faire la sourde oreille à
beaucoup de choses , & penser à ce
qui vous importe plus pour la paix
de vostre ame. Il est plus vtile de
destourner la veüe des choses qui
desplaisent , & laisser à chacun son
sens , que de se laisser aller à des paro-
les contentieuses. Si vous estes bien
avec Dieu , & regardez son juge-

ment, vous supporterez plus facilement d'estre vaincu.

2. O Seigneur, où en sommes-nous ? On pleure pour vne perte temporelle, on traueille, & on court pour vn peu de profit, & on met en oubly le dommage spirituel, & à grand' peine reuient-on à soy sur le tard. On est attentif à ce qui ne sert que peu ou rien du tout, & on passe nonchalamment ce qui est extremement necessaire, pource que l'homme se laisse aller aux choses exterieures, & s'il ne reuient bien tost à soy, il croupit volontairement.

*Qu'il ne faut pas croire à tous, &
que les paroles eschappent
aisément.*

CHAPITRE XLV.

S Eigneur, donnez-moy ayde en la tribulation; car c'est en vain d'attendre salut des hommes. Combien de fois n'ay-je point trouué de fidelité où je pensois qu'il y en auroit? Combien de fois en ay-je trouué où je m'y attendois le moins? L'esperance que l'on a aux hommes est vaine, & le salut des justes est en vous, mon Dieu: Soyez beny, Seigneur, en tout ce qui nous arriue. Nous sommes infirmes & instables, nous-nous trompons, & changeons aisément.

2. Qui est l'homme qui se puisse

garder avec tant de soin & de circō-
spection qu'il ne tōbe quelquesfois
en tromperie ou en perplexité: Mais
celuy qui se confie en vous, Sei-
gneur, & vous cherche d'un cœur
simple, ne bronche pas si aisément:
Et s'il luy arriue quelque tribulatiō
en quelque sorte qu'il y soit enue-
loppé, vous l'en deliurerés & le
consolerez plustost: car jamais vous
ne delaisserés celuy qui espere en
vous. C'est vne chose rare qu'un
amy fidele, & qui demeure tel en
toutes les afflictions de son amy.
Vous, Seigneur, vous estes seul tres-
fidele en tout, & apres vous il n'y a
personne qui le soit comme vous.

3. O que cette saincte ame estoit
bien sage qui disoit, Mon ame est
affermie & fondée en Iesus-Christ:
Si j'estois comme cela, la crainte du

monde & des hommes ne m'inquieteroit point, & les paroles picquantes ne m'émouueroient point. Qui est-ce qui peut preuoir tout ? Qui peut se preseruer des maux à venir ? Si les maux que l'on a preueus ne laissent pas souuent d'offencer, que feront ceux que l'on ne preuoit pas, sinon de blesser griefuement ? Mais pourquoy, miserable que je suis, n'ay-je point mieux pourueu à moy ? Pourquoy aussi ay-je si facilement creu les autres ? Mais nous sommes hommes, & rien qu'hommes fragiles, encores que plusieurs nous estiment, & nous appellent des Anges. A qui croiray-je, Seigneur ? à qui croiray-je sinon à vous ? Vous estes la verité qui ne trompez point, & ne pouuez estre trompé ; mais l'homme est menteur, infirme & instable,

& si prompt à parler legerement, que peu souuent il faut estre prompt à croire ce qui semble vray en apparence.

4. Combien prudemment vous nous auez aduertis qu'il se falloit garder des hommes ! que les ennemis de l'homme sont ses propres domestiques, & qu'il ne faut pas croire si quelqu'un dit ; le bien est icy où il est là. I'ay esté enseigné par mon propre dommage. Dieu vueille que ce soit pour me mieux garder, & non pas pour en estre plus mal aduisé. Prenez garde à vous, ce dit quelqu'un, prenez garde à vous, tenez secret ce que je vous dis ; & quãd je me retiens d'en parler, & pense qu'il soit secret, je trouue que luy-mesme n'a peu celer ce qu'il m'auoit prié de celer, mais qu'à

l'heure mesme il m'a découuert & luy aussi , & s'en est allé.

Defendez-moy , Seigneur de ces fictions & d'hommes si peu aduisez; que je ne tombe point en leurs mains , & ne commette jamais de telles fautes. Mettez en ma bouche des paroles veritables & fermes, faites que ma langue ne soit jamais cauteleuse. Je me dois entierement abstenir de ce que je ne voudrois pas souffrir.

5. O que c'est vne chose bonne, & qui cause vne grande paix , de ne point parler d'autrui, ne croire pas indifferemment toutes choses , ne les redire pas legerement, se decouvrir à peu de personnes, vous chercher toujours, vous qui voyez nos cœurs, & ne s'emporter çà & là au premier vent des paroles que l'on

oit, mais desirer que toutes choses, tant interieures qu'exterieures, soiēt accomplies selon le bon plaisir de vostre volonte. O que c'est vne chose assuree pour conseruer la grace celeste de fuir l'apparence humaine, & ne desirer les choses qui exterieurement semblent causer de l'admiration, mais suiure tres-diligemment ce qui cause la ferueur & amendement de la vie!

6. A combien de gens a esté domageable que leur vertu ait esté cogneuë, & trop tost prisee? Et à combien d'autres a esté profitable, que la grace qu'ils ont receuë a esté contregardée par le silence en cette vie fragile, laquelle n'est autre chose que tentation & combat?

Qu'il

*Qu'il faut avoir confiance en Dieu
quand nous sommes attaquez
de paroles picquantes.*

CHAP. XLVI.

M On fils , demeurez ferme ,
& esperez en moy : car que
sont les paroles , sinon des paroles ?
Elles volent en l'air , & n'offensent
point celuy qui est ferme & solide
comme la pierre. Si vous estes coul-
pable , pensez à desirer de vous
amender ; si vous n'estes point coul-
pable , pensez que vous devez vo-
lontiers supporter cela pour l'a-
mour de Dieu. Ce n'est pas grand
cas que vous enduriez par fois des
paroles , veu que vous ne pouuez
pas encores endurer de plus gran-
des afflictions. Et d'où vient que si

Z

peu de chose vous touche si fort au cœur, si ce n'est que vous estes encores charnel, & faites plus de cas qu'il ne faut de l'estime des hommes? Car pource que vous craignez d'estre méprisé, vous ne voulez pas que l'on vous reprenne de vos fautes, & cherchez des excuses pour vous couvrir.

2. Mais confidez-vous de plus près, & vous connoistrés que le monde, & le vain amour de plaire aux hommes est encore vivant en vous. Car quand vous évitez d'estre abbaisé, & la confusion de vos fautes, cela monstre que vous n'estes ny vraiment humble, ny vraiment mort au monde, ny le monde crucifié à vous. Mais prestez attention à mes paroles, & vous ne vous soucierés pas des paroles des hommes.

Je vous prie , si tout ce que la plus grande malice peut controuuer estoit dit contre vous, quel dōmage vous feroit-il ? si vous le laissiez passer : & n'en faisiez pas plus de cas que d'une paille , vous pourroit-il seulement arracher vn cheueu.

3. Celuy qui ne rentre pas en son cœur , qui n'a point Dieu deuant les yeux , se trouble facilement quand on luy dit quelque parole de blâme : mais celuy qui se confie en moy , & ne desire pas suiure son propre iugement , il n'aura aucune crainte des hommes. Car je suis le Iuge & Seigneur de toutes les choses secrettēs ; Je sçay comment les choses passent , je cognois celuy qui fait l'injure , & celuy qui la reçoit : c'est de moy que ceste parole est sortie , cela est arriué par ma

permission, afin que les pensées de plusieurs cœurs soient manifestées. Je iugeray le coupable & l'innocent, mais j'ay voulu auparavant esprouver l'un & l'autre par un jugement secret.

4. Le tesmoignage des hommes trompe souuent; mon iugement est veritable, il demeurera, & ne sera point renuersé. Il est souuentesfois caché, & peu de personnes en cognoissent les particularitez: mais il n'erre iamais, & ne peut errer, encores qu'aux yeux des insensez il semble quelquesfois n'estre pas droict & juste. Il faut donc recourir à moy en tout ce qui s'offrira à juger, & ne s'appuyer pas sur son propre aduis: car le juste ne se troublera point pourquoy que ce soit qui luy arriue de la part de Dieu, encores quel'on

prononce quelque chose injustement contre luy, il ne s'en donnera pas beaucoup de peine, mais aussi il ne se laissera point emporter de vaine joye, lors qu'avec raison il fera excusé par les autres. Car il se souvient que je suis celuy qui sonde les cœurs, & l'interieur des hommes, & que je ne juge pas selon la face extérieure, & l'aparence humaine. Souvent deuant mes yeux telle chose est faite, & digne de blâme, qui au jugement des hommes est estimée digne de loüange.

5. Seigneur Dieu, juste Juge, fort, & patient, qui cognoissez la malice, & fragilité des hommes, foyez ma force, & toute ma confiance: car ma conscience ne suffit pas pour m'asseurer. Vous cognoissez ce que je ne cognois pas, & pource je me dois

humilier toutes les fois que je suis repris, & le supporter avec mansuetude. Pardonnez-moy donc, debonnaire Seigneur, pour toutes les fois que je ne l'ay pas pratiqué ainsi, & me donnez la grace d'en supporter vne autrefois dauantage. Vostre misericorde abondante me vaut mieux pour obtenir pardon, que la justice que je pourrois penser d'auoir pour me defendre de ce qui est caché en ma conscience. Et encores que je ne me sente coupable de rien, toutesfois je ne puis pas me iustifier en cela: car sans vostre misericorde, il n'y a homme viuant qui soit trouué juste deuant vos yeux.

*Que toutes les choses fascheuses se
doivent supporter pour la
vie eternelle.*

CHAPITRE XLVII.

M On fils , ne perdez point
courage pour les trauaux
que vous auez pris pour moy , que
les tribulations ne vous abbattent
nullement : mais en tout ce qui ar-
riue soyez fortifié , & consolé par
mes promesses. Je suis assez suf-
fisant pour vous recompenser par
dessus toute mesure , vous ne tra-
uaillez pas beaucoup icy , & ne
serés pas tousiours chargé de dou-
leurs. Attendez vn peu , & vous
verrez bien-tost la fin de vos maux.
L'heure viendra que le trauail & le
trouble cesseront. Tout ce qui se

passé avec le temps est bien court,
& n'est pas grande chose.

2. Faites donc ce que vous faites, travaillez fidèlement en ma vigne, je feray vostre recompense. Escribez, lisez, chantez, souspirez, gardez silence, priez, supportez courageusement les aduersitez : la vie éternelle est bien digne de ces combats, & d'autres plus grands. La paix viendra aujour qui est cōneu à Dieu. Car il n'y aura pas distinction de jour & de nuict comme en ce temps, mais vne lumière perpetuelle, vne clarté infinie, vne ferme paix, & vn repos asseuré. Vous ne dirés pas lors; Qui est-ce qui me deliurera du corps de ceste mort? & ne vous escrierés point; Hélas ! ma demeure en terre est prolongée, car la mort sera destruite, le salut sera perpetuel, sans aucune an-

xieté, la joye bien-heureuse, avec vne douce, belle, & agreable compagnie.

3. O si vous auiez veu les couronnes eternelles des Saincts dans le Ciel, & de combien grande gloire jouïssent maintenant ceux qui autresfois ont esté estimez contemptibles au monde, & comme indignes de la vie ! Certainement vous vous humilieriez, & abaisseriez iusques en terre, & aymeriez mieux estre sujet à tout le monde, que de commander à vne seule personne, & ne fouhaiteriez point les beaux jours de ceste vie, mais vostre plaisir seroit d'estre affligé pour l'amour de Dieu, & reputeriez à grand profit de n'estre conté pour rien entre les hommes.

4. O si ces choses estoient à vostre

goust , & si elles entroient bien
auant en vostre cœur , comment
vous oseriez-vous plaindre mesme
vne seule fois ? Ne doit-on pas souf-
frir toutes les choses penibles , pour
la vie eternelle Ce n'est pas peu de
chose quand il y va du gain ou de la
perte du Royaume de Dieu. Leuez
donc vos yeux au Ciel , voyez moy ,
& tous mes Saincts avec moy , qui
ont soustenu de grands combats en
ce monde : maintenant ils sont en
joye , ils sont consolez , ils sont as-
seurez , ils sont en repos , & demeu-
reront eternellement avec moy au
Royaume de mon Pere.

*Du iour de l'eternité, & des an-
goisses de ceste vie.*

CHAPITRE XLVIII.

O Tres-heureuse demeure de la Cité celeste! ô tres-clair jour de l'Eternité, que la nuit n'obscurcit point! toujours esclairé des rayons de la souveraine Verité: Iour toujours joyeux, toujours asseuré, & dont l'estat ne se change jamais. O pleust à Dieu que nous fussions à la lumière de ce jour, & que toutes ces choses temporelles eussent pris fin! Les Saints voyent bien la perpetuelle & resplandissante clarté de ce iour: mais ceux qui sont encores pelerins en la terre, ne la voyent que de loin, & par un miroir.

2. Les citoyens du Ciel sçauent combien cette vielà est joyeuse, & les pauvres enfans d'Eue encores bannis gemissent en l'amertume & ennuy de celle-cy. Les jours de ceste vie sont courts & mauuais, remplis de douleurs & d'angoisses où l'hōme est entaché de beaucoup de pechez, enlassé de plusieurs passions, enfermé de diuerses craintes, distrait de plusieurs soins, diuerty en beaucoup de curiositez, enueloppé de plusieurs vanitez, environné d'erreurs, & tromperies, brisé de peines & de trauaux, chargé de tentations, enerué de delices, & tourmenté de la pauureté.

3. O quand sera-ce la fin de tant de trauaux? Quand seray-je deliuré de ceste miserable seruitude des vices? Quād sera-ce, ô mon Seigneur,

que je me ressouviendray seulement de vous? Quand me resioüiray-je parfaitement en vous. Quand seray-je quitte de tous empeschemens, en vne vraye liberté, sans aucune chose fascheuse en l'esprit ny au corps? Quand auray-je vne paix entiere, vne paix asseurée, & qui ne peut estre troublée: paix dedans & dehors, paix affermie de toutes part? Bon Iesus, quand seray-je deuant vôtre face pour vous voir? Quãd cõtempleray-je la gloire de vostre Royaume? Quand me seres-vous tout en toutes choses? O quand seray-je avec vous en vostre Royaume, lequel vous avez de toute eternité preparé à vos bien-aymez? I'ay esté delaisné pauvre, & banny en vne terre ennemie, où il y a guerre continue, & de grandes infortunes.

4. Consolez moy en mon exil, adoucisiez ma douleur: car tout mon desir s'aspire apres vous, toute la consolation que le monde me presente m'est vn pesant fardeau. Je desirer jouir de vous interieurement, mais je ne vous puis auoir. Je desirer m'attacher aux choses celestes, mais les temporelles, & les passions immortifiées me rabbaissent. Je desirer par l'esprit m'esleuer par dessus toutes choses, mais je suis contraint par la chair d'y estre assujetty malgré moy. Ainsi (miserable que je suis) je combats contre moy-mesme, & suis ennuyeux à moy-mesme, l'esprit voulant s'esleuer en haut, & la chair demeurer en la terre.

5. O combien je souffre en mon interieur, lors qu'occupé en l'esprit à mediter les choses celestes tout à

Coup, les pensées charnelles viennent à la foule interrompre mon oraison. Mon Dieu, ne vous esloignez point de moy, & ne vous retirez point en cholere de vostre seruiteur, esclancez vos esclairs, & les rayons de vostre lumiere en mon cœur, & dissipez ces broüillards, décochez vos flèches, afin que toutes les fantaisies de l'ennemy soient renuersées, recueillez mes sens en vous, faites que j'oublie toutes les choses du monde, faites que jerejette promptement, & mesprise toutes les imaginations des vices. Secourez-moy, verité Eternelle, afin que je ne sois esbranlé d'aucune vanité. Venez à moy, celeste suauité, & que toute impureté s'enfuye de deuant vostre face. Pardonnez-moy, par vostre grãde misericorde,

toutes les fois qu'en l'Oraison je m'occupe en autre chose qu'en vous : car je confesse en verité que j'ay coustume d'y estre grandement distrait. Souuentefois je ne suis pas au lieu où est mon corps , mais là où mes pensées m'emportent, je suis où est ma pensée. Ma pensée est bien souuent là où est ce que j'ayme , & ce qui me delecte naturellement , ou qui a coustume de me plaire, c'est ce qui se presente bien tost en mon esprit.

6. C'est pourquoy , vous qui estes la verité , auez dit : là où est vostre thresor , là est vostre cœur : Si j'ayme le Ciel je pense volontiers aux choses celestes. Si j'ayme le mōde, ie me réjouïs de ses prosperitez , & m'attriste de ses aduersitez. Si i'ayme la chair , ie m'imagino souuent ce qui est
est

est de la chair. Si i'ayme l'esprit, ie prens plaisir à penser aux choses spirituelles. Car quoy que soit que i'ayme, i'en parle, & en oy parler volontiers, & remporte avec moy au logis les images de ces choses-là. Mais celuy-là, Seigneur, est bienheureux, qui pour l'amour de vous a dōné congé à toutes les creatures, qui fait force la Nature, & par la ferveur de l'esprit, crucifié les concupiscences de la chair, afin que la conscience estant asserenée & tranquille, il vous puisse offrir vne Oraison pure, & qui soit digne de la compagnie des Anges, ayant interieurement & exterieurement banny toutes les choses de la terre.

*Du desir de la vie eternelle, & des
grands biens qui sont promis
à ceux qui combattent.*

CHAPITRE XLIX.

M On fils, lors que vous sentez
venir en vous vn celeste de-
sir de la beatitude eternelle, que
vous souhaittez de sortir de la pri-
son de ce corps, afin de pouuoir con-
templer ma clarté non interrompue
par la vicissitude de l'ombre, dilatez
vostre cœur, & receuez ceste sainte
inspiration de toute vostre affe-
ction. Rendez de tres-grandes gra-
ces à la bonté celeste, qui daigne
traitter ainsi avec vous, vous visite si
misericordieusement, vous esmeut
ardemment, & vous esleue puissam-
ment, de peur que par vostre propre

poids vous ne tombiez vers les choses de la terre. Car ce ne sont pas vos pensées, ny l'effort de vostre esprit qui vous donne ces inspirations : mais c'est vn effet de la seule grace de Dieu qui vous daigne regarder, afin que vous profitiez en vertu, croissiez en humilité, vous prépariez aux combats à venir, & vous efforciez d'adhérer à moy de toute vostre affection, & me servir avec vne ardente volonté.

2. Mon fils, souuent le feu brusle; mais la flamme ne s'esleue point en haut sans qu'il y ait de la fumée. Ainsi aucuns ont des desirs ardents aux choses celestes, & toutesfois ils ne sont pas libres de la tentation des affections charnelles : c'est pourquoy ce n'est pas tout à fait purement pour l'honneur de Dieu, qu'ils

le prient avec de si grands desirs. Tel est souuent vostre desir, pour lequel vous proposez de me presser si fort: car cela n'est ny pur, ny parfait, qui est infecté du propre interest.

3. Demandez, non ce qui vous est plaisant & vtile, mais ce qui m'est agreable, & qui tourne à mon honneur: car si vous jugez droictement, vous deuez suiure ce que i'ordonne, & le preferer à vos desirs, & à toutes les choses que vous souhaittez. Je cognois bien vos desirs, & sçay bien où tendent vos gemessemens si frequents: Vous voudriez déjà estre en la liberté de la gloire des enfans de Dieu; la maison eternelle, & la region celeste, pleine de joye vous delecte déjà; mais ceste heure-là n'est pas venue: vous estes encores en vn autre temps, à sçauoir, au temps de

guerre , temps de trauail , & d'epreuue : vous desirez estre remply du souuerain bien , mais vous ne pouuez pas obtenir cela maintenant. Ie le suis , attendez-moy , dit le Seigneur , iusques à ce que le Royaume de Dieu vienne.

4. Il faut que vous foyez encores éprouué sur la terre , & exercé en plusieurs choses. Vous aurés par fois de la consolation , mais ceste abondanté fatieté ne vous fera pas octroyée. Confortez-vous donc , & foyez robuste , tant à faire , qu'à souffrir ce qui est contraire à la nature. Il faut vous reuestir du nouuel homme , & que vous deueniez vne autre personne : il faut que vous fassiez souuent ce que vous voudriez vous pas , & que vous laissiez ce que vous voudriez. Ce qui est agreable aux

autres s'auancera, ce qui vous est agreable demeurera là. Ce que les autres diront fera escouté, ce que vous dirés ne fera compté pour rien, les autres demanderont, & obtiendront, vous demanderés, & ferés refusé.

5. Les autres feront grands en la bouche des hommes, on ne dira mot de vous. On employera les autres à diuerses choses, & vous ne serez estimé bon à rien. La nature s'attriste quelquefois pour cela, & ferés beaucoup si vous le supportez sans dire mot. Le fidele seruiteur de Dieu est d'ordinaire esprouué en ces choses, & plusieurs autres semblables, pour voir comment il peut se renoncer, & rompre sa volonté en toutes choses. A grand' peine se trouuera-il autre chose en quoy

vous ayez si grand besoin de mourir comme à voir & souffrir ce qui est contraire à vostre volonté : principalement lors que l'on vous commande de faire ce qui ne conuient pas, & qui vous semble moins vtile : & pource qu'estant sujet & inférieur, vous n'osez pas résister à la puissance supérieure : cela vous semble bien dur de suivre la volonté d'autrui, & quitter vostre propre sens.

6. Mais pensez, mon fils, à la fin de ces travaux, qui est bien proche, & à la recompense tres-grande : par ce moyen ces choses ne vous fâcheront point, & au contraire vous recevrez vne grande consolation de vostre patience : car pour vn peu de volonté que vous quittez maintenant de vostre bon gré, vous aurez éternelle

ment au ciel l'effet de vostre volonté. Pour ce que vous trouuerés là tout ce que vous voudrés, & tout ce que vous sçauriez desirer. Vous aurez là en vostre pouuoir tout le bien sans crainte de le perdre. Là vostre volonté tousiours vnie à moy ne desirera rien d'estranger, ny de particulier. Là, personne ne vous résistera, personne ne se plaindra de vous, personne ne vous empeschera, personne ne vous arrestera. Mais toutes les choses que vous desirerés vous seront toutes presentes, & rassasieront & empliront entieremēt toute vostre affection. Là je vous donneray de la gloire pour l'injure que vous auez endurée. Je vous environneray de louanges pour vostre tristesse, & pour vous estre mis en la derniere place je vous feray seoir au

Royaume eternel. Là on verra le fruit de l'obéissance, le travail de la penitence sera conuerty en joye, & l'humble subjection sera glorieusement couronnée.

7. Maintenant donc abaissez-vous humblement sous la main de tous, & ne vous fouciez point qui l'a dit, ou commandé, mais soit le Prelat ou Superieur, soit vn plus jeune ou vn égal qui demande quelque chose de vous, ou vous fasse connoistre qui le desire; ayez grand soin de tenir cela pour bon, & vous efforcez de l'accomplir d'une sincere volonté. Qu'un autre cherche cecy, vn autre cela; qu'un autre se glorifie en cecy, vn autre en cela, & qu'il reçoive mille & mille loüanges: quant à vous, ne vous réjouïssiez ny en cecy, ny en cela

378 *De l'Imitation de Iesus-Christ.*

mais au mépris de vous-mesme,
& en mon bon plaisir & honneur
seulement. Ce que vous auez à de-
sirer est que soit par la vie, soit par
la mort, Dieu soit tousiours glori-
fié en vous.

*Comme l'homme desolé se doit offrir
és mains de Dieu.*

CHAPITRE L.

SEigneur Dieu, Pere saint, soyez
beny maintenant, & à jamais,
de ce que vostre volonté a esté faite,
& ce que vous faites est bon, que
vostre seruiteur se réjouisse en vous,
& non pas en soy, ny en autre chose
quelconque: car vous seul, Seigneur,
estes la vraye joye, vous estes mon
esperance, ma courōne, ma réjouis-
sance & mon honneur. Qu'est-ce

qu'a vostre seruiteur , sinon ce qu'il a receu de vous-mesmes sans l'auoir merit  ? Toutefois les choses que vous auez donn  es , & faites, sont vostres. Je suis pauvre , & dans mestruaux d  s ma jeunesse , & mon ame s'attriste souuent jusques aux larmes : quelquefois aussi elle se trouble    cause des passions qu'elle voit prestes    l'emporter.

2. Je desire la joye de la paix. Je demande la paix de vos enfans , qui sont repeus de vous en la lumiere de consolation. Si vous me donnez la paix, si vous m'infondez vne sainte joye , l'ame de vostre seruiteur sera remplie d'une douce musique & deuote    vous louer, Mais si vous vous retirez , comme vous faites fort souuent, il ne pourra pas courir dans la voye de vos commandemens,

mais plustost il se prosternera à genoux pour battre sa poitrine de ce qu'il n'est pas comme il estoit hier, & le jour de deuant, lors que vostre lumiere resplendissoit sur son chef & que sous l'ombre de vos aissles il estoit à couuert des tentations qui se iettent sur luy.

3. Pere juste, & tousiours digne d'estre loüué, l'heure est venuë d'esprouuer vostre seruiteur. Pere aimable, il est raisonnable que vostre seruiteur endure à present quelque chose pour l'amour de vous. Pere à jamais venerable, l'heure est venuë, laquelle dès l'eternité vous sçauiez deuoir arriuer, que vostre seruiteur succombe exterieurement pour vn peu de temps : mais que toujourns il viue interieurement en vous. Qu'il soit pour ce peu de temps méprisé,

humilié, abbaissé deuant les hommes, brisé de passions & langueurs, afin que derechef il ressuscite avec vous en l'aurore de la nouuelle lumiere, & qu'il soit clarifié dans les cieux. Pere saint, vous l'avez ainsi ordonné, vous l'avez ainsi voulu; & ce que vous avez commandé a esté fait.

4. Car c'est vne grace que vous faites à celuy que vous aymez, qu'il endure & aye des tribulations en ce monde pour l'amour de vous, toutes & quantefois, & par qui que ce soit, que vous permettez que cela luy arriue. Il ne se fait rien en la terre sans vostre conseil & prouidence, ny sans cause. Il a esté bon pour moy, Seigneur, que vous m'avez humilié, afin que j'apprene vos iustifications, & que je chasse de mon

382 *De l'imitation de Iesus-Christ.*

cœur tout orgueil & presumption.
Il m'est vtile d'auoir la face couuer-
te de honte & confusion, afin que je
cherche plutôt la consolation de
vous que des hommes. I'apprens
aussi de là à redouter vostre inscru-
table iugement, vous qui affligez le
juste avec le méchant, mais non
sans equité & justice.

5. Je vous rends graces de ce que
vous ne m'avez point pardonné mes
meffaits, & m'avez chastié des ver-
ges de vostre amour, m'enuoyant
des douleurs & des angoisses dedās
& dehors. Il n'y a chose aucune de
toutes celles qui sont sous le ciel.
Qui me console sinon vous, Sei-
gneur mon Dieu, celeste Medecin
des ames, qui blessez & guerissez,
menez jusques aux enfers, & retirez.
La correction que vous me donnez,

& vos verges me seruiront d'enseignement.

6. Voicy, Pere tres-aymé, je suis en vos mains, je m'abaisse sous la verge de vostre correction, frappez mon dos & mon col pour, ployer à vostre volōté l'obliquité de mes affectiōs. Rédez moy humble & deuot disciple, comme vous auez bien accoustumé de faire quand il vous plaist, afin que je puisse cheminer entierement selon vostre bon plaisir. I'abandonne à vostre correction, & moy, & tout ce qui est à moy. Il vaut mieux estre chastié en ce monde-cy qu'en l'autre. Vous sçauiez tout en general & en particulier, & rien ne vous est caché en la conscience de l'homme. Vous sçauiez les choses à venir auant qu'elles soient, & n'auiez pas besoin qu'aucun vous apprēne,

ou vous aduertisse de ce qui se fait en terre. Vous sçavez ce qui est expedient pour mon aduancement, & combien la tribulation est vtile à nettoyer la rouille des vices. Faites en moy tout ce que demande vostre bon plaisir, & ne destournez point vos yeux de ma vie, remplie de pechez, que vous seul cognoissiez mieux, & plus clairement que personne.

7. Faites, Seigneur, que je sçache ce qu'il faut sçauoir, c'est à dire, que j'ayme ce qu'il faut aymer, que je louë ce qui vous plaist souverainement, que je fasse cas de ce qui est, ou paroist precieux deuant vous, & que je blasme ce qui est ord & sale à vos yeux. Ne permettez point que je juge des choses selon que l'œil exterieur les void, ny que je donne
mon

mon aduis selon le rapport des ignorans , mais que je discerne les choses spirituelles & visibles d'un jugement veritable , & que sur tout je cherche tousiours de cognoistre le bon plaisir de vostre volonté.

8. Le sens des hommes se trompe souuentesfois en jugeant , & les amateurs de ce monde se trompent bien aussi , n'aymans que les choses visibles. En quoy l'homme est-il meilleur pour estre estimé grand par les hommes ? Quand vn homme exalte vn autre , c'est vn trompeur qui deçoit vn trompeur, vn homme vain, vn autre aussi vain ; l'aveugle deçoit l'aveugle , & le malade vn autre malade , & veritablement il luy fait plus de honte lors qu'il le louë vainement : car comme dit

386 De l'Imitation de Iesus-Christ.
l'humble saint François ; Nous
sommes ce que nous sommes de-
uant Dieu , & rien plus.

*Qu'il faut s'adonner aux œuvres
basses & humbles quand nous
ne pouvons vaquer aux
plus hautes.*

CHAPITRE LI.

M On fils , vous ne pouuez
pas estre tousiours dans ce
feruent desir de vertus , ny demeu-
rer au plus haut degré de contem-
plation : mais il est par fois necessai-
re , à cause de la corruption du pe-
ché originel , que vous descendiez
aux choses inferieures , & que
vous portiez , quoy qu'avec en-
nuy , mesme malgré vous , le
fardeau de ceste vie corruptible.

Tant que vous porterez ce corps mortel, vous aurez des ennuis & des fascheries sur le cœur. Il faut donc estant en la chair, gemir souuent sous le fardeau de la chair, de ce que vous ne pouuez vacquer continuellement au soin des choses spirituelles, & à la contemplation diuine.

2. Il est bon alors d'auoir recours aux œuures humbles & exterieures, vous recréer en bonnes actions, attendre auec vne ferme cōfiance ma venue, & la visite d'enhaut, porter partiemment vostre bannissement, & la secheresse de vostre amé jusques à ce que je vous visite derechef, & que vous soyez deliuré de toutes vos anxietez; car je feray que vous oublierez toutes vos peines, & que vous jouirez d'vne paix

interieure. I'estendray deuant vous les belles prairies des Escritures, & ayant le cœur dilaté, vous cōmencerés à courir par le chemin de mes commandemens, & dirés, Les souffrances de ceste vie ne sont pas dignes d'entrer en comparaison de la gloire à venir, qui sera manifestée en nous.

*Que l'homme ne doit pas s'estimer
digne de consolation, mais
de chastiment.*

CHAPITRE LII.

SEigneur, je ne suis pas digne de vostre consolation, ny d'aucune visite spirituelle : c'est pourquoy vous faites justement quand vous me laissez pauvre & desolé : car quand je pourrois espandre

autant de larmes qu'il y a d'eau en la mer , encores ne serois-je pas digne de vostre consolation , & pour ce vous vous comportez justement enuers moy. Je ne suis digne que d'estre flagellé & puny , car je vous ay souuent & griefuement offensé , & ay grandement peché en plusieurs choses ; Si que tout bien compté , je ne suis pas digne de la plus petite consolation. Mais vous, clement & misericordieux qui ne voulez pas que vos œuures perissent, afin de monstrier les richesses de vostre bonté sur les vaisseaux de vostre misericorde sans aucun merite particulier , vous daignez bien consoler vostre seruiteur d'une maniere excédât le pouuoir des hōmes : car vos consolations ne sont pas comme les consolations des hommes.

2. Qu'ay-je fait, Seigneur, pour recevoir de vous quelque consolation celeste? Je ne me souviens point d'avoir fait aucun bien, mais d'avoir esté tousiours enclin aux vices, & paresseux à m'amender: cela est vray, & ne le puis nier, Si je disois autrement, vous feriez contre moy, & n'y auroit personne pour me defendre. Qu'ay-je mérité par mes pechez sinon l'enfer, & le feu éternel? Je reconnois vraiment que ie suis digne de mocquerie, & de mespris, & ne m'appartient pas de demeurer parmy ceux qui vous ont deuotion. Et encore que i'oye cela avec regret, ie veux toutesfois pour la verité m'accuser moy-mesme de mes pechez, afin que plus facilement ie puisse impetrer vostre misericorde.

3. Que diray-je, coupable que je suis, digne & remply de toute consolation ? Je n'ay point de bouche pour dire autre chose que ce mot : J'ay peché, Seigneur, i'ay peché, ayez pitié de moy, pardonnez-moy, laissez-moy vn peu que ie pleure ma douleur auant que j'aïlle en ceste terre tenebreuse couuerte de l'obscurité de la mort. Que demandez-vous principalement au coupable & miserable pecheur, sinon qu'il ait contrition, & s'humilie pour ses pechez ? L'esperance du pardon naist dans la vraye contrition, & dans l'humiliation du cœur. La conscience troublée en est reconciliée, la grace perduë, en est recouuerte, l'homme y est contre-gardé de la rigueur du jugement futur, & là, Dieu, & l'ame penitente

se rencontrent mutuellement en vn saint baiser.

4. L'humble contrition des pechez vous est, Seigneur, vn sacrifice agreable, rendant en vostre presence vne odeur beaucoup plus douce que la fumée de l'encens. C'est cét agreable onguent que vous auez voulu estre versé sur vos pieds : car vous n'avez jamais rejeté le cœur contrit & humilié. C'est là le lieu de refuge pour celuy qui fuit la fureur de l'ennemy. Là on reforme & netoye tout ce qui est souillé, & que l'on a contracté d'ailleurs.

Que la grace de Dieu ne se communique point à ceux qui goustent les choses de la terre.

CHAPITRE LIII.

M On fils, ma grace est precieuse, elle ne souffre point le meslange des choses estrangeres, ny des consolations de la terre. Il faut doncques oster de vous tout ce qui donne empeschement à la grace, si vous desirez qu'elle soit infuse en vostre ame. Faites vous prouision d'un lieu secret. Plaisez-vous d'habiter seul avec vous-mesme. Ne cherchez de deuiser avec personne, mais plustost presentez à Dieu vne priere deuote, afin qu'il vous donne la contrition du cœur, & vne conscience pure. Ne faites aucune esti-

me de tout le monde. Preferez la vocation de Dieu à toutes les chose exterieures : car vous ne pouuez pas vacquer à moy , & en mesme temps prendre plaisir aux choses passageres. Il vous faut esloigner de vos conoissances , & de vos amis , & priuer vostre esprit de toutes les consolations temporelles. C'est la priere que fait le bien-heureux Apostre S. Pierre, Que les fideles Chrestiens, comme estrangers & pelerins en ce monde, s'abstiennent de tous les desirs charnels qui combattent contre l'esprit.

2. O combien de confiance aura en mourant celuy qui n'est retenu de l'affection d'aucune chose au monde ! L'esprit malade ne comprend point encors que c'est d'auoir le cœur ainsi separé de toutes choses ;

& l'homme sensuel ne cognoist pas la liberté de l'homme interieur. Si toutesfois il veut estre vraiment sprituel, il faut qu'il renonce à tout ce qui luy est, ou proche, ou esloigné, & qu'il ne se donne garde de personne tant que de soy-mesme. Si vous vous surmontez parfaitement, vous dompterés plus facilement tout le reste: la parfaite victoire est de triompher de soy-mesme; car celuy qui s'est tellement assujetty, que la sensualité obeit à la raison, & la raison à moy en toutes choses, est vraiment victorieux de soy-mesme, & seigneur du monde.

3. Si vous auez volōté d'arriuer à ce haut degré, il faut cōmencer virilement, & mettre la coignée à la racine, afin d'arracher & destruire toutes les secretes inclinations desordonnees

enuers vous-mesmes, & enuers tout autre bien particulier & materiel. De ce vice là, que l'homme s'ayme trop de fordonnement, dépend presque tout ce qu'il faut extirper jusques à la racine : Et ce mal estant vaincu, & abbatu, l'ame iouïra continuellement d'une grande paix & tranquillité. Mais pource que peu de personnes trauaillent à mourir parfaitemēt à soy-mesmes, & ne tâchent point de sortir entierement hors de soy, ils demeurent enueloppez en soy, & ne se peuuēt esleuer en esprit par dessus soy. Mais celuy qui desire cheminer libremēt avec moy, il est necessaire qu'il mortifie toutes les affectiōs mauuaises & desordonnées, & qu'il ne conuoite de s'attacher à aucune creature par amour particulier.

*Des diuers mouuemens de Nature
& de Grace.*

CHAPITRE LIV.

M On fils, obferuez foigneufement les mouuue-
mens de la Nature & de la Grace : car leurs
mouuemens font fort contraires &
delicats, & à grande peine fe peu-
uent-ils difcerner fi ce n'eft par vn
hōme fpirituel, & illuminé entiere-
ment. Tous certainement defirent
le bien, & en leurs paroles & a-
ctions tendent à quelque bien: C'eft
pourquoy plufieurs font deceus
fous l'apparence du bien. La Natu-
re eft rufée, elle attire, enlace &
trompe plufieurs perfōnes, & n'a ja-
mais autre fin que foy. Mais la grace
procède fimplemēt, fe deftourne de

toute apparence de mal , ne pretend point de tromper , mais fait tout puremēt pour l'amour de Dieu , & se repose en luy comme en sa fin.

2. Nature ne veut point mourir que malgré soy , ny estre pressée ny vaincuë , ny assujettie , ny domptées de son bon gré. Mais la grace s'estudie à la propre mortification , resiste à la sensualité , cherche d'estre assujettie , 'desire d'estre vaincuë , & ne veut point vser de sa propre liberté. Elle se plaist d'estre tenuë sous la regle & discipline , & ne desire cōmander à personne , mais viure , demeurer & estre' tousiours au dessous de Dieu , & est preste de se soumettre humblement à tous pour l'amour de Dieu. La Nature traualle pour sa commodité particuliere , & regarde au profit que les autres

luy peuuent apporter. La Grace ne considere pas ce qui luy est vtile & commode, mais plustost ce qui profite à plusieurs. La Nature est bien aise que l'on luy face honneur & reuerence. Mais la Grace attribué fidelement à Dieu tout l'honneur & toute gloire.

3. La Nature craint la confusion & le mespris, mais la Grace se resioiuit d'endurer des injures pour le Nom de Iesus - Christ. Nature ayme l'oisiueté, & le repos du corps, mais la Grace ne peut demeurer oisive, & embrasse volontiers le trauail. La Nature veut auoir des choses curieuses & belles, & rejette les viles & grossieres, mais la Grace se resioiuit des choses simples & humbles, ne mesprise pas les rudes, & se reuest volontiers de vieux habits. La

Nature regarde aux choses temporelles, se réjouit des profits terrestres, s'attriste de la perte, & se met en cholere pour vne petite parole d'injure, mais la Grace pense aux choses eternelles, ne s'attache point au temporelles, ne se trouble point de les perdre, & ne s'aigrit point pour les paroles rudes, pource qu'elle a mis son thresor, & sa joye au Ciel, où rien ne perit.

4. La nature est conuoiteuse, reçoit plus volontiers qu'elle ne donne, & ayme ce qui luy est propre & particulier; mais la Grace est debonnaire & commune à tous, & fuit la singularité, se contente de peu, & prend plus de plaisir à donner qu'à recevoir. La Nature est encline aux creatures, à sa propre chair & au deuis; mais la grace nous attire à Dieu,
& aux

& aux vertus: renōce aux creatures, fuit le monde, abhorre les defirs de la chair, empesche de vaguer çà & là, & a honte de paroistre en public. La Nature est bien aise d'auoir quelque consolation interieure où se delactent les sens, mais la Grace ne se veut consoler qu'en Dieu, & se delecter au souuerain bien par dessus tout ce qui est visible.

5. La Nature fait tout pour son profit & commodité particuliere, elle ne peut rien faire gratuitement, mais elle espere pour tous les biens qu'elle fait d'en auoir autant ou plus, ou louange, ou faueur, & desire que ce qu'elle fait & donne, soit fort estimé. Mais la Grace ne cherche rien du temporel, & ne demande pour son loyer autre recompense que Dieu seul. Et ne desire rien plus

des necessitez temporelles que ce
qui luy peut seruir pour acquerir les
biens eternels.

6. Nature se plaist d'auoir plusieurs
parens & amis , se glorifie de sa
noblesse & de sa race , veut plaire
aux grands , flatte les riches , &
applaudit à ses semblables : mais
la Grace ayme mesme ses enne-
mis , & ne s'éleue point pour
auoir beaucoup d'amis , & n'e-
stime point sa maison ny sa race,
si ce n'est qu'il y ait plus de vertu.
Elle fauorise dauantage le pauvre
que le riche , a plus de compassion
des innocens que des puissans : El-
le se plaist avec les veritables, & non
pas avec les trompeurs : Elle ad-
moneste tousiours les bons d'auoir
vne sainte emulation à se rendre
meilleurs, & se conformer au Fils de

Dieu par les vertus. La Nature se plaint aisément si quelque chose luy manque ou la fache : la Grace porte constamment la pauureté

7 Nature raporte toutes choses à soy , combat & conteste pour soy ; mais la Grace refere toutes choses à Dieu , d'où elles procedent originellement : ne s'attribuë aucun bien , ne presume point arrogamment , ne conteste point & ne prefere point son aduis à celui des autres , mais en tout ce qu'elle pense & entend , elle se soumet à l'eternelle Sapience , & au iugement de Dieu. La Nature appete de sçauoir les secrets & ouïr les nouuelles , veut paroistre exterieuremēt , & experimenter plusieurs choses par les sens : desire d'estre conneuë , & faire ce qui la peut faire louer & ad-

mirer : mais la Grace ne se soucie point de sçauoir les choses nouuelles ny curieuses , pour ce que tout cela naist de la vieille corruptiõ, veu qu'il n'y a rien de nouveau ny de durable sur la terre. Elle enseigne à ramener les sens , & fuir la vaine complaisance & l'ostentation , & cacher humblement les choses louables , & qui meritent d'estre admirées en toutes choses & en toute science, chercher son aduancement & la louange & honneur de Dieu. Elle ne veut point que l'on la louë, ny ce qui luy appartient, mais que Dieu soit beny en tous ses dons , qui depart toutes choses d'une vraye charité.

8. Cette grace est vne lumiere surnaturelle, & vn certain don special de Dieu , & proprement la marque

des Eleus, & le gage du salut eternal, laquelle esleue l'homme de la terre à l'amour des choses celestes, & de charnel le fait spirituel. D'autant plus donc que la Nature est pressée & vaincuë, d'autant plus grande grace est infuse en l'ame, & de iour en iour l'homme interieur est par nouvelle visite reformé selon l'image de Dieu.

*De la corruption de la nature, &
de l'efficace de la grace divine.*

CHAPITRE. LV.

SEigneur mon Dieu, qui m'avez créé à vostre image & semblance, octroyez moy cette grace que vous m'avez fait voir estre si grande & necessaire à mon salut. Que je vainque ma méchante nature qui

m'attire aux pechez & à la perdition: car je sens en ma chair la loy du peché qui contredit à la loy de mon esprit, & m'amene captif pour obeir à ma sensualité en plusieurs choses, & ne puis resister à ses passions, si je ne suis assisté de vostre tres-saincte grace, infusé ardemment en mon cœur.

2. Il est besoin de vostre grace & d'une grande grace pour vaincre la nature continuellement encline au mal dès sa jeunesse: Car estant tombée par le premier homme Adam, & corrompue par le peché, la peine de cette tache est descendue sur tous les hommes: En sorte que cette mesme Nature qui auoit esté créée par vous, bonne & droite, est maintenant prise pour le vice & l'infirmité de la Nature corrompue,

d'autant que le mesme mouuement qui luy est demeuré, la porte au mal & aux choses de la terre : car le peu de force qui luy est resté comme vne estincelle cachée sous la cendre. C'est cette raison naturelle environnée de grandes tenebres, qui a encores le jugement du bien & du mal, & connoist la distāce du vray & du faux, cōbien qu'elle n'ait pas la puissance d'accōplir tout ce qu'elle trouue bon, & qu'elle ne jouisse d'vne pleine lumiere de la verité ny de la santé de ses affections.

3. De là vient, mon Dieu, que selon l'homme interieur, je me delecte en vostre loy, sçachant que vostre commandement est bon, juste & saint, & m'apprend à fuir toute sorte de mal & de peché; mais selon la chair, je sers à la loy du peché.

obeissant plustost à la sensualité qu'à la raison. C'est ce qui fait que j'ay bien vne bonne volonté, mais je ne trouue point en moy la puissance de l'accomplir. C'est ce qui fait que je propose de faire plusieurs biens: mais pource que vostre grace manque au secours de ma foiblesse, vne petite resistance m'en fait desdire & manquer. De là vient que je connois le chemin de la perfection, & vois assez clairement comment je dois faire, mais estant chargé du fardeau de ma propre corruption, je ne m'éleue point à ce qui est de la perfection.

4. O mon Seigneur, que vostre grace m'est grandement necessaire pour commencer à faire le bien pour m'auancer & me parfaire! car je ne puis rien faire sans el-

le: mais vostre grace me fortifiant, je puis tout en vous. O grace vraiment celeste, sans laquelle nous n'auons aucun merite, & ne faut sans elle faire cas d'aucuns dons de Nature. Les arts, & la beauté, les richesses, la force, l'esprit ny l'eloquence, ne sont d'aucune valeur enuers vous, Seigneur, sans vostre grace: car les dons de la Nature sont communs aux bons & aux mauuais, mais la Grace & l'amour est le don propre des Eleus, duquel estans marquez, ils sont estimez dignes de la vie eternelle. Cette Grace est si eminente, que ny le don de Prophetie, ny l'operation des miracles, ny quelque haute contemplation que ce soit, n'est aucunement estime sans elle. Mais ny la foy, ny l'esperance, ny les autres ver-

tus ne vous font point agreables
sans la Grace.

5. O tres-heureuse Grace ! qui rendez le pauvre d'esprit riche en vertus , & faites deuenir humble de cœur celuy qui est riche & possede de grands biens ; venez , descendez en moy , remplissez-moy dès le matin de vostre consolation , de peur que mon ame ne defaille de lassitude & par la secheresse de mon esprit. Je vous prie, Seigneur, que je trouue grace deuant vous , car vostre grace suffit , encores que je n'obtienne point les autres que ma nature desire. Si je suis tenté & tourmenté de plusieurs tribulations , je ne craindray point les maux , tant que vostre Grace fera avec moy. Elle est ma force, elle me donne conseil & ayde. Elle est plus puissante que tous les

ennemis , & plus sage que tous les sages.

6. Elle est la maistresse de verité, elle enseigne la discipline , elle est la lumiere du cœur, la consolation des angoisses , elle chasse la tristesse, oste la peur , nourrit la deuotion, & fait sortir les larmes. Que suis-je sans elle sinon vn bois sec , & vn tronc inutile qui n'est bon qu'à jetter ? Donc, Seigneur, que vostre grace me preuienne , & me suiue toujours , & me fasse estre continuellement occupé en bonnes œuures.

Que nous deuons renoncer à nous-mesmes , & imiter Iesus-Christ par la Croix.

CHAPITRE LVI.

M On fils, autāt que vous pourrez sortir de vous , autant

pourrez-vous passer en moy : comme la paix interieure vient de ne conuoiter rien de dehors, ainsi se delaisser interieurement conjoint l'ame à Dieu. Je vous veux apprēdre la parfaite abnegatiō de vous-mesme en ma volonté sans contradiction ny plainte. Suiuez-moy, je suis la voye, la verité, & la vie. On ne chemine point sans voye, on ne cognoist point sans verité, on ne vit point sans vie. Je suis la voye que vous deuez fuiure, la verité que vous deuez croire, & la vie en laquelle vous deuez esperer. Je suis la voye inuiolable, la verité infaillible, & la vie qui n'a point de fin. Je suis la voye tres-droite, la verité souveraine, la vraye vie bien-heureuse : vie increée. Si vous demeurez en ma voye, vous connoistrez la verité, & la

Verité vous deliurera , & obtiendrés la vie eternelle.

2. Si vous voulez paruenir à la vie, gardez les commandemens. Si vous voulez cognoistre la verité, croyez-moy. Si vous voulez estre parfait, vendez tout : Si vous voulez estre mon disciple, renoncez à vous-mesme. Si vous voulez posseder la vie bien-heureuse , méprisez la vie presente. Si vous voulez estre exalté au Ciel, humiliez-vous au monde. Si vous voulez regner avec moy, portez la croix avec moy: car il n'y a que les seruiteurs de la croix qui trouuent le chemin de la vraye beatitude , & de la vraye lumiere.

3. Seigneur Iesus-Christ , pource que vostre vie est estroite & mesprisée du mōde, octroyez-moy que je vous puisse imiter avec le mespris

du mōde : car le seruiteur n'est point plus grand que son Seigneur , ny le disciple par dessus le maistre. Que vostre seruiteur s'exerce en vostre vie : car là est mon salut , & la vraye saincteté. Tout ce que je lis , ou que j'ois hors d'icelle , ne me peut resjouir & delecter pleinement.

4. Mon fils , puis que vous sçaez cela , & auez leu toutes ces choses : vous serés bien-heureux si vous les accomplissez. Céluy qui sçait mes cōmendemens & les garde , c'est celuy-là qui m'ayme , & je l'aymeray , & me manifesteray à luy , & le feray seoir avec moy au Royaume de mō Pere. Doncques Seigneur , comme vous l'auez dit & promis , faites que je le puisse obtenir. I'ay receu la croix de vostre main , je la porteray jusques à la mort telle que vous me l'auez

chargée. Vrayement la vie du bon Moine est vne croix, mais qui mène en Paradis. J'ay commencé, il n'est pas permis de retourner arriere, & ne la faut pas laisser.

5. Sus donc, mes freres, marchons ensemble, Iesus sera avec nous. Nous auons pris cette croix pour l'amour de Iesus, & pour l'amour de Iesus perseuerons en la croix. Celuy qui est nostre Capitaine, & qui nous fraye le chemin, fera nostre ayde. Voila nostre Roy qui marche deuant nous, qui combattra pour nous. Suiuons-le courageusement, que personne ne craigne les terreurs: Soyons prests de mourir genereusement en la bataille, & ne faisons point cette honte à nostre gloire que d'abandonner la Croix.

*Que l'homme ne se doit trop descour-
rager quand il tombe en
quelque faute.*

CHAPITRE LVII.

MOn fils, j'ay plus de plaisir de voir la patience & l'humilité en l'aduersité, qu'une grande consolation & deuotion en la prosperité. Pourquoi vous attristez-vous de quelque petite faute que l'õ allegue contre vous? Quãd il y en auroit dauantage, vous ne vous en décuriez pas esmouuoir; mais maintenant laissez passer cela: ce n'est pas la premiere fois, ny rien de nouueau, & ne sera pas la derniere si vous vivez longuement. Vous auez assez de courage quãd rien de mauuais ny de contraire ne se presẽte à vous. Vous sçauiez

bien donner conseil, & fortifier les autres par vos paroles, mais lors qu'une soudaine tribulation vient frapper à vostre porte, vous manquez de conseil & de force. Considérez vostre grande fragilité, laquelle vous experimentez souuent en de petits objets. Et toutesfois c'est pour vostre salut, lors que ces choses & autres semblables arriuent.

2. Effacés les de vostre cœur le mieux estes touché, au moins ne vous en que vous pourrez: Et si vous en découragez pas, & qu'elles ne vous embrouillent pas long-tēps; pour le moins supportez-les avec patience, si vous ne pouuez avec joye. Encore que ce soit chose que vous n'ayez pas plaisir d'entēdre, & sentiez quelque indignation, reprimez-vous, & ne permettez point qu'il for-

te de vostre bouche aucune parole desordonnée qui puisse scandaliser les foibles. Ce tourbillon esleué fera bien-tost appaisé ; & la Grace retournāt adoucira cette douleur interieure. Je suis encores viuāt, (dit le Seigneur) prest de vous ayder, & de vous consoler plus que de coustume si vous auez confiance en moy, & m'inuoquez deuotement.

3. Soyez tranquille, & vous preparez à en supporter dauantage. N'estimez pas que tout soit perdu si vous vous trouuez souuent en tribulation, ou en grande tentation. Vous estes homme, & non pas Dieu ; de chair, & non pas vn Ange. Comment pourriez-vous toujors demeurer en vn mesme estat de vertu, que l'Ange ne l'a peu faire au Ciel, ny le premier hōme au Para-

dis terrestre, où ils ne sont pas demeurez longuement ? Je suis celuy qui deliure ceux qui pleurent, & esleue à ma diuinité ceux qui cognoissent leur infirmité.

4. Seigneur, benistesse soit vostre parole, plus douce à la bouche que le miel. Que ferois-je parmy tant de tribulations & en mes angoisses, si vous ne me confortiez de vos saintes paroles ? Pourueu qu'en fin j'arriue au port de salut, que me souciay-je quels & combien de maux auray soufferts ? Donnez-moy vne bonne fin. Donnez-moy que je sorte heureusement du monde. Souuenez-vous de moy, mon Dieu, & me conduisez en vostre Royaume par le droit chemin.

*Qu'il ne faut pas vouloir penetrer
les choses hautes, & les secrets
jugemens de Dieu.*

CHAPITRE LVIII.

M On fils, gardez-vous de disputer des matieres hautes & des secrets jugemens de Dieu, ny de vouloir entendre pourquoy celuy-cy est ainsi delaisné, & celuy-là élevé à si grande grace, pourquoy l'un est tant affligé, & l'autre en si grande dignité. Ces choses-là excedent toute la capacité humaine, & n'y a raison ny dispute quelconque qui puisse faire penetrer les jugemens de Dieu. Doncques quand l'ennemy vous suggerera de telles pensées, ou que quelques curieux vous en enqueriront, repondez

ces paroles du Prophete: Vous estes juste, Seigneur, & vostre jugement est droit; & encores les iugemens du Seigneur sont veritables & justifiez en eux-mesmes. Il faut craindre mes jugemens, & non pas les examiner; car ils sont incomprehensibles à l'entendement humain.

2 Ne vous enquerez point aussi ny disputez du merite des Saints: Si l'un est plus saint que l'autre, ou qui est le plus grand au Royaume des Cieux. Ces choses n'engendrent que des disputes & contentions inutiles, nourrissent l'orgueil & la vaine gloire, dont naissent les enuies & dissensions, lors qu'un veut par sa vanité preferer un saint, & l'autre un autre. Il ne reuiet aucun profit de vouloir sçauoir ou s'enquerir de ces choses, mais plu-

stost elles desplaissent aux Saincts,
Car je ne suis pas Dieu de dissention,
mais de paix. Et cette paix consiste
plus en vraye humilité qu'à s'exal-
ter soy-mesme.

3. Quelques-vns par zeile de deuotion font portez de plus grande affection à vn Sainct qu'à vn autre ; mais cette affection est plus humaine que diuine. C'est moy qui ay fait tous les Saincts. Je leur ay donné la grace , je les aymis en la gloire , je sçay les merites d'un chacun , je les ay preuenus des benedictions de ma douceur. I'ay sceu dès auant les siècles ceux qui deuoient estre mes amis , je les ay élus dans le monde , & ne m'ont pas élu les premiers. Je les ay appellez par ma grace , attirez par ma misericorde , & conduits par diuerses tentations. I'ay respandu

en eux de merueilleuses consolations. Je leur ay donné la perseuerance, j'ay couronné leur patience.

4. Je connois le premier & dernier. Je les embrasse tous d'un amour inestimable. Je dois estre loué en tous mes Saints. Je dois estre beny par dessus tout, & honoré en chacun d'eux, que j'ay si glorieusement magnifiez & predestinez sans aucuns merites particuliers precedens. Celuy donc qui méprise le plus petit des miens ne fait pas honneur au plus grand : car j'ay fait le petit & le grand, & quicōque oste quelque chose de l'hōneur deub à quelqu'un des Saints, l'oste à moy, & à tous les autres du Royaume des Cieux. Ils sont tous vn par le lien de charité, ils ont mesme sentiment, mesme volonté, & tous s'aymēt en vn.

5. Mais encores (ce qui est beaucoup plus excellent) ils m'ayment plus qu'eux-mesmes & leurs propres merites : car estans ravis par dessus soy-mesmes, & tirez hors de l'amour propre, ils se portent entierement en mon amour, & reposent en iceluy avec jouissance. Il n'y a riē qui les puisse destourner ou rabaisser : Pource qu'estans remplis de la verité eternelle, ils bruslent du feu d'une charité inextinguible. Donc, Seigneur, que les hommes charnels & sensuels se taisent de l'estat des Saints ; eux qui ne sçauent aymer que leurs contentemens particuliers, & les augmenter selon leur inclination, & non pas selon qu'il plaist à la verité eternelle.

6. En plusieurs c'est ignorance, principalemēt en ceux-là, qui ayans

peu de lumiere apprennēt rarement à aymer quelqu'un d'un parfait amour spirituel. Ils sont encores beaucoup portez d'affection naturelle & d'amitié humaine enuers les vns ou les autres, & s'imaginent que les choses celestes se gouernent selon qu'eux se comportent en celles d'icy bas. Mais il y a vne distance incomparable à laquelle les imparfaits ne pensent pas, & que les hommes illuminez par les reuelations celestes contemplent.

7. Gardez-vous donc, mon fils, de traiter de ces choses curieuses qui surpassent vostre science, mais plutôt pouruoyez & soignez que vous puissiez estre trouué, voire le moindre au Royaume de Dieu. Et si quelqn'un sçauoit lequel seroit plus sainct ou qui seroit plus grand au

Royaume des Cieux, dequoy luy
feruiroit cette connoissance s'il ne
s'en humilioit dauantage deuant
moy, & s'excitoit à rendre plus de
loüange à mon nom? Celuy-là fait
chose plus agreable à Dieu, qui pen-
se à la grandeur de ses pechez & à
son peu de vertu, & combien il est
éloigné de la perfection des Saints,
que celuy qui s'amuse à disputer, le-
quel est plus grand ou le plus petit
entr'eux. Il vaut mieux inuoker
les Saints avec des prieres deuotes
& des larmes, & implorer d'un es-
prit humble leur intercession glo-
rieuse, que de vouloir par vne vaine
recherche apprendre les secrets de
leur condition.

8. Les Saints sont tres-cōtens, il se-
roit bon que les hommes se peussent
aussi contenter, & retrancher leurs

vains discours. Ils ne se glorifient point de leurs propres merites, parce qu'ils ne s'attribuēt aucune bonté, rapportent tout à moy, pource que je leur ay donné tout ce qu'ils ont par mon infinie charité: ils sont remplis d'un si grand amour de la divinité, & d'une joye si surabondante qui ne leur manque rien de la gloire, & ne leur peut rien manquer de la felicité. Tous les Saints tant plus ils sont esleuez en gloire, tant plus ils sont humbles en eux-mesmes, plus proches de moy & plus aymez de moy. C'est pourquoy l'Escripture dit, qu'ils deposoiēt leurs couronnes deuant Dieu, se prosternoient sur leurs faces deuant l'Agneau, & adoroient celuy qui est viuant aux siecles des siecles.

9. Plusieurs s'enquierent qui sera le

plus grand au Royaume de Dieu, & ne sçauent pas s'ils seront trouuez dignes d'estre mis au nombre des moindres. C'est vne grande chose d'estre mesme le dernier au Ciel, où tous sont grands, pour ce qu'ils s'appellent tous enfans de Dieu, & le font. Le plus petit croistra à milliers, & le pecheur de cent ans mourra. Car quand les Disciples demanderent, qui seroit le plus grand au Royaume des Cieux, il leur fut respondu: Si vous ne vous conuertissez, & ne deuenez comme petits enfans, vous n'entrerez point au Royaume des Cieux. Quiconque donc s'humiliera comme ce petit enfant, c'est celuy-là qui est le plus grand au Royaume des Cieux.

10. Malheur à ceux qui desdaignent de s'abbaisser de leur bon gré avec

les plus petits : car ils ne pourront pas entrer par la porte du Royaume du Ciel qui est basse. Malheur aussi aux riches qui ont icy leur consolation , pour ce que lors que les pauvres entreront au Royaume des Cieux, ils demeureront pleurans au dehors. Réjouissez-vous humbles, sautez de joye , ô pauvres : car le Royaume de Dieu est vostre , si toutesfois vous cheminez en verité.

Qu'il faut mettre toute son eſperance, & sa confiance en Dieu seul.

CHAPITRE LIX.

SEigneur, quelle confiance ay-je en ceste vie, ou quelle chose me delecte dauantage de toutes celles qui sont sous le Ciel ? N'est-ce pas vous, Seigneur mon Dieu, duquel la

misericorde est infinie ? Où est-cē
que je me suis bien trouué sans vous ?
ou quel mal ay-je peu auoir lors que
vous auez esté presēt ? I'ayme mieux
estre pauure pour l'amour de vous,
que riche sans vous. Je choisiray plu-
stost d'estre pelerin en terre avec
vous, que de posseder le Ciel sans
vous. Là où vous estes, c'est le Ciel,
& où vous n'estes pas, c'est la mort,
& l'enfer. C'est vous que je desire, &
partant il m'est necessaire de gemir
apres vous, de pleurer & de prier.
En fin, je ne me puis confier en-
tierement en personne qui me se-
coure aux necessitez qui se pre-
sentent, sinon en vous seul, mon
Dieu. Vous estes mon esperance,
& ma confiance. Vous estes mon
consolateur, & tres-fidele en tou-
tes choses.

2. Tous les hommes cherchent leur propre interest , & vous ne cherchez que mon salut & mon aduancement, & conuertissez toutes choses à mon bien. Encores que vous m'exposiez à plusieurs tentations & aduersitez, vous ordonnez tout cela pour mon profit, & auez coustume d'esprouuer vos amis en mille façons. Et ne deuez pas estre moins aymé & loué quād vous nous esprouuez, que si vous nous remplissiez de consolations celestes.

3. Je mets donc en vous, Seigneur mon Dieu, toute mon esperance & mon refuge, & toutes mes tribulations & angoisses, pource qu'en tout ce que je regarde hors de vous, je n'y trouue que de la fumée & de l'instabilité. Car le grand nombre d'amis ne me seruiron de rien, les secours

puissans ne me pourront ayder, ny les Conseillers prudens me donner vn aduis vtile, ny les liures des Docteurs me consoler, ny les richesses me deliurer, ny les lieux retirez me garentir, si vous ne m'assistez, aidez, confortez, consolez, instruisez, & gardez.

4. Car toutes les choses qui semblent seruir pour acquerir la paix & la felicité, si vous n'estes present ne font rien, & ne peuuent donner aucun bon-heur. Vous estes donc la fin de tous les biens, le plus haut poinct de la vie, la profōdité des beaux discours: Et esperer en vous par dessus toutes choses, est la plus puissante consolation des seruiteurs de Dieu, Mes yeux sont esleuez à vous. Je me confie en vous, mon Dieu, Pere des misericordes. Benissez & sanctifiez
mon

mon ame de la benediction celeste, afin qu'elle deuienne vostre sainte habitation, & le siege de vostre gloire eternelle ; & que dans le temple de vostre dignité , il n'y ait rien qui puisse offenser l'œil de vostre Majesté. Iettez les yeux sur moy, selon la grandeur de vostre bonté, & la multitude de vos misericordes, & exaucez l'oraison de vostre pauvre seruiteur banny si loin en la region de l'ombre de la mort. Protegez & conseruez l'ame de vostre petit seruiteur, & l'accompagnant de vostre grace parmy tant de dangers de la vie corruptible, adressez-le par le chemin de paix au pais de la clarté eternelle. Ainsi soit-il.

Fin du troisieme Liure.

Ec





LIVRE III.

*Du Sacrement du Corps de nostre
Seigneur Jesus-Christ.*


P R E F A C E.

VEnez à moy vous tous qui
trauaillez, & estes chargez,
& je vous soulageray, dit le
Seigneur. Le pain que je donneray
est ma chair pour la vie du monde.
Prenez & mangez, Cecy est mon
Corps qui sera liuré pour vous, fai-
tes cecy en memoire de moy. Ce-
luy qui mange ma chair, & boit
mon sang, demeure en moy, &
moy en luy. Les paroles que je vous
ay dites sont esprit & vie.

Ee ij

*AVEC COMBIEN GRAN.
de reuerence on doit receuoir
Iesus-Christ.*

CHAPITRE PREMIER.

 E sont là vos paroles Iesus-Christ, verité eternelle, combien que non proferées en vn mesme temps, ny escrites en vn mesme lieu. Pour ce donc, que ce sont vos paroles, je les dois receuoir toutes de bon cœur & fidèlement : Elles sont vostres, & vous les auez proferées, & sont aussi miennes, car vous les auez dites pour mon salut. Je les reçoÿ bien volontiers de vostre bouche, afin qu'elles soient mieux grauées dans mon cœur. Ces paroles de si grande pieté, pleines de dou-

ceur & d'amour , me réueillent :
mais mes propres pechez m'épou-
uentent, & ma conscience souillée
me repousse de la perception de si
grands mysteres. La douceur de vos
paroles m'appelle, mais la multitu-
de de mes vices m'appesantit.

2. Vous me commandez d'appro-
cher de vous avec confiāce, si je veux
auoir part avec vous, que je prenne
la viande d'immortalité, si je desire
obtenir la vie, & la gloire eternelle.
Venez, dit-il, à moy, vous tous qui
trauaillez, & estes chargez, & je
vous soulageray. O douce & amia-
ble parole en l'oreille du pecheur,
que vous, Seigneur mon Dieu, con-
uiez le pauure & mendiant à la cō-
munion de vostre tres-sainct Corps!
Mais qui suis-ie, Seigneur, que je
presume d'approcher de vous? Les

Cieux des cieux ne vous peuuent comprendre, & vous dites: Venez à moy tous.

3. Que veut dire cette tres-pitoyable dignation, & cette semonce si aymable? Comment oseray-je approcher, ne ressentant aucun bien en moy qui m'en donne la hardiesse? Cōment vous introduiray-je chés moy, qui ay si souuēt offensé vostre face tres-debonnaire? Les Anges & Archanges vous reuerēt, les Saints & les Iustes vous craignent, & vous dites: Venez à moy tous! Si vous, Seigneur, ne disiez cela, qui est-ce qui croiroit qu'il fust veritable? & si vous ne le commandiez, qui oseroit approcher? Voylà Noé, homme Iuste, il trauailla cent ans à la construction de l'Arche, afin de s'y sauuer avec vn petit nombre, & moy com:

ment pourray-je en vne heure me preparer pour recevoir avec reuerence l'Architecte du monde?

4. Moÿse, vostre seruiteur, vostre grand & special amy, fit vne Arche de bois incorruptible, & la reuestit d'or tres-pur, pour y mettre les Tables de la Loy; & moy creature toute pourrie, j'oseray vous recevoir si facilémēt, vous qui estes l'autheur de la Loy, & qui donnez la vie! Salomon, le plus sage des Roys d'Israël, bastit en sept ans vn Temple magnifique à la loüange de vostre Nom, celebra par huit jours la feste de la Dedicace d'iceluy, offrit mille hosties pacifiques, & posa solēnellement au son des trompettes, & en grande joye, l'Arche d'Alliance, au lieu qui luy estoit preparé, Et moy malheureux, & le plus pauvre

de tous les hommes , comment vous introduiray-je chez moy , qui à peine puis-je employer deuotement vne demie heure ? Et pleust à Dieu, qu'au moins vne fois , j'y eusse employé dignement mesmes approchant de demie heure.

5. O mon Dieu , avec combien de soin ceux là ont trauaillé pour vous plaire ! Helas ! que c'est peu de chose ce que ie fais , & que j'employe peu de temps quand je me dispose à la Communion. Je suis rarement recueilly tout à fait , & tres-rarement net de toute distraction : & certainement nulle pensée indecente ne se déuroit rencontrer en moy en la presence salutaire de vostre diuinité , & nulle creature ne me déuroit occuper , pource que ce n'est pas vn Ange , mais le Seigneur des

Anges que je dois recevoir.

6. Il y a toutesfois vne grande difference entre l'Arche d'Alliance, & ce qui estoit dedans, avec vostre Corps tres-pur, & ses ineffables vertus? entre ces sacrifices legaux, prefiguratifs des choses futures, & de la vraye Hostie de vostre Corps, qui accomplit tous les anciens Sacrifices. Pourquoi donc est-ce que je ne desire plus ardemment vostre venerable presence? Pourquoi est-ce que je ne me prepare avec grand soin pour recevoir vostre saint Sacrement? veu que ces saints Patriarches anciens, les Prophetes, les Roys aussi, & les Princes, avec tout le peuple, ont fait paroistre vne si deuote affection au seruice de Dieu.

7. Daudid, Roy tres-deuot, a dancé de toute sa force deuant l'Arche de

Dieu , rememorant les bien-faits autresfois departis à ses Peres. Il fit des instruments de musique de plusieurs sortes ; il composa des Psalmes , ordonna qu'ils fussent chantez avec joye, & luy-mesme , remply de la grace du S. Esprit, les chanta souuent sur sa harpe. Il enseigna au peuple d'Israël de louer Dieu de tout leur cœur , le benir, & honorer avec l'harmonie des voix. Si lors deuant l'Arche du Testament il y auoit vne si grande deuotion , & si on y a eu tāt de souuenāce de louer Dieu, combien dois-je à present , & tout le peuple Chrestien , auoir de reuerence & de deuotion en la presence du sainct Sacrement, & reception du tres-excellent Corps de Iesus Christ ?

8. Plusieurs courent en diuers lieux

pour visiter les Reliques des Saints,
& s'émerueillent oyans raconter ce
qu'ils ont fait : ils regardent les édi-
fices éleuez des Temples, & baissent
leurs ossemens sacrez, enuveloppez
de draps de soye & d'or; & voicy,
vous estes icy present deuant moy
à l'Autel, mon Dieu, Saint des
Saints, & Seigneur des Anges.
Souuent ce n'est que la curiosité
qui pousse les hommes à voir ces
choses, & la nouveauté de ce qui
n'a point esté veu auparauant, &
en-rapportent peu de fruit pour
leur amendement, spécialement
lors que si legerement on court de
lieu à autre sans vraye contri-
tion. Mais icy au Sacrement de
l'Autel, mon Dieu, Iesus-Christ,
Homme-Dieu, vous estes tout pre-
sent, & on y reçoit vn fruit abon-

dant du salut eternal toutes les fois que l'on vous reçoit dignement & deuotement : mais ce n'est point par legereté, curiosité, ou sensualité que nous y sommes attirés, mais par vne ferme foy, vne deuote esperance, & vne charité sincere.

9. O Dieu, Createur inuisible du monde, combien admirablement vous traitez avec nous ? combien souueinement & gracieusement vous ordonnez avec vos élus auxquels vous vous offrez vous-mesmes pour estre receu en ce saint Sacrement : Car cela surpasse tout entendement, cela attire singulierement le cœur des deuotieux, & enflamme leurs affections : car ceux qui vous sont vraiment fideles, qui trauaillent toute leur vie à s'amender, reçoient souuent de ce tres-digne Sacrement

la grace d'une grande deuotion, & l'amour de la vertu.

10. O grace admirable, & cachée de ce Sacrement, qui est conneuë seulement des fidels Chrestiens! Mais les infideles, & ceux qui sont afferuis au peché ne la sçauroient goûter. En ce Sacrement est donnée la grace spirituelle, la vertu perdue est réparée en l'ame, & la beauté defigurée par le peché luy reuient. Cette grace est quelquefois si grande, que de l'abondance de la deuotion qu'elle donne, non seulement l'ame, mais aussi le corps foible sent ses forces beaucoup augmentées.

11. Mais nostre tepidité & negligence est grandement déplorable, & miserable, que nous ne sommes point attirés de plus grande affection à receuoir Iesus-Christ, au-

quel consiste toute l'esperance & le merite de ceux qui doiuent estre sauuez : car c'est luy qui est nostre sanctification & nostre redemptiō : c'est luy qui est la consolation des voyageurs , & l'eternelle fruition des Saints. Il est donc fort deplorable, que plusieurs prennent si peu garde à ce mystere salutaire, qui réjouit le Ciel & conserue le monde vniuersel. O aueuglement & dureté de cœur humain , qui ne fait pas plus de cas d'un don si ineffable , & par le frequent vsage se laisse aller jusques à n'en auoir aucun soin !

12. Car si ce tres-sainct Sacrement se celebroit seulement en vn lieu , & n'estoit consacré que par vn seul Prestre en ce monde, quel grand desir pensez vous que les hommes auroient d'aller en ce lieu-là, & vers ce

Prestre pour ouir celebrer les mysteres diuins? Mais aujourd'huy il y a plusieurs Prestres, & Iesus-Christ est offert en plusieurs lieux, afin que la grace & l'amour de Dieu enuers l'homme se connoisse d'autant plus grande, que la sacrée Communion est plus amplement diffuse par l'Vniuers. Je vous rends graces, ô bon Iesus, Pasteur eternal, qui nous auez daigné repaistre de vostre Corps & Sang pretieux, nous pauvres & bannis, & nous inuiter à la reception de ces mysteres par les paroles de vostre propre bouche, disant: Venez à moy vous tous qui trauallez & estes chargez, & je vous soulageray.

*Que Dieu monstre en ce Sacrement
une grande bonté & charité
enuers l'homme.*

CHAPITRE II.

ME confiant en vostre bonté
& grande misericorde Sei-
gneur, je m'approche malade du
Sauueur, famelique & alteré de la
fontaine de vie, pauvre du Roy du
Ciel, seruiteur de mon Maistre,
creature de mon Createur, & de-
solé de mon debonnaire Consola-
teur. Mais d'où me vient cela que
vous veniez à moy? Qui suis-je moy,
que vous vous donniez vous-mes-
me à moy? Comment ose le pecheur
comparoistre deuant vous, & com-
ment daignez-vous venir au pe-
cheur? Vous connoissez vostre ser-
uiteur,

niteur , & ſçauéz qu'il n'a rien de bon en ſoy , pourquoy vous luy faſſiez cette grace. Je confeſſe donc ma vile condition, & reconnois voſtre bonté , Je louë voſtre pieté , & vous rends graces pour voſtre exceſſive charité : Car vous faites cela pour l'amour de vous-mefme , & non pour mes merites , afin que voſtre bonté me ſoit dauātage conneuë , pour me donner vne plus grande charité, & que l'humilité me ſoit plus parfaitemēt recommandée. Pource donc qu'il vous plaist ainſi, & que vous auez commandé qu'il ſoit fait ainſi, j'accepte auſſi la liberalité que vous daignez me faire. Plaiſe à voſtre bonté que mon iniquité n'y reſiſte point.

2. O tres-doux & tres-debonnaire Ieſus, combien vous eſt-il deub de

reuerence & d'action de grace avec
perpetuelle louange , pour la rece-
ption de vostre Corps sacré , la di-
gnité duquel ne peut estre expliquée
par personne ? Mais que penseray-je
en cette Communion , en appro-
chant de mon Seigneur que je ne
sçauois venerer comme je dois , &
toutesfois je le desire receuoir deuo-
tement ? Que penseray-je de mieux
& de plus salutaire , sinon m'hum-
ilier entierement deuant vous , &
exalter vostre infinie bonté sur moy ?
Je vous louë , mon Dieu , & vous ex-
alteray eternellement , je me mé-
prise & me soufmet à vous en l'a-
byfme de ma bassesse.

3. Vous estes le Sainct des Saincts,
& moy l'ordure des pecheurs , vous
vous abaissez à moy , qui ne suis pas
digne de leuer les yeux à vous. Vous

venez à moy, vous voulez estre avec moy, vous me cōuiez à vostre banquet, vous me voulez donner à manger la viande celeste & le pain des Anges, qui certes n'est point autre que vous-mesme, Pain viuant, qui estes descendu du ciel, & donnez la vie au monde.

4. Voyez d'où procede l'amour, quelle bonté se manifeste, combien grandes actions de grâces & louanges vous sont deuës pour toutes ces choses. O combien salutaire & utile fut vostre conseil, quand vous instituastes ce Sacrement ! combien doux & joyeux fut le banquet, quand vous vous donnastes vous-mesme pour viande ! O combien, Seigneur, vos œuures sont admirables, vostre vertu puissante & vostre verité ineffable ! car vous auez dit, & toutes

choses ont esté faites , & ce que vous auez commandé a esté fait.

5. C'est vne chose admirable, object de la seule foy, surpassant l'entendement humain, que vous, Seigneur mon Dieu, vray Dieu & homme, estes contenu tout entier sous de petites especes de pain & de vin, & estes mangé par celuy qui vous reçoit sans estre cōsommé. Vous, Seigneur de toutes choses, qui n'avez besoin d'aucune, auez voulu habiter en nous par vostre Sacrement, conseruez mon cœur & mon corps immaculé, afin que je puisse d'une conscience gaye & pure celebrer bien souuent vos mysteres, & les recevoir à mon salut eternal, qui les auez ordonnez & instituez, principalement pour vostre honneur & pour memoire perpetuelle.

6. Réjouis toy, mon ame, & rends
graces à Dieu pour vn si noble pre-
sent, & singuliere consolation qui
t'est laissée en cette vallée de larmes:
Car toutes les fois que tu celebres ce
mystere, & reçois le Corps de Iesus-
Christ, autant de fois tu pratiques
l'œuvre de ta redemption, & es
fait participant de tous le merites
de Iesus-Christ. Car la charité de
Iesus-Christ n'est jamais diminuée,
& la grādeur de sa propitiation n'est
jamais espuisée: C'est pourquoy tu
dois avec vne attētiue consideration
peser ce grand mystere de ton salut,
& t'y disposer toujourns par vne nou-
uelle renouation d'esprit. Lors que
tu celebres ou entends la Messe,
cela te doit sembler aussi grād, aus-
si nouveau & aussi agreable, cōme
si en ce mesme jour-la Iesus-Christ

descendant au ventre de la Vierge estoit fait homme, ou si pendant en la Croix il souffroit & mouroit pour le salut des hommes.

Qu'il est utile de communier souvent.

CHAPITRE III.

VOicy, Seigneur, que je viens vers vous pour recevoir le bien du presēt que vous me faites, & me réjouir en vostre sainct banquet, que vous, mon Dieu, avez préparé au pauvre en vostre douceur. Tout ce que je puis & dois desirer est en vous, vous estes mon salut & ma redemption, mon esperance & ma force, mon honneur & ma gloire : Réjouissez donc aujourd'huy l'ame de vostre seruiteur, Seigneur.

Iesus , car j'ay élevé mon ame vers vous. Je desire à cette heure vous recevoir deuotement & reuerement, je souhaite de vous introduire en ma maison , afin qu'avec Zachée je sois digne d'estre beny de vous , & mis au nombre des enfans d'Abraham : mon ame souhaite vostre Corps , mon cœur desire d'estre vny à vous.

2. Donnez-vous à moy, & il me suffit , car nulle consolation ne me sert sans vous : Je ne puis estre sans vous, & ne puis viure sans estre visité de vous : Partant il faut que j'approche souuēt de vous, & que je vous reçoie pour remede de mon salut , de peur que je ne defaille en chemin, si je suis priué de cette viande celeste: Car c'est ainsi, tres-misericordieux Iesus , que preschant aux peuples,

456 *De l'Imitation de Jesus-Christ.*

& les guerissant de diuerses maladies, vous auez dit autrefois; Je ne veux pas les laisser aller à jeun en leurs maisons, de peur qu'ils ne de-
faillent en chemin. Vsez-en donc en ceste sorte avec moy, vous qui pour la cōsolation des fideles, vous estes laissé en ce Sacrement: Car vous estes la douce refection del'a-
me, & celuy qui vous receura dignement fera participant & heritier de la gloire eternelle. Certainement il est necessaire à moy qui suis infirme, & peche si souuent, qui m'engourdis & defauts si tost, de me renoueler, nettoyer & enflammer par frequentes Oraisons & Confessions, & par la sacrée reception de vostre Corps, de peur que m'enabstenant plus long-temps, je ne dechoye de mon bon propos.

3. Car les sens de l'homme sont enclins au mal dès sa jeunesse, & s'il n'est secouru de la medecine diuine, il se laisse incontinent aller aux choses mauuaises : Mais la saincte Communion le retire du mal, & le fortifie au bien. Car si à present je suis si souuent negligent & tiede quand je communie & celebre, que seroit-ce si je ne prenois point ce remede, & ne cherchois point ce secours si grand? Et cōbien que tous les jours je ne sois pas préparé, ny bien disposé pour celebrer, je mettray peine toutesfois de receuoir ces mysteres diuins en temps conuenable, & me presenter à la participation d'une si grande grace : car c'est la principale consolation de l'ame fidele, tant que son pelerinage en ce corps mortel la tient hors d'auec

vous, de se souuenir souuent de son Dieu, & receuoir son bien-aymé deuotement. O merueilleuse affection de vostre pieté enuers nous ; que vous, Seigneur Dieu, Createur, & Viuificateur de tous les esprits, daignez venir à vne pauvre petite ame, & rassasier pleinement sa faim avec toute vostre diuinité & humanité. Heureux l'esprit & bien-heureuse l'ame qui est iugée digne de vous receuoir deuotement, Seigneur son Dieu, & estre remplie de joye spirituelle en vostre reception ! O qu'elle reçoit vn grand Seigneur, qu'elle loge vn hôte bien aymé qu'elle accueille vne joyeuse compagnie, qu'elle accepte vn fidele amy, qu'elle embrasse vn beau & noble Espoux, aymable par dessus toutes les choses aymées & par

dessus tout ce qui se peut desirer

O tres-doux bien - aymé de mon ame ! que le ciel , la terre , & tous leurs ornemens , se cachent deuant vous , car tout ce qu'ils ont de loüange & de beauté vient de vostre libéralité , & n'atteindront iamais à la beauté de vostre Nom , duquel la sapience est infinie.

Que ceux qui communient deuotement , reçoivent de grands biens.

CHAPITRE IV.

SEigneur mon Dieu preuenez vostre seruiteur par les benedictions de vostre douceur , afin qu'il puisse approcher digement & deuotement de vostre magnifique Sacrement. Réueillez mon cœur en vous , & le despouillez de ce pesant

engourdissement. Visitez-moy en vostre salutaire, afin que je gousté en esprit vostre suauité, laquelle reside pleinement en ce saint Sacrement comme en sa source. Illuminez aussi mes yeux pour contempler vn grand mystere, & me fortifiez pour le croire d'une tres-ferme foy; car cét ouvrage est vostre, & non pas de la puissance humaine: c'est vostre institution sacrée, & non pas inuention des hommes. Car il n'y a personne qui puisse par soy-mesme comprendre & entendre ces choses qui surpassent mesme la subtilité des esprits Angeliques? que pourrois-je donc, pecheur indigne, terre & cendre, descouurir & comprendre d'un si haut Sacrement?

2. Seigneur, je m'approche de vous en simplicité de cœur, avec vne bõ-

ne & ferme foy, par vostre cōmandement, avec espoir & reuerence, & croy vrayement que vous estes icy present, Dieu & hōme, en ce Sacrement. Voulez-vous donc que je vous reçoie, & que jem'vnisse à vous en charité? Je supplie vostre clemence, & vous supplie de me dōner pour cela vne grace speciale, afin que je sois tout escoulé en vous, & fondant en amour, & ne cherche plus aucune consolation estrangere: Car ce tres-haut & tres-digne Sacrement est le salut de l'ame & du corps, le remede de toute sorte de lāgueur spirituelle, par qui mes vices sont gueris, mes passiōs refrenées, les tentations vaincuës & diminuées, par qui je reçois plus grāde grace: la vertu cōmencée est accreuë, la foy confirmée, l'esperāce fortifiée, la chari-

té s'enflamme , & est dilatée.

3. Car ô mon Dieu , susceptible de mon ame , réparateur de l'infirmité humaine , & qui donnez toute la consolation interieure , vous avez fait de grands biens en ce Sacremēt , & faites encore souuentesfois à vos bien-aymez qui cōmunient deuotement , pource que vous les rēplissez d'une grande consolation cōtre diuerfes tribulations , & du fonds de leur propre abjection les esleuez à l'esperance de vostre protection , & par vne certaine grace nouuelle les recréez , & esclairez interieurement : De sorte que se sentans au commencement & auant la Communiō en trouble & sans affection , ils se trouuēt mieux par apres estans repeus de ceste viande & breuuage celeste : ce que vous faites ainsi libe-

ralement à vos esleus, afin qu'ils cognoissent vrayement, & experimentent clairement, qu'ils n'ont rien d'eux-mesmes, & quelle grace & bonté ils reçoivent de vous. Car estans d'eux-mesmes froids, durs & indeuots, ils sont rendus dignes par vous d'estre feruēts, prompts & deuots. Car qui est celuy qui approchant humblement de la fontaine de douceur, n'en remporte beaucoup de douceur? ou qui estant aupres d'un grand feu, n'en reçoive une grande chaleur? Vous estes une fontaine toujours pleine & surabondante, un feu bruslant continuellement, & qui jamais ne s'esteint.

4. Partant, s'il ne m'est pas permis, de puiser dans l'abondance de la source, ny de boire tout mon saoul, je mettray toutefois ma bouche à

l'ouuerture de ce celeste canal, afin qu'au moins j'y prenne quelque petite gouttelette pour addoucir ma soif, & que je ne desseiche pas tout à fait. Et si je ne puis encores estre tout celeste, & autant embrasé que les Cherubins & Seraphins, je m'efforceray de perseuerer en deuotion, & preparer mon cœur, afin qu'au moins par l'humble reception du Sacrement viuifique, j'obtienne quelque petite flammesche de l'embrasement diuin. Bon Iesus, Sauueur tres-sainct, suppléez debõnairement & gracieusement tout ce qui me manque, vous qui auez daigné nous appeller tous à vous, disant: Venez à moy tous qui trauallez & estes chargez, & je vous soulageray.

s. Je traualle, quant à moy, en la
sueur

sueur de ma face. Je suis tourmenté des douleurs de mon cœur, changé de pechez, inquieté de tentations, enueloppé & pressé de beaucoup de mauuaises passions, & je n'ay personne qui m'ayde: je n'ay personne qui me deliure & me sauue, sinon vous, Seignuer Dieu mon Sauueur, à qui je me commets, & tout ce qui est à moy, afin que vous me gardiez, & me conduisiez à la vie eternelle. Receuez-moy à la louïage & gloire de vostre Nom, qui m'avez donné vostre Corps & vostre Sang pour viande & pour breuuage. Octroyez-moy, Seigneur Dieu mon Sauueur, que par la frequentation de vostre mystere, l'affection à mon salut & à la deuotion, croisse en moy.

*De la dignité du Sacrement, & de
l'Estat Sacerdotal.*

CHAPITRE V.

QVād vous auriez la pureté des Anges, & la saincteté de S. Ieā Baptiste, vous ne seriez pas digne de recevoir ce S. Sacrement, ny le manier : Car ce n'est pas chose deuë au merite des hommes qu'un homme consacre & manie le Sacrement de Iesus - Christ, pour recevoir en viande le pain des Anges. Grād my-
stere & grande dignité des Prestres !
ausquels a esté octroyé ce qui n'a point esté concedé aux Anges : car les seuls Prestres (canoniquemēt ordonnez en l'Eglise) ont la puissance de celebrer & consacrer le Corps de

Iesus-Christ , pource que le Prestre est le ministre de Dieu , qui vse des paroles de Dieu , par le commandement & institution de Dieu. Mais Dieu est là le principal Auteur & inuisible operateur , à qui tout ce qu'il veut est sousmis , & obeit à tout ce qu'il commande.

2. Vous deuez donc en ce tres-excellent Sacrement croire dauantage à Dieu Tout-puissant , qu'à vostre propresens , ou à quelque signe visible ; & partant il se faut approcher de cét ouurage avec crainte & reuerence. Prenez donc garde, & voyez de qui vous estes fait Ministre par l'impositiõ des mains de l'Euesque. Vous estes fait Prestre & consacré pour celebrer. Aduisez donc d'offrir à Dieu fidelement & deuotement le Sacrifice en son temps, & vous ren-

dre irreprehensible. Vostre charge n'en est pas plus legere, mais au contraire, vous estes lié d'un plus estroit lien de discipline, & obligé à vne plus grande perfection. Le Prestre doit estre orné de toutes les vertus & donner exemple de bonne vie aux autres. Sa conuersation ne doit pas estre dans les voyes populaires & communes aux hommes, mais avec les Anges au Ciel, ou avec les hommes parfaits en terre.

3. Le Prestre reuestu des vestemens sacrez, tient le lieu de Iesus-Christ, afin de prier Dieu deuotement & humblement pour soy & pour tout le peuple. Il a deuant soy & derriere le signe de la Croix du Seigneur, afin de rememorer continuellement la Passion de Iesus - Christ. Il porte deuant soy la Croix sur la Chasu-

ble , afin d'observer diligemment les traces de Iesus-Christ , & s'estudier de les suivre avec ferveur. Il est marqué de la Croix au derriere de soy , afin qu'il supporte avec clemence pour Dieu tous desplaisirs qui luy seront faits. Il a la Croix devant soy afin de pleurer ses propres pechez. Il l'a derriere soy afin de pleurer par compassion ceux des autres , & qu'il sçache qu'il est estably moyen entre Dieu & le pecheur. Qu'il ne se lasse ny de prier , ny d'offrir le saint Sacrifice , jusques à ce qu'il ait impetré la grace & la misericorde. Quand le Prestre celebre , il honore Dieu , il réjouit les Anges , il edifie l'Eglise , il ayde les vians , il dōne repos aux trépassés , & se rend participant de tous les biens.

*De l'exercice qui se doit faire auant
la sainte Communion.*

CHAPITRE. VI.

M On Seigneur, lors que je pense à vostre dignité & à ma bassesse, je suis tout tremblant & confus en moy-mesme: car si je ne m'approche je suis la vie; & si je m'ingere indignement, je me rends coupable. Que feray-je donc, mon Dieu, mon ayde, & mon conseil en mes necessitez?

2. Enseignez-moy le droit chemin, & m'apprenez quelque petit exercice conuenable à la sainte Communion: Car il est vtile de sçauoir en quelle maniere je vous dois preparer mon cœur avec deuotion & reuerence pour receuoir

salutairement, vostre Sainct Sacrement, ou mesme pour celebrer vn si grand & diuin Sacrifice.

*De l'examen de la conscience, & du
propos de s'amender.*

CHAPITRE VII.

IL faut sur toutes choses que le Prestre de Dieu approche pour celebrer, manier, & receuoir ce Sacrement avec vne profõde humilité de cœur, vne humble reuerence, vne pleine foy & deuote intention de l'honneur de Dieu. Examinez diligemment vostre conscience, & la nettoyez & esclaircissez a vostre pouuoir, par vne vraye contritiõ, & vne humble Cõfession, en sorte que vous n'ayez & ne sçachiez riẽ d'importance qui vous remorde, & vous

empesche d'approcher librement. Ayez déplaisir de tous vos pechez en general , mais pleurez , & ayez douleur particulièrement des fautes de chaque jour , & si le temps le permet , confessez à Dieu au secret de vostre cœur toutes les miseres de vos passions.

2. Pleurez , & ayez douleur que vous estes encor si charnel & mondain , si immortifié en vos passiõs , si plein des mouuemēts de concupiscence , si nonchalāt en la garde de vos sens extérieurs si souuent embrouillé de plusieurs vaines fātaïssies , si fort porté aux choses exerieures , si negligent aux interieures , si prompt aux risées & dissolutions , si dur aux larmes & à la componction , si préparé aux delices & aux commoditez de la chair , si paresseux à l'au-

sterité & à la ferueur , si curieux à
ouïr des nouvelles , & regarder des
choses belles , si lasche à embrasser
les choses hombles & viles , si disfi-
reux d'auoir beaucoup , si chiche
pour donner , si tenant pour conser-
uer , si inconsideré à parler , si impuis-
sant à vous taire , si déreglé en vos
mœurs , si indiscret en vos actions , si
aspre sur les viandes , si lourd à la pa-
role de Dieu , si soudain à vous poser ,
si tardif à trauailler , si éueillé pour
les vains discours , si endormy pour
les veilles sacrées , si hastif à voir la
fin , si esparts en l'attention , si negli-
gent à reciter les heures , si tiede en
celebrant , si aride en communiant ,
si tost distrait , si rarement bien re-
cueilly en vous si tost émeu à colere ,
si facile à fascher autrui , si enclin à
juger , si seuer à reprēdre , si joyeux

en la prosperité, si foible en l'aduersité, qui proposez souuent de faire plusieurs biens, & en mettez peu en effet.

3. Ayant confessé, & pleuré ces défauts, & autres qui seront en vous, avec douleur & grand desplaisir de vostre propre infirmité, faites vn ferme propos d'aller tousiours amendant vostre vie, vous auancer en la vertu, & puis avec vne pleine resignation, & entiere volonté, offrez-vous en l'honneur de mon Nom sur l'Autel de vostre cœur en holocauste perpetuel, qui est en me commettant fidelement vostre cœur & vostre ame, afin que par ce moyen vous puissiez approcher dignement pour offrir le Sacrifice à Dieu, & receuoir salutairement le Sacrement de mon Corps.

4. Car il n'y a point d'oblation plus digne, ny de satisfaction plus grande pour effacer les pechez, que des'offrir soy-mesme à Dieu purement & entierement avec l'oblation du Corps de Iesus-Christ à la Messe & à la Communion. Si l'homme fait ce qui est en luy, & se repend veritablement, toutes & quantefois qu'il s'approchera de moy pour obtenir pardon & grace, je vis, dit le Seigneur, je ne me souviendray plus de ses pechez, & luy seront tous remis : Car je ne veux point la mort du pecheur, mais plustost qu'il se conuertisse, & qu'il viue.

*De l'oblation de Iesus-Christ en la
Croix, & de la propre
resignation.*

CHAPITRE VIII.

Ainsi que je me suis offert moy-
mesme de mon bon gré à
Dieu mon Pere pour vos pechez,
les mains estnduës en la Croix, &
le corps nud, en sorte qu'il ne re-
stoit rien en moy qui ne passast
tout par le sacrifice pour appaiser
Dieu : ainsi deuez-vous tous les
jours à la Messe vous presenter vous
mesme volontairement à moy en
oblation pure & sainte, de toute
vostre force & affection, le plus in-
timemēt que vous pourrez. Qu'est-
ce que je requiers dauātage de vous,
finon que vous ayez soin de vous

resigner à moy entierement? Tout ce que vous me donnez , si ce n'est vous-mesme , je n'en fais point de cas : car c'est vous que je cherche, & non pas vos presens.

2. Et comme si vous auiez toutes les choses du monde , horsmis moy, elles ne vous suffiroient pas : ainsi quoy que vous me donniez , ne me sçauroit plaire, si vous ne vous offrez vous-mesme : Offrez-vous à moy, & donnez-vous tout pour Dieu, & vostre oblatiō sera agreable. Voyez que je me suis entierement offert à mon Pere pour vous, j'ay dōné aussi tout mon Corps & mon Sang pour viāde, afin que je fusse tout vostre, & que vous demeurassiez mien. Mais si vous demeurez en vous-mesme, & si de vostre bō gré vous ne vous abandonnez à ma volonté, vostre obla-

tion n'est pas pleine, & n'y aura pas
vne entiere vnion entre nous. Pour
cela, si vous voulez obtenir la liberté
& la grace, vous deuez auant tou-
tes vos œuures vous offrir volon-
tairement entre les mains de Dieu;
car c'est ce qui fait que si peu de
personnes ne deuiennent illuminez
& libres interieurement, pource
qu'ils ne peuuent renoncer entie-
rement à soy-mesme. Ceste mien-
ne sentence est asseurée: Celuy qui
ne renoncera point à toutes choses
ne sera point mon disciple, offrez-
vous vous-mesme à moy avec
toutes vos affections.

*Que nous devons offrir à Dieu, &
nous & tout ce qui est à nous,
& prier Dieu pour tous.*

CHAPITRE. IX

S Eigneur, tout ce qui est au Ciel
& en la terre est à vous. Je desire
m'offrir moy-mesme à vous en of-
frande volontaire, & demeurer vo-
stre à jamais. Seigneur, je m'offre
aujourd'huy à vous en la simplicité
de mon cœur, pour vous estre ser-
uiteur à jamais en service & sacrifi-
ce de louange perpetuelle. Rece-
uez-moy avec ceste sainte obla-
tion de vostre precieux Corps, la-
quelle je vous offre aujourd'huy en
la presence des Anges, assistans in-
uisiblement afin qu'elle me soit à
salut, & à tout vostre peuple.

2. Seigneur, je vous offre sur vostre Autel de reconciliation tous mes crimes & pechez que j'ay commis en vostre presence, & de vos saincts Anges, depuis le jour que premierement i'ay peu pecher iusques à maintenant, afin que par mesme moyen vous les brusliez & consummiez tous par le feu de vostre charité, que vous affaciez toutes les taches de mes pechez, & nettoyez ma conscience de toutes fautes, me rendiez vostre grace que j'ay perduë en commettant mes pechez, me les pardonnant tous pleinement, & me receuant misericordieusement au baiser de paix.

3. Que puis-ie faire pour mes pechez, sinon les confesser & pleurer humblement, & implorer incessamment vostre misericorde? Je
vous

vous prie exaucez-moy, mon Dieu misericordieux, maintenant que je suis deuant vous. Tous mes pechez me déplaisent grandement, je ne les veux jamais plus commettre : I'ay regret de les auoir commis, & les regretteray tant que je viuray, prest d'en faire penitēce, & satisfaire selon mon pouuoir. Remettez-moy, mon Dieu, remettez-moy mes pechez pour l'amour de vostre saint Nom: Sauuez mon ame, que vous auez rachetée de vostre pretieux sang. Voicy que je me commets à vostre misericorde, je me resigne en vos mains, faites de moy selon vostre bonté, & non pas selon ma malice, mon iniquité.

4. Je vous offre aussi toutes mes bonnes œuvres, encores qu'elles soient en tres-petit nombre, & impar-

H h

faites pour les amender & sanctifier, afin que vous les ayez agréables, & les rendiez acceptables deuant vous, & que tousiours vous m'attiriez à choses meilleures, & me conduisez, chetif homme que je suis, paresseux & inutile, à vne heureuse & loüable fin.

5. Je vous offre aussi tous les bons desirs des personnes deuotes, les necessitez de mes pere & mere, amis, freres, sœurs, de tous ceux que j'ay en affection, & de ceux qui pour l'amour de vous ont fait du biē à moy ou aux autres, & ceux qui ont desiré & demãdé que je disse des Oraisons & des Messes pour eux, & tous les leurs, soit qu'ils soient encores viuant, soit qu'ils soiēt trespassez, afin qu'ils reçoieiēt tous l'ayde de vostre grace, le secours de la consolation, la

protection aux dangers, & la delivrance des peines, & qu'estans delivrez de tous maux, ils vous rendent en joye des graces magnifiques.

6. Je vous offre aussi les prieres & les hosties de reconciliation, spécialement pour ceux-là qui m'ont offensé en quelque chose, m'ont contristé ou diffamé, ou m'ont apporté quelque dommage ou injure: pour tous ceux aussi que j'ay quelquesfois faschez, troublez, offēsez, & scandalisez par paroles ou actiōs, sciemment ou ignoramment; & que vous nous pardonniez à tous esgallement nos pechez & mutuelles offenses. Ostez de nos cœurs, Seigneur, tout soupçon, indignation, colere ou contention, & tout ce qui peut blesser la charité, & diminuer la dilection fraternelle. Ayez pitié,

484 *De l'Imitation de Iesus-Christ.*

Seigneur, ayez pitié de ceux qui requierent vostre misericorde; faites grace aux necessiteux, & faites nous estre tels que nous soyons dignes de jouir de vostre grace, & en facions profit pour paruenir à la vie eternelle.

*Qu'il ne faut pas laisser aisément
la sainte Communion.*

CHAPITRE X.

IL faut recourir souuēt à la fontaine de grace & à la misericorde diuine, à la fontaine de bonté & de pureté, afin que vous puissiez estre guery de vos passions & de vos vices, & meritiez d'estre rendu plus fort & plus vigilant contre toutes les tentations & tromperies du diable. L'ennemy sçachant le tres-grād

fruiet & remede qui est en la sainte Communion, tasche en toute maniere, & en toute occasion d'en détourner, & empescher les fidels & deuotieux autant qu'il peut.

2. Car lors que quelqu'un se dispose d'approcher de la Sainte Communion, il souffre de plus meschantes tentations du diable. Cét esprit malin (comme il est escrit en Iob) vient entre les enfãs de Dieu pour les troubler par sa malice accoustumée, ou les rendre trop craintif ou douteux, afin de diminuer leur affection, ou leur oster la foy en l'impugnant par ses tentations, ou qu'au hazard ils laissent la Communion tout à fait, qu'ils en approchent avec tiedeur: mais il ne faut faire aucun cas de ses finesses ou fantaisies quelques falles ou horribles qu'elles soient, mais re-

torquer contre luy toutes ces imaginations. Il faut mespriser & se mocquer de ce miserable , & ne point laisser la faincte Communion pour ses assauts , & les esmotions qu'il excite.

3. Souuent aussi l'on est empesché par vn trop grand soin d'auoir de la deuotion , & par vne certaine anxieté sur le fait de la Confession. Faites selon le conseil des Sages? Deposez les anxietez & scrupules, pource que cela empesche la grace de Dieu, & destruit la deuotion de l'ame. Ne laissez point la faincte Communiõ pour quelque petite tribulation ou fâcherie, mais allez au plustost vous confesser, & remettez de bon cœur aux autres toutes les offenses que vous aurez receuës: mais si vous avez offensé quelqu'un , demandez luy

humblement pardon, & Dieu vous pardonnera volontiers.

4. Dequoy sert de remettre long-temps la confession, ou differer la sainte Communion ? Nettoyez-vous incontinent, mettez hors promptement le venin, hastez-vous de prendre le remede, & vous vous en trouuerés mieux que d'auoir differé long-temps. Si vous differez aujourd'huy pour vne occasiō, demain peut-estre il en arriuera vne plus grande, & ainsi pourrez-vous estre long temps empesché de la Communion, & y estre rendu plus inhabile. Tout le plustost que vous pouuez deffaites-vous de cette pesanteur & paresse presente. Car il ne sert de rien d'estre long-temps en anxieté, de passer beaucoup de tēps en trouble, & se retirer des mysteres

diuins pour les empeschemens ordinaires. Au contraire, il nuit beaucoup de differer long-temps la Communion, car cela a coustume d'apporter vn grand engourdissement. Helas ! quelques - vns tiedes & relaschez prennent facilement des occasions de remettre leur confession, & different la sainte Communion, de peur d'estre contrainsts de s'appliquer à vne plus grande garde de foy. Helas ! que ceux-là ont peu de charité, & vne deuotion bien foible qui obmettent si facilement la sainte Communion ! Que celuy-là est heureux & agreable à Dieu qui vit en telle sorte, & garde sa conscience en telle pureté, qu'il seroit prest de cōmunier mesme tous les jours, & le desireroit bien s'il le pouuoit faire

sans en estre remarqué. Si parfois quelqu'un s'en abstient par humilité, ou en estant empesché par vne cause legitime, il le faut louer de la reuerence qu'il y apporte : Mais si c'est que la paresse se glisse peu à peu il se doit réveiller luy-mesme, & faire ce qui est en luy, & nostre Seigneur fauorifera son desir à cause de la bonne volonté laquelle il regarde specialement.

6. Mais quand il est legitiment empesché, il conseruera toujours sa bonne volonté, & la deuote intention de communier, & par ce moyē il ne sera pas priué du fruit du Sacrement : car tout homme deuot peut tous les jours & à toute heure, & sans aucun empeschement, recevoir salutairement la Communion spirituelle du corps de Iesus-Christ,

mais il doit à certains jours, & au temps ordonné, avec vne amoureuse reuerence au Sacrement, recevoir le Corps de son Redempteur, en telle sorte qu'il y recherche davantage la loüange & l'honneur de Dieu, que sa propre consolation: car il communie mystiquement, & est repeu inuisiblement, toutes & quantefois qu'il rememore deuotement le mystere de l'Incarnation de Iesus-Christ, & sa Passion & s'enflamme en son amour.

7. Celuy qui ne se prepare point autrement sinon quand vne Feste approche, ou quand la coustume le presse, sera souuent mal préparé. Bien-heureux celuy qui s'offre à Dieu en holocauste toutes les fois qu'il celebre ou communie: Ne foyez point trop long ny hasté en

celebrant, mais observez la bonne maniere accoustumée entre ceux avec lesquels vous vivez : vous ne devez estre fascheux ny ennuyeux aux autres, mais suiure la voye commune selon l'institution des anciens, & plustost vous accommoder à l'vtilité des autres qu'à vostre propre deuotion & affection.

Que le Corps de Jesus-Christ, & l'Ecriture sainte sont tres-necessaires à l'ame fidele.

CHAPITRE XI.

O Tres-doux Seigneur Iesus, combien grāde est la douceur de l'ame deuote qui est festoyée avec vous en vostre banquet, où on ne luy presente point d'autre viande à manger sinon vous, son vnique

bien-aymé, desirable par dessus tous les desirs de son cœur ! Il me feroit certes bien doux d'espandre des larmes en vostre presence , & d'une intime affection , & avec la deuote Magdelaine , arrouser vos pieds de mes larmes : Mais où est cette deuotion ? où est cette abondante effusion de larmes saintes ? Certes tout mon cœur déuroit estre tout ardent en vostre presence , & de vos saints Anges , & pleurer de joye : Car je vous ay vraiment present au Sacrement , quoy que caché sous vne espece estrangere.

2. Mes yeux ne pourroient supporter de vous regarder en vostre propre & diuine clarté , & tout le monde mesme ne pourroit subsister en l'esclat de vostre majesté : En cela donc vous vous accommodez à mō

imbecilité de vous cacher sous le Sacrement. J'ay vraiment & adore celuy que les Anges adorent au Ciel, mais moy je ne le voy encores que par la foy, eux le voyent ainsi qu'il est, & sans voile. Il faut que je sois contant d'estre en la lumiere de la foy, cheminer en icelle jusques à ce que le jour de la clarté eternelle se leue, & que les ombres des figures se passent: mais quand ce qui est parfait sera venu, l'usage des Sacremens cessera, pource que les bien-heureux en la gloire celeste n'ont pas besoin du remede des Sacremens; car ils jouïssent sans fin en la presence de Dieu, contemplant sa gloire face à face, & estans transformez de clarté en clarté de l'abyssme de la diuinité, ils goustent le Verbe de Dieu fait chair, comme il

a esté au commencement & demeure
eternellement.

3. Quand il me souuient de ces
merueilles, les consolations mes-
mes spirituelles quelles qu'elles
soient me sont vn fascheux ennuy:
Car tant que je ne voy point ouuer-
tement mon Seigneur en sa gloi-
re, je n'estime rien tout ce que je voy
& entends au monde. Vous m'e-
stes tescmoin, mon Dieu, que chose
aucune ne me peut consoler, nul-
le creature ne me peut donner
repos sinon vous, mon Dieu,
que je desire contempler eternal-
lement: Mais cela n'est pas possible
tant que je dureray en cette mor-
talité. Partant il faut que je m'ad-
donne à vne grande patience, &
que je me soufmette en tous mes de-
sirs. Car vos Saints, Seigneur, qui

se réjouissent à présent avec vous au Royaume des Cieux, lors qu'ils vivoient, attendoient avec foy & grande patience l'aduenement de vostre gloire. Je crois ce qu'il ont creu, j'espere ce qu'ils ont esperé, & j'ay confiance que par vostre grace je paruiendray où ils sont paruenus. Je chemineray cependant en la foy, fortifié par les exemples des Saints. J'auray aussi les liures saints pour ma consolation & miroir de ma vie, & par dessus toutes choses vostre tres-sainct Corps pour remede & refuge singulier.

4. Car je reconnois qu'il y a deux choses qui me sont grandement necessaires en cette vie miserable, sans lesquelles elle me seroit insupportable, estant retenu dans la prison de ce corps. Je confesse que j'ay besoin

de deux choses, de la viande & de la lumiere. Aussi m'avez-vous donné comme malade, vostre sacré Corps pour la refection de mon ame & de mon corps, & avez mis vostre parole pour lumiere à mes pas. Je ne pourrois pas bien viure sās ces deux choses : car la parole de Dieu est la lumiere de l'ame, & vostre Sacrement est le pain de vie. Ces deux choses peuuēt aussi estre dites deux Tables mises deçà & delà au thresor de la sainte Eglise : l'une est la Table de l'Autel sacré qui a le Pain saint, c'est à dire, le Corps pretieux de Iesus-Christ : L'autre Table est celle de la Loy diuine qui contiēt la sainte doctrine, enseigne la droite foy, & conduit asseurément jusques par delà le voile où est le Saint des Saints, Je vous rends graces, Seigneur,

gneur Iesus, lumiere de la lumiere
eternelle, pour la Table de la doctrine
sacrée que vous nous avez dres-
sée par vos seruiteurs les Prophetes,
Apostres & autres Docteurs.

5. Je vous rends graces Createur
& Redempteur des hommes, qui
pour manifester vostre charité à
tout le monde, avez préparé vne
grande Cene, en laquelle vous n'avez
pas baillé pour manger l'Agneau
figuratif, mais vostre tres-sainct
Corps & Sang réjouissant tous les
fideles par vostre banquet, & les en-
yurāt de vostre Calice salutaire, au-
quel sont tous les plaisirs du Paradis,
& les saints Anges y banquettent
avec nous, mais d'une suauité plus
heureuse.

6. O combien est grand & hono-
rable l'Office des Prestres, auxquels

est donné pouuoir de consacrer par les paroles sacrées, le Seigneur de la Majesté, le benir de leurs levres, le tenir de leurs mains, le receuoir de leur propre bouche, l'administrer aux autres! O combien nettes doiuent estre ces mains, combien pure la bouche, combien sainct le Corps, combien immaculé le cœur du Prestre, dans lequel entre si souuent l'Autheur de pureté! Nulle parole si elle n'est saincte, rien que d'honneste & vtile ne doit sortir de la bouche du Prestre qui reçoit si souuent le Sacrement de Iesus-Christ.

7. Les yeux qui ont coustume de regarder le Corps de Iesus-Christ, doiuent estre simples & chastes, & les mains qui ont coustume de manier le Createur du Ciel & de la terre, doiuent estre pures & éleuées au

Ciel. C'est aux Prestres qu'il a esté
precisément dit en la loy : Soyez
Saints, car moy le Seigneur vostre
Dieu je suis Saint.

8. Dieu Tout-puissant que vostre
grace nous ayde, afin que nous qui
sommes promeus à l'Office Sacer-
dotal, vous puissions servir digne-
ment & deuotement en toute pu-
reté & bonne conscience: Et si nous
ne pouuons conuerfer avec vne si
grande innocence de vie que nous
deurions, octroyez-nous au moins
que nous pleurions dignement les
maux que nous auons faits; & que
dorefnauant nous vous seruions
avec plus de ferueur en esprit d'hu-
milité, & resolution d'une bonne
volonté.

*Que celuy qui veut communier au
Corps de Jesus-Christ doit appor-
ter une grande diligence à
se preparer.*

CHAPITRE. XII.

IE suis amateur de pureté, & ce-
luy qui dōne la sainteté, je cher-
che vn cœur pur, & là est le lieu de
mon repos. Preparez-moy vn grand
Cenacle tout dressé, & je feray la
Pasque chez vous avec mes Disci-
ples: si vous voulez que je vienne à
vous, & que je demeure chez vous,
repurgez le vieil leuain, & nettoyez
l'habitation de vostre cœur, met-
tez-en hors tout le monde, & tout le
tumulte des vices. Seyez vous com-
me vn passereau solitaire sur le toict,

& pensez à vos defauts en l'amertume de vostre ame : Car celuy qui ayme, prepare vn tres-bon & tres-beau lieu à celuy qu'il ayme , & duquel il est aymé : pource qu'en cela l'on connoist l'affection de celuy qui reçoit son bien-aymé.

2. Sçachez toutefois que vous ne pouuez pas fatisfaire à cette preparation par le merite de vos actions, quãd vous seriez vn an entier à vous preparer , & n'auriez autre chose en l'esprit: Mais c'est par ma seule pieté, & par ma grace qu'il vous est permis d'approcher de ma Table, comme si vn mendiant estoit conuié au disner d'un riche , luy de sa part n'a autre chose pour recognoistre ses bien-faits , sinon de s'humilier & de le remercier. Faites ce qui est en vous , & le faites dili-

gement , non par coustume ny par necessité , mais receuez avec crainte , reuerence & affection , le Corps du Seigneur vostre Dieu biē aymé qui daigne venir à vous. C'est moy qui vous ay appellé , j'ay commandé que cela se fist , je suppléeray ce qui vous manque , venez & me receuez.

3. Lors que je vous donne la grace de la deuotion , rendez graces à vostre Dieu , non pource que vous en foyez digne , mais pource que j'ay eu pitié de vous. Si vous n'avez point de deuotion , mais au contraire vous vous sentez aride , perseue rez en oraison : Gemissez & frappez à la porte , ne cessez point jusques à ce que vous puissiez receuoir vne miette ou vne goutte de la grace salutaire. Vous avez besoin de moy , &

Je n'ay pas besoin de vous : vous ne venez pas pour me sanctifier , mais moy je viens pour vous sanctifier & rendre meilleur. Vous venez afin d'estre sanctifié par moy , & estre vny à moy pour receuoir vne nouvelle grace , & estre de nouveau enflammé à vous amender : ne negligez point cette grace, preparez toujours vostre cœur avec toute sorte de diligence, & introduisez en vous vostre bien-aymé.

4. Mais il faut non seulement vous preparer à deuotion auant la Communion , mais aussi que vous vous y conseruiez soigneusement apres la reception du Sacrement ; & n'est pas requis moins de garde apres, que de deuote preparatiō auparauant: Car la bōne garde que l'on a apres , est tres-bonne preparation

pour obtenir vne autrefois vne plus grande grace : pource que cela rend les hommes grandement indisposez , si tout aussi tost ils s'espanchent aux plaisirs exterieurs. Gardez-vous du trop parler , demeurez en secret , & iouïssiez de vostre Dieu , vous auez celuy que tout le monde ne vous sçauroit oster. C'est à moy à qui vous deuez vous donner entierement , en sorte que desormais vous ne viuiez plus en vous , mais en moy sans aucune sollicitude.

*Que l'ame deuote doit desirer de
son cœur l'union de Iesus-Christ
au saint Sacrement*

CHAPITRE. XIII.

QVi m'octroyera, Seigneur, que
je vous trouue seul, que je vous

descouure tout mon cœur , & jouisse de vous comme mon ame le desire , & que deormais personne ne me mesprise , que nulle creature ne m'esmeue ny regarde , mais vous seul parliez à moy , & moy à vous , ainsi que l'amy à son amy , & que les amis de coustume banquettent ensemble ? C'est cela dont je vous prie , c'est ce que je desire , de vous estre entierement vny , que je retire mon cœur de toutes les choses créées , & apprenne à gouter dauantage les choses celestes & eternelles par la sacrée Communion & frequente celebration. Ah! Seigneur Dieu , quand sera-ce que je vous seray tout vny & absorbé en vous , & me seray entierement oublié ? Vous en moy , & moy en vous , & ainsi faites que nous

demeurions pareillement vnis.

2. Vrayement vous estes mon bien-
aymé choisi entre mille, auquel mō
ame se plaist d'habiter tous le jours
de sa vie : Vrayement vous estes
mon pacifique, en qui est vne souue-
raine paix, & vn vray repos, hors
lequel il n'y a que trauail & douleur
& misere infinie, vrayement vous
estes vn Dieu caché, & vostre con-
seil n'est point avec les méchans,
mais vostre entretien est avec les
humbles & simples. O Seigneur,
que vostre esprit est doux ! qui pour
manifester vostre douceur enuers
vos enfans, daignez les nourrir du
pain tres-souëf descendu du Ciel.
Vrayemēt il n'y a point d'autre na-
tiō si grande qui aye ses Dieux si pro-
ches de soy, cōme vous, mon Dieu,
estes prés de tous vos fideles, auf-

quels vous vous donnez à manger,
& jouir pour leur consolation ordi-
naire, & esleuer leur cœur au Ciel.

3. Quelle autre nation y a-il si en-
noblée comme le peuple Chrestien,
ou quelle creature y a-il sous le Ciel,
tant aymée comme l'ame deuote,
en laquelle Dieu entre pour la re-
paistre de sa chair glorieuse? O grace
ineffable! ô dignation admirable!
ô amour immense, donné singulie-
rement à l'homme! Mais que retri-
buëray-je à mon Seigneur pour cet-
te grace, & pour vne si grande cha-
rité? il n'y a rien que je puisse don-
ner de plus agreable que de liurer
entierement mon cœur à mō Dieu,
& le luy conjoindre intimement,
lors s'éjouïra tout ce qui esté en
moy, quand mon ame sera parfaite-
ment vnée à Dieu, lors il me dira:

308 *De l'Imitation de Jesus-Christ.*

Si vous voulez estre avec moy , je
desire aussi estre avec vous , & je
luy respondray : Daignez, Seigneur,
demeurer avec moy, je desire volō-
tiers estre avec vous; c'est là tout mō
desir que mon cœur vous soit vny.

*De l'ardent desir de quelques de-
uotieux enuers le Corps de-
Jesus-Christ.*

CHAPITRE XIV.

O Seigneur, combien est grande
l'abondance de vostre dou-
ceur que vous auez reseruée pour
ceux qui vous craignent ? Quand
il me souuient : Seigneur, de quel-
ques personnes deuotes approchans
de vostre Sacrement avec vne tres
grande deuotion & affection , je
suis souuent confus en moy-mesme,

& rougis de ce que j'approche si tiement & froidement de vostre Autel & de la Table de la sainte Communion, que je demeure si aride, & sans affection au cœur, que je ne suis point totalement embrasé deuant vous, mon Dieu, ny si puissamment attiré & affectionné que plusieurs deuots ont esté, qui par vn trop grand desir de la Communion, & par vn sensible amour de leur cœur ne pouuoient s'abstenir de pleurer, & de tout le fonds de leur cœur, aspiroient de la bouche du cœur & du corps, ensemblement à vous, ô mon Dieu, fontaine de vie, ne pouuans autrement temperer ny rassasier leur faim, s'ils ne receuoient vostre Corps avec vne entiere joye & auidité spirituelle.

2. O que leur foy estoit vraye & ar-

dente, rendant vn argument propable de vostre presence sacrée : car ceux-là veritablement cōnoissoient leur Dieu en la fraction du pain , de qui le cœur est si fort ardent en eux , de ce que Iesus chemine avec eux ! Vne telle affection & deuotion , vn amour si vehement , & vne telle ardeur est souuent loin de moy , foyez-moy propice , bon Iesus , doux & debonnaire , & octroyez à vostre pauvre mendiant , qu'au moins parfois il sente vn peu de l'affection cordiale de vostre amour en la sainte Communion , afin que ma foy se fortifie dauantage , l'esperance s'accroisse en vostre bonté , & que la charité vne fois embrasée parfaitement , & l'experience veritable de la m̃ane celeste , ne defaille jamais.

3. Votre misericorde est puissante

pour m'octroyer la grace desirée, & me visiter misericordieusement en l'esprit de ferueur, lors que le temps de vostre bon plaisir sera venu: Car combien que je ne brûle pas d'un si grand desir que ces personnes deuotes si spirituelles, toutefois par vostre grace je souhaitte d'auoir ce desir plus enflammé, priant & desirant d'estre fait participant de tous ceux-la qui vous ayment avec tant de ferueur, & estre associé à leur sainte compagnie.

Que la grace de la deuotion s'acquiert par humilité & par abnegation de soy-mesme.

CHAPITRE XV.

IL faut que vous cherchiez instamment la grace de deuotion,

312 *De l'Imitation de Iesus-Christ,*
que vous la demandiez avec grand
desir, l'attendiez avec patience &
confiance, la receuiez bien agrea-
blement, la conseruiez humble-
ment, operiez soigneusement avec
icelle, & remettiez en Dieu le temps
& la maniere de la visite d'en haut,
jusques à ce qu'elle vienne. Vous
deuez principalement vous humi-
lier lors que vous sentez peu ou
point de deuotion au dedans de
vous, mais non pas estre abbattu,
ny desordonnément contristé Dieu
donne souuent en vn petit moment
ce qu'il a long-temps refusé, il don-
ne quelquefois à afin de l'Oraison,
ce qu'il n'a pas voulu donner au
commencement.

2. Si la grace nous estoit tousiours
donnée promptement, & si nous l'a-
uions à souhait, l'homme infirme ne
la pourroit

la pourroit pas bien porter : C'est pourquoy il faut attendre la grace de deuotion en bonne esperance & humble patience. Imputez toutefois à vous & à vos pechez quand elle ne vous est pas dōnée, ou quand elle vous est secretement ostée : c'est quelquefois peu de chose qui empesche la grace & la cache, si toutefois il faut appeller peu ou non plustost grand ce qui nous priue d'un si grand bien. Et si vous ostez & surmontez parfaitement cét empeschement petit ou grande qu'il soit, vous aures ce que vous auez demandé.

3. Car tout aussi tost que vous vous serés liuré à Dieu de tout vostre cœur, sans chercher cecy ou cela selon vostre plaisir & volonté, & vous serés remis entierement en luy, vous

514 De l'Imitation de Iesus-Christ,
vous trouuerés vny, & en paix: Car
rien ne sera si bien à vostre goust,
ny vous plaira tant comme le bon
plaisir de la volonté diuine. Quicon-
que doncques eleuera d'un cœur
simple son intention à Dieu, & se
deliurera de tout amour desordon-
né, ou haine de toute chose créée
quelle qu'elle soit, il sera tres-apte
à receuoir la grace, & digne du don
de deuotion; car le Seigneur donne
là sa benediction où il trouue des
vaisseaux vuides. Et d'autant plus
que quelqu'un renonce parfaite-
ment aux choses d'icy bas, & meurt
dauantage à foy par le mespris de
foy-mesme, tant plus promptement
luy vient la grace, elle entre plus
abondamment, & esleue plus haut
le cœur libre.

4. Lors il verra & aura abondan-

ce, & s'esmerueillera, & son cœur sera dilaté en luy; car la main du Seigneur est avec luy, & il s'est mis totalement entre ses mains pour jamais: C'est ainsi que sera beny l'homme qui cherche Dieu de tout son cœur, & qui ne prend point son ame en vain. Celuy-là acquiert vne grande grace de l'union diuine en receuant la sainte Eucharistie; car il ne regarde point à sa deuotion & consolation particuliere, mais à la gloire & honneur de Dieu.

Que nous devons decouurir nos necessitez à Iesus-Christ, & luy demander sa grace.

CHAPITRE. XVI.

O Tres-doux & tres-aymé Seigneur, que je desire à cette

heure recevoir deuotement, vous connoissez mon infirmité, & la nécessité que j'endure, & en combien de maux & de vices je croupis, combien souuent je suis appesanty, tenté, troublé & souillé! Je viens vers vous au remede, je vous demande consolation & soulagement, je parle à celuy qui sçait tout, à qui est manifesté tout ce qui est au dedans de moy, & qui seul me pouuez consoler & ayder parfaitement? Vous sçauiez mieux que personne de quels biens j'ay besoin, & combien je suis pauvre de vertus.

2. Me voicy deuant vous pauvre & nud, demandant vostre grâcē & implorant vostre misericorde, rassasiez vostre mendiant famelique, eschauffez ma froideur du feu de vostre amour, illuminez mon aueu-

glement de la clarté de vostre presence , faites que toutes les choses de la terre me soient ameres , que j'aye patience en toutes les choses ennuyeuses & contraires , que je mesprise & oublie toutes les choses basses & créées. Esleuez mon cœur à vous au Ciel, & ne me laissez point estre vagabond sur la terre. Vous seul soyez moy doux d'oresnauant jusques à la fin des siecles , car vous estes seul ma viande & mon breuvage , mon amour & ma joye.

3. A lamienne volonté que vous m'embrasiez totalement par vostre presence , me brusliez & me transformiez en vous , afin que je sois fait vne mesme esprit avec vous par la grace de l'vnion interieure , & liquefaction d'un amour ardent. Ne permettez point que je m'en aille

318 *De l'imitation de Iesus-Christ.*

d'auec vous à jeun & aride , mais faites misericordieusement enuers moy , comme vous auez souuent fait admirablement enuers vos saincts. Qu'y auroit-il d'estrange si j'estois tout en feu pour vous , & tout defaillant en moy ? veu que vous estes vn feu touïours bruslant, & qui ne s'esteint jamais vn amour purifiant les cœurs & illuminez l'entendement.

*De l'ardent amour & vehemente
affection de receuoir
Iesus-Christ.*

CHAPITRE. XVII.

SEigneur, avec vne tres-grande deuotion & vn ardent amour, & de toute l'affection & ferueur de mon cœur, je desire de vous rece-

voir tout ainsi qu'en communiant vous ont désiré plusieurs Saints, & personnes deuotes qui vous ont grandement pleu par la saincteté de leur vie, & ont eu vne tres-ardente deuotion. O mon Dieu amour eternal ! tout mon bien & felicité, sans fin je desire vous recevoir avec vn desir tres-vehement, & vne reuerence tres-digne, telle qu'aucun des Saints ait oncques eüe, ou peu auoir.

2. Et combien que je sois indigne d'auoir tous ces sentimens de deuotion, je vous offre toutefois toute l'affection de mon cœur, comme si j'auois seul tous ces desirs agreablement enflammez : mais je vous presente aussi & offre avec vne tres-grande veneration & intime ferveur, tout ce qu'une ame deuote

peut conceuoir & desirer. Je ne me
veux rien reseruer , mais vous im-
moler de bon gré & tres-volontiers,
& moy & tout ce qui est à moy.
Seigneur mon Dieu , mon Createur
& mon Redempteur , je desire vous
receuoir aujourd'huy avec telle af-
fection, reuerence, loüange & hon-
neur, avec telle reconnoissance, di-
gnité & amour, avec telle foy, espe-
rance & pureté , que vostre tres-
saincte Mere la glorieuse Vierge
Marie vous receut & vous desira,
lors que l'Ange luy annonçant le
mystere de l'Incarnation , elle luy
respondit humblement & deuote-
ment : Voicy la seruāte du Seigneur,
qu'il me soit fait selon vostre parole.
3. Et comme vostre bien-heureux
Precurseur Iean Baptiste , le plus ex-
cellent des Saincts , estant encores

enfermé au ventre de sa mere, tout joyeux de vostre presence tressaillit en la joye du S. Esprit, & puis apres voyant Iesus, cheminant entre les hommes, disoit en s'humiliant profondément, & avec vne deuote affection: L'Amy & l'Espoux qui est proche de luy & l'entend, se réjouit grandement en la voix de l'Espoux; Ainsi ie desire d'estre enflammé de grands & saincts desirs, & me presenter à vous de tout mon cœur. C'est pourquoy je vous offre les excessiues joyes, les affections arden-tes, les rauissemens des ames, les illuminations d'enhaut, & les visions celestes de tous les cœurs deuots & les vous presente avec toutes les vertus & loüanges qui vous ont esté & seront chantées par toutes les creatures au Ciel & en la ter-

re, pour moy & pour tous ceux qui se sont recommandez à mes prieres, afin que vous soyez dignemēt loué & eternellement glorifié de tous.

4. Seigneur mon Dieu, receuez mes vœux & mes desirs de loüange infinie & d'eternelle benediction, qui vous sont deuz à bon droict selon l'abondance de vostre grandeur ineffable, je vous les rends & desire vous les rendre tous les jours & à tous les momens, & par mes prieres & affections, j'inuite & supplie tous les esprits celestes & tous vos fideles, de vous rendre graces & loüanges avec moy.

5. Que tous les peuples, toutes les nations, & toutes les langues vous louient, & magnifient vostre tres-sainct & tres-doux Nom, avec vn grand excès de joye, & vne ardente

deuotion: Que tous ceux qui celebrent reueremment & deuotement vostre tres-haut Sacrement, & le reçoient d'une pleine foy, soient dignes de trouuer grace & misericorde deuant vous, & prient humblement pour moy pecheur, & daignent se souuenir de moy chetif, apres qu'ils auront obtenu la deuotion desirée, & jouiront de l'vnion, & que bien consolez & merueilleusement repeus, ils se feront retirez de la sainte & celeste Table.

Que l'homme ne doit pas estre curieux scrutateur du Sacrement, mais imiter humblement Iesus-Christ, soufmettant son sens à la sainte Foy.

CHAPITRE XVIII.

IL vous faut garder de la curieuse & inutile recherche de ce tres-profond Sacrement, si vous ne voulez estre submergé dans l'abyfme des doutes. Celuy qui est scrutateur de la Majesté fera opprimé de la gloire : Dieu peut plus operer que l'homme ne peut entendre. La recherche deuote & humble de la verité est tolerable, qui est touîours preste d'estre enseignée, & soigneuse de cheminer par les saines operations des Peres.

2. Bien-heureuse la simplicité qui laisse les chemins difficiles des disputes, & chemine par la voye pleine & assurée des commandemens de Dieu. Plusieurs ont perdu la deuotion voulans rechercher les choses hautes : Ce que l'on demande de vous, c'est la foy & la bonne vie, non pas vne haute intelligence, ny la profondeur des mysteres de Dieu. Si vous n'entendez ny comprenez les choses qui sont au dessus de vous, comment comprendrés-vous ce qui est au dessus ? Soumettez-vous à Dieu, & humiliez vostre sens sous la foy, & la lumiere de science vous sera donnée autant qu'il vous sera vtile & necessaire.

3. Aucuns sont griefuement tentez sur la foy & sur le Sacrement, ce qui ne doit pas leur estre imputé,

mais à l'ennemy; ne vous en mettez pas en peine, ne disputez pas contre vos pensées: ne respondes point aux doutes qui vous sont suggerez par le diable, mais croyez à la parole de Dieu, croyez à ses Saints & à ses Prophetes, & ce méchant ennemy s'enfuira de vous. Il est souuent utile au seruiteur de Dieu de souffrir ces choses, car il ne tente point les infideles & pecheur qu'il tient déjà tout asseurez à luy: mais quant aux fideles & deuotieux, il les tente & tourmente en diuerses manieres.

4. Allez donc avec vne foy simple & asseurée, approchez du Sacremēt avec reuerence simple, & remettez asseurement à Dieu Tout puissant tout ce que vous ne pouuez pas entendre: Dieu ne vous trompe point,

mais celuy qui croit trop à foy est trompé. Dieu chemine avec les simples, se reuele aux humbles, donne entendement aux petits, ouure les sens aux ames pures, & cache la grace aux curieux & superbes: La raison humaine est foible, & se peut tromper, mais la vraye foy ne peut estre trompée.

5. Toute raison & la recherche naturelle doit suiure la foy, non pas la preceder ny la destruire: car la foy & l'amour sont icy suréminentes & operent par moyens cachez en ce tres-sainct & sur-excellent Sacrement. Dieu eternal immense & d'une puissance infinie, fait au Ciel & en la terre des choses grandes & inscrutable, & on ne peut penetrer ses œuvres admirables. Si les œuvres de Dieu estoient telles

328 De l'imitation de Iesus-Christ.

que la raison humaine les peult facilement comprendre, il ne les faudroit pas dire admirables & ineffables.

Fin des q...



TABLE
DES CHAPITRES
DV PREMIER LIVRE
DE L'IMITATION
de Iesus-Christ.

DE l'Imitation de nostre Seigneur
Iesus-Christ, & du mespris de
toutes les vanitez du monde.

CHAP. I.

D'auoir un hūble sētīmēt de soy-mesme.	fol. 5
De la doctrine de V erité.	8
De la prudence aux actions.	14
De la lecture des Escritures.	16
Des affections desordonnées.	18
Comme l'on doit fuir la vaine esperance & l'orgueil.	20

<i>Qu'il faut éviter trop grande familiarité.</i>	22
<i>De l'obeissance & subjection.</i>	24
<i>Qu'il se faut garder de la superfluité des paroles.</i>	26
<i>D'acquérir la paix, & du Zele de son amendement.</i>	29
<i>Du profit des aduersitez.</i>	34
<i>De la resistance aux tentations.</i>	36
<i>Qu'il se faut garder du iugement temeraire.</i>	43
<i>Des œuvres faites par charité.</i>	45
<i>Qu'il faut supporter les defauts d'autrui.</i>	48
<i>De la vie Monastique.</i>	51
<i>Des exemples des Saints Peres.</i>	53
<i>Des exercices du bon Religieux.</i>	58
<i>De l'amour, de la solitude, & du silence.</i>	65
<i>De la componction du cœur.</i>	73
<i>De la consideration de la misere humaine.</i>	78
<i>De la Meditation de la mort.</i>	85
<i>Du iugement, & de la peine des pechez.</i>	93
<i>D'amender avec ferueur toute nostre vie.</i>	101



TABLE DV SECOND LIVRE
DE L'IMITATION
de Iesus-Christ.

D ^V comportement de l'homme en son interieur.	CHAP. I. f. 113.
De l'humble soumission sous le gouvernement d'un Prelat ou Superieur.	121
De l'homme de bien pacifique.	123
De l'esprit pur & de l'intention simple.	126
De la consideration de soy mesme.	129
De la ioye de la bonne conscience.	132
Qu'il faut aymer nostre Seigneur Iesus-Christ par dessus toutes choses.	136
De la familiere amitié avec Iesus.	139
De la priuation de toute consolation.	144
De la reconnoissance des graces de Dieu.	152
Du petit nombre des amateurs de la Croix de Iesus.	157
Du chemin Royal de la sainte Croix.	161



TABLE DV TROISIEME
LIVRE DE L'IMITATION
de Iesus-Christ.

Des paroles interieures de nostre Seigneur
Iesus-Christ à l'ame fidele, Chap. 1.
fol. 177

Que la verité nous parle au dedans de l'ame
sans bruit de paroles. 179

Qu'il faut oïir humblement les paroles de
Dieu, & que plusieurs ne les pesent pas
comme il faut. 183

Qu'il faut conuerser en la presence de Dieu
en verité & humilité. 189

De l'effet merueilleux de l'amour divin. 194

De l'esprenue du vray amour. 201

Qu'il faut cacher la grace sous la garde de
l'humilité. 206

De la vile & petite estime de soy-mesme en
la presence de Dieu. 212

Qu'il faut rapporter toutes choses à Dieu

Table des Chapitres.

	533
comme à la dernier fin.	215
Qu'il est bien doux de seruir à Dieu en mé- prisant le monde.	218
Qu'il faut examiner & moderer les desirs de la chair.	223
De l'instruction à la patience, & du combat à l'encontre des concupiscences.	226
De l'obeissance du suiet humble à l'exemple de Iesus-Christ.	231
Qu'il faut considerer les secrets iugemens de Dieu, afin de ne nous pas esleuer pour les biens que nous receuons.	244
Comme il se faut comporter & parler en tous ce qui est desirable.	238
Qu'il faut chercher la vraye consolation en Dieu seul.	242
Qu'il faut mettre tout nostre soin en Dieu.	245
Qu'il faut porter patiemment les miseres temporelles à l'exemple de Iesus-Christ.	247
De la tollerance des iniures, & comment on cōnoist si quelqu'un est vraymēt patient.	251
De la Confession & reconnoissance de nostre infirmite, & des miseres de ceste vie.	255

Qu'il se faut reposer en Dieu par dessus tous biens & graces.	260
De la ressouvenance des innumerables biens-faits de Dieu.	376
De quatre choses qui apportent une grande paix.	272
Qu'il se faut garder de s'enquerir curieusement de la vie d'autrui.	277
En quoy consiste la vraye paix du cœur, & le vray profit.	279
De l'excellence de l'ame libre, & que l'on y paruiët plustost par Oraison que par lect.	283
Que l'amour propre nous recule grandement du souuerain bien.	286
Contre les langues des mesdisans.	291
Comment il faut inuoyer & benir Dieu au temps de la tribulation.	293
Qu'il faut demander l'ayde de Dieu & auoir confiance de recouurer sa grace.	295
Qu'il faut mespriser toutes les creatures afin de pouoir trouuer le Createur.	302
Qu'il faut renoncer à soy-mesme & rejeter toute conuoirise.	307

Table des Chapitres. 535

De l'instabilité de nostre cœur, & que nostre
intention se doit terminer en Dieu. 410

Qu'à celuy qui ayme Dieu luy est sauoureux
pardeffus toutes choses, & en toutes ch. 213

Qu'il n'y a point d'assurance contre les ten-
tations en ceste vie. 517

Contre les vains jugemens des hommes. 321

De la pure & entiere resignation de soy ne-
cessaire pour obtenir la liberté du cœur. 324

De la bonne conduite és choses exterieures,
& d'auoir recours à Dieu és dangers. 327

Que l'homme ne doit pas estre trop aspre &
actif aux affaires. 330

Que l'homme n'a rien de bon de soy-mesme
& ne se peut glorifier de rien. 332

Du mépris de tous les honneurs tēporels. 337

Qu'il ne faut pas mettre ny chercher sa paix
és hommes. 338

Contre les sciences vaines & mōdaines. 341

Qu'il ne faut point attirer à soy les choses
exterieures. 345

Qu'il ne faut pas croire à tous, & que les pa-
roles eschappent aisément. 339

536 Table des Chapitres.

Qu'il faut auoir confiāce en Dieu quand nous sommes attaquez de paroles piquantes. 335

Que toutes les choses fascheuses se doiuent supporter pour la vie eternelle. 359

Du iour de l'eternité, & des angoisses de cette vie. 363

Du desir de la vie eternelle, & des grands biens qui sont promis à ceux qui combattent. 370

Cōme l'homme desolé se doit offrir es mains de Dieu. 378

Qu'il faut s'adonner aux œuures basses & humbles quand nous ne pouuons vacquer aux plus hautes. 386

Que l'homme ne doit pas s'estimer digne de consolation, mais de châtiment. 388

Que la grace de Dieu ne se communique point à ceux qui goustēt les choses de la terre. 393

Des diuers mouuemens de Nature & de grace. 398

De la corruption de la nature, & de l'efficace de la grace diuine. 405

Que nous deuons renoncer à nous-mesmes & imiter Iesus-Christ par la Croix. 411

Table des Chapieres.

337

Que l'homme ne se doit trop descourager
quand il tombe en quelque faute. 416

Qu'il ne faut pas vouloir penetrer les choses
hautes, & les secrets iugemēs de Dieu. 420

Qu'il faut mettre toute son esperance & sa
confiance en Dieu seul. 429



TABLE DV QVATRIESME
LIVRE DE L'IMITATION
de Iesus-Christ.

AVec combien grande reuerence on doit
recevoir Iesus-Christ. 438

Que Dieu monstre en ce Sacrement vne
grande bonté & charité enuers l'homme. 448

Qu'il est utile de communier souuent. 454

Que ceux qui communient souuent reçoivent
de grands biens. 405

De la dignité du Sacrement, & de l'Estat Sacerdotal. 466

De l'exercice qui se doit faire auant la sainte
Communion. 470

De l'examen de la conscience & propos de

538 Table des Chapitres.

s'amender.	471
De l'oblation de Iesus-Christ en Croix, & de la propre resignation.	476
Que nous devons offrir à Dieu, & nous & tout ce qui est à nous & prier pour tous.	479
Qu'il ne faut pas laisser aisément la Sainte Communion.	484
Que le Corps de I. C. & l'Escripture sainte sont tres necessaires à l'ame fidelle.	491
Que celuy qui veut communier au Corps de Iesus-Christ doit apporter une grãde diligence à se preparer.	500
Que l'ame deuote doit desirer de tout son cœur l'union de I. C. au S. Sacrement.	501
De l'ardent desir de quelques deuotieux envers le Corps de Iesus-Christ.	508
Que la grace de la deuotiõ s'acquiert par humilité, & par l'abnegatiõ de soy-mesme.	511
Que nous devons descourir nos necessitez à Iesus-Christ, & luy demãder sa grace.	515
De l'ardent amour, & vehemẽte affection de recevoir Iesus-Christ.	528
Que l'homme ne doit pas estre curieux scru-	

Table des Chapitres. 539

*tateur du Sacrement , mais imiter humble-
ment Iesus-Christ , sousmettant son sens à
la sainte Foy.* 524

Oraison pour impetrer la grace de la deu-
tion. 187

Oraison afin de pouuoir accomplir le bon plaisir
de Dieu. 240

Oraison contre les mauuaises pensées. 274

Oraison pour l'illumination de l'ame. 275

Oraison pour purger le cœur. 289

Approbation des Docteurs.

NOus sous-signez Docteurs, & Professeurs du Roy en Theologie, certifions à tous & chacun qu'il appartiendra, auoir leu la presente traduction du Liure de l'*Imitation de nostre Seigneur Iesus-Christ*, & n'y auoir rien trouué qui ne soit conforme à l'Eglise Catholique, Apostolique & Romaine: au contraire, y auons remarqué de tres-grandes & tres-admirables choses, concernant la perfection de la vie Chrestienne & Religieuse. En foy dequoy auons souscrit ces presentes.

Signé, A. DV VAL.

METHODE POVR LIRE
*avec fruiet les liures de l'Imi-
 tation de Iesus-Christ.*

NON seulement il n'y a rien en ce petit liuret qui puisse preiudicier à aucun ; mais de plus , il est hors de doute que tous s'en peuuent seruir en assurance , pourueu qu'ils s'en rendent capables. Son style est simple , desnüé de langage superflus , n'alleguant aucune raison ou tesmoignage pour confirmer son dire, ou du moins rarement.

C'est pourquoy il y a vn si grand goust en tout ce qu'il traicte , il a vne telle energie & emphase ; les sentences & maximes qui s'y rencontrent à tous coups sont si graues , que l'on n'y pourroit rien changer , adiouster , ou diminuer.

C'est vn ouurage entier & accompli, attendu qu'il marque tous les pas pour s'acheminer à la perfection , & comprend tous les principes generaux pour former l'homme interieur, d'où tous peuuent tirer de belles instructions spirituelles.

L'on ne se lasse iamais de le lire, iamais l'on ne s'en degoust; au contraire l'esprit y prend vn plaisir indicible, recommençast-il iusques à mille fois. Car ces principes generaux sont comme des semences qui y sont reseruees, afin que l'ame de l'homme soit purgee, esclairee, & renduë accôplie de tout poinct: somme qu'elle soit transformee en Dieu: il approche fort de l'Ecriture Sainte; car outre ce que nous auons touché cy-dessus, l'on y recognoist ie ne sçay quelle force & vertu de l'esprit diuin, laquelle se glisse si subtilement dans l'ame de celuy qui le lit, & qui l'entend lire (pourueu que ce soit avec deuotion) qu'elle metamorphose entierement son affection, & la fait passer de la creature au Createur. Il contient l'explication de la pratique de la perfection Chrestienne: c'est pourquoy si vous le lisez deuotement, attentiuement, & diligemment; il est hors de doute que vous en remporterez vn grand fruiet. Or vous y deuez remarquer trois chefs de la perfection du Chrestien, que l'Auteur rapporte pelse-messe.

1. Il a pour sa fin la perfection essentielle de la vie Chrestienne.
2. Par quels degrez & chemins l'on arriue à ceste fin.
3. Quel moyens, & instrumens y sont requis.

De la fin.

LA fin laquelle l'Autheur s'est proposé de-
uant les yeux en ce petit traicté est la per-
fection du Chrestien , à laquelle vn chacun est
obligé en quelque façon d'aspirer , & de se por-
ter: Et cette perfection , iacoit qu'elle soit fon-
dee en la seule charité, laquelle vnit l'ame à
Dieu, toutefois pource que la clarté a quatre
effets principaux , sçauoir.

1. De dire le mespris de soy-mesme.
2. De faire abnegation de soy.
3. De rendre l'homme indifferend à tout ce
qui arrive : & qui luy est enuoyé de Dieu.
4. Finalement , d'vnir en sorte nostre volon-
té avec le bon plaisir de Dieu , qu'en vertu de
cet amour alle soit vn mesme esprit avec luy ,
l'Autheur les desduit & traite.

Du mespris de soy-mesme.

Pource que personne ne peut arriuer à la
perfection sans se mespriser, il rapporte
diuers moyens pour l'acquérir : c'est au liu. 1.
ch. 19. l. 2. ch. 2. 6. l. 3. c. 5. 8. 9. 10. 36. 45. 46.
47. 54. 55. 57.

De l'abnegation de soy-mesme.

EN second lieu il parle de l'abnegation de
soy-mesme, avec non moins de diuersité ;
car premierement il monstre combien elle est
necessaire, & qu'elle consiste à se despoüiller
entierement de l'amour propre ; & à la verité

l'amour propre nous priue de la ioye & de la paix, ainsi qu'il se voit au liu. 1. ch. 6. l. 2. c. 1. l. 3. c. 1. De plus, au l. 3. c. 31. & 37. Il monstre que l'on ne peut iouir de l'entiere liberte de l'esprit que l'on ne se destache de l'affection de toutes choses.

2. Il fait diuerſes descriptions de cette Abnegation au liu. 1. ch. 17. liu. 2. ch. 8.

Il l'appelle nudité, liu. 2. ch. 1. 3. chap. 37. 42. 46. 58.

Il la qualifie de victoire de soy-mesme, l. 3. ch. 47. 58.

Il la compare à la mort, l. 3. c. 17. 47. 49. 54. 58.

Il la surnomme de subtraction, liu. 1. c. 6. l. 3. ch. 13. 32.

Il la dit vuidange & évacuation, liu. 4. c. 15. l. 2. c. 9. liu. 3. c. 18. 32. 35. 49.

Il la diuise en deux especes qui sont beaucoup differentes entre-elles, l'vsage desquelles requiert que l'on pratique long-temps la premiere auant que passer à la seconde.

La premiere consiste seulement à moderer & refrener l'affection des choses sensibles, & de la terre; soit qu'elles soient interieures, soit qu'elles soient exterieures: comme pourroit estre l'amour & conuotise des richesses, de l'honneur, des voluptez des parens & plus proches. Il en est parlé au liu. 1. ch. 6. 22. liu. 3. chap.

chap. 13. 31. 42. 46. 47. 48.

La seconde est plus releuee, & connue de peu, & beaucoup moins la pratiquent : car elle est toute spirituelle, elle consiste à se dépoüiller de tout impureté, & propriété, qui souillent souuent l'amour & l'affection que nous portons aux choses celestes & spirituelles, lesquelles quiconque ayme pour l'amour de soy & non pour l'amour de Dieu ; est aisé à voir qu'un tel amour n'est pur, liu. 1. chap. 9. 10. 11. 12. l. 3. ch. 12. 54.

De l'indifference.

L'Ame se disposant principalement à l'union avec son Dieu par la vertu de l'indifference, il faut beaucoup peser ce qui s'en dit dans ce petit volume liu. 2. ch. 11. liu. 3. ch. 16. 19. 24. 29.

De se conformer à la volonté de Dieu.

IL faut aussi peser en quatriesme lieu le dernier effet de la charité, qui consiste en la conformité de nostre volonté au bon plaisir de Dieu. Nous colligerons par-cy par-là, quelqueune des principales descriptions de cette souveraine vertu de nostre Auteur, lesquelles nous représenteront les admirables conditions de la parfaite charité, & en quoy elle consiste. Il l'appelle.

2. Obeir à Dieu selon l'Euangile.
3. Intention pure de Dieu.

546 *Methode de bien vser des liures*

4. Conuersion & retour à Dieu.
5. Chercher, trouuer & sauouer Dieu.
6. L'honneur, la glorification & louange de Dieu.
7. Pur amour, renontiation, resignation.
8. Deliurer, confier & offrir.
9. Reposer en Dieu.
10. Luy apporter tout.
11. Liberté de l'ame.
12. Marcher en verité.
13. Estre obeissant au clin d'œil de Dieu.
14. Se réioüir & delecter en Dieu.
15. Faire estat de Dieu.
16. S'immoler.
17. Se remettre és mains de Dieu.
18. Sortir de soy-mesme, passer en Dieu.
19. Reconnoistre que Dieu nous tient rang de toute chose.
20. Ne s'appuyer sur soy-mesme.
21. N'auoir sentiment de soy, mais de Dieu seul.
22. S'affermir entierement en Dieu.
23. Se sousmettre en Dieu.
24. Plier en ce qui est tortu.
25. Conuertir son cœur vers Dieu seul liu. 1. ch. 3 7. 22. 14. 15. 16. 17. liu. 2. ch. 1. 2. 4. 5. 10. 11 31. l. 3. ch. 7. 27. 10. 15. 16. 17. 18. 30 31. 36 37 38. 42 43. 45 47. 53. 51. 59. 53. l. 4. ch. 7. 8. 9. 12. 13. 15 1.

Des trois moyens d'arriuer à la perfection.

POur acquerir la parfaite charité & pratiquer ses quatre effets, il faut marcher par trois voyes & sentiers, par la purgatiue, illuminatiue & l'vnitiue.

Quand à la purgatiue l'on propose cinq degrez par lesquels il conuient monter, afin que l'ame se purifie entierement.

Le premier est, conceuoir vne grande haine contre le peché pour le fuir, le moyen de l'exciter s'enseigne. liu. 1. ch. 21. où il traite de la composition du cœur. Les poincts suivants y sont grandement propres.

De la ioye d'une bonne conscience, & de la tristesse d'une mauuaise, l. 1. c. 6.

De la haine du peché, l. 3. c. 58.

De la vanité du monde, l. 1. c. 1.

De la consideration de la misere humaine; liu. 1. 2.

De la meditation de la mort, l. 1. c. 23.

De la peine qu'entreine apres soy le peché; chap. 24.

Comme l'on doit pleurer ses pechez; liu. 4. chap. 9.

Le second degré est, de combattre courageusement contre toutes les tentations, crainte de retomber en mesme faute qu'auparauant, ce qui est enseigné, liu. 1. c. 13. liu. 3. c. 7. 13. 26. liu. 4. chap. 10.

Le troisieme, l'auancement que nous faisons tous les iours en la vie spirituelle, par le moyen duquel nous faisant violence, & apportant de l'amendement à nos mœurs, nous chalsons cette tepidité, qui se contentant de la seule grace iustificante, ne veut aucunement travailler à corriger ses imperfections & defauts. L'on ne remporte la victoire sur soy-mesme, que par vn grand soin & desir de se corriger par la mortification, par la fuitte de l'oyfueté, par la pratique des exercices spirituels & de deuotion, & par vne grande ferueur.

Le quatriesme consiste à extirper les mauuaises habitudes, qui ne sont autres que les mauuaises habitudes, qui ne sont autres que les mauuaises inclinations que l'ame a au mal, qui luy sont venuës pour auoir souuent commis des actions mauuaises & vitieuses : & partant pour acquerir la perfection, il faut travailler de tout son pouuoir de s'en faire quitte, & de les entierement déraciner.

Or l'on traite en ce petit liure des moyens & remedes pour se faire quitte des mauuaises habitudes, non à la verité de toutes, mais d'aucunes qui ont de coustume d'assiéger les ames des personnes deuotes & spirituelles, que la curiosité, le babil, la presumption d'esprit, les esperances vaines, la trop grande facilité de croire, les familiaritez excessiues, le propre senti-

ment, les iugemens temeraires, les sciences & connoissances, friuoles, les raualemens de cœur, l'attache aux biens de fortune, liu. 1. c. 20. 10. 13. 22. l. 2. c. 5. l. 3. c. 28. 48. 50.

Le cinquiésme consiste à mortifier ses passios. Il faut voir ce qui en a esté dit traittant de l'abnegation de soy-mesme cy-dessus, l. 1. ch. 6. 13. l. 3. c. 3. 6. 31. 37.

Quant à la voye illuminatiue, qui consiste en l'exercice des vertus, que l'on life ce qu'a esté dit du mespris de soy-mesme, l. 2. ch. 12. l. 3. c. 1. 8. 9. 15. 22. 45. 46. 52. 55.

De la patience és aduersitez, &c. l. 1. ch. 22. l. 2. c. 3. 10. 11. 12. l. 3. c. 13. 10. 21. 33. 34. 35. 41. 51. 52. 56.

De la charité à l'endroit du prochain, & des œuures faites par la charité, l. 1. c. 15. 16.

De l'obeissance, l. 1. c. 9. 3. c. 14. 54.

De la paix, l. 1. c. 3. 6. l. 3. c. 25. 29.

De la connoissance, l. 2. c. 6. l. 3. c. 11. 24. 26.

D'esleuer son esperance en Dieu, & de la confiance que l'on doit auoir en la prouidence diuine, l. 2. c. 11. l. 3. c. 35. 44.

De la temperance, liu. 3. c. 30.

D'autant que les exemples nous excitent davantage à la vertu que les paroles, l'on met des exemples deuant les yeux, l. 1. c. 18.

Quant à la voye vnitiue, laquelle conioint l'homme à Dieu, par le moyen d'une parfaite

550 *Methode de bien vser des liures*
charité recourez à ce qui en a esté dit traittant
comme nous deuons conformer nos voloniez
à celle de Dieu.

Considerez semblablement les marques du
vray amour, qui consiste en pratique, pource
qu'il ne traite pas de la voye vnitiue mysti-
que, qui consiste en des extases & rauissemens
d'esprit, bien qu'il en fasse cas au l. 3. c. 3.

Il fait doncques seulement profession d'en-
seigner la voye vnitiue pratique, comme il se
collige de ce qui a esté dit cy-dessus des quatre
effets de la charité, & de quelques autres mar-
ques.

La premiere desquelles est d'endurer pa-
tiemment, l. 2. c. 11. l. 3. c. 6. 7.

Treize autres marques setrouuent au liu. 2.
chap. 6. 7.

La quinziesme se reconnoist de nos pensees
& de nos paroles, l. 3. c. 53.

La seiziesme, les continuels souspirs vers
Dieu, liu. 3. ch. 23.

La dix-septiesme, la pureté des intentions,
l. 2. c. 4. l. 3. ch. 28.

La dix-huictiesme, que Dieu seul soit en
possession de nostre cœur, l. 2. ch. 7. 8.

La dix-neufiesme, il engendre vne tres-
grande accointance & familiarité.

La vingtiesme, il n'a en affection que ce qui
plust à Dieu. l. 3. ch. 16.

La vingt-vniesme, son recōfort & salut estre en Dieu, l. 3. ch. 10.

La vingt-deuxiesme, il luy rapporte tout comme à la fin, l. 3. c. 10.

Il y a des instrumens necessaires pour acquerir la perfection, beaucoup plus que pour acquerir quelque science que ce soit.

Ces instrumens sont ou internes ou externes: les internes sont la grace de Dieu, l'Oraison, l'examen, sçauoir discerner les esprits, & les choisir. Les externes sont la conduite, la lecture des bons liures, la retraite & la solitude, la vie Religieuse & la fréquēte Cōmunion.

Le principal de tous ces instrumens, & celuy qui tient le premier rang, c'est la grace de Dieu, laquelle est vn don surnaturel & diuin que Dieu nous communique gratuitement par sa pure bonté, par le moyen duquel la nature corrompue, & de soy portee au mal, est perfectionnee en telle sorte, guarie & fortifiee, qu'elle peut non seulement aysément se garder de pecher, ains de plus, arriuer au comble de sa perfection, par le sentier des vertus. Mais comme il s'en trouue qui s'addonnent en telle sorte à l'exercice des mortifications & des vertus, qu'ils s'appuyent plus sur eux-mesmes, que sur la grace diuine; ce qui ressent son pelagianisme. Il nous détourne de cet écueil & achoppemēt, lors qu'il nous enseigne de rapporter tout à la grace, l. 3.

Et pour ce souuent il se retourne deuers Dieu, & le prie luy demandant ce qu'il aduoüe ne pouuoir obtenir par aucune force de la nature, liu. 3. ch. 4. 17. 26. 27. 31. 32. 35.

Au mesme lieu il implore l'assistance d'en-haut, pour recouurer la deuotion interieure, quelque lumiere, &c. Et afin qu'il nous porte à la recherche de cette grace, il monstre combien elle nous est necessaire, l. 2. c. 8. 12. l. 3. c. 9. 15. 17

Le second instrument pour obtenir la grace, & arriuer à la perfectiõ, c'est l'Oraison. Il n'enseigne point de moyen de la faire: mais vous en pourrez tirer des receptes de la façon qu'il tient à prier, & certainement la pratique est beaucoup plus vile que la theorie.

*Trois choses principales à remarquer
en l'Oraison.*

1. **Q**ue la perfection ne consiste en la seule & vniue contemplantion des choses diuines, ou au discours interieur, qui est suivy pour l'ordinaire de quelque goust spirituel: mais qu'elle se rapporte à l'action, & à l'œuvre, c'est à dire, à bien ordonner nostre vie, en sorte que nous soyons conduits de la lumiere, pratique de l'Oraison, & mieux efficacement à travailler, l. 3. c. 17. 30. 32.

2. Qu'il y a plusieurs differents sujets de l'Oraison, attendu qu'elle n'est aucunement limitée, & qu'elle a pour obieſt toutes les choses diuines & humaines, créées & incréées. Ce petit liuret peut fournir des matieres tres-propres, mais sur tout, il enseigne qu'il se faut arrester sur les myſteres de la vie & mort de nostre Seigneur Iesus-Christ, l. 1. c. 1. l. 2. c. 1.

3. Quel'Oraison a trois parties, la disposition, ou preparation, la meditation & le colloque.

Quant à la preparation, considere combien elle est importante, elle tasche de s'exciter en l'ame vn grand desir de faire l'Oraison, liu. 3. c. 7. 27. 45. 55. 58.

L'on demande aussi le diuin secours pour chasser les distractions : En troisieme lieu, auant que commencer l'Oraison, l'on fait vn acte de religion tres-necessaire, qui consiste en l'adoration de Dieu, d'vn souuerain culte.

Or il est tres-necessaire que ceux qui commencent s'exercent long-temps en cet acte, puis qu'il baille entrée à tous les autres qui s'expliquent par apres, & l'adoration n'est riē qu'vn acte d'honneur & de reuerence que l'on rend à Dieu, qui procede de la cognoissance de nostre infirmité & bassesse, & de la grâdeur de Dieu, pourquoy nous nous humilions ainsi qu'il se voit, l. 3. c. 4. 9. 45. l. 4. c. 1.

Quant à la Meditation puis qu'elle consiste

554 *Methode de bien vser des liures*

principalement à exciter diuerses affections, & passions, qui s'ensuiuent de la consideration de quelque chose, l'on en trouue quelques exemples des principales.

Comme de l'admiration qui s'exprime d'ordinaire avec exclamation, comme par exemple, O combien grâde est la ferueur de tous les Religieux, liu. 1. c. 18. 22. l. 3. c. 6. 11. 49. l. 4. c. 1. 3. 11. 13.

De douleur, de componction, de vergongne, de confusion, d'accusation, de reproche à soy-mesme: par exemple; O auuglement & dureté des cœurs humains: Il entre en suite en confusion à la consideration des exemples du procedé du monde, l. 1. ch. 12. 18. 23. 24. l. 3. c. 3. 4. 22. 51. l. 4. c. 1. 7. 9. 14.

La crainte qui s'engendre par la consideration de la mort du iugement, l. 1. ch. 23. 24. l. 3. ch. 5. 15.

L'esperance, qui empesche que l'on ne perde courage, mais qu'appuyé sur l'ayde de Dieu, qu'il s'assure pouuoir satisfaire à tous les commandemens de Dieu, à cela sert grandement ce qui a esté dit cy dessus de la grace de Dieu, car l'esperance a pour principal fondement la grace de Dieu, l. 3. c. 19. 20. 21. 35. 51.

D'un grand desir par des soulpirs & exclamations vers Dieu, ou bien pour le regard de la vie eternelle, ou bien pour la grace, &c. com-

me. O quand viendra ce iour, l. 4. c. 17. 13. l. 3. c. 22. 23. 39. 53. l. 1. c. 11. 15. 20. 25.

D'amour diuin, lequel si tost qu'il s'empare du cœur de celuy qui ayme, il le rait hors de foy-mefme, & le transporte en Dieu, avec lequel il est fait vn par vne intime familiarité, d'où procede ceste conformité de volonté, de laquelle nous auons parlé cy-deffus. Il faut en outre prendre garde à certaines aspirations vers Dieu, de ferueur qui viennent de ce brasier d'amour, comme celle-cy. O Dieu Verité ! faites que ie sois vn avec vous, par le lien indissoluble de charité, l. 1. c. 3. 6. 11. 23. l. 4. c. 17.

D'action de grace, & de louange à Dieu, la façon de la faire se voit, l. 3. c. 6. 9. 11. 24. 34. 45. 55.

Vne oblation faite à Dieu de son propre mouuement, l. 3. c. 16. 42. 55.

La demande de quelque don, le modelle de laquelle se voit parmy le liure 3. c. 4. 6. 16. 7. 26. 30. 32. 27. 34. 9. l. 4. c. 9. 16.

Ce sont les principales affections & actes de la Meditation, lesquels se doiuent tous rapporter à vn but, ſçauoir, de se rendre attentif aux diuines inspirations. Or avec combien grande deuotion & reuerence les faut-il receuoir, puis qu'elles ne sont autre chose qu'un langage & parler de Dieu, pour nous bailler à cognoistre ſa diuine volonté, l'on l'enseigne, l. 1. ch. 2. 3. l. 3. c. 1. 2. 3.

Suit le Colloque qui est la derniere partie de l'Oraison, bien qu'il soit loisible d'en inserer parmy les autres parties, pour ce que ce sont certains entretiens pleins de ferueurs, & deuis familiers avec Dieu, esquelles le S. Esprit excite diuerses affections, pourquoy pratique, l'on ne prescrit aucun precepte assure; Voyez toutesfois, l. 4. c. 1. 6. 13.

Considerez aussi les belles formules de colloques, es chapitres cottez cy-dessus: Car ores l'ame parle avec Dieu, ores elle l'escoute attentiuement, remarquez comme l'Auteur traite diuerses affections, tantost il demande la grace de deuotion, tantost il fait des plaintes, ores il se lamente, ores il se tanse & reprimende aigrement, & fait paroistre les desirs dont il est espris. Il se fait des demâdes pour se retirer d'un engourdissement, il fait des exclamations cōme s'il estoit oppressé de douleur, rauy en admiration, &c. Il se sert de comparaisons, d'antitheses qui esmeuent grandement vne ame à faire & agir: le mesme sont les exemples des ames deuotes & la confirmation de la volonté qui se monstre constante au bien, liu. 3. c. 3. 9. 11. 13. 14. 15. 23. 39. 54. liu. 2. ch. 12. liu. 1. c. 8. 22. 23. 24. 25.

Le troisieme instrument est, l'examen de conscience que l'on doit faire souuent, au moins deux fois le iour, l. 1. c. 10. pour se corriger de

ses imperfections, & defauts particuliers, & quant à ceux qui sont plus avancez en la perfection, pour y sonder & recognoistre la fin à laquelle se porte leurs desirs, l. 3. c. 12.

La discretion des esprits est aussi vn instrument grand & à priser, lequel n'est autre qu'une lumiere interieure, necessaire pour discerner les bons mouuemens de l'ame d'avec les mauuais, ceux de la nature d'avec ceux de la grace. Par le moyen d'icelle, l'on descouure aussi plusieurs choses qui appartiennent à la perfection de la vie Chrestienne.

Et pour ce que l'Autheur en traite par cy, par là, il faut reduire tout ce qu'il en a dit a quelques chefs.

Premierement, il faut considerer attentivement si les mouuemens internes de l'ame viennent de Dieu, & en choses douteuse, de pancher plus d'un costé que d'un autre : mais remettre le tout entre les mains de Dieu, & luy recommander, l. 3. ch. 12. 16.

2. Il faut diligemment prendre garde aux mouuemens de la nature & de la grace, pour ce qu'ils sont diametralement opposez. Il rapporte plusieurs differences qui se rapportent principalement à vne, sçauoir est, que la nature se recherche elle-mesme, & recherche ses commoditez & aises, la grace au contraire, porte au mespris de soy-mesme à volontiers embrasser toutes

fortes de maux, & à seulement chercher Dieu; ce qu'il faut examiner, d'autât que l'amour propre trompe souz pretexte de bien, l. 3. c. 59.

3. Considerer de prés les vertus, & prendre garde si elles sont vrayes & solides, ou feintes; & creuses, l. 1. c. 9. 15. 11. 17. 19. l. 3. c. 22. 5.

4. Peser les consolatiōs, ou desolatiōs, & recognoistre si elles sont bonnes. Or l'Autheur iuge celles-là bōnes qui nous humiliēt, & nous portēt à vne cōpunctiō, l. 2. c. 10. 11. 12. l. 3. c. 40.

5. Que la perfectiō & le progrès ne se mesurent de l'abondance des consolations, ny au cōtraire. Mais que c'est vn tesmoignage de grāde vertu de supporter fans repugnance leur priuation, liu. 2. c. 9. 12. liu. 3. c. 8. 29.

6. Comme il se faut comporter touchant les consolations, que premierement il ne les faut rechercher avec trop d'auidité, qu'il se faut humilier & craindre pour les conseruer, liu. 2. c. 9. Qu'il en faut rēdre graces à Dieu, mais nous y attacher, qu'il faut les receuoir afin qu'elles nous fortifiēt, que Dieu les enuoye aux foibles, qu'il faut craindre de s'y cōporter indiscretēmēt, & pēser aux desolatiōs qui peuuēt s'ensuire, l. 3. c. 6. 8.

7. Cōme il se faut cōporter pendāt les desolations, 1. qu'il ne faut perdre esperance, 2. qu'il faut remercier cōme d'un signalé biē fait, 3. recognoistre que Dieu nous humilie afin de nous rendre plus à soy, 4. afin que nous offrions à

Iuy, & que nous nous portions indifferemment à tout ce qu'il luy plaist, 5. afin que nous ne quittions point la pratique des bonnes œuvres, mais, &c. 6. que nous considerions les profits qui viennent de ces desolations, d'humilité, ne prendre consolation qu'en Dieu seul, & non aux hommes, &c. qu'aussi nous embellissions nostre ame, l. 2. c. 9. 10. 11. 12. l. 3. ch. 8. 15. 55. l. 4. chap. 15.

8. Armer & fortifier son ame contre l'apathie ou insensibilité; car certains mettent la perfection à estre exempt de tentation, & l'Auteur enseigne qu'il n'y a point de mal à estre tenté, l. 1. c. 13. l. 2. ch. 9. l. 3. c. 7.

Le cinquieme instrument pour arriuer à la perfection, c'est le choix de ce qui est meilleur & plus aisé pour acquerir la derniere fin; pour à laquelle nous acheminer il enseigne diuers moyens.

1. Qu'au choix de quelque chose que ce soit nous ayons deuant les yeux, & pour but, la derniere fin, c'est à dire la gloire de Dieu, l. 3. c. 10.

2. Que l'on se détache des affections qui portent à la creature.

3. Ayant deuant les yeux la derniere fin de meurons en difference prest d'embrasser tout ce que nous trouuerons faire dauantage à la gloire de Dieu, & à nostre salut, l. 3. c. 4.

3. Et pour lors il faut que nous ayons recours

à la diuine bonté, & à ce qu'il luy plaise éclairer nostre ame, & pouffer nostre volonté à tout ce qui sera de son bon plaisir, liu. 3. c. 16.

4. Faisons vne recherche, & examinons de quel mouuement nous nous porterons à faire tel choix, l. 3. c. 13.

Le sixiesme instrument est la direction, c'est à sçauoir, que nous ayons vn guide & directeur bien experimenté, l. 1. c. 4. 8. 9. & 10.

Le septiesme est, la lecture des bons liurès, l. 1. c. 5. l. 3. c. 4. l. 4. c. 11.

Le huitiesme est, la retraicte interieure, & exterieure, l. 1. c. 20. 9. 19. 21. l. 2. c. 1. l. 3. chap. 36.

Le neufliesme, la vie Religieuse, de laquelle il met en auant sept conditions, l. 1. c. 17. 19. liu. 3. chap. 11.

Le dixiesme, le frequent vsage de la sainte Communion, de laquelle il traite en tout le quatriesme: Considerez premierement la reuerence avec laquelle il s'en faut approcher, avec combien grand desir, avec quelle pureté de la grace qui nous y est presentee, le grand amour de Dieu à nostre endroict, en entrer en confusion, descouvrir neantmoins ses necessitez, exciter en soy quelques affections, & estre sur la grace de son cœur, &c.

F I N.

L E S



LES LITANIES

du saint Nom de IESVS.

K Yrie eleison. Christe eleison. Kyrie	
eleison. Iesu audi nos. Iesu exaudi nos.	
Pater de cœlis Deus,	Miserere nobis.
Fili Redemptor mundi Deus,	Miserere nobis.
Spiritus sancte Deus,	Miserere nobis.
Sancta Trinitas vnus Deus,	Miserere nobis.
Iesu fili Dei viui,	Miserere nobis.
Iesu splendor Patris,	Miserere nobis.
Iesu candor lucis æternæ,	Miserere nobis.
Iesu Rex gloriæ,	Miserere nobis.
Iesu sol iustitiæ,	Miserere nobis.
Iesu fili Mariæ Virginis,	Miserere nobis.
Iesu admirabilis,	Miserere nobis.
Iesu Deus fortis,	Miserere nobis.
Iesu Pater futuri sæculi,	Miserere nobis.
Iesu magni consilij Angele,	Miserere nobis.
Iesu potentissime,	Miserere nobis.
Iesu patientissime,	Miserere nobis.
Iesu obedientissime,	Miserere nobis.
Iesu mitis & humilis corde,	Miserere nobis.
Iesu amator castitatis,	Miserere nobis.
Iesu amator noster,	Miserere nobis.
Iesu decus pacis,	Miserere nobis.

Iesu auctor vitæ,	Miserere nobis.
Iesu exemplar virtutum,	Miserere nobis.
Iesu zelator animarum,	Miserere nobis.
Iesu Deus noster,	Miserere nobis.
Iesu refugium nostrum,	Miserere nobis.
Iesu Pater pauperum,	Miserere nobis.
Iesu thesaurus fidelium,	Miserere nobis.
Iesu bone pastor,	Miserere nobis.
Iesu lux vera.	Miserere nobis.
Iesu sapientia æterna,	Miserere nobis.
Iesu bonitas infinita,	Miserere nobis.
Iesu via & vita nostra,	Miserere nobis.
Iesu gaudium Angelorum,	Miserere nobis.
Iesu magister Apostolorum,	Miserere nobis.
Iesu doctor Euangelistarum,	Miserere nobis.
Iesu fortitudo Martyrum,	Miserere nobis.
Iesu lumen Confessorum,	Miserere nobis.
Iesu puritas Virginum,	Miserere nobis.
Iesu corona Sanctorum omnium,	Miserere nobis.
Propitius esto,	Parce nobis Iesu.
Propitius esto,	Exaudi nos Iesu.
Ab omni peccato,	Libera nos Iesu.
Ab ira tua,	Libera nos Iesu.
Ab insidiis diaboli,	Libera nos Iesu.
A spiritu fornicationis,	Libera nos Iesu.
A morte perpetua,	Libera nos Iesu.
A Dæmonum malis inspirationibus.	Libera.
Per mysterium sanctæ Incarnationis tuæ.	Lib.
Per Natiuitatem tuam,	Libera nos Iesu.

Per Infantiam tuam , Libera nos Iesu.
Per Diuinissimam vitam tuam, Libera nos Iesu.
Per labores tuos , Libera nos Iesu.
Per Agoniam & Passionem tuam, Libera nos.
Per Crucem & derelictionem tuam, Libera.
Per langores tuos , Libera nos Iesu.
Per Mortem & sepulturam tuam , Libera nos.
Per Resurrectionem tuam, Libera nos Iesu.
Per Ascensionem tuam, Libera nos Iesu.
Per gaudia tua , Libera nos Iesu.
Per gloriam tuam , Libera nos Iesu.
Agnus Dei qui tollis peccata mundi , Exaudi
nos Iesu.

Agnus Dei qui tollis peccata mundi , Exaudi
nos Iesu.

Agnus Dei qui tollis peccata mundi , miserere
nobis Iesu.

Iesu audi nos. Iesu exaudi nos. *Oraison.*

Domine Iesu Christe, qui dixisti, Petite &
accipietis, quærite & inuenietis, pulsate
& aperietur vobis: quæsumus da nobis peten-
tibus Diuinissimi tui amoris effectum, vt toto
corde, ore & opere diligamus & à tua nun-
quam laude cessemus.

Humanitatis tuæ ipsa Diuinitate vnctæ,
Domine Iesu Christe, timorem pariter
& amorem fac nos habere perpetuum: quia
nunquam tua gubernatione destituis, quos in
soliditate tuæ dilectionis instituisti. Qui cum Pa-

tre & Spiritu sancto viuis & regnas Deus per
omnia sæcula sæculorum, Amen.

Vers. Exaudi nos Domine Iesu Christe.

Resp. Nunc & semper, Amen.



LES LITANIES
de la Vierge Marie.

K Yrie eleison. Christe eleison. Kyrie elei-
son. Christe audi nos. Christe exaudi nos.
Pater de cœlis Deus, miserere nobis.

Fili Redemptor mundi Deus,	miserere nobis.
Spiritus sancte Deus,	Miserere nobis.
Sancta Trinitas vnus Deus,	Miserere nobis.
Sancta Maria,	Ora pro nobis.
Sancta Dei genitrix,	ora pro nobis.
Sancta Virgo Virginum,	ora pro nobis.
Mater Christi,	ora pro nobis.
Mater diuinæ gratiæ.	ora pro nobis.
Mater purissima,	ora pro nobis.
Mater castissima,	ora pro nobis.
Mater inuiolata,	ora pro nobis.
Mater intemerata.	ora pro nobis.
Mater amabilis,	ora pro nobis.
Mater admirabilis,	ora pro nobis.
Mater Creatoris,	ora pro nobis.

Mater Saluatoris,	ora pro nobis.
Virgo prudentissima,	ora pro nobis.
Virgo Veneranda,	ora pro nobis.
Virgo prædicanda,	ora pro nobis.
Virgo potens,	ora pro nobis.
Virgo clemens,	ora pro nobis.
Virgo fidelis,	ora pro nobis.
Speculum iustitiæ,	ora pro nobis.
Causa nostræ lætitiæ.	ora pro nobis.
Sedes sapientiæ.	ora pro nobis.
Vas spirituale,	ora pro nobis.
Vas honorabile,	ora pro nobis.
Vas insignæ deuotionis,	ora pro nobis.
Rosa mystica,	ora pro nobis.
Turris Daudica,	ora pro nobis.
Turris eburnea,	ora pro nobis.
Domus aurea,	ora pro nobis.
Fœdelis arca,	ora pro nobis.
Ianua cœli,	ora pro nobis.
Stella matutina.	ora pro nobis.
Salus infirmorum,	ora pro nobis.
Refugium peccatorum,	ora pro nobis.
Consolatrix afflictorum,	ora pro nobis.
Auxilium Christianorum,	ora pro nobis.
Regina Angelorum,	ora pro nobis.
Regina Patriarcharum,	ora pro nobis.
Regina Prophetarum,	ora pro nobis.
Regina Apostolorum,	ora pro nobis.
Regina Martyrum,	ora pro nobis.

Regina Confessorum , ora pro nobis.

Regina Virginum , ora pro nobis.

Regina Sanctorum omnium , ora pro nobis.

Agnus Dei qui tollis peccata mundi. Parce nobis Domine.

Agnus Dei qui tollis peccata mundi, Exaudi nos Domine.

Agnus Dei qui tollis peccata mundi, Misere-
re nobis.

Christe audi nos.

Christe exaudi nos.

Oremus.

DEus ineffabilis misericordiæ , qui non so-
lum homo , sed etiam Filius hominis
fieri dignatus es, & mulierem Matrem in terris
habere voluisti , qui Deum Patrem habebas in
cœlis : Da nobis quesumus , eius memoriam
deuotè celebrare , eius Maternitatem summè
venerari, ac eius super excellentissimæ dignita-
ti humilimè subesse , quæ te de Spiritu sancto
concepit , te Virgo peperit , & te in terris sibi
subditum habuit , Dominum nostrum Iesum
Christum Filium Dei vnigenitum, qui cum eo-
dem Patre & Spiritu sancto , viuis & regnas in
sæcula sæculorum. Amen.

*Oraison à la Vierge, tendant à ce que par son
Fils Iesus-Christ nostre Redempteur,
nous soyons guarantis de la peste,
& mort subite.*

S Stella cœli extirpauit,
Quæ lactauit Christum Dominum,
Mortis pestem, quam plantauit,
Primus Parens hominum.
Ipsa Stella dignetur,
Sydera compescere:
Quorum bella plebem cædunt,
Diræ mortis vlcere.
O gloriosa Stella maris,
A peste succure nobis,
Audi nos, Maria:
Nam te filius nihil negans,
Te honorans,
Salua nos, Missia Iesu,
Pro quibus Virgo mater orat.

Vers. Ora pro nobis piissima Deigenitrix.

Resp. Qui contriuiisti caput serpentis, auxiliare nobis.

Oremus.

Deus misericordiæ, Deus pietatis, Deus
indulgentiæ, qui misertus super afflictio-
nem populi tui, dixisti Angelo percutienti po-

pulum tuum : Contine manum tuam. Ob amorem illius Stellæ gloriosæ, cuius vbera preciosa contra venenum nostrorum delictorum, dulciter suxisti, præsta auxilium gratiæ, & vt ab omni peste, & improuisa morte securè liberemur. Per te, Iesu Christe, Rex gloriæ. Qui cum Patre & Spiritu sancto, viuis & regnas Deus per omnia sæcula sæculorum. Amen.

FINIS.

Approbation des Docteurs.

NOVS soubs-fignez Docteurs en Theologie de la Faculté de Paris, certifions auoir leu les quatre Liures de l'Imitation de IESVS, avec la Methode en forme de pratique spirituelle, dressée en Latin, & traduite nouuellement en François, esquels n'auons rien trouué qui ne soit conforme à la croyance de l'Eglise Catholique, Apostolique & Romaine, ains y voyons grandement utile aux ames addonnées à la piété. En tesmoin dequoy nous auons icy mis nos seings. Fait à Paris ce 24. Decembre 1621.

A. SOTO.

I. B. ISAMBERT.

660. PEASIDY

242.1

132T

1645

6.1

7529302

01my19

$ \begin{array}{r} 31266 \\ \hline 24100 \\ 4446 \\ \hline 44 \\ 242 \end{array} $	$ \begin{array}{r} 31218 \\ \hline 05160 \\ 4696 \\ \hline 44 \\ 642 \end{array} $
--	--

